


國家圖書館, NATIONAL CENTRAL LIBRARY, TAIWAN, R.O.C.

集不見刻豈非恨  
也豈士大夫索其名  
者實亦有形未  
至將由學道者衆



國家圖書館 NATIONAL CENTRAL LIBRARY TAIWAN, R.O.C.



無所事乎以此也  
將去甫及此處  
覺民子能以徐力  
成之乎福及見其

成乎夫成  
已三月上漸日萬

書

李翰林集

草堂集序

宣州當塗縣令李陽冰

李白字太白隴西成紀人涼武昭王嵩九世孫蟬聯  
廷組世為顯著中葉非罪謫居條支易姓與名然自  
窮蟬至舜七世為庶累世不大曜亦可歎焉神龍之  
始逃歸于蜀復指李樹而生伯陽驚姜之夕長庚入  
夢故生而名白以太白字之世稱太白之精得之矣  
不讀非聖人之書耻為鄭衛之作故其言多似天仙  
之辭凡所著述言多諷興自三代已來風騷之後馳



驅屈宋鞭撻揚馬千載獨步唯公一人故王公趨風  
列岳結軌群賢翕習如鳥歸鳳盧黃門云陳拾遺橫  
制頽波天下質文翕然一變至今朝詩體尚有梁陳  
宮掖之風至公大變掃地併盡今古文集過而不行  
唯公文章橫被六合可謂力敵造化歟天寶中皇祖  
下詔徵就金馬降輦步迎如見綺皓以七寶牀賜食  
御手調羹以飯之謂曰卿是布衣名為朕知非素畜  
道義何以及此置于金鑿殿出入翰林中問以國政  
潛草詔誥人無知者醜正同列害能成謗格言不入  
帝用踈之公乃浪跡縱酒以自昏穢詠歌之際屢稱

東山又與賀知章崔宗之等目為八仙之遊謂公謫  
仙人朝列賦謫仙人謠凡數百首多言公之不得意  
天子知其不可留乃賜金歸之遂就從祖陳留採訪  
大使彥允請北海高天師授道籙於齊州紫極宮將  
東歸蓬萊仍羽人駕丹丘耳陽冰試絃歌於當塗心  
非所好公遂不棄我扁舟而相歡臨當挂冠公又疾  
殫草文萬卷手集未修枕上授簡俾余為序論關雎  
之義始愧卜商明春秋之辭終慙杜預自中原有事  
公避地八年當時著述十喪其九今存者皆得之他  
人焉時寶應元年十一月乙酉序

李翰林別集序

朝散大夫行尚書職方員外郎直史館  
上柱國樂文

李翰林歌詩李陽冰纂爲草堂集十卷史又別收歌  
詩十卷與草堂集互有得失因校勘排爲二十卷號  
曰李翰林集今於三館中得李白賦序表讚書頌等  
亦排爲十卷號曰李翰林別集翰林在唐天寶中賀  
秘監開於明皇帝召見金鑾殿降輦步迎如見綺皓  
草和蕃書思若懸河帝嘉之七寶方丈賜食於前御  
手調羹於是置之金鑾殿出入翰林中其諸事跡草

堂集序范傳正撰新墓碑亦略而詳矣史又撰李白  
傳一卷事又稍周然有三事近方得之開元中禁中

初重木芍藥即今牡丹也

開元天寶花木記云禁中呼木芍藥爲牡丹

四本紅紫淺紅通白者上因移植於興慶池東沉香

亭前會花方繁開上乘照夜車太真妃以步輦從詔

選梨園弟子中尤者得樂一十六色李龜年以歌擅

一時之名手捧檀板押衆樂前將欲歌之上曰賞名

花對妃子焉用舊樂辭焉遽命龜年持金花牋宣賜

翰林供奉李白立進清平調詞三章白欣然承詔旨

猶若宿醒未解因援筆賦之其一曰雲想衣裳花想

容春風拂檻露華濃若非群玉山頭見會向瑤臺月下逢其二曰一枝紅艷露凝香雲雨巫山枉斷腸借問漢宮誰得似可憐飛燕倚新粧其三曰名花傾國兩相歡長得君王帶笑看解釋春風無限恨沉香亭北倚闌干龜年以歌辭進上命梨園弟子略約調撫絲竹遂促龜年以歌之太真妃持頗黎七寶杯酌西涼州蒲萄酒笑領歌辭意甚厚上因調玉笛以倚曲每曲徧將換則遲其聲以媚之太真妃飲罷歛繡巾重拜上自是顧李翰林尤異於諸學士會高力士終以脫靴爲深耻異日太真妃重吟前辭力士曰始爲

妃子怨李白深入骨前何微拳拳如是耶太真妃因驚曰何翰林學士能欲奪人如斯力士曰以飛燕指妃子賤之甚矣太真妃頗深然之上嘗三欲命李白官卒爲宮中所捍而止白嘗有知鑒容并州識汾陽王郭子儀於行伍間爲脫其刑責而獎重之及翰林坐永王之事汾陽功成請以官爵贖翰林上許之因而免誅翰林之知人如此汾陽之報德如彼白之從第令問常目白曰兄心肝五臟皆錦繡耶不然何開口成文揮翰霧散耳傳中漏此三事今書於序中白有歌云吟詩作賦北窓裏萬言不及一杯水蓋歎乎

有其時而無其位嗚呼以翰林之才名遇玄宗之知見而乃飄零如是宋中丞薦於聖真云一命不露四海稱屈得非命歟白居易贈劉禹錫詩云詩稱國手徒爲爾命壓人頭不柰何斯言不虛矣凡百有位無自輕焉撰集之次聊存梗槩而已時在繞雷州中咸平元年三月三日序

李翰林集序

前進士魏顥

自盤古劃天地天地之氣戾于西南劍門上斷橫江下絕岷峨之曲別爲錦川蜀之人無聞則已聞則傑

出是生相如君平王褒楊雄降有陳子昂李白皆五百年矣白本隴西乃放形因家於綿身旣生蜀則江山英秀伏羲造書契後文章濫觴者六經六經糟粕離騷離騷糠粃建安七子七子至白中有蘭芳情理宛約詞句妍麗白與古人爭長三字九言鬼出神入瞪若乎後耳白久居峨眉與丹丘因持盈法師達白亦因之入翰林名動京師大鵬賦時家藏一本故賓客賀公奇白風骨呼爲謫仙子由是朝廷作歌數百篇上皇豫游召白白時爲貴門邀飲比至半醉令製出師詔不草而成許中書舍人以張垧讒逐游海岱



間年五十餘尚無祿位祿位拘常人橫海鷗負天鵬  
豈池籠榮之顯始名萬次名矣萬之日不遠命駕江  
東訪白游天台還廣陵見之眸子炯然哆如餓虎或  
時東帶風流醞藉曾授道籙于齊有青綺冠帔一副  
少任俠手刃數人與友自荆徂揚路亡權窆迴棹方  
暑亡友糜潰白收其骨江路而舟又長揖韓荆州荆  
州延飲白悞拜韓讓之白曰酒以成禮荆州大悅白  
始娶于許生一女一男曰明月奴女既嫁而卒又合  
于劉劉訣次合于魯一婦人生子曰頗黎終娶于宋  
間携昭陽金陵之妓迹類謝康樂世號爲李東山駿

馬羨妾所適二千石郊迎飲數斗醉則奴丹砂撫青  
海波滿堂不樂白宰酒則樂顥平生自負人或爲狂  
白相見泯合有贈之作謂余爾後必著大名於天下  
無忘老夫與明月奴因盡出其文命顥爲集顥今登  
第宜符言耶解携明年四海大盜宗室有潭者白陷  
焉謫居夜郎罪不至此屢經昭洗朝廷忍白又爲長  
沙汨羅之儔路遠不存否極則泰白宜自寬吾觀白  
之文義有濟代命然千鈞之弩魏王大瓠用之有時  
議者柰何以白有叔夜之短儻黃祖過禰晉帝罪阮  
古無其賢所謂仲尼不假蓋於子夏經亂辭白章句

蕩盡上元末顥於絳偶然得之沉吟累年一字不下  
今日懷舊援筆成序首以贈顥作顥酬白詩不忘故  
人也次以大鵬賦古樂府諸篇積新而錄文有差互  
者兩舉之白未絕筆吾其再刊付男平津子掌其他  
事跡存於後序

李翰林集序

曾鞏

李白詩集二十卷舊七百若干篇今九百若干篇者  
知制誥常山宋敏求字次道之所廣也次道旣以類  
廣白詩自爲序而未考次其作之先後余得其書考

其先後而次第之蓋白蜀郡人初隱岷山出居湖漢  
之間南游江淮至楚觀雲夢許氏者高宗時宰相國  
師之家也以女妻白因留雲夢者三年去之齊魯居  
徂來山竹溪入吳至長安明皇聞其名召見以爲翰  
林供奉頃之不合去北抵趙魏燕晉西涉岐邠歷商  
於至洛陽遊梁最久復之齊魯南浮淮泗再入吳轉  
涉金陵上秋浦抵潯陽天寶十四載安祿山反明年  
明皇在蜀永王璘節度東南白時卧廬山璘迫致之  
璘軍敗丹陽白奔至宿松繫潯陽獄宣撫大使崔旆  
與御史中丞宋若思驗白以爲罪薄宜貫而若思軍

赴河南遂釋白囚使謀其軍事上書肅宗薦白才可用不報是時白年五十有七矣終以璘事長流夜郎遂泛洞庭上峽江至巫山以赦得釋憇岳陽江夏久之復如潯陽過金陵徘徊於歷陽宣城二郡其族人陽冰爲當塗令白過之以病卒年六十有四是寶應元年也其始終更涉如此此白之詩書所自序可考者也范傳正爲白墓誌稱白偶乘扁舟一日千里或遇勝景終年不移則見於白之自序者蓋亦其略也舊史稱白山東人爲翰林待詔又稱永王璘節度揚州白在宣城謁見遂辟爲從事而新書又稱白流夜

郎還潯陽坐事下獄宋若思釋之者皆不合於白之自序蓋史誤也白之詩連類引義雖中於法度者寡然其辭閎肆雋偉殆騷人所不及近世所未有也舊史稱白有逸才志氣宏放飄然有超世之志余以爲實錄而新書不著其語故錄之使覽者得詳焉

故翰林學士李君墓誌 并序

李華

嗚呼姑孰東南青山北世有唐高士李白之墓嗚呼哀哉夫仁以安物公其懋焉義以濟難公其志焉識以辯理公其博焉文以宣志公其懿焉宜其上爲王

師下爲伯友年六十有二不偶賦臨終歌而卒悲夫  
聖以立德賢以立言道以怕世言以經俗雖白死矣  
吾不謂其亡矣也有子曰伯禽天然長能持幼能辯  
數梯公之德必將大其名也已矣銘曰

立德謂聖立言謂賢嗟君之道竒於人而侔於天哀  
哉

唐故翰林學士李君碣記

尚書膳部員外郎劉全白撰

朝議郎行當塗縣令顧遊秦建

君名白廣漢人性倜儻好縱橫術善賦詩才調逸邁

徃徃興會屬詞恐古之善詩者亦不逮尤工古歌少  
任俠不事產業名聞京師天寶初玄宗辟翰林待詔  
因爲和蕃書并上宣唐鴻猷一篇上重之欲以論詰  
之任委之同列者所謗詔令歸山遂浪跡天下以詩  
酒自適又志尚道術謂神仙可致不求小官以當世  
之務自負流離輒軻竟無所成名有子名伯禽偶遊  
至此遂以疾終因葬於此文集亦無定卷家家有之  
代宗登極廣拔淹瘁時君亦拜拾遺聞命之後君亦  
逝矣嗚呼與其才不與其命悲夫全白幼則以詩爲  
君所知及此投弔荒墳將毀追想音容悲不能止邑

有賢宰顧公遊秦志好爲詩亦常慕效李君氣調因  
嗟盛才冥冥遂表墓式墳乃題貞石冀傳於往來也  
貞元六年四月七日記沙門履文書墳去墓記一百  
二十步

唐左拾遺翰林學士李公新墓碑 并序

宣歙池等州觀察使范傳正

騏驥筋力成意在萬里外歷塊一蹶斃於空谷唯餘  
駿骨價重千金大鵬羽翼張勢欲摩穹昊天風不來  
海波不起塌翅別島空留大名人亦有之故左拾遺  
翰林學士李公之謂矣公名白字太白其先隴西成

紀人絕嗣之家難言諱公之孫女搜於箱篋中得  
公之亡子伯禽手跡十數行紙壞字缺不能詳備約  
而計之涼武昭王九代孫也隋末多難一房被竄于  
碎葉流離散落隱易姓名故自國朝已來編於屬籍  
神龍初潛還唐漢因僞爲郡人父客以通其邑遂以  
客爲名高卧雲林不求祿仕公之生也先府君指天  
枝以復姓先夫人夢長庚而吉祥名之與字咸所取  
象受五行之剛氣叔夜心高挺三蜀之雄才相如文  
逸瓌竒宏廓拔俗無類少以俠自任而門多長者車  
常欲一鳴驚人一飛冲天彼漸陸遷喬皆不能也由

是慷慨自負不拘常調器度弘大聲聞于天天寶初  
召見於金鑿殿玄宗明皇帝降輦步迎如見園綺論  
當世務草荅蕃書辯如懸河筆不停輟玄宗嘉之以  
寶牀方天寢食於前御手和羹德音褒美褐衣恩遇  
前無比傳遂直翰林專掌密命將處司言之任多陪  
侍從之遊他日泛白蓮池公不在宴皇歡既洽召公  
作序時公已被酒於翰苑中仍命高將軍扶以登舟  
優寵如是既而上疏請還舊山玄宗甚愛其才或慮  
乘醉出入省中不能不言温室樹恐撥後患惜而遂  
之公以爲千鈞之弩一發不中則當摧撞折牙而永

息機用安能傲碌碌者蘇而復上哉脫屣軒冕釋羈  
韁鎖因肆情性大放宇宙間飲酒非嗜其酣樂取其  
昏以自富作詩非事於文律取其吟以自適好神仙  
非慕其輕舉將不可求之事求之欲耗壯心遣餘年  
也在長安時秘書監賀知章號公爲謫仙人吟公烏  
栖曲云此詩可以哭鬼神矣時人又以公及賀監汝  
陽王崔宗之裴周南等八人爲酒中八仙朝列賦謫  
仙歌百餘首俄屬戎馬生郊遠身海上往來於斗牛  
之分優游沒身偶乘扁舟一日千里或遇勝境終年  
不移時長江遠山一泉一石無往而不自得也晚歲

渡牛渚磯至姑孰悅謝家青山有終焉之志盤桓利  
居竟卒於此其生也聖朝之高士其往也當塗之旅  
人代宗之初搜羅俊逸拜公左拾遺制下於彤庭禮  
降於玄壤生不及祿歿而稱官嗚呼命歟傳正生唐  
代甲子相懸常於先大夫文字中見與公有潯陽夜  
宴詩則知與公有通家之舊早於人間得公遺篇逸  
句吟詠在口無何叨蒙恩獎廉問宣池按圖得公之  
墳墓在當塗邑因令禁樵採備洒掃訪公之子孫欲  
申慰薦凡三四年乃獲孫女二人一為陳雲之室一  
乃劉勸之妻皆編戶也因召至郡庭相見與語衣

服村落形容朴野而進退閑雅應對詳諦且祖德如  
在儒風宛然問其所以則曰父伯禽以貞元八年不  
祿而卒有兄一人出遊一十二年不知所在父存無  
官父歿為民有兄不相保為天下之窮人無桑以自  
蠶非不知機杼也口以自力非不知稼穡况婦人不  
任布裙糲食何所仰然儷于農夫救死而已又不敢  
聞於縣官懼辱祖考鄉閭逼迫忍耻來告言訖淚下  
余亦對之泫然因云先祖志在青山遺言宅兆頃屬  
多故殯於龍山東麓地近而非本意墳高三尺日益  
摧圯力且不及知如之何聞之憫然將遂其請因當

塗令諸葛經會計在州得諭其事縱亦好事者學爲  
歌詩樂聞其語便道還縣躬相地形卜新宅于青山  
之陽以元和十二年正月二十三日遷神于此遂公  
之志也西去舊墳六里南抵驛路三百步北倚謝公  
山即青山也天寶十二載勅改名焉因告二女將改  
適於士族皆曰夫妻之道命也亦分也在孤窮旣失  
身於下俚仗威力乃求援於他門生縱偷安死何面  
目見大父於地下欲敗其類所不忍聞余亦嘉之不  
奪其志復并稅免徭役而已今士大夫之葬必誌於  
墓有勲庸道德之家無樹碑于道余才術貧虛不能

兩致今作新墓銘刻二石一寘于泉扃一表于通  
路亦峴首漢川之義也庶芳聲之不泯焉文集二十  
卷或得之於時之士或得之於宗族編緝斷簡以  
行于代銘曰

嵩嶽降神是生輔臣蓬萊譴真斯爲渙人晉有七賢  
唐稱八仙應彼星象唯公一焉晦以麴蘖暢於文篇  
萬象奔走乎筆端萬慮泯滅乎樽前川必酒甕行惟  
酒船吟風詠月席地幕天但貴乎適其所適不知夫  
所以然而然至今尚疑其醉在千日寧審乎壽終百  
年謝家山兮李公墓異代詩流同此路舊墳卑庠風



雨侵新宅爽塏松柏林故鄉萬里且無嗣二女從民  
永於此猗歟琢石爲二碑一藏幽隧一臨岐岸深谷  
高變化時一存一毀名不虧

翰林學士李公墓碑

前守秘書省校書郎裴敬

李翰林名白字太白以詩著名召入翰林世稱才名  
占得翰林他人不復爭先其後以脅從得罪既免遂  
放浪江南死宣城葬當塗青山下李陽冰序詩集粗  
具行止敬嘗遊江表過其墓下愛其才壯其氣味其  
嗜酒知其取適作碑於墓且曰先生得天地秀氣邪

不然何異於常之人耶或曰太白之精下降故字太  
白故賀監號爲謫仙不其然乎故爲詩格高旨遠若  
在天上物外神仙會集雲行鶴駕想見飄然之狀視  
塵中屑屑米粒蟲虻紛擾菌蠢羈絆蹂躪之比又嘗  
有知鑒客并州識郭汾陽於行伍間爲脫免其刑責  
而獎重之後汾陽以功成官爵請贖翰林上許之因  
免誅其報也又常心許劍舞將軍子曾叔祖也嘗  
投書曰如白願出將軍門下其文高其氣雄世稀其  
本懼失其傳故序傳之大和初文宗皇帝命翰林學  
士爲三絕贊公之詩歌與將軍劍舞泊張旭長史草

書為三絕夫天付上才必同靈氣賢傑相投龍虎兩  
合可為知者言非常人所知也夫古以名德稱占其  
官謚者甚希前以詩稱者若謝吏部何水部陶彭澤  
鮑參軍之類唐朝以詩稱若王江寧宋考功章蘇州  
王右丞杜員外之類以文稱者若陳拾遺蘇司業元  
容州蕭功曹韓吏部之類以德行稱者元魯山陽道  
州以直稱者魏文貞狄梁公以忠烈稱者顏魯公段  
太尉以武稱者李衛公英公以學行文翰俱稱者虞  
秘監唐之得人於斯為盛翰林其以詩稱之一也予  
嘗過當塗訪翰林舊宅又於浮圖寺化城之僧得翰

林自寫訪賀監不遇詩云東山無賀老却棹酒船回  
味之不足重之為寶用獻知者又於歷陽郡得翰林  
與劉導師書一紙思高筆逸又嘗遊上元蔣山寺見  
翰林讚志公云水中之月了不可取刀齊尺量扇迷  
陳語文簡事備誠為作者附於此云會昌三年二月  
中敬自淝水草堂南遊江左過公墓下四過青山兩  
發塗口徘徊不忍去與前濮州郵城縣尉李劭同以  
公服拜其墓問其墓左人畢元宥實備灑掃留繇帛  
具酒饌祭公知公無孫有孫女二人一娶劉勸一娶  
陳雲皆農夫也且曰二孫女不拜墓已五六年因告

邑宰李君都傑請免畢元宥力役俾專灑掃事嘻享  
名甚高後事何薄謝公舊井新墓角落青山白雲共  
爲蕭索巨竹拱墓如公卓犖天長地久其名不朽此  
爲祭文寫授元宥又爲碑曰

貴盡皆然名存則難故予重名不重官作李翰林碑  
十五字而已

李翰林集卷第一

翰林供奉李白

古風上

大雅久不作。吾衰竟誰陳。王風委蔓草。戰國多荆榛。  
 龍虎相啖食。兵戈逮狂秦。正聲何微茫。哀怨起騷人。  
 揚馬激頽波。開流蕩無垠。廢一作占興雖萬變。憲章亦  
 已淪。自從建安來。綺麗不足珍。聖代復元古。垂衣貴  
 清真。群才屬休明。乘運共躍鱗。文質相炳煥。衆星羅  
 秋旻。我志在刪述。垂輝映千春。希聖如有立。絕筆於  
 獲麟。



蟾蜍薄太清。蝕此瑤臺月。圓光虧中天。金魄遂淪沒。  
蟬竦入紫微。大明夷朝暉。浮雲隔兩耀。萬象昏陰霏。  
蕭蕭長門宮。昔是今已非。桂蠹花不實。天霜下嚴威。  
沉歎終永夕。感我涕沾衣。

秦皇掃六合。虎視何雄哉。揮劍決浮雲。諸侯盡西來。  
明斷自天啓。大略駕群才。收兵鑄金人。函谷正東開。  
銘功會稽嶺。騁望琅邪臺。刑徒七十萬。起土驪山隈。  
尚採不死藥。茫然使心哀。連弩射海魚。長鯨正崔嵬。  
額鼻象五嶽。揚波噴雲雷。鬢髮蔽青天。何由觀蓬萊。  
徐氏載秦女。樓船幾時迴。但見三泉下。金棺葬寒灰。

鳳飛九千仞。五章備絳珍。銜書且虛歸。空入周與秦。  
橫絕歷四海。所居未得鄰。吾營紫河車。千載落風塵。  
藥物祕海嶽。採鈿青溪濱。時登大樓山。舉首望仙真。  
羽駕滅去影。飈車絕迴輪。尚恐丹液遲。志願不及申。  
徒茲一作霜鏡中髮。羞彼鶴上人。桃李何處開。此花非  
我春。唯應清都境。長與韓衆親。  
太白何蒼蒼。星辰上森列。去天三百里。邈爾與世絕。  
中有綠髮翁。披雲卧松雪。不笑亦不語。冥棲在巖穴。  
我來逢真人。長跪問寶訣。粲然忽自哂。一作啓授以  
鍊藥說。銘骨傳其語。竦身已電滅。仰望不可及。蒼然

五情熱。吾將營丹砂。永與世人別。

代一作馬不思。越越禽不戀。燕情性有所習。土風固

其然。昔別鴈門關。今戍龍庭前。驚沙亂海日。飛雪迷

胡天。蟣虱生虎鷄。心魂逐旌旃。苦戰功不賞。忠誠難

可宣。誰憐李飛將。白首沒三邊。

客有鶴上仙。一本云家飛飛凌太清。揚言碧雲裏。自

道安期名。兩兩白玉童。雙吹紫鸞笙。去影忽不見。迴

風送天聲。舉首遠望之。飄然若流星。願餐金光草。壽

與天齊傾。

咸陽二三月。宮柳黃金枝。綠幘誰家子。賣珠輕薄兒。

日暮醉酒歸。白馬嘶且馳。意氣人所仰。治遊方及時。

子雲不曉事。晚獻長楊辭。賦達身已老。草玄鬢若絲。

投閣良可歎。但爲此輩嗤。

莊周夢蝴蝶。蝴蝶爲莊周。一體更變易。萬事良悠悠。

乃知蓬萊水。復作清淺流。青門種瓜人。舊日東陵侯。

富貴固如此。營營何所求。

齊有侗儻生。魯連特高妙。明月出海底。一朝開光曜。

却秦振英聲。後世仰末照。意輕千金贈。顧向平原笑。

吾亦澹蕩人。拂衣可同調。

黃河走東溟。白日落西海。逝川與流光。飄忽不相待。

春容捨我去。秋髮已衰改。人生非寒松。年兒豈長在。  
吾當乘雲螭。吸景駐光彩。

松栢本孤直。難爲桃李顏。昭昭嚴子陵。垂釣滄波間。  
身將客星隱。心與浮雲閑。長揖萬乘君。還歸富春山。

清風灑六合。邈然不可攀。使我長歎息。冥棲巖石間。  
君平既棄世。世亦棄君平。觀變窮太易。探元化群生。

寂寞綴道論。空簾閉幽情。騶虞不虛來。鸞鷲有時鳴。  
安知天漢上。白日懸高名。海客去已久。誰人測沉冥。

胡關饒風沙。蕭索竟終古。木落秋草黃。登高望戎虜。  
荒城空大漠。邊邑無遺堵。白骨橫千霜。差我蔽榛莽。

借問誰陵虐。一作虎天驕毒威武。赫怒我聖皇。勞師

鞞鼓。陽和變殺氣。發卒騷中土。三十六萬人。哀哀淚

如雨。且悲就行役。安得營農圃。不見征戍兒。豈知關

山苦。李牧今不在。邊人飼豺虎。燕昭延郭隗。遂築黃金臺。劇辛方趙至。鄒衍復齊來。

奈何青雲士。棄我如塵埃。珠玉買歌笑。糟糠養賢才。  
方知黃鶴舉。千里獨徘徊。

寶劍雙蛟龍。雪花照芙蓉。精光射天地。雷騰不可衝。  
一去別金匣。飛沉失相從。風胡滅已久。所以潛其鋒。  
吳水深萬丈。楚山邈千重。雌雄終不隔。神物會當

逢

金華牧羊兒。乃是紫烟客。我願從之遊。未去髮已白。  
不知繁華子。擾擾何所迫。崑山採瓊藥。可以鍊精魄。  
天津三月時。千門桃與李。朝為斷腸花。暮逐東流水。  
前水復後水。古今相續流。新人非舊人。年年橋上游。  
雞鳴海色動。謁帝羅公侯。月落西上陽。餘輝半城樓。  
衣冠照雲日。朝下散皇州。鞍馬如飛龍。黃金絡馬頭。  
行人皆辟易。志氣橫萬古。入門上高堂。列鼎錯珍羞。  
香風引趙舞。清管隨齊謳。七十紫鴛鴦。雙雙戲庭幽。  
行樂爭晝夜。自言度千秋。功成身不退。自古多愆尤。

黃天空歎息

西嶽一作蓮花山遊道見明星。素手把芙蓉。步虛躡

太清霓裳曳廣帶。飄拂天行。邀我登雲臺。高揖衛  
叔卿。恍恍與之去。駕鴻凌紫冥。俯視洛陽川。茫茫走  
胡兵。流血塗野草。豺狼盡冠纓。

昔我遊齊都。登華不注峯。茲山何峻秀。綠翠如芙蓉。  
蕭颯古仙人。了知是赤松。借予與一作一白鹿。自挾兩

青龍。含笑凌倒景。欣然願相從。  
泣與親友別。欲語再三咽。勸君青松心。努力保霜雪。  
世路多險難。白日欺紅顏。分手各千里。去去何時還。



在世復幾時。倏如飄風度。空聞紫金經。白首愁相誤。  
撫已忽自笑。沉吟爲誰故。名利徒煎熬。安得閑途一作  
步。終留赤玉鳥。東上蓬山路。秦帝如我求。蒼蒼但煙  
霧。

郢客吟白雪。遺響飛青天。徒勞歌此曲。舉世誰爲傳。  
試爲巴人唱。和者乃數千。吞聲何足道。歎息空悽然。  
秦水別隴首。幽咽多悲聲。胡馬顧朔雪。躑躅長嘶鳴。  
感物動我心。緬然含歸情。昔視秋蛾飛。今見春蠶生。  
弱嬾桑枯葉。萋萋柳垂榮。急節謝流水。羈心搖懸旌。  
涕且復去。則愴何時平。

秋露如白玉。團團下庭綠。我行忽見之。寒早悲歲發。  
人生鳥過目。人生一胡乃自結束。景公一何愚。牛山  
淚相續。物苦不知足。得隴又望蜀。人心若波瀾。世路  
有屈曲。三萬六千日。夜夜當秉燭。  
大車揚飛塵。亭午暗阡陌。中貴多黃金。連雲開甲宅。  
路逢鬪雞者。冠蓋何輝赫。鼻息干虹蜺。行人皆怵惕。  
世無洗耳翁。誰知堯與跖。  
世道日交喪。澆風散浮源。不來芳枝桂。反棲惡木根。  
所以桃李樹。吐花竟不言。大運有興沒。群動爭飛奔。  
歸來廣成子。去入無窮門。

碧荷生幽泉。朝日豔且鮮。秋花冒一作綠水。密葉羅  
青烟。秀色空絕世。馨香誰為傳。坐看飛霜滿。凋此紅  
芳年。結根未得所。願託華池邊。一作  
燕趙有秀色。綺樓一作青雲端。眉目艷皎月。一笑傾  
城歡。常恐碧草晚。坐泣秋風寒。織手怨玉琴。清晨起  
長歎。馬得偶君子。共乘一作雙飛鸞。  
容顏若飛電。時景如飄風。草綠霜已白。日西月復東。  
華鬢不耐秋。颯然成衰蓬。古來賢聖人。一一誰成功。  
君子變猿鶴。小人為沙蟲。不及廣成子。一作廣乘雲

一作馬  
駕輕鴻

李翰林集卷第一



李翰林集卷第二

翰林供奉李白

古風下

三季分戰國。七雄成亂麻。王風何怨怒。世道終紛拏。  
至人洞元象。高舉凌紫霞。仲尼欲浮海。吾祖之流沙。  
聖賢共淪沒。臨岐胡咄嗟。

玄風變太古。道喪無時還。擾擾李葉人。雞鳴趨四關。  
但識金馬門。誰知蓬萊山。白首死羅綺。笑歌無休閒。  
綠酒晒丹經。青娥凋素顏。大儒揮金槌。琢之詩禮間。  
蒼蒼三珠樹。冥目焉能攀。

鄭客西入關。行行未能已。白馬華山君。相逢平原里。  
壁遺鎬池公。明年祖龍死。秦人相謂曰。吾屬可去矣。  
一往桃花源。千春隔流水。

蓐收肅金氣。西陸弦海月。秋蟬號階軒。感物憂不歇。  
良辰竟何許。大運有淪忽。天寒悲風生。夜久衆星沒。  
惻惻不忍言。哀歌逮一作明發。

北溟有巨魚。身長數千里。仰噴三山雪。橫吞百川水。  
憑凌隨海運。烜赫因風起。吾觀摩天飛。九萬方未已。  
羽檄如流星。虎符合專城。喧呼救邊急。群鳥皆夜  
鳴。白日曜紫微。三公運權衡。天地皆得一。澹然四

海清。借問何以爲。蒼言楚徵兵。渡瀘及五月。將赴雲

南征。一作怯卒非戰士。安方難遠行。一作長號別嚴

親。日月慘光晶。泣盡繼以血。心摧兩無聲。困獸當猛

虎。窮魚餌奔鯨。千去不一迴。投軀豈全生。如何舞干  
戚。一使有苗平。

醜女來劾顰。還家驚四鄰。壽陵失本步。笑殺邯鄲人。

一曲斐然子。雕蟲喪天真。棘刺造沐猴。三年費精神。

功成無所用。楚楚且華身。大雅思文王。頌聲久一作天

崩淪。安得郢中質。一揮成斧斤。一作承風

抱玉入楚國。見疑古所聞。良寶終見棄。徒勞三獻君。

直木忌先伐。芳蘭哀自焚。盈滿天所損。沉冥道為群。  
東海沉碧水。西關乘紫雲。魯連及柱史。可以躡清芬。  
燕臣昔慟哭。五月飛秋霜。庶女號蒼天。震風擊齊堂。  
精誠有所感。造化為悲傷。而我竟何辜。速身金殿傍。  
浮雲蔽紫闥。白日難迴光。群沙穢明珠。衆草凌孤芳。  
古來共歎息。歎息作今來流淚空沾裳。  
孤蘭生幽園。衆草共蕪沒。雖照陽春暉。復悲高秋月。  
飛霜早淅瀝。綠豔恐休歇。若無清風吹。香氣為君作。  
誰發  
登高望四海。天地何漫漫。霜被群物秋。風飄大荒寒。

榮華東流水。萬事皆波瀾。白日掩徂暉。浮雲無定端。  
梧桐巢鸞雀。枳棘棲鷓鴣。且復歸去來。劔歌行路難。  
鳳飢不啄粟。所食唯琅玕。焉能與群雜。蹙促爭一餐。  
朝鳴崑丘樹。夕飲砥柱湍。歸飛海路遠。獨宿天霜寒。  
幸遇王子晉。結交青雲端。懷恩未得報。感別空長歎。  
朝弄紫沂一作海夕披丹霞裳。揮手折若一作木拂。  
此西日光雲卧。遊八極。玉顏已千一作清霜。飄飄入無。  
倪。稽首祈上皇。呼我遊太素。玉杯賜瓊漿。一作滄。歷萬。  
歲。何用還故鄉。永隨長風去。天外恣飄揚。一本無  
搖裔雙白鷗。鳴飛滄江流。宜一作與海人狎。豈伊雲。

鶴傳寄影宿沙月。沁芳戲春洲。吾亦洗心者。忘機從爾遊。

周穆八荒意。漢皇萬乘尊。淫樂心不極。雄豪安足論。西海宴王母。北宮邀上元。瑤水聞遺歌。玉杯竟空言。靈跡成蔓草。徒悲千載魂。

綠羅紛歲蕤。繚繞松栢枝。草木有所託。歲寒尚不移。奈何夭桃色。坐歎葑菲詩。玉顏豔紅彩。雲髮非素絲。子恩已畢。賤妾將何為。

八荒馳一作驚騰。萬物盡凋落。浮雲蔽顏陽。洪波振天壑。龍鳳脫罔罟。飄飄將安託。去去來自駒。空山詠

場一作藿

一百四十年。國容何赫然。隱隱五鳳樓。我我橫三川。

王侯象星月。賓客如雲煙。關雉金宮裏。蹴踘瑤臺邊。

舉動搖白日。指揮迴青天。當塗何翕忽。失路長棄捐。

獨有揚執戟。閉關草太玄。

桃花開東園。含笑誇白日。偶蒙春風榮。生此豔陽質。

豈無佳人色。但恐花不實。宛轉龍火飛。零落早相失。

詎知南山松。獨立自蕭颯。

秦皇按寶劍。赫怒振威神。逐日巡海石。驅石架滄津。

徵卒空九寓。作橋傷萬人。但求蓬島藥。豈思農鴈春。

力盡功不贍。千載為悲辛。農隱一作農為

美人出南國。灼灼芙蓉姿。皓齒終不發。芳心空自持。

由來紫宮女。共妬青蛾眉。歸去瀟湘止。沉吟何足悲。

宋國梧臺東。野人得燕石。誇作天下珍。却哂趙王璧。

趙璧無緇磷。燕石非貞真。流俗多錯誤。豈知玉無作。

與珉

殷后亂天紀。楚懷亦已昏。夷羊滿中野。綠施盈高門。

比干諫而死。屈平竄湘源。虎口何婉孌。女顏空嬋娟。

彭城久淪沒。此意與誰論。

青春流驚湍。朱明照迴瀾。河不忍看秋蓬。飄揚竟何託。

光風滅蘭蕙。白露灑芙蓉。美人不我期。草華日零落。

戰國何紛紛。兵戈亂漳雲。趙倚兩虎鬪。晉為六卿分。

奸臣欲竊位。樹黨日一作自相群。杲然田成子。一旦殺

齊君。

倚劍登高臺。悠悠送春日。蒼榛蔽層丘。瓊草隱深谷。

鳳皇鳴西海。欲集無珍木。鷲斯得所一作匹居。蒿下盈

萬族。晉風日已頽。窮途方慟哭。

齊瑟彈東吟。秦絃弄西音。慷慨動顏魄。使人成荒淫。

彼美一作女倭邪子。婉孌來相尋。一笑雙白璧。再歌千

黃金。珍色不貴道。詐惜飛光沉。安識紫霞客。瑤臺鳴

玉琴

越客採明珠。提攜出南隅。清輝照海月。美價傾鴻都。  
獻君君按劍。懷寶空長吁。魚目復相晒。寸心增煩紆。  
羽族稟萬方一作化。小大各有依。啁啁周一本作周亦何辜。  
六翮掩不揮。顏銜衆禽翼。一向黃河飛。飛者莫我顧。  
歎息將安歸。

我到行一作巫山渚。尋古登陽臺。天空綠雲滅。地遠清  
風來。神女知一作去已久。襄王安在哉。荒淫竟淪替。一作  
樵牧徒悲哀。

惻惻泣路岐。哀哀悲素絲。路岐有南北。素絲易變移。  
萬事固如此。人生無定則。田實相傾奪。賓客互盈虧。  
世途多翻覆。交道方一作。斗酒強然諾。寸心終自疑。  
張陳竟大滅。蕭朱亦星離。衆鳥集榮柯。窮魚守枯池。  
嗟嗟失權客。勤問何所規。



李翰林集卷第三

翰林供奉李白

樂府上

遠別離

公無渡河

蜀道難

梁甫吟

烏夜啼

烏棲曲

戰城南

將進酒

行行且遊獵篇

飛龍引二首

天馬歌

行路難三首

長相思

上留田

春日行

前有樽酒行二首

夜坐吟

野田黃雀行

箜篌謠

雉朝飛

上雲樂

夷則格上白鳩拂舞辭

日出入行

胡無人

猛虎行

北風行

俠客行

關山月

遠別離

遠別離古有皇英之二女乃在一本無洞庭之南瀟湘之浦海水直下萬里深誰人不言此離苦一本無此二句

日慘慘兮雲冥冥。狂飈吹煙兮鬼嘯雨。我縱言之將何補。皇穹竊恐不照余之忠誠。雲憑憑兮欲吼怒。堯舜當之亦禪禹。君失臣兮龍為魚。權歸臣兮鼠變虎。或云堯幽囚舜野死。九疑聯縣皆相似。重瞳孤墳竟何是。帝子泣兮綠雲間。隨風波兮去無還。慟哭兮遠望。見蒼梧之深山。蒼梧山崩湘水絕。竹上之淚乃可滅。

公無渡河

黃河西來決崑崙。咆哮萬里觸龍門。波滔天。堯咨嗟。大禹理百川。兒啼不窺家。殺湍湮洪水。九州始蠶麻。

其害乃去。一作茫然風沙被髮之叟狂而一作兒  
癡。清晨臨流欲奚為。旁人惜妻止之。公無渡河苦  
渡之。虎可搏。河難憑。公果溺死。流海湄。有長鯨白齒  
若雪山。公平公平。挂胃於其間。篋篋所悲。竟不還。

蜀道難

噫吁戲。一作危乎高哉蜀道之難。上青天。蠶叢  
及魚鳧。開國何茫然。爾來四萬八千歲。不一作與秦  
塞通人煙。西當太白有鳥道。可以橫絕峨眉巔。地崩  
山摧壯士死。然後天梯石棧相鈞連。上有六龍迴日  
之高標。下有衝波逆折之迴川。黃鶴之飛尚不得過。

一本無援。猱欲度。愁攀緣。青泥何盤盤。百步九折縈

巖巒。捫參歷井仰脅息。以手撫膺坐長歎。問君一作征人

西遊何當時。一作還畏途巖巖不可攀。但見悲鳥號古

枯。一作木雄飛雌從遶林間。又聞子規啼夜月。愁空山。

蜀道之難。難於上青天。使人聽此。凋朱顏。連峯去天

不及天。枯松倒挂倚絕壁。飛湍瀑流爭喧豗。砢崖轉

石萬壑雷。其險也如此。嗟爾遠道之人。胡為乎來哉。

劍閣崢嶸而崔嵬。一夫當關。萬夫莫開。所守或匪親。

化為狼與豺。朝避猛虎。夕避長蛇。磨牙吮血。殺人如

麻。錦城雖云樂。不如早還家。蜀道之難。難於上青天。

側身西望長咨嗟唯從一作手唯

梁甫吟

長嘯梁甫吟。何時見陽春。君不見朝歌屠叟辭棘津。  
八十西來釣渭濱。靈羞白髮照清一作水。逢時吐氣  
思經綸。廣張三千六百鈞。風雅暗與文王親。大賢虎  
變愚不測。當年頗似尋常人。君不見高陽酒徒起草  
中。長揖山東隆準公。入門不拜騁雄辯。兩女輟洗來  
趨風。東下齊城七十二。指麾楚漢如旋蓬。狂客落魄  
尚如此。何況壯士當群雄。我欲攀龍見明主。雷公砰  
訇震天鼓。帝旁投壺多玉女。三時大笑開電光。倏爍

晦冥起風雨。閭闔九門不可通。以額叩關閭者怒。白  
日不照吾精誠。杞國無事憂天傾。楔揄磨牙競人肉。  
騶虞不折生草莖。手接飛猱搏彫虎。側足焦原未言  
苦。智者可卷愚者豪。世人見我輕鴻毛。力排南山三  
壯士。齊相殺之費二桃。吳楚弄兵一本無。劇孟亞此二字無  
夫。哈爾為徒勞。梁甫吟聲正悲。張公兩龍劍。  
神物合有時。風雲感會起屠釣。大人峴峴當安之。雅一作期

烏夜啼

黃雲城邊烏欲棲。歸飛啞啞枝上啼。機中織錦秦川  
女。碧紗如煙隔窻語。停梭悵然憶遠人。獨宿孤房淚

如雨

烏棲曲

姑蘇臺上烏棲時。吳王宮裏醉西施。吳歌楚舞歡未  
畢。青山猶銜半邊日。銀箭金壺漏水多。趨一作看秋  
月墜江波。東方漸高奈樂何。

戰城南

去年戰桑乾源。今年戰葱河道。洗兵條支海上波。放  
馬天山雪中草。萬里長征戰三軍。盡衰老。匈奴以殺  
戮為耕作。古來唯見白骨黃沙田。秦家築城備胡處。  
漢家還一作有烽火燃。烽火燃不息。征戰無已時。野戰格

鬪死敗

一作馬

號鳴

向天悲

烏為

啄人腸

銜飛上挂

枯樹枝。士卒塗草莽。將軍空爾為。乃知兵者是凶器。  
聖人不得已而用之。

將進酒

君不見黃河之水天上來。奔流到海不復迴。君不見  
高堂明鏡悲白髮。朝如青絲暮成雪。人生得意須盡  
歡。莫使金樽空對月。天生我材必有用。千金散盡還  
復來。烹羊宰牛且為樂。會須一飲三百盃。岑夫子。丹  
丘生。進酒君莫停。一本無此五字與君歌一曲。請君為我傾  
耳聽。一本無此二字鐘鼓饌玉不足貴。但願長醉不願醒。古

來聖賢皆寂寞。唯有飲者留其名。陳王昔時宴平樂。  
斗酒十千恣歡譁。主人何爲言少錢。徑須沽取對君  
酌。五花馬。千金裘。呼兒將出換美酒。與爾同銷萬古  
愁。

行行且遊獵篇

邊城兒。生年不讀一字書。但將遊獵誇輕趨。胡馬秋肥宜  
白草。騎來躡影何矜驕。金鞭拂雪揮鳴鞘。半酣呼鷹  
出遠郊。弓彎滿月不虛發。雙鷁迸落連飛鶻。海邊觀  
者皆辟易。猛氣英風振沙積。儒生不及遊俠人。白首  
下一作惟復何益。遊獵誇輕趨

飛龍引二首

黃帝鑄鼎於荆山。鍊丹砂。丹砂成黃金。騎龍飛上太  
清家。雲愁海思令人嗟。宮中綵女顏如花。飄然揮手  
凌紫霞。從風縱體登鑿車。登鑿車。侍軒轅。遨遊青天  
中。其樂不可言。

鼎湖流水清且閑。

一本此句是前篇末句

軒轅去時有弓劍。古

人傳道留其間。後宮嬋女多花顏。乘鸞飛煙亦不還。

騎龍攀天造天關。造天關。聞天語。長一作雲河車載

玉女。載玉女。過紫皇。紫皇乃賜白兔所擣之藥方。一本

無方。後天而老。周三光。下視瑤池見王母。蛾眉蕭颯

如秋霜

天馬歌

天馬來出月氏窟。背為虎文龍翼骨。嘶青雲。振綠髮。  
 蘭筋權奇走滅沒。騰崑崙。歷西極。四足無一蹶。雞鳴  
 刷燕脯。秣越神行電。邁躡恍惚。天馬呼。飛龍趨。目明  
 長庚臆。雙鳧尾如流星首。渴鳥口噴紅光汗。溝朱作  
 珠曾陪時龍躡。天衢羈金絡。月照皇都逸氣秋。秋作  
 稜凌九區白壁如山誰敢沾。回頭笑紫鸞。但覺爾輩  
 愚。天馬奔戀君軒。驟躍驚矯浮雲翻。萬里足一作躡  
 躡。遙瞻閭闔門。不逢寒風子。誰採逸景孫。白雲在青

天丘陵遠崔嵬。鹽車上峻坂。倒行逆施畏日晚。伯樂  
 翦拂中道遺。少盡其力老棄之。願逢田子方。惻然為  
 我思。悲一作雖有玉山禾。不能療苦飢。嚴霜五月凋桂  
 枝。伏櫪銜冤摧兩眉。請君贖獻穆天子。猶堪弄影舞  
 瑤池。

行路難三首

金樽清酒斗十千。玉盤珍羞直萬錢。停杯投筋不能  
 食。拔劍四顧心茫然。欲渡黃河冰塞川。將登太行雪  
 暗天。閑居一作垂釣坐溪上。忽然一作乘舟夢日邊。  
 行路難。行路難。多岐路。今一本無安在。長風破浪作

波會有時直挂雲帆濟滄海

大道如青天我獨不得出羞逐長安社一作中兒亦

雞白狗賭梨栗彈劍作歌奏苦聲曳裾王門不稱情

淮陰市井笑韓信漢朝公卿忌賈生君不見昔時燕

家重郭隗擁篲折節一作無嫌猜劇辛樂毅感恩分

輸肝剖膽効英才昭王白骨縈蔓草誰人更掃黃金

臺行路難歸去來

有耳莫洗穎川水有口莫食首陽蕨含光混世貴無

名何用孤高比雲月吾觀自古賢達人功成不退皆

殞身子胥既棄吳江上屈原終投湘水濱陸機雄才

豈自保李斯稅駕苦不早華亭鶴唳詎一作可聞上

蔡蒼鷹何足道君不見吳中張翰稱達生秋風忽憶

江東行且樂生前一杯酒何須身後千載名

### 長相思

長相思在長安絡緯秋啼金井欄微霜淒淒簾色寒

孤燈不明思欲絕卷帷望月空長歎美人如花隔雲

端上有青冥之長一作高天一作下有淶水之波瀾天長路

遠魂飛苦夢魂不到關山難長相思摧心肝

### 上留田

行至上留田孤墳何崢嶸積此萬古恨春草不復生



悲風四邊來。腸斷白楊聲。借問誰家地。埋沒蒿里塋。  
古老向余言。言是上留田。蓬科馬鬣今已平。昔之第死  
兄不葬。他人於此舉銘旌。一鳥死。百鳥鳴。一獸走。百  
獸驚。桓山之禽別離苦。欲去迴翔不能征。田氏倉卒  
骨肉分。青天白日摧紫荆。交柯葉一作之木本同形東  
枝顛。鵲西枝榮。無心之物尚如此。參商胡乃尋天兵。  
孤竹延陵讓國揚名。高風緬邈。顏波激清。尺布之謠。  
塞耳不能聽。

春日行

深宮高樓入紫清。金作蛟龍盤繡楹。佳人當窻弄白

日。絃將手語彈鳴箏。春風吹落君王耳。此曲乃是昇  
天行。因出天池汎蓬瀛。樓臺颺沓波浪驚。三千雙蛾  
獻歌笑。搥鐘考鼓宮殿傾。萬姓聚舞歌太平。我無為  
人自寧。三十六帝欲相迎。一作三十六仙人飄翻下  
雲輦。帝不去。留鑄京。安能為軒轅。獨往入宵冥。小臣  
拜獻南山壽。陛下萬古垂鴻名。樓臺一作樓船

前有樽酒行二首

春風東來忽相過。金樽渌酒生微波。落花紛紛稍覺  
多。美人欲醉朱顏酡。此一本無青軒桃李能幾何。流光  
欺人忽蹉跎。君起舞。日西夕。當年意氣不肯傾。白髮

如絲歎何益

琴奏龍門之綠桐。玉壺美酒清若空。催絃拂柱與君  
飲。看朱成碧顏始紅。胡姬兒如花。當壚笑春風。笑春  
風舞羅衣。君今不醉欲安歸。

夜坐吟

冬夜夜寒覺夜長。沉吟久坐坐北堂。冰合井泉月入  
閨。青釭凝明一作金照悲啼。青一作金釭滅。啼轉多。掩  
妾淚。聽君歌。歌有聲。妾有情。情聲合。兩無違。一語不  
入意。從君萬曲梁塵飛。冰合并泉一本無泉字

野田黃雀行

遊莫逐炎洲翠。棲莫近吳宮鶯。吳宮火起焚巢一作  
窠。炎洲逐翠遭網羅。蕭條兩翅蓬蒿下。縱有鸞鷁奈  
若何。

筵篋謠

攀天莫登龍。走山莫騎虎。貴賤結交心。不移唯有嚴  
陵及光武。周公稱大聖。管蔡寧相容。漢謠一斗粟。不  
與淮南春。兄弟尚路人。吾心安所從。他人方寸間。山  
海幾千重。輕言託朋友。對面九疑峯。多花必早落。桃  
李不如松。管鮑久已死。何人繼其蹤。

雉朝飛

麥隴青青三月時。白雉朝飛挾兩雌。錦衣綺翼何離  
襪。犢牧採薪感之悲。春天和。白日暖。啄食飲泉勇氣  
滿。爭雄鬪死繡頸斷。雉子班奏急管絃。心傾酒美盡  
玉椀。枯楊枯楊爾生莢。我獨七十而孤棲。彈絃寫恨  
意不盡。瞑目此一本無歸黃泥

上雲樂

老胡文康詞或云湯  
雲及周捨作今擬之

金天之西。白日所沒。康老胡鵠。生彼月窟。巉巖容儀  
戍削。風骨碧玉。炁炁雙目。瞳黃金拳。拳兩鬢。紅華蓋  
垂下。曉嵩岳臨上。一作脣不覩。譎詭兒。豈知造化神。  
大道是文康之嚴父。元氣乃文康之老親。撫頂弄盤

古推車轉天輪。云見日月初生時。鑄一作冶一作火

精與水。一作金作銀。陽鳥未出谷。顧兔半蔽身。女媧戲黃

土。團作愚下人。散在六合間。濛濛若沙塵。生死了不

盡。誰明此胡是仙真。西海栽若木。東溟植扶桑。別來

幾多時。枝葉萬里長。中國有七聖。半路頽鴻荒。陛下

應運起。龍飛入咸陽。赤眉立盆子。白水興漢光。叱咤

四海動。洪濤為簸揚。舉足蹋紫微。天關自開張。老胡

感至德。東來進仙倡。五色師子。九苞鳳凰。是老胡雞

犬。鳴舞飛帝鄉。淋漓颯沓。進退成行。能胡歌。獻漢酒。

跪雙膝。並兩肘。散花指天舉。素手拜龍顏。獻聖壽。光

斗。辰。南。山。摧。天。子。九。九。八。十。一。萬。歲。長。傾。萬。歲。杯。

夷則格上白鳩拂舞辭

鏗鳴鐘。考朗鼓。歌白鳩。引拂舞。白鳩之白。誰與鄰。霜  
衣雪襟。誠可珍。含哺七子。能平均。食不咽。性安馴。首  
一作農政鳴陽春。天子刻玉杖。鏤形賜耆人。白鷺亦  
白非純真。外潔其色心。匪仁闕五德。無司晨。胡為啄  
我葭下之紫鱗。鷹鷂鷓鴣貪而好殺。鳳凰雖大聖。不  
願以為臣。

日出入行

日出東方隈。似從地底來。歷天又入海。一作又復六

龍所舍。一作捨安在哉。其始與終古不息。人非元氣安

得與之。久徘徊。草不謝榮於春風。木不怨落於秋天。

誰揮鞭策驅四運。萬物興歇皆自然。羲和義和汝奚

一作汨沒於荒淫之波。魯陽何德。駐景揮戈。逆道違

天。矯誣實多。吾將囊括大塊。浩然與溟滓同科。一本無

胡無人

嚴風吹霜。海草凋筋。箝精堅。胡馬驕。漢家戰士三十

萬。將軍兼領。霍嫫婁。流星白羽。腰間挿。劍花秋蓮光

出匣。天兵照雪下。玉關虜箭如沙。射金甲。雲龍風虎

盡交回。太白入月。敵可摧。敵可摧。旄頭滅。履胡之腸

涉胡血懸胡青天上。埋胡紫塞旁。胡無人。漢道昌。陛下之壽三千霜。但歌大風雲飛揚。安用猛士兮守四方。  
此一本無

### 猛虎行

朝作猛虎行。暮作猛虎吟。腸斷非關隴頭水。淚下不為雍門琴。旗旌繽紛兩河道。戰鼓驚山欲傾倒。秦人半作燕地囚。胡馬翻銜洛陽草。一輸一失關下兵。朝降夕叛幽薊城。巨鼇未斬海水動。魚龍奔走安得寧。頗似楚漢時。翻覆無定止。朝過博浪沙。暮入淮陰市。張良未遇韓信貧。劉項存亡在兩臣。斃到下邳受兵

略來投漂母作主人。賢哲恓恓古如此。今時亦棄青雲士。有策不敢犯龍鱗。竄身南國避胡塵。寶書長劍挂高閣。金鞍駿馬散故人。昨日方為宣城客。掣鈴交通二千石。有時六博快壯心。遠牀三匝呼一擲。楚人每道張旭奇。心藏風雲世莫知。三吳邦伯皆顧眄。四海雄俠兩追隨。蕭曹曾作沛中吏。攀龍附鳳當有時。溧陽酒樓三月春。楊花茫茫愁殺人。胡人綠眼吹玉笛。吳歌白紵飛梁塵。丈夫相見且為樂。槌牛搗鼓會衆賓。我從此去釣東海。得魚笑寄清相親。  
胡人作胡鶴

### 北風行

燭龍棲寒門。光曜猶旦開。日月照之何不及。此唯有  
北風號怒天上來。燕山雪花大如席。片片吹落軒轅  
臺。幽州思婦十二月。停歌罷笑雙蛾摧。倚門望行人。  
念君長城苦寒良可哀。別時提劍救邊去。遺此虎文  
金解鞬。中有一雙白羽箭。蜘蛛結網生塵埃。箭空在  
人今戰死不復迴。不忍見此物。焚之已成灰。黃河捧  
土尚可塞。北風雨雪。一本無恨難裁。

俠客行

趙客一作縵胡纓。吳鉤霜雪明。銀鞍照白馬。颯沓如  
流星。十步殺一人。千里不留行。事了拂衣去。深藏身

與名。開過信陵飲。脫劍膝前橫。將炙啖朱亥。持觴勸  
侯嬴。三杯吐然諾。五嶽倒為輕。眼花耳熱後。意氣素  
霓生。救趙揮金槌。邯鄲先震驚。千秋二壯士。烜赫大  
梁城。縱死俠骨香。不慙世上英。誰能書閣下。白首太  
玄經。

關山月

明月出天山。蒼茫雲海間。云蒼蒼蒼長風幾萬里。吹  
度玉門關。漢下白登道。胡窺青海灣。由來征戰地。不  
見有人還。戍客望邊色。思歸多苦顏。高樓當此夜。歎  
息未應閑。

李翰林集卷第三

國家圖書館, NATIONAL CENTRAL LIBRARY, TAIWAN, R.O.C.



李翰林集卷第四

樂府中

獨漉篇

登高立而望遠海

陽春歌

陽叛兒

雙鶯離

山人勸酒

子闔採花

鞠歌行

幽澗泉

王昭君二首

中山孺子妾歌

荊州歌

設辟邪伎鼓吹雉子班曲辭





相逢行

古有所思

久別離

採蓮曲

白頭吟

又一篇中與此異今兩存之

臨江王節士歌

司馬將軍歌

君道曲

結襪子

結客少年場行

長干行二首

古朗月行

上之回

獨不見

白紵辭三首

鳴鴈行

妾薄命

幽州胡馬客歌

門有車馬客

君子有所思行

東海有勇婦

黃葛篇

白馬篇

鳳笙篇

怨歌行

塞下曲五首

來日大難

塞上曲

玉階怨

菩薩蠻

獨漉篇

獨漉水中泥。水濁不見月。不見月尚可。水深行人沒。  
 越鳥從南來。胡鷹一作鷹亦北渡。我欲彎弓向天射。惜  
 其中道失歸路。落葉別樹飄零隨。風客無所託。悲與  
 此同。羅帏舒卷。似有人開。明月直入。無心可猜。雄劍

挂壁時時龍鳴不斷犀象繡一作差游苔生國恥未雪  
何由成名神鷹夢澤不顧鴟鵂鴟一作鸞為君一擊鴟搏九天

登高丘而望遠海

登高丘望遠海六鼇骨已霜三山流安在扶桑半摧  
折一作半日沉光彩銀臺金闕如夢中秦皇漢武空  
相待精衛費木石竈竈無所憑君不見驪山茂田一作  
陵盡灰滅牧羊之子來攀登盜賊劫寶玉精靈竟何  
能窮兵黷武今如此鼎湖飛龍安可乘

陽春歌

長安白日照春空綠楊結煙垂裊風披香殿前祀始  
紅流芳發色繡戶中繡戶中相經過飛鷲皇后軀身  
舞紫宮夫人絕世歌聖君三萬六千日歲歲年年奈  
樂何

楊叛兒

君歌一作家陽叛兒妾勸新豐酒何許最關人烏啼白  
門柳烏啼隱楊花君醉留妾家博山鑪中沉香火雙  
烟一氣凌紫霞

雙鶯辭

雙鶯復雙鶯雙飛令人羨玉樓珠閣不獨棲金憲繡

戶長相見。相梁失火去。因入吳王宮。吳宮又焚蕩。雖  
盡巢亦空。憔悴一身在。孀雌憶故雄。雙飛難再得。傷

我寸心中。雙飛一作雙鸞

山人勸酒

蒼蒼雲松落落綺皓。春風爾來為阿誰。胡蝶忽然滿  
芳草。秀眉霜雪顏桃花。一本云骨青髓綠 一本云青  
長美好。稱是秦時避世人。勸酒相歡不知老。各守麋  
鹿志。恥隨龍虎爭欬。一作起佐太子。漢皇乃復驚。顧  
謂戚夫人。彼翁羽翼成。歸來商山下。泛若雲無情。舉  
觴酌巢由。洗耳何所。獨清。浩歌望嵩嶽。意氣凌遙

傾。

于闐採花

于闐採花人。自言花相似。明妃一朝西入胡。胡中  
美女多羞死。乃知漢地多名姝。胡中無花可方比。丹青  
能令醜者妍。無鹽翻在深宮裏。自古妬蛾眉。胡沙埋  
皓齒。

鞠歌行

玉不自言如桃李。魚目笑之下和耻。楚國青蠅何太  
多。連城白壁遭讒毀。荆山長號泣血人。忠臣死為刖  
足鬼。聽曲知竇戚。夷吾因小妻。秦穆五羊皮。買死百

里奚沈拂青雲上。當時賤如泥。朝歌鼓刀叟。虎變磻  
溪中。一舉釣一作六合。遂荒營丘東。平生渭水曲。誰  
識此老翁。奈何今之人。雙目送飛鴻。一作征鴻。

幽澗泉

拂彼白石。彈吾素琴。幽澗漱兮流泉。深善手。明徽高  
張。清心寂歷似太古。松蘿澗兮萬尋。中見愁猿弔影  
而危處兮。叫秋木而長吟。客有哀時失志而聽者。淚  
淋浪以沾襟。乃緝商綴羽。潺湲成音。吾但寫聲發情。  
情憤於妙指。殊不知此曲之古今。幽澗泉鳴深林。無

字中

王昭君

漢家秦地月。流影照明妃。一上玉關道。天涯去不歸。  
漢月還從東海出。明妃西嫁無來日。燕支長寒雪作  
花。蛾眉憔悴沒胡沙。生乏黃金枉圖畫。死留青塚使  
人嗟。

中山孺子妾歌

漢賜中山靖王會孺子  
妾及英才已下歌四篇

昭君拂玉鞍。上馬啼紅顏。今日漢宮人。明朝胡地妾。  
中山孺子妾。特以色見珍。雖不如延年妹。亦是當時絕  
世人。桃李出深井。花豔驚上春。一貴復一賤。關天豈  
由身。芙蓉老秋霜。團扇羞網塵。戚姬髡髮入春市。萬

古共悲辛

荊州歌

白帝城邊足風波。瞿塘五月誰敢過。荊州麥熟繭成。蛾絲絲憶君頭緒。多撥穀飛鳴。奈妾何。

設辟邪伎鼓吹雉子班曲辭

辟邪伎作鼓吹。驚雉子班之奏曲成。嗟伊振迅欲飛。

鳴扇錦翼。雄風生雙。作雌同飲啄。趨悍誰能爭。一作

能爭誰乍向草中耿介死。不求黃金籠下生。天地至廣。

大何惜遂物情。善卷讓天子。務光亦逃名。所貴曠士。

懷朗然合太清。

相逢行

相逢紅塵內。高揖黃金鞭。萬戶垂楊裏。君家阿那邊。

古有所思

我思仙人。乃在碧海之東隅。海寒多天風。白波連山。

倒蓬壺。長鯨噴湧不可涉。撫心茫茫淚如珠。西來青。

鳥東飛去。願寄一書謝麻姑。

久別離

別來幾春未還家。玉窓五見櫻桃花。況有錦字書。開。

緘使人嗟。至此腸斷彼心絕。雲鬢綠鬢罷梳。一作結。

愁如迴飈亂白雪。去年寄書報陽臺。今年寄書重相。

催東風兮一本云胡為乎東風為我吹行雲使西來待來竟  
不來落花寂寂委青苔

採蓮曲

若耶溪傍採蓮女笑隔荷花共人語日照新粧水底  
明風飄香袖空中舉岸上誰家遊冶郎三五五映  
垂楊紫騮嘶入落花去見此踟躕空斷腸

白頭吟

又一篇中與此異今兩存之

錦水東北一作碧流波蕩雙鴛鴦雄巢漢宮樹雌弄秦  
草芳寧同萬死碎綺翼不忍雲間兩分張此時阿嬌  
正嬌妬獨坐長門愁日暮但願君恩顧妾深豈惜黃

金將買賦

一作買詞賦

相如作賦得黃金丈夫好新多

心一朝將聘茂陵女文君因贈白頭吟東流不作西  
歸水落花辭條羞故林兔絲固無情隨風任傾倒誰  
使女蘿枝而來強縈抱兩草猶一心人心不如草莫  
卷龍鬚席從他生網絲且留琥珀枕或有夢來時覆  
水再收豈滿杯棄妾已去難重迴古來得意不相負  
祇今唯見青陵臺一作細  
錦水東流碧波蕩雙鴛鴦雄巢漢宮樹雌弄秦草芳  
相如去蜀謁武帝赤車駟馬生輝光一朝再覽大人  
作萬乘忽欲凌雲翔聞道阿嬌失恩寵千金買賦要

君玉相如不憶貧賤。日官高金多聘私室。茂陵妹孺  
皆見求。文君歡愛從此畢。淚如雙泉水。行墮紫羅襪。  
五起雞三唱。清晨白頭吟。長吁不整綠雲鬢。仰訴青  
天哀怨深。城崩杞梁妻。誰道土無心。東流不作西歸  
水。落花辭枝羞故林。頭上玉鸞釵。是妾嫁時物。贈君  
表相思。羅袖幸時拂。莫卷龍鬚席。從他生網絲。且留  
琥珀枕。還有夢來時。鸚鵡裘在錦屏上。自君一挂無  
由披。妾有秦樓鏡。照心勝照井。願持照新人。雙對可  
憐影。覆水却收不滿杯。相如還謝文君迴。古來得意  
不相負。祇今唯有青陵臺。

臨江王節十部

洞庭白波木葉林。始入吳雲飛。吳雲寒。燕鴻苦。  
風號沙宿瀟湘浦。節士感秋淚如雨。白日當天心。照  
之可以事明主。壯士憤雄風生。安得倚天劍。跨海斬  
長鯨。

司馬將軍歌

代陳上健  
兄陳安

狂風吹古月。竊弄章華臺。北落明星動。光彩南征猛。  
將如雲雷。手中電曳。一作電倚天劍直斬長鯨。海水開。  
我見樓船壯。心目頗似龍驤下。三蜀揚兵習戰張。虎  
旗江中白浪如銀屋。身居玉帳臨河魁。紫髯若戟冠。

崔嵬細柳開營揖天子。始知灞上為嬰孩。羌笛橫吹  
阿鞞迴。向月樓中吹落梅。將軍自起舞長劍。壯士呼  
聲動九垓。功成獻凱見明主。丹青畫像麒麟臺。北路一作比落

君道曲 梁之雅歌有五篇今作一章

大君若天覆。廣運無不至。軒后爪牙常先太山稽。如  
心之使臂。小白鴻翼於夷吾。劉葛魚水本無二。土校  
一作扶。可成牆。積德為厚地。

結襪子

燕南壯士吳門豪。中置鉉魚隱刀。感君恩重許君  
命。太山一擲輕鴻毛。

結客少年場行

紫鷲黃金瞳。秋秋採綠髮。平明相馳逐。結客洛門東。  
少年學劍術。凌轢白猿公。珠袍曳錦帶。七首挿吳鴻。  
由來萬夫勇。挾此英一作生雄風。託交從一作徒劇孟。買  
醉入新豐。笑盡一杯酒。殺人都市中。羞道易水寒。從  
今日貫虹。燕丹事不立。虛沒秦帝宮。舞陽死灰人。一作中  
安可與成功。

長干行二首

妾髮初覆額。折花門前劇。郎騎竹馬來。遶牀弄青梅。  
同居長千里。兩小無嫌猜。十四為君婦。羞顏未嘗一本



不云尚開低頭向暗壁。千喚不一迴。十五始展眉。願同  
塵與灰。常存抱柱信。豈上望夫臺。十六君遠行。瞿塘  
滄瀨堆。五月不可觸。猿聲一作天上哀門前遲行跡。  
一一作不能掃生綠苔。苔深一作不能掃落葉秋風早。八月胡  
蝶來。雙飛西園草。感此傷妾心。坐愁紅顏老。早晚下  
三巴。預將書報家。相迎不道遠。直至長風沙。  
憶妾深閨裏。煙塵不曾識。嫁與長干人。沙頭候風色。  
五月南風興。思君下巴陵。八月西風起。想君發揚子。  
去來悲如何。見少別離多。湘潭幾日到。妾夢越風波。  
昨夜狂風度。吹折江頭樹。森森暗無邊。行人在何處。

好乘浮雲駭佳期。前浦東駕鸞綠蒲上。翡翠錦屏中。  
自憐十五餘。顏色桃花紅。那作商人婦。愁水復愁風。

古朗月行

小時不識月。呼作白玉盤。又疑瑤臺鏡。飛在青雲端。  
仙人垂兩足。桂樹作團圓。白兔擣藥成。問言與誰餐。  
蟾蜍蝕圓影。天一作明夜已殘。昇昔落九烏。天人清  
且安。陰精此淪惑。去去不足觀。憂來其如何。惻愴摧  
心肝。

上之回

三十六離宮。樓臺與天通。閣道步行月。美人愁煙空。

思踈寵不及。桃李傷春風。淫樂意何極。金輿向回中。  
萬乘出黃道。千旗揚彩虹。前軍細柳北。後騎一作甘泉東。  
宣問渭川老。寧邀襄野童。但慕瑤池宴。歸來樂未窮。

獨不見

白馬誰家子。黃龍邊塞兒。天山三丈雪。豈是遠行時。  
春蕙忽秋草。莎雞鳴西池。風摧寒樓響。月入霜閨悲。  
憶與君別年。種桃齊蛾眉。桃今百餘尺。花落成枯枝。  
終然獨不見。流淚空自知。

白紵辭三首

揚清歌發皓齒。北方佳人東鄰子。且吟白紵停綠水。  
長袖拂面爲君起。寒雲夜卷霜海空。胡風吹天飄塞鴻。  
玉顏滿堂樂未終。館娃日落歌吹濛。濛一作深。本此一句是

第二首  
首句

月寒江清夜沉沉。美人一笑千黃金。垂羅舞縠揚哀音。  
郢中白雪且莫吟。子夜吳歌動君心。動君心。冀君賞願作天池雙鴛鴦。  
一朝飛去綠一作青雲上。吳刀翦綵縫舞衣。明粧麗服奪春輝。  
揚眉轉袖若雪飛。傾城獨立世所稀。激楚結風醉忘歸。  
高堂月落燭已微。玉釵挂纓君莫違。

鳴鴈行

胡鴈鳴辭燕山。昨發委羽朝度關。一一銜蘆枝。南飛  
散落天地間。連行接翼往復還。客居煙波寄湘吳。凌  
霜觸雪毛體枯。畏逢矰繳驚相呼。聞弦虛墜良可吁。  
君更彈射何為乎。

妾薄命

漢帝重阿嬌。貯之黃金屋。咳唾落九天。隨風生珠玉。  
寵極愛還歇。妬深情却踈。長門一步地。不肯暫迴車。  
雨落不上天。水覆難再收。一作重君情與妾意。各自  
東西流。昔日芙蓉花。今成斷根草。以色事他人。能得

幾時好

幽州胡馬客歌

幽州胡馬客。綠眼虎皮冠。笑拂兩隻箭。萬人不可干。  
彎弓若轉月。白鴈落雲端。雙雙掉鞭行。遊獵向樓蘭。  
出門不顧後。報國死何難。天驕五單于。狼戾好兇殘。  
牛馬散北海。割鮮若虎飡。雖居燕支山。不道朔雪寒。  
婦女馬上笑。顏如頰玉盤。翻飛射鳥獸。花月醉雕鞍。  
旄頭四光芒。爭戰若蜂攢。白刃灑赤血。流沙為之丹。  
名將古誰是。疲兵良可歎。何時天狼滅。父子得閑安。

門有車馬客行

門有車馬賓。金鞍耀朱輪。謂從丹青落。乃是故鄉親。  
呼兒掃中堂。坐客論悲辛。對酒兩不飲。停觴淚盈巾。  
歎我萬里遊。飄飄三十春。空談霸王略。紫綬不挂身。  
雄劍藏玉匣。陰符生素塵。廓落無所合。流離湘水濱。  
借問宗黨間。多為泉下人。生苦百戰役。死託萬鬼鄰。  
北風揚胡沙。埋翳周與秦。大運且如此。蒼穹寧匪仁。  
惻愴竟何道。存亡任大天。一作均一作鈞

君子有所思行

紫閣連終南。青冥天倪色。憑崖望咸陽。宮闕羅北極。  
萬井驚畫出。九衢如絃漆。一作直渭水清。銀河橫天流。

不息朝野盛。文物衣冠何。翕施旆馬散。連山軍容成。  
絕域伊臯運。元化衛霍輸。筋力歌鐘樂。未休榮至老。  
還逼圓光過。滿缺太陽移。中吳不散東海金。何爭西  
輝匿。無作牛山悲。惻愴淚沾臆。

東海有勇婦代閩中有貞女又作賢女

梁山感杞妻。慟哭為之傾。金石忽斲開。都由激深情。  
東海有勇婦。何慙蘇子卿。學劍越處子。超騰若流星。  
捐軀報夫讎。萬死不顧生。白刃曜素雪。蒼天感精誠。  
十步兩躡躍。三呼一交兵。斬首掉國門。蹴踏五藏行。  
豁一作此儼憤一作情繫然大義明。北海李史一作府

君飛章奏天庭。捨罪警一作驚。風俗流芳播滄瀛。名在  
列女籍。竹帛已光榮。淳于免詔獄。漢主爲緹縈。津妾  
一棹歌。脫父於嚴刑。子若不肯。不如一女英。豫讓  
斬空衣。有心竟無成。要離殺慶忌。壯夫素所輕。妻子  
亦何辜。焚之買虛聲。豈如東海婦。事立獨揚名。

黃葛篇

黃葛生洛溪。黃花自繚幕。青煙蔓長條。繚繞幾百尺。  
閨人費素手。採緝作締絡。縫爲絕國衣。遠寄日南客。  
蒼梧大火落。暑服莫輕擲。此物雖過時。是妾手中跡。

白馬篇

龍馬花雪毛。金鬣一作金。凌秋霜。切玉劍。落日明珠。  
鬪雞事萬乘。軒一作。何高弓。摧南山。虎手接太行。猱  
酒後競風彩。三杯弄寶刀。殺人如翦草。劇孟同遊遨。  
發憤去函谷。從軍向臨洮。叱咤萬戰場。一作經。匈奴  
盡奔逃。歸來使酒氣。未肯拜蕭曹。羞入原憲室。荒淫  
隱蓬蒿。

鳳笙篇

仙人十五愛吹笙。學得崑丘彩鳳鳴。始聞鍊氣滄金  
液。復道朝天赴玉京。玉京迢迢幾千里。鳳笙去去無  
窮已。欲歎離聲發絳脣。更嗟別調流纖指。此時惜別

詎堪聞此地相看未忍分。重吟真曲和清吹。却奏仙  
歌響綠雲。綠雲紫氣向函關。訪道應尋緹氏山。莫學  
吹笙王子晉。一遇浮丘斷不還。

怨歌行

十五入漢宮。花顏笑春紅。君王選玉色。侍寢金屏中。  
薦枕嬌夕月。卷衣戀春風。寧知趙飛燕。奪寵恨無窮。  
沉憂能傷人。綠鬢成霜蓬。一朝不得意。世事徒爲空。  
鸛鷓換美酒。舞衣罷羅龍。寒苦不忍言。爲君奏絲桐。  
腸斷絃亦絕。如悲夜忡忡。如悲心一作悲心

塞下曲六首

一本六首

五月天山雪。無花祇有寒。笛中聞折柳。春色未曾看。  
曉戰隨金鼓。宵眠抱玉鞍。願將腰下劍。直爲斬樓蘭。  
天兵下北荒。胡馬欲南飲。橫戈從百戰。直爲銜  
恩甚。握雪海上飡。拂沙隴頭寢。何當破月氏。然後方  
高枕。

駿馬似風飈。鳴鞭出渭橋。彎弓辭漢月。挿羽破天驕。  
陣解星芒盡。營空海霧銷。功成畫一。麟閣獨有霍  
嫖姚。

白馬黃金塞。雲砂繞夢思。那堪愁苦節。遠憶邊城兒。  
螢飛秋窻滿。月度霜闈遲。摧殘梧桐葉。蕭颯沙棠枝。

無時獨不見。淚流空自知。此一篇無

塞虜乘秋下。天兵出漢家。將軍分虎竹。戰士卧龍沙。  
邊月隨弓影。胡霜拂劍花。玉關殊未入。少婦莫長嗟。  
烽火動沙漠。連照甘泉雲。漢皇按劍起。還召李將軍。  
兵氣天上合。鼓聲隴底聞。橫行負勇氣。一戰靜妖氛。

來日大難

來日一身。攜糧負薪。長鳴一作道長食盡。苦口焦唇。今日  
醉飽樂過千春。仙人相存。誘我遠學。海陵三山。陸憇  
五嶽。乘龍天飛。目瞻兩角。授以仙藥。金丹滿握。蟪蛄  
蒙恩。深愧短促。一作思填東海。強銜一木。道重天地。

軒師廣成。蟬翼九。以求長生。下士大笑。如蒼蠅。

塞上曲

大漠無中策。匈奴北渭橋。五原秋草綠。胡馬一何驕。  
命將征西極。橫行陰山側。燕支落漢家。婦女無花色。  
轉戰渡黃河。休兵樂事多。蕭條清萬里。瀚海寂無波。

玉階怨

玉階生白露。夜久侵羅襪。却下水精簾。玲瓏望秋月。  
菩薩蠻

平林漠漠煙如織。寒山一帶傷心碧。暝色入高樓。有  
人樓上愁。玉階空佇立。宿鳥歸飛急。何處是歸程。長

亭連短亭

李翰林集卷第四

國家圖書館, NATIONAL CENTRAL LIBRARY, TAIWAN, R.O.C.



李翰林集卷第五

翰林供奉李白

樂府下

東武吟

短歌行

空城雀

鼓吹入朝曲

發白馬

百上桑

百後作陌

豫章行

枯魚過河泣

丁都護歌

出自薊北門行

相逢行

千里思

秦女休行

秦女卷衣

邯鄲才人塲為所養卒婦

國家圖書館 NATIONAL CENTRAL LIBRARY, TAIWAN, R.O.C.

樹中草

君馬黃

擬古

折楊柳

鳳凰曲

少年子

紫駟馬

少年行二首

襄陽曲四首

白鼻騮

洛陽陌

沐浴子

高句驪

靜夜思

綠水曲

大堤曲

鳳臺曲

從軍行

秋思

春思

秋思

子夜四時歌四首

對酒

北上行

宮中行樂辭八首

清平調詞三首

憶秦娥

估客行

擣衣篇

少年行

長歌行

長相思

去婦詞

東武吟

好古笑流俗。素聞賢達風。方希佐明主。長揖辭成功。  
 白日在高天。迴光燭微躬。恭承鳳皇詔。歛起雲蘿中。  
 清切紫霄迥。優游丹禁通。君王賜顏色。聲價凌煙虹。  
 乘輿擁翠蓋。扈從金城東。寶馬麗絕景。錦衣入新豐。  
 倚巖望松雪。對酒鳴絲桐。因學揚子雲。獻賦甘泉宮。  
 天書美片善。清芬播無窮。歸來入咸陽。談笑皆王公。

一朝去金馬。飄落成飛蓬。賓友日踈散。玉樽亦已空。  
才力猶可倚。不慙世上雄。閑作東武吟。曲盡情未終。  
書此謝知己。吾尋黃綺翁。

短歌行

白日何短短。百年苦易滿。蒼穹浩茫茫。萬劫太極長。  
麻姑垂兩鬢。一半已成霜。天公見玉女。大笑億一作憶。  
千場吾欲攬六龍。迴車桂扶桑。北斗酌美酒。勸龍各  
一觴。富貴非所願。與人駐顏光。

空城雀

嗷嗷空城雀。身計何戚促。本與鷓鴣群。不隨鳳皇族。

提攜四黃口。飲乳未常足。食君一作若糠粃。餘常恐烏  
鳶逐。一作豕耻涉太行險。羞營覆車粟。天命有定端。守  
分絕所欲。

鼓吹入朝曲

金陵控海浦。淶水帶吳京。銑歌列騎吹。颯沓引公卿。  
槌鐘速嚴粧。伐鼓啓重城。天子憑玉几。劍履若雲行。  
日出照萬戶。簪裾爛明星。朝罷沐浴閑。遨遊閭風亭。  
濟濟雙闕下。歡娛樂恩榮。

發白馬

將軍發白馬。旌節渡黃河。蕭鼓聒川嶽。滄溟湧海波。

武安有振瓦。易水無寒歌。鐵騎若雪山。飲流酒。漚一作  
如。揚兵獵月窟。轉戰略朝那。倚劍登燕然。邊烽列  
嵯峨。蕭條萬里外。耕作五原多。一掃清大漠。包虎戢  
金戈。

陌上桑

美女渭橋東。春還事蠶作。五馬如飛龍。青絲結金絡。  
不知誰家子。調笑來相謔。妾本秦羅敷。玉顏豔名都。  
綠條映素手。採桑向城隅。使君且不領。願一作况復論  
秋胡。寒蜚愛一作碧草。鳴鳳棲青梧。託心自有處。但  
怪旁人愚。徒令白日暮。高駕空踟躕。

豫章行

胡風吹代馬。北擁魯陽關。吳兵照海雪。西討何時還。  
半渡上遼津。黃雲慘無顏。老母與子別。呼天野草間。  
白馬繞旌旗。悲鳴相探一作攀。白楊秋叶苦。早落豫  
章山。本爲休明人。斬虜素不閑。豈惜戰鬪死。爲君掃  
兇頑。精感石沒羽。豈云憚險難。一本無樓船若鯨飛。  
波蕩落星灣。此曲不可奏。三軍鬢成斑。

枯魚過河泣

白龍改常服。偶被豫且制。一本云被誰使爾爲魚。徒  
勞訴天帝。作書報鯨鯢。勿恃風濤勢。濤落歸泥沙。翻

遭螻蟻噬萬乘慎出入相人以為誠

丁都護歌

雲陽上征去兩岸饒商賈吳牛喘月時拖船一何苦  
水濁不可飲壺漿半成土一唱都護歌心摧淚如雨  
萬人鑿一作盤石無由達江滸君看石芒一作礪掩  
淚悲千古

出自前北門行

虜陣橫北荒胡星曜精芒羽書速驚電烽火晝連光  
虎竹救邊急戎車森已行明主不安席按劍心飛揚  
一本無推轂出猛將連旗登戰場兵威衝絕漠殺氣  
此二句

凌穹蒼列卒赤山下開管紫塞傍孟冬一作秋風沙緊  
旌旗颯凋傷一本旌旆凋傷畫角悲海月征衣卷天霜揮  
刃斬樓蘭彎弓射賢王單于一平蕩種落自奔亡收  
功報天子行歌歸咸陽

相逢行

胡騎五花馬謁帝出銀臺秀色誰家子雲車珠箔開  
金鞭遙指點玉勒近遲回一本無夾轂相借問知一作  
疑從天上來邀入青綺門當歌共銜杯銜杯映歌扇  
似月雲中見相見不得親不如不相見相見情已深  
未語可知心胡為返一作守空閨孤眠愁錦衾錦衾語

與一作羅帷纏絲會。有時春風正澹蕩。暮雨來何遲。願一作因三青一作鳥。更報長相思。光景不待人。須臾髮成絲。當年失行樂。老去徒傷悲。持此道密意。無令曠佳期。一本無此六句

千里思

李陵沒胡沙。蘇武還漢家。迢迢五原關。朔雪亂遶花。一去隔絕國。思歸但長嗟。鴻雁向西北。飛書報天涯。

秦女休行古詞魏朝協律都尉延年所作今擬之

西門秦氏女。秀色如瓊花。手揮白楊刀。清晝殺讎家。羅袖灑赤血。英聲凌紫霞。直上西山去。關吏相邀遮。

墻為燕國王。身被詔獄加。犯刑若履虎。不畏落爪牙。素頸未及斷。摧眉伏泥沙。金雞忽放赦。大辟得寬賒。何慙聶政姊。萬古共驚嗟。

秦女卷衣

天子居未央。妾侍一作卷衣裳。顧無紫宮寵。敢拂黃金牀。水至亦不去。熊來尚可當。微身奉一作日月。飄若螢之一作光。願君採葑菲。無以下體妨。

邯鄲美人嫁為厮養妾

妾本叢臺女。蛾眉入丹闕。自倚顏如花。寧知有凋歇。一辭玉階下。去若朝雲沒。每憶邯鄲城。深宮夢秋月。

君王不可見。惆悵至明發。

樹中草

鳥銜野田草。誤入枯桑裏。客土植危根。逢春猶不死。  
草木雖無情。因依尚可生。如何一作同枝葉。各自有  
枯榮。

君馬黃

君馬黃。我馬白。馬色雖不同。人心本無隔。共作遊冶  
盤。雙行洛陽陌。長劍既照耀。高冠何赫赫。各有千金  
裘。俱為五侯客。猛虎落陷穽。壯夫時屈厄。相知在急  
難。獨好亦何益。

擬古

融融白玉輝。映我青蛾眉。寶鏡似空水。落花如風吹。  
出門望帝子。蕩漾不可期。安得黃鶴羽。一報佳人知。

折楊柳

垂楊拂渌水。搖豔東風年。花明玉關雪。葉暖金窻煙。  
美人結長恨。相對一作對此。心悽然。攀條折春色。遠寄龍  
庭前。

鳳皇曲

羸女吹玉簫。吟弄天上春。青鸞不獨去。更有攜手人。  
影滅綵雲斷。遺聲落西秦。

少年子

青雲少年子。挾彈章臺左。鞍馬四邊開。突如流星過。  
金丸落飛鳥。夜入瓊樓卧。夷齊是何人。獨守西山餓。

紫騮馬

紫騮行且嘶。雙翻碧玉蹄。臨流不肯渡。似惜錦障泥。  
白雪關山遠。黃雲海戍迷。揮鞭萬里去。安得念春閨。

少年行二首

擊筑飲美酒。劒歌易水涓。經過燕太子。結託并州兒。  
少年負壯氣。奮烈自有時。因聲魯句踐。爭博勿相欺。

烈一作列

五陵少年金市東。銀鞍白馬度春風。落花踏盡遊何處。  
笑入胡姬酒肆中。

襄陽曲四首

襄陽行樂處。歌舞白銅鞮。江城迴渌水。花月使人迷。  
山公醉酒時。酩酊高陽下。頭上白接羅。倒著還騎馬。  
峴山臨漢江。水綠沙如雪。上有墮淚碑。青苔久磨滅。  
且醉習家池。莫看墮淚碑。山公欲上馬。笑殺襄陽兒。

白鼻騮

銀鞍白鼻騮。綠地障泥錦。細雨春風花落時。揮鞭且  
一作直 就胡姬飲。



洛陽陌

白玉誰家郎。迴車渡天津。看花東陌上。驚動洛陽人。

沐浴子

沐芳莫彈冠。浴蘭莫振衣。處世忌太潔。志人貴其暉。滄浪有釣叟。吾與爾同歸。

高句驪

金花折風帽。白馬小遲回。翩翩舞廣袖。似鳥海東來。

靜夜思

牀前看月光。疑是地上霜。舉頭望山月。低頭思故鄉。

綠水曲

綠水明秋月。一一作南湖採白蘋荷花嬌欲語。愁殺蕩舟人。

大堤曲

漢水臨襄陽。花開大堤援。佳期大堤下。淚向南雲滿。春風復無情。吹我夢魂散。一作不見眼中人長音信斷。

鳳臺曲

嘗聞秦帝女。傳得鳳皇聲。是日逢仙子。當時別有情。人吹彩籥去。天借綠雲迎。一作雲迎曲在身餘弄玉名。

從軍行

從軍五門道。逐虜金微山。笛奏梅花曲。刀開明月環。鼓聲鳴海上。兵氣擁雲間。願斬單于首。長驅靜鐵關。

秋思

春陽如昨日。碧樹鳴黃鸝。燕然蕙草暮。颯爾涼風吹。天秋木葉下。月冷莎雞悲。坐愁群芳歇。白露兩華滋。

春思

燕草如碧絲。秦桑低綠枝。當君懷歸日。是妾斷腸時。春風不相識。何事入羅帷。

秋思

關氏黃葉落。妾望白日一作登臺海上碧雲斷。單于秋色來。胡兵沙塞合。漢使玉關迴。征客無歸日。空悲蕙草摧。

子夜四時歌 春

秦地羅敷女。採桑水邊。素手青條上。紅粧白日仙。鮮一作蠶。飢妾欲去。五馬莫留連。

夏

鏡湖三百里。菡萏發荷花。五月西施採。人看隘若耶。迴舟不待月。歸去越王家。

秋

長安一片月萬戶擣衣聲。秋風吹不盡。總是玉關情。  
何日平胡虜。良人罷遠征。

冬

明朝驛使發。一夜絮征袍。素手抽針冷。那堪把剪刀。  
裁縫寄遠道。幾日到臨洮。

對酒行

松子棲金華。安期入蓬海。此人古之仙。羽化竟何在。  
浮生速流電。倏忽變光彩。天地無凋顏。一作容一作  
顏有遷改。對酒不肯飲。含情欲誰待。

北上行

北上何所苦。一作北上緣太行。磴道盤且峻。巖凌  
穹蒼。馬足蹶側石。車輪摧高岡。沙塵接幽州。烽火連  
朔方。殺氣毒劍戟。嚴風裂衣裳。奔鯨夾黃河。鑿齒屯  
洛陽。前行無歸日。返顧思舊鄉。慘戚冰雪裏。悲號絕  
中腸。尺布不掩體。皮膚劇枯索。汲水澗谷阻。採  
薪隴坂長。猛虎又掉尾。磨牙皓秋霜。草木不可飡。飢  
飲零露漿。歎此北上苦。停驂爲之傷。何日王道平。開  
顏覩天光。

宮中行樂詞八首

小小生金屋。盈盈在紫微。山花插寶鬢。石竹鋪羅

衣每出深宮裏。常隨步輦歸。只愁歌舞散。化作綵雲飛。

柳色黃金嫩。梨花白雪香。玉樓巢翡翠。金殿鎖鴛鴦。選妓隨雕輦。徵歌出洞房。宮中誰第一。飛燕在昭陽。

盧橘爲秦樹。蒲萄出漢宮。煙花宜落日。絲管醉春風。笛奏龍吟水。簫鳴鳳下空。君王多樂事。還與萬方同。

玉樹春歸日。金宮樂事多。後庭朝未入。輕輦夜相過。笑出花間語。嬌來竹下歌。莫教明月去。留著醉

嫦娥

繡戶香風暖。紗牕曙色新。宮花爭笑日。池草暗生春。綠樹聞歌鳥。青樓見舞人。昭陽桃李月。羅綺自相親。

今日明光裏。還須結伴遊。春風開紫殿。天樂下珠樓。豔舞全知巧。嬌歌半欲羞。更憐花月夜。宮女笑藏鉤。

寒雪梅中盡。春風柳上歸。宮鶯嬌欲醉。簷燕語還飛。遲日明歌席。新花豔舞衣。晚來移綵仗。行樂泥光輝。

水綠南薰殿。花紅北闕樓。鶯歌聞太液。鳳吹繞瀛洲。素女鳴珠珮。天人弄綵毬。今朝風日好。且入未央遊。

清平調詞三首

雲想衣裳花想容。春風拂檻露華濃。若非羣玉山頭見。會向瑤臺月下逢。  
一枝秣豔露凝香。雲雨巫山枉斷腸。借問漢宮誰得似。可憐飛燕倚新粧。  
名花傾國兩相歡。長得君王帶笑看。解釋春風無限恨。沉香亭北倚闌干。

憶秦娥

蕭聲咽。秦娥夢斷秦樓月。秦樓月。年年柳色。灞陵傷別。樂游原上清秋節。咸陽古道音塵絕。音塵絕。西風殘照。漢家陵闕。

估客行

海客乘天風。將船遠行役。譬如雲中鳥。一去無蹤跡。

擣衣篇

閨裏佳人年十餘。嘔蛾對影恨離居。忽逢江上春歸燕。銜得雲中尺素書。玉手開絨長嘆息。狂夫猶戍交河北。萬里交河水北流。願為雙燕泛中洲。君邊雲擁青

絲騎妾處苔生紅粉樓。樓上春風日將歇。誰能攬鏡  
看愁髮。曉吹負管隨落花。夜擣戎衣向明月。明月高  
高刻漏長。真珠簾箔掩蘭堂。橫垂寶幄同心結。半拂  
瓊筵蘇合香。瓊筵寶幄連枝錦。燈燭熒熒照孤寢。有  
便憑將金剪刀。為君留下相思枕。摘盡庭蘭不見君。  
紅巾拭淚生氤氳。明年若更征邊塞。願作陽臺一段  
雲。

少年行

君不見淮南少年游俠客。白日毬獵夜擁擲。呼盧百  
萬終不惜。報讎千里如咫尺。少年游俠好經過。渾成

裝束皆綺羅。蘭蕙相隨喧妓女。風光去處滿笙歌。驕  
矜自言不可有。俠士堂中養來久。好鞍好馬乞與人。  
十千五千旋沽酒。赤心用盡為知己。黃金不惜栽桃  
李。桃李栽來幾度春。一回花落一回新。府縣盡為門  
下客。王侯皆是平交人。男兒百年且樂命。何須徇書  
受貧病。男兒百年且榮身。何須徇節甘風塵。衣冠半  
是征戰士。窮儒浪作林泉民。遮莫枝根長百丈。不如  
當代多還往。遮莫姻親連帝城。不如當身自簪纓。看  
取富貴眼前者。何用悠悠身後名。

長歌行

桃李待日開。榮華照當年。東風動百物。草木盡欲言。  
枯枝無醜葉。涸水吐清泉。大力運天地。羲和無停鞭。  
功名不早著。竹帛將何宣。桃李務青春。誰能貫白日。  
富貴與神仙。蹉跎成兩失。金石猶銷鑠。風霜無久質。  
畏落日。月後強飲歌。與酒秋霜不惜人。倏忽侵蒲柳。

長相思

日色欲盡花含煙。月明欲素愁不眠。趙瑟初停鳳凰  
柱。蜀琴欲奏鴛鴦絃。此曲有意無人傳。願隨春風寄  
燕然。憶君迢迢隔青天。昔時橫波目。今作流淚泉。不  
信妾腸斷。歸來看取明鏡前。

去婦詞

古來有棄婦。棄婦不歸處。今日妾辭君。辭君遣何去。  
本家零落盡。幼時歸。路憶昔未嫁君。聞君却周旋。  
綺羅錦綉段。五十年。金千十五許嫁君。二十移所天。  
自從結髮日。君若緬山川。家家盡歡喜。孤妾長  
自憐。幽閨多怨。盛色無十年。相思若循環。枕席生  
流泉。流泉咽不掃。獨夢關山道。及此見君歸。君歸妾  
已老。物情惡衰。新寵方妍好。掩淚出故房。傷心劇  
秋草。自妻為君妻。君東妾在西。羅幃到曉恨。玉貌一  
生啼。自從離別久。不覺塵埃厚。常嫌玳瑁孤。猶羨鴛

鴛。偶。歲。華。逐。霜。霰。賤。妾。何。能。久。寒。沼。落。芙。蓉。秋。風。散。  
楊。柳。似。此。顛。顛。顏。空。持。舊。物。還。餘。生。欲。何。寄。誰。肯。相。  
牽。攀。君。恩。既。斷。絕。相。見。何。年。月。悔。傾。連。理。杯。虛。作。同。  
心。結。女。蘿。附。青。松。貴。欲。相。依。投。浮。萍。失。綠。水。教。作。若。  
為。流。不。歎。君。棄。妾。自。歎。妾。緣。業。憶。昔。初。嫁。君。小。姑。纔。  
倚。床。今。日。妾。辭。君。小。姑。如。妾。長。回。頭。語。小。姑。莫。嫁。如。  
兄。夫。

李翰林集卷第五



李翰林集卷第六

翰林供奉李白

贈上

贈張相鎬二首

玉真公主別館苦雨贈衛尉張卿二首

贈從弟南平太守之遙二首

書情贈蔡舍人

在水軍宴贈幕府諸侍御

經亂離後天恩流夜郎憶舊遊書懷贈江夏韋

太守

贈宣城文太守兼呈崔侍御

贈宣城趙太守悅

贈崔郎中宗之

中丞宋公以吳兵三千赴河南軍次尋陽脫余

之囚叅謀幕府因口号贈此詩

贈韋祕書子春

贈崔諮議

贈韋侍御黃裳二首

贈薛校書

書懷贈南陵常贊府

江夏使君叔席上贈史郎中

贈潘侍御論錢少陽

贈昇州王使君忠臣

巴陵贈賈舍人

贈別從生高五

贈孟浩然

襄陽

見京兆韋參軍量移東陽二首

東魯見狄博通

溫泉侍從歸逢故人

贈臨洛縣令皓弟時被訟停官

鄴中王大勸入高鳳石門山幽居

贈華州王司士 醉後贈從甥高鎮

上李邕 贈汪倫

走筆贈獨孤駙馬 贈閻立宿松

贈盧徵君昆弟

述德兼陳情呈哥舒大夫

贈裴十四 宿清溪主人

駕去溫泉後贈楊山人

秋日鍊藥院鑷白髮贈元六兄林宗

對雪獻從兄虞城宰

訪道安陵遇益還為余造真籙臨別留贈

贈王判官將余歸隱居廬山屏風疊

聞謝揚兒吟猛虎詞因此有贈

贈別舍人弟臺卿之江南

將避地剡中留贈崔宣城

贈張相鎬二首 時逃難病在

後一首亦作書懷重寄張相公

神器難竊弄天狼窺紫宸六龍遷白日四海暗胡塵

昊穹降元宰君子方經綸澹然養浩氣歛起持大鈞

秀骨象山嶽英謀合鬼神佐漢解鴻門生唐為後身

擁旄秉金鉞。伐鼓乘朱輪。虎將如雷霆。惣戎向東巡。  
諸侯拜馬首。猛士騎鯨鱗。澤被魚鳥。旣令行草木。春  
聖智不失時。建功及良辰。醜虜安足紀。可貽憫與中。  
倒瀉滇海珠。盡爲入幕珍。馮異獻赤伏。鄧生倏來臻。  
庶同昆陽舉。再覩漢儀新。昔爲管將鮑。中奔吳隔秦。  
一生欲報主。百代思榮親。其事竟不就。哀哉難重陳。  
卧病古松滋。蒼山空四鄰。風雲激壯志。枯槁驚常倫。  
聞君自天來。目張氣益振。亞夫得劇孟。敵國定無人。  
捫虱對相公。願得論悲辛。大塊方噫氣。何辭鼓青蘋。  
斯言儻不合。歸老漢江濱。

本家隴西人。先爲漢遼將。功略蓋天地。名飛青雲上。  
苦戰竟不侯。當年頗惆悵。世傳崆峒勇。氣激金風壯。  
英烈遺厥孫。百代神猶王。一本無十五觀奇書作賦  
凌相如。龍顏惠殊寵。麟閣憑天居。晚徒途一作去云已  
蹭蹬遭讒毀。想像晉末時。崩騰胡塵起。衣冠陷鋒鏑。  
戎虜滿朝市。石勒窺神州。劉聰劫天子。撫劍夜吟嘯。  
雄心日千里。誓欲斬鯨鯢。澄清洛陽水。六合灑霖雨。  
萬物無凋枯。我揮一杯水。自笑何區區。因人耻成事。  
貴欲決良圖。滅虜不言功。飄然陟蓬壺。唯有安期舄。  
留之滄海隅。

玉真公主別館苦雨贈衛尉張卿二首

愁坐金張館。繁陰晝不開。空煙送雨色。蕭颯望中來。  
翳翳昏墊苦。沈沈憂恨催。清秋何以慰。白酒盈吾杯。  
吟詠思管樂。此人已成灰。獨酌聊自勉。誰貴經綸才。  
彈劍謝公子。無魚良可哀。

苦雨思白日。浮雲何由卷。稷卨和天人。陰陽仍驕蹇。  
秋霖劇倒井。昏霧橫絕巘。欲往咫尺塗。遂成山川限。  
淒淒奔溜瀉。浩浩驚波轉。泥沙塞中途。牛馬不可辨。  
飢從漂母食。閑綴羽陵簡。家逢秋潦。蔡在。不滿眼。  
蟪蛄結思幽。蟋蟀傷福淺。厨竈無青煙。刀机生綠鮮。

投筯解鷓鴣。換酒醉北堂。丹徒布衣者。慷慨未可量。  
何時黃金盤。一斛薦檟柳。功成拂衣去。搖曳滄洲旁。

贈從弟南平太守之遙二首

時因飲酒過度  
貶武陵後詩故

少年不得意。落魄無安居。願隨任公子。欲釣吞舟魚。  
常時飲酒逐風景。壯心遂與功名踈。蘭生谷底人不  
鋤。雲在高山空卷舒。漢家天子馳駟馬。赤車蜀道迎  
相如。天門九重謁聖人。龍顏一解四海春。彤庭左右  
呼萬歲。拜賀明主收沈淪。翰林秉筆迴英眄。麟閣崢  
嶸誰可見。承恩初入銀臺門。著書獨在金鑾殿。龍駒

雕鎧白玉鞍。象牀綺食黃金盤。當時笑我微賤者。却  
來請謁爲交歡。一朝謝病遊江海。疇昔相知幾人在。  
前門長揖後門關。今日結交明日改。愛君山嶽心不  
移。墮一作隨君雲霧迷所爲。夢得池塘生春草。使我長  
價登樓詩。別後遙傳臨海作。可見羊何共和之。  
東平與南平。今古兩步兵。素心愛美酒。一作不是顧  
專城謫官桃源去。尋花幾度處。一作行秦人如舊識出  
戶笑相迎。

書情贈蔡舍人

常高謝太傅。攜妓東山門。楚舞醉碧雲。吳歌斷清猿。

整因蒼生起。談笑安黎元。余亦愛此人。丹霄冀飛翻。  
遭逢聖明主。敢進興亡言。蛾眉積讒妬。魚目唾瓊璠。  
一本無白璧竟何辜。青蠅遂成冤。一朝去京國。十載  
此二句客梁園。猛犬吠九關。殺人憤精魂。皇穹雪冤枉。白日  
開氛昏。太階得夔龍。桃李滿中原。倒海索明月。凌山  
採芳蓀。愧無橫草功。虛負雨露恩。跡謝雲臺閣。心隨  
天馬轅。夫子王佐才。而今復誰論。層飈振六翮。不日  
思騰騫。我縱五湖棹。煙濤恣崩奔。夢釣子陵湍。英風  
緬猶存。徒希客星隱。弱植不足援。千里一回首。萬里  
一長歌。黃鶴不復來。清風奈愁何。舟浮瀟湘月。山倒

洞庭波。投汨笑古人。臨濠得天和。閑時田畝中。搔背  
牧雞鵝。別離解相訪。應在武陵多。

在水軍宴贈幕府諸侍御

月化五白龍。翻飛凌九天。胡沙驚北海。電掃洛陽川。  
虜箭雨官闕。皇輿成播遷。英王受廟略。秉鉞清南邊。  
雲旗卷海雪。金戟羅江煙。聚散百萬人。馳張在一賢。  
霜臺降群彥。水國奉戎旃。繡服開宴語。天人借樓船。  
如登黃金臺。遙謁紫霞仙。卷身編蓬下。冥機四十年。  
寧知草間人。腰下有龍泉。浮雲在一決。誓欲清幽燕。  
願與四座公。靜談金櫃壘。一作篇齊心戴朝恩。不惜微

軀捐所冀。旄頭滅。功成追魯連。

經亂離後天恩流夜郎憶舊遊書懷贈江夏

韋太守

天上白玉京。十二樓五城。仙人撫我頂。結髮受長生。  
誤逐世間樂。頗窮理亂情。九十六聖君。浮雲挂空名。  
天地賭一擲。未能忘戰爭。試涉霸王略。將期軒冕榮。  
時命乃大謬。棄之海上行。學劍翻自哂。為文竟何成。  
劍非萬人敵。文竊四海聲。兒戲不足道。五噫出西京。  
臨當欲去時。慷慨淚沾纓。歎君個儻才。標舉冠群英。  
開筵引祖帳。慰此遠徂征。鞍馬若浮雲。送余驃騎亭。

歌鐘不盡意。白日落昆崑。一作明十月到幽州。戈鋌若

羅星。君王棄北海。掃地借長鯨。呼吸走百川。燕然可

摧傾。心知不得意。却欲棲蓬瀛。鸞孤懼天狼。挾夫不

敢張。攬涕黃金臺。呼天哭昭土。無人貴駿骨。綠耳空

騰驤。樂毅儻再生。于今亦奔亡。蹙蹙不得意。驅馬逐

過一作貴鄉逢君聽絃歌。肅肅華堂。百里獨太古。陶

然卧羲皇。徵樂昌樂館。闢苑列靈臺。寶豪問青娥。對

燭儼成行。醉舞紛綺席。清歌繞飛梁。歡娛未終朝。秩

滿歸咸陽。祖道擁萬人。供帳遙相望。一本無此二句一別隔

千里。榮枯異炎涼。炎涼幾度改。九土中橫潰。漢甲連

胡兵。沙塵暗雲海。草木搖殺氣。星辰無光彩。白骨成

丘山。蒼生竟何罪。函關壯帝居。國命懸哥舒。長戟三

十萬。開門納兇渠。公卿如犬羊。忠謹醢與殖。二聖出

遊豫。兩京遂立墟。帝子許專征。秉旄控強楚。節制非

桓文。軍師擁熊虎。人心失去就。賊勢騰風雨。惟君固

房陵。誠節冠終古。僕卧香爐頂。餐霞漱瑤泉。門開九

江轉。枕下五湖連。半夜水軍來。尋陽滿旌旂。空名適

自誤。迫脅上樓船。徒賜五百金。棄之若浮煙。辭官不

受賞。翻謫夜郎天。夜郎萬里道。西上令人老。掃蕩六

合清。仍為負霜草。日月無偏照。何由訴蒼昊。良牧時



稱一作神明所一作深仁恤交道一忝青雲客三登黃鶴樓顧慙禰處士虛對鸚鵡洲樊山霸氣盡一作寒落天地秋江帶峨眉雪川橫三峽流萬舸此中來連帆逐揚州送此萬里目曠然散我愁紗窓倚天開水一作木樹綠如髮窺日畏銜山從酒喜見月吳娃與越豔窈窕誇鈿紅呼來上雲梯含笑出簾櫳對客小垂手羅衣舞春風賓跪請休息主人情未極覽君荆山作江鮑堪動色清水出芙蓉天然去雕飾逸喜一作興橫素襟無時不招尋朱門擁虎士列戟何森森翦鑿竹石開縈流漲清深登臺坐水閣吐論多英音片辭貴

白壁一諾輕黃金此一本無謂我不愧君青鳥明丹心五色雲間鶴飛鳴天上來傳聞赦書至却放夜郎迴暖氣變寒谷炎煙生死灰君登鳳池去勿棄賈生才一本無祭犬尚吠堯匈奴笑千秋中夜四五歎常為此二句大國憂旌旆夾兩山黃河當中流連難一作難不得進飲馬空夷猶安得羿善射一箭落旄頭

贈宣城宇文太守兼呈崔侍御

白若白鷺鮮清如清唳蟬受氣有本性不為外物遷飲水箕山上食雪首陽巔迴車避朝歌掩口去盜泉岩堯廣成子倜儻魯仲連卓絕二公外丹心無間然

昔攀六龍飛。今作百鍊鉞。懷恩欲報主。投佩向北燕。  
彎弓綠弦開。滿月不憚堅。閑騎駿馬獵。一箭兩虎穿。  
回旋若流光。轉背落雙鳶。胡虜三歎息。兼知五兵權。  
鎗鎗突雲將。却掩我之妍。一本無此六句多逢勦絕兒。先著  
祖生鞭。據鞍空矍鑠。壯心一作志誰能竟。誰一作誰宣蹉跎。復  
來歸。憂恨坐相煎。無風難破浪。失計長江邊。危苦惜  
顏光。金波忽三圓。時遊敬亭上。閑聽松風眠。或弄宛  
溪月。虛舟信迴公。顏公三十萬。盡付酒家錢。興發每  
取之。聊向醉中仙。遂此無一事。靜談秋水篇。君從九  
鄉來。水國有豐年。魚鹽滿市井。布帛如雲煙。下馬不

作威。冰壺照清川。霜眉邑中叟。皆美太守賢。時時慰  
風俗。往往出東田。竹馬數小兒。拜迎白鹿前。含笑問  
使君。日晚可迴旋。遂歸池上酌。掩抑清風絃。曾標橫  
浮雲。一作石撫謝眺肩。樓高碧海出。樹一作同古青蘿  
懸。光祿紫霞杯。伊昔忝相傳。良圖掃沙漠。別夢繞旌  
旃。富貴日成蹊。願言香無緣。登龍有直道。倚玉阻芳  
筵。敢獻繞朝策。思同郭泰船。何言一水淺。似隔九重  
天。崔生何傲岸。縱酒復談玄。身為名公子。英才苦迓  
遭。鳴鳳託高梧。凌風何翩翩。安知慕一作慕群零。彈劔  
拂秋蓮。

贈宣城趙太守悅

趙得寶符盛。山河功業存。三千堂上客。出入擁平原。  
六國揚清風。英聲何喧喧。大賢茂遠業。虎竹光南藩。  
錯落千丈松。虬龍盤古根。枝下無俗草。所植唯蘭蓀。  
憶在南陽時。始承國士恩。公為柱下史。脫繡歸田園。  
伊昔簪白筆。幽都逐遊魂。持斧佐三軍。霜清天北門。  
差池宰兩邑。鸚鵡立重翻。焚香入蘭臺。起草多芳言。  
夔龍一顧重。矯翼凌翔鶴。赤縣揚雷聲。強項聞至尊。  
驚飈摧秀木。跡屈道彌敦。出牧歷三郡。所居猛獸奔。  
遷人同衛鶴。謬上懿公軒。自笑東郭叟。側慙狐白溫。

閑吟步竹石。精義忘朝昏。顛顛成醜士。風雲何足論。  
獼猴騎土牛。羸馬夾雙轅。願借羲皇景。為人照覆盆。  
溟海不震蕩。何由縱鵬鯢。所期要津日。倜儻假騰騫。

贈崔郎中宗之

胡薦拂海翼。翱翔鳴素秋。驚雲辭沙朔。飄蕩迷河洲。  
有如飛蓬人。去逐萬里遊。登高望浮雲。髮鬢如舊丘。  
日從海旁邊。一作邊沒水向天邊流。長嘯倚一作依孤劔。目  
極心悠悠。歲晏歸去來。富貴安所求。仲尼七十說。歷  
聘莫見收。魯連逃千金。珪組豈可酬。一作歲特哉一作苟不  
會草一作木為我傳。希君同攜手。長往南山幽。

中丞宋公以吳兵三千赴河南軍次尋陽脫  
余之囚參謀幕府因口号贈此詩

獨坐清天下專征出海隅九江皆渡虎三郡盡還珠  
組練明秋浦樓船入郢都風高初選將月滿欲平胡  
殺氣橫千里軍聲動九區白猿慙劔術黃石借兵符  
戎虜行宮翦鯨鯢立可誅自憐非劇孟何以佐良圖

贈韋秘書子春

谷口鄭子真躬耕在巖石高名動京師天下皆藉藉  
斯人竟不起雲卧從所適苟無濟代心獨善亦何益  
惟君家世者偃息遂休明談天信浩蕩說劍紛縱

橫謝公不徒然之來為蒼生秘書何寂寂無乃羈亭  
英且復歸碧山安能戀金闕舊宅樵漁地蓬蒿已應  
沒却顧女兒峯胡顏見雲月徒為風塵苦一官已白  
鬚氣同萬里合訪我來瓊都披雲覩青天捫虱語良  
圖留侯將綺季出處未云殊終與安社稷功成去五  
湖

贈崔諮議

駮一作驥本天馬素非伏櫪駒長嘶向清風倏忽凌  
九區何言西北至却走東南隅世道有翻覆前期難  
預圖希君一翦拂令猶一作可騁中衢

贈韋侍御黃裳二首

太華生長松。亭亭凌霜雪。天與百尺高。豈為微颺折。  
桃李賣陽豔。路人行且迷。春光掃地盡。碧葉成黃泥。  
願君學長松。慎勿作桃李。受屈不改心。然後知君子。

見君乘驄馬。知上太山道。此地果摧輪。全身以為寶。  
我如豐年玉。棄置秋田草。但勗冰壺心。無為歎衰老。

贈薛校書

我有吳越曲。無人知此音。姑蘇成蔓草。麋鹿空悲吟。  
未誇觀濤作。空鬱釣龍心。舉手謝東海。虛行歸故林。

書懷贈南陵常贊府

歲星入漢年。方朔見明主。調笑當時人。中天謝雲雨。  
一去麒麟閣。遂將朝市乖。故交不過門。秋草日上階。  
當時何特達。獨與我心諧。置酒凌歊臺。歡娛未曾歇。  
歌動白紵山。舞迴天門月。問我心中事。為君前致辭。  
君看我才能。何似魯仲尼。大聖猶不遇。小儒安足悲。  
雲南五月中。頻喪渡瀘師。毒草殺漢馬。張兵奪秦旗。  
至今西二河。流血擁僵屍。將無七擒略。魯女惜園葵。  
咸陽天下樞。累歲人不足。雖有數斗玉。不如一杯粟。  
願得契宰衡。持釣慰風俗。自顧無所用。辭家方求歸。

霜驚壯士髮。淚滿逐臣衣。以此不安席。蹉跎身世違。  
終當滅衛謗。不受魯人譏。

江夏使君叔席上贈史郎中

鳳皇丹禁裏。銜出紫泥書。昔放三湘去。今還萬死餘。  
仙郎久爲別。客舍問何如。涸轍思流水。浮雲失舊居。  
多慙華省貴。不以逐臣疎。復如竹林下。而陪芳宴初。  
希君生羽翼。一化北溟魚。

贈潘侍御論錢少陽

繡衣柱史何昂藏。鐵冠白筆橫秋霜。三軍論事多引  
納。階前虎士羅干將。雖無二十五老者。且有一翁錢

少陽。眉如松雪齊四皓。調笑可以安儲皇。君能禮此  
最下士。九州拭目瞻清光。

贈昇州王使君忠臣

六代帝王一作主國。三吳佳麗城。賢人當重寄。天子借  
高名。巨海一邊靜。長江萬里清。應須救趙策。未肯棄  
侯嬴。

已陵贈賈舍人

賈生西望憶京華。湘浦南遷莫怨嗟。聖主恩深漢文  
帝。憐君不遣到長沙。

贈別從甥高五

魚目高太山。不如一璵璠。賢甥即明月。聲價動天門。  
能成吾宅相。不減魏陽元。自顧寡籌略。功名安所存。  
萬一作木思一擲。如繩繫窮後。擬中駿馬空。堂上醉  
人誼。一作黃黃金久已罄。為報故交恩。聞君隴西行。使  
我驚心魂。與爾共飄飄。雲天各飛翻。江水流或卷。此  
心難具論。貧家羞好客。語拙覺辭繁。三朝空錯莫。對  
飲却慙寬。自笑我非夫。生事多契闊。蓄積萬古憤。向  
誰得開豁。天地一浮雲。此身乃毫末。忽見無端倪。太  
虛可包括。去去何足道。臨歧空復愁。肝膽不楚越。山  
河亦衮裊。雲龍若相從。明主會見收。成功解相訪。溪

水桃花流

贈孟浩然 襄陽

吾愛孟夫子。風流天下聞。紅顏棄軒冕。白首卧松雲。  
醉月頻中聖。迷花不事君。高山安可仰。徒此揖清芬。

見京兆韋參軍量移東陽二首 吳中

潮水還歸海。流人却到吳。相逢問愁苦。淚盡日南珠。  
聞說金華渡。東連五百灘。全勝若耶好。莫道此行難。  
猿嘯千谿合。松風五月寒。他年一攜手。搖艇入新安。

東魯見狄博通

去年別我向何處。有人傳道遊江東。謂言掛席度滄

海却來應是無長風。

溫泉侍從歸逢故人

漢帝長楊苑。誇胡羽獵歸。子雲叨侍從。獻賦有光輝。  
激賞搖天筆。承恩賜御衣。逢君奏明主。他日共翻飛。

贈臨洛縣令皓弟時被訟停官

陶令去彭澤。茫然太古心。大音自成曲。但奏無絃琴。  
釣水路非遠。連鰲意何深。終期龍伯國。與爾相招尋。

鄴中王大勸入高鳳石門山幽居

一身竟無託。遠與孤蓬征。十里失所依。復將落葉并。  
中途偶良朋。問我將何行。欲獻濟時策。此心誰見明。

君王制六合。海塞無交兵。壯士伏草間。沉憂亂縱橫。  
飄飄不得意。昨發南都城。紫鷲櫪上嘶。青萍匣中鳴。  
投軀寄天下。長嘯尋豪英。恥學瑯琊人。龍蟠事躬耕。  
富貴吾自取。建功及春榮。我願執爾手。爾方達我情。  
相知同一已。豈惟弟與兄。抱子弄白雲。琴歌發清聲。  
臨別意難盡。各希存令名。

贈華州王司士

淮水不絕濤。瀾高盛德未泯生。英髦知君先負廟堂器。  
今日還須贈寶刀。

醉後贈從甥高鎮



馬上相逢揖馬鞭。客中相見客中憐。欲邀擊筑悲歌飲。正值傾家無酒錢。江東風光不借人。枉殺落花空自春。黃金逐手快意盡。昨日破產今朝貧。丈夫何事空嘯傲。不如燒却頭上巾。君爲進士不得進。我被秋霜生旅鬢。時清不及英豪人。三尺童兒重廉藺。匣中盤劍裝鱗魚。閑在腰間未用渠。且將換酒與君醉。醉歸託宿吳專諸。

上李邕

大鵬一日同風起。搏搖直上九萬里。假令風歇時下來。猶能簸却滄浪水。時人見我指殊調。見余大言皆

冷笑。宣父猶能畏後生。丈夫未可輕年少。

贈汪倫

李白乘舟將欲行。忽聞岸上踏歌聲。桃花潭水深千尺。不及汪倫送我情。

走筆贈獨孤駙馬

都尉朝天躍馬歸。香風吹入花亂飛。銀鞍紫鞵照雲日。左顧右盼生光輝。是時僕在金門裏。待詔公車謁天子。長揖蒙垂國士恩。壯心剖出酬知己。一別蹉跎朝市間。青雲之交不可攀。僕其公子重回顧。何必俟羸長抱關。

贈問丘宿松

阮籍爲太守。乘驢上東平。剖竹十日間。一朝風化清。  
偶來拂衣去。誰測主人情。夫子理宿松。浮雲知古城。  
掃地物莽然。秋來百草生。飛鳥還舊巢。遷人返躬耕。  
何慙交子賤。不減陶淵明。吾知千載後。却掩二賢名。

贈盧徵君昆弟

明主訪賢逸。雲泉今已空。二盧竟不起。萬乘高其風。  
河上喜相得。壺中趣每同。滄洲即此地。觀化游無窮。  
水落海上清。黿背覩方蓬。與君弄倒景。携手凌星

虹

述德兼陳情上哥舒大夫

人爲國家孕英才。森森矛戟擁靈臺。浩蕩深謀噴江  
海。縱橫逸氣走風雷。丈夫立身有如此。一呼三軍皆  
披靡。衛青謾作大將軍。白起真成一豎子。

贈裴十四

朝見裴叔則。朗如行玉山。黃河落天走東海。萬里寫  
入宵懷間。身騎白黿不敢度。金高南山買君顧。裴回  
六合無相知。飄若浮雲且西去。

宿清溪主人

夜到清溪宿。主人碧巖裏。簷楹掛星斗。枕席響風水。  
月落西山時。啾啾夜猿起。

駕去溫泉後贈楊山人

少年落魄楚漢間。風塵蕭瑟多苦顏。自言管葛竟誰  
許。長吁莫錯還閉關。一朝君王垂拂拭。剖心輸丹雪  
胷臆。忽蒙白日回景光。直上青雲生羽翼。幸陪鸞輦  
出鴻都。身騎飛龍天馬駒。王公大人惜顏色。金璋紫  
綬來相趨。當時結交何紛紛。片言道合惟有君。待吾  
盡節報明主。然後相攜卧白雲。

秋日鍊藥院鑷白髮贈元六兄林宗

木落識歲秋。瓶冰知天寒。桂枝日已綠。拂雪凌雲端。  
弱齡接光景。矯翼攀鴻鸞。投分三十載。榮枯同所歡。  
長吁望青雲。鑷白坐相看。秋顏入曉鏡。壯髮凋危冠。  
窮與鮑生賈。飢從漂母餐。時來極天人。道在豈吟嘆。  
樂毅豈適趙。蘇秦初說韓。卷舒固在我。何事空摧殘。

對雪獻從兄虞城宰

昨夜梁園裏。弟寒兄不知。庭前看玉樹。腸斷憶連枝。  
訪道安陵遇。蓋還為余造。真籙臨別留。贈  
清水見白石。仙人識青童。安陵蓋夫子。十歲與天通。  
懸河與微言。談論安可窮。能令二千石。撫背驚神聰。

揮毫贈新詩。高價掩山東。至今平原客。感激慕清風。  
學道北海仙。傳書藥珠宮。丹田了玉闕。白日思雲空。  
爲我草真籙。天人慙妙工。七元洞豁落。八角輝星虹。  
三災蕩璿璣。蛟龍翼微躬。舉手謝天地。虛無齊始終。  
黃金滿高堂。答荷難克充。下笑世上士。沉寃北羅鄩。  
昔日萬乘墳。今成一科蓬。贈言若可重。實此輕華嵩。

贈王判官時余歸隱居廬山屏風壘尋陽

昔別黃鶴樓。蹉跎淮海秋。俱飄零落葉。各散洞庭流。  
中年不相見。蹭蹬遊吳越。何處我思君。天台綠蘿月。  
會稽風月好。却遶剡溪迴。雲山海上出。人物鏡中來。

一度浙江北。十年醉楚臺。荆門倒屈宋。梁苑死傾鄒。枚  
苦笑我誇誕。知音安在哉。大盜割鴻溝。如風掃秋葉。  
吾非濟代人。且隱屏風壘。中夜天中望。憶君思見君。  
明朝拂衣去。永與海鷗群。

聞謝楊兒吟猛虎詞因此有贈

同州隔秋浦。聞吟猛虎詞。晨朝來借問。知是謝楊兒。

贈別舍人弟臺卿之江南

去國客行遠。還山秋夢長。梧桐落金井。一葉飛銀床。  
覺罷攬明鏡。鬢毛颯已霜。良圖委蔓草。古貌成枯桑。  
欲道心下事。時人疑夜光。因爲洞庭葉。飄落之瀟湘。

令弟經濟士。謫居我何傷。潛虬隱尺水。著論談興亡。  
客遇王子喬。口傳不死方。入洞過天地。登真朝玉皇。  
吾將撫爾背。揮手遂翱翔。

經亂後將避地剡中留贈崔宣城

雙鵝飛洛陽。五馬渡江徽。何意上東門。胡雛更長嘯。  
中原走豺虎。烈火焚宗廟。太白晝經天。頽陽掩餘照。  
王城皆蕩覆。世路成奔峭。四海望長安。嘖眉寡西笑。  
蒼生疑落葉。白骨空相吊。連兵似雪山。破敵誰能料。  
我垂北溟翼。且學南山豹。崔子賢主人。歡娛每相召。  
胡床紫玉笛。却坐青雲叫。楊花滿州城。置酒同臨眺。

在尾

忽思剡溪去。水石遠清妙。雪晝天地明。風開湖山貌。  
悶爲洛生詠。醉發吳越調。赤霞動金光。日足森海嶠。  
獨散萬古意。閑垂一溪釣。猿近天上啼。人移月中掉。  
無以墨綬苦。來求丹砂要。華髮長折腰。將貽陶公誥。



國家圖書館, NATIONAL CENTRAL LIBRARY, TAIWAN, R.O.C.



李翰林集卷第七

翰林供奉李白

贈下

贈從弟昭宣州長史

獄中上崔相

江上贈竇長史

贈何七判官

贈裴司馬

叙舊贈江陽宰陸調

贈從孫義興宰銘



博平鄭太守自廬山之武陵贈別

草創大還贈柳官迪

讀諸葛武侯傳書懷贈長安崔少府叔封昆季

獻從叔當塗宰陽冰

贈瑕丘王少府

贈崔司戶文昆季

贈崔侍御

贈溧陽宋少府陟

贈王漢陽

戲贈鄭溧陽

贈秋浦柳少府

贈崔秋浦三首

對雪醉後贈王歷陽

望九華山贈韋青陽仲堪

贈郭將軍

贈劉都使

涼夜郎贈辛判官

贈饒陽張司戶

憶舊遊贈濟陰馬少府

贈常侍御



贈徐安宜

贈從弟昭宣州長史

淮南望江南。千里碧山對。我行倦逐過一作之。半落青  
天外。宗英佐雄郡。水陸相控帶。長川豁中流。千里瀉  
吳會。君心亦如此。包納無小大。搖筆起風霜。推誠結  
仁愛。訟庭垂桃李。賓館羅軒蓋。何意蒼梧雲。飄然忽  
相會。才將聖不偶。命與時俱背。獨立山海間。空老聖  
明代。知音不易得。撫劍增感慨。當結九萬翔。中途莫  
先退。

獄中上崔相漢

胡馬渡洛水。血流征戰場。千門閉秋景。萬姓危朝  
賢相燬一作元氣再欣海縣康。台庭有夔龍。列宿祭  
成行。羽翼三元聖。發揮兩太陽。應念覆盆下。雪泣拜  
天光。

江上贈竇長史

漢求季布魯朱家。楚逐伍胥去章華。萬里南遷夜郎  
國。三年歸及長風沙。聞道青雲貴公子。錦帆遊戲一作  
弄西江水。人疑天上坐樓船。水淨霞明兩重綺。相約  
相期何太深。棹歌搖艇月中尋。不同珠履三千客。別  
欲論交一片心。

贈何七判官

昌浩

有時忽惆悵。匡坐至夜分。平明空嘯咤。思欲解世紛。  
心隨長風去。吹散萬里雲。羞作濟南生。九十誦古文。  
不然拂劍起。沙漠收奇勳。老死田陌間。何因揚清芬。  
夫子今管樂。英才冠三軍。終與同出處。豈將沮溺群。

贈裴司馬

翡翠黃金縷。繡成歌舞衣。若無雲間月。誰可比光輝。  
秀色一如此。多爲衆女譏。君恩移昔愛。失寵秋風歸。  
愁若不窺鄰。泣上流黃機。天寒素手冷。夜長燭復微。

十日不滿匹。鬢蓬亂若絲。猶是可憐人。容華世中稀。  
向君發皓齒。顧我莫相違。

叙舊贈江陽李陸調

大伯讓天下。仲雍揚波濤。清風蕩萬古。跡與星辰高。  
關吳食東溟。陸氏世英髦。多君秉古節。嶽立冠人曹。  
風流少年時。京洛事遊遨。腰間延陵劍。玉帶明珠袍。  
我昔鬪雞徒。連延五陵豪。邀遮相組織。呵嚇來煎熬。  
君開萬叢人。鞍馬皆辟易。告急清憲臺。脫余北門厄。  
閒宰江陽邑。翦棘樹蘭芳。城門何蕭穆。五月飛秋霜。  
好鳥集珍木。高才列華堂。時從府中歸。絲管儼成行。

但苦隔遠道。無由共銜觴。江北荷花開。江南楊梅熟。  
正好飲酒時。懷賢在心目。桂席候海色。舊本脫此當  
風下長川。舊云江北荷花開江南楊多活新豐醪。一作  
滿載刻溪船。中途不遇人。直到爾門前。大笑同一  
醉。取樂平生年。

贈從孫義興宰銘

亞相李公重之以能政中丞李公免罷以移官

天子思茂宰。天枝得英才。朗然清秋月。獨出映吳臺。  
落筆生綺繡。操刀振一作風雷蟻。雖百里。鵬鷺望  
三台。退食無外事。琴堂向山開。淥水寂以已。一作閑白

雲有時來。河一作清所恨不見之。  
如仰昭回元。應昔浩天。飛入散幽草。驚川無活鱗。與  
邑罕遺老。誓一作誓將奔宛陵。道亞相素所重。投  
刃應桑林。獨一作德激揚神融。一開襟絃歌。欣再理和  
樂。醉人心。靈政除害馬。傾巢有歸禽。壺漿候君來。聚  
舞共謳吟。農夫棄耒筥。蠶女隨纓著。歡笑相拜賀。則  
知惠愛深。歷職吾所聞。稱賢爾為最。化洽一邦上。名  
馳三江外。峻節冠雲霄。通方堪遠一作能文。變風俗。好  
客留軒蓋。他日一來遊。因之嚴光瀨。

博平鄭太守自廬山千里相尋入江夏北市

門見訪却之武陵立馬贈別

大梁貴公子。氣蓋蒼梧雲。若無三十客。誰道信陵君。  
救趙復存魏。英威天下聞。邯鄲能厲節。訪博從毛薛。  
夷門得隱淪。而與侯生親。仍要鼓刀者。乃是袖裡人。  
好士不盡心。何能保其身。多君重然諾。意氣遙相  
託。五馬入市門。金鞍照城郭。都忘虎竹貴。且與荷衣  
藥。去去桃花源。何時見歸軒。相思無終極。腸斷朗江  
援。

草創大還贈柳官迪

天地為橐籥。周流聞行一作太易。造化合元符。交構騰

精魄。自然成妙用。孰知其指。的羅絡四季。間絲微無  
一隙。日月更出沒。雙光豈云隻。姹女乘河車。黃金充  
轆轤。執一作樞相管轄。摧伏傷羽翮。朱鳥張炎威。白  
虎守本宅。相煎成苦老。消爍凝津液。髮髯明窓塵。死  
灰同至寂。鑄一作冶入赤色。十二周律曆。赫然稱大  
還。與道本無隔。白日可撫弄。清都在咫尺。北鄴落死  
名。南斗上生籍。伊一作人一作子。是何者。身在方士格。  
才術信縱橫。世途自輕擲。吾求仙棄俗。君曠損勝益。  
不向金闕遊。思為玉皇客。鸞車速風電。龍騎無鞭策。  
一舉上九天。相攜同所適。

讀諸葛武侯傳書懷贈長安崔少府叔封昆

季

漢道昔云季。群雄方戰爭。霸圖各未立。割據資豪英。  
赤伏起頽運。卧龍得孔明。當其南陽時。隴畝躬自耕。  
魚水三顧合。風雲四海生。武侯立岷蜀。壯志吞咸京。  
何人先見許。但有崔州平。余亦草間人。頗懷拯物情。  
晚途值子玉。華髮同衰榮。一本無此二句託意在經濟。結交  
爲弟兄。無令管與鮑。千載獨知名。

獻從叔當塗宰陽冰

金鏡霾六國。亡秦亂天經。焉知高光起。自有羽翼生。

加曲安峴岫。耿賈賈出聖代。  
美雖無三台位。不惜四名家。激節風雲氣。終協龍虎  
精。弱冠燕趙來。賢彥多逢迎。魯連擅談笑。季布折公  
卿。遙知禮數絕。常恐不合并。揚想結宵夢。素心久已  
真。顧慙青雲器。謬奉玉樽傾。山陽五百年。綠竹忽再  
榮。高歌振林木。大笑喧雷霆。落筆灑篆文。崩雲使人  
驚。吐辭又炳煥。五色羅華星。秀句滿江國。高才接天  
庭。宰邑艱難時。浮雲空古城。居人若薙草。掃地無纖  
莖。惠澤及飛走。農夫盡歸耕。廣漢水萬里。長流玉  
琴聲。雅頌播吳越。還如秦階平。小子別金陵。來時白

下亭群鳳隣客鳥。差池相哀鳴。各拔五色毛。意重太  
山輕。贈微所費廣。斗水澆長鯨。彈劍歌苦寒。巖風起  
前楹。月銜天門曉。霜落牛渚清。長歎即歸路。臨川空  
屏營。

贈瑕丘王少府

皎皎鸞鳳姿。飄飄神仙氣。梅生亦何事。來作南昌尉。  
清風佐鳴琴。寂寞道為貴。一見過所聞。操持難與群。  
毫揮魯邑訟。目送瀛洲雲。我隱屠釣下。爾當玉石分。  
無由接高論。空此仰清芬。

贈崔司戶文舉

雙珠出海底。俱是連城珍。明月兩特達。餘輝照傍人。  
英聲振名都。高價動殊鄰。豈伊箕山故。特以風期親。  
惟昔不自嫌。擔簦登西入。秦攀龍九天上。別忝歲星臣。  
布衣侍丹墀。密勿草絲綸。才微惠渥重。讒巧生縑磷。  
一去已十載。今來復盈旬。清霜入曉鬢。白露生衣巾。  
側見淶水亭。開門列華茵。千金散義士。四座無凡賓。  
欲折月中桂。持為寒者薪。路傍已竊笑。天路將何因。  
垂恩儻丘山。報德有微身。

贈崔侍御

長劍一杯酒。男兒方寸心。洛陽因劇孟。託宿諾曾襟。

但仰山嶽秀。不知江海深。長安復攜手。再顧重千金。  
君乃輜軒佐。余叨翰墨。風摧秀木。驚彈落虛。  
禽不取回舟興。而來命駕尋。扶搖應借便。桃李願  
成陰。笑吐張儀舌。愁為莊鳥吟。誰憐明月夜。腸斷聽  
秋砧。

贈溧陽宋少府鄰

李斯未相秦。且逐東門兔。宋玉事襄王。能為高唐賦。  
常聞淶水曲。忽此相逢遇。掃灑青天開。豁然披雲霧。  
威蕤紫鸞鳥。巢在崑山樹。驚風西北吹。飛落南溟去。  
早懷經濟策。特受龍顏顧。白玉棲青蠅。君臣忽行

路。人生感分義。貴欲呈丹素。何日清中原。相期廊天  
步。

贈王漢陽

天落白玉棺。王喬辭葉縣。一去未千年。漢陽復相見。  
猶乘一作承飛鳧鳥。尚識仙人面。鬢髮何青青。童顏皎  
如練。吾曾弄海水。清淺嗟三變。果愜麻姑言。時光速  
流電。與君數杯酒。可以窮歡宴。白雲歸去來。何事坐  
交戰。

戲贈鄭溧陽

陶令日日醉。不知五柳春。素琴本無絃。澆酒用葛巾。

清風北窓下。自謂羲皇人。何時到溧水一作里。一見平生親。

贈秋浦柳少府

秋浦舊蕭索。公庭人吏稀。因君樹桃李。此地忽芳菲。搖筆望白雲。開簾當翠微。時來引山月。縱酒酣清輝。而我愛夫子。人一作淹留未忍歸。

贈崔秋浦三首

吾愛崔秋浦。宛然陶令風。門前五楊柳。井上二梧桐。山鳥下廳事。簷花落酒中。懷君未忍去。惆悵意無窮。

崔令學陶令。北窓一作書抱琴時。弄月一作弄不無

絃。見客但傾酒。為官不受錢。東粵多種黍。勸爾早耕

田。

河陽花作縣。秋浦玉為人。地逐名賢好。風隨惠化春。水從天漢落。山逼畫屏新。應念金門客。投沙弔楚臣。

對雪醉後贈王歷陽

有身莫犯飛龍鱗。有手莫辯猛虎鬚。君看昔日汝南市。白頭仙人隱玉壺。子猷聞風動窓竹。相邀共醉杯中醪。一作綠歷陽何異山陰時。白雪飛花亂人目。君家有酒我何愁。客多樂酣秉燭遊。謝尚自能鸚鵡舞。相



如免脫鷓鴣裘。清晨興罷過江去。他日西看却月樓。

望九華山贈韋青陽仲堪

昔在九江上。遙望九華峯。天河挂綠水。秀出九芙蓉。  
我欲一揮手。誰人可相從。君爲東道主。於此卧雲松。

贈鄧將軍

將軍少年出武威。入掌銀臺護紫微。平明拂劍朝天  
去。薄暮垂鞭醉酒歸。愛子臨風吹玉笛。美人向月舞  
羅衣。疇昔雄豪如夢裏。相逢且欲醉春輝。

贈劉都使

東平劉公幹。南國秀餘芳。一鳴即朱紱。五十佩銀章。

飲水事戎幕。衣巾華水鄉。銅官終暮入。計於清玉堂。  
吐言貴珠玉。落筆回風霜。而我謝明主。爾爲夜夜郎。  
歸家酒債多。門客琴成行。高談滿四座。一傾千觴。  
所求竟無緒。裘馬欲摧藏。主人若不顧。明發釣滄浪。

流夜郎贈辛判官

昔在長安醉花柳。五侯七貴同杯酒。氣岸遙凌豪士  
前。風流肯落誰人後。夫子紅顏我少年。亨亨走馬著  
金鞭。文章獻納麒麟殿。歌舞流留玳瑁筵。與君自謂  
長如此。寧知草動風塵起。函谷忽驚胡馬來。秦宮桃  
李向明開。我愁遠謫夜郎去。何日金雞放赦迴。

贈饒陽張司戶璩

朝飲蒼梧泉。夕棲碧海煙。寧知鸞鳳意。遠託荷桐前。  
慕蘭豈曩古。攀嵇是當年。愧非黃石老。安識子房賢。  
功業嗟落日。容華棄祖川。一語已道意。三山期著鞭。  
蹉跎人間世。寥落壺中天。獨見遊物祖。探元窮化先。  
何當共攜手。相與探冥筌。

憶舊游贈濟陰馬少府

昔爲大堤客。曾上山公樓。開窓碧嶂滿。拂鏡滄江流。  
高冠佩雄劍。上馬臨清洲。此地別夫子。今來思舊游。  
朱顏君未老。白髮我先秋。壯志恐蹉跎。功名若雲煙。

歸心結遠夢。落日懸春愁。空思羊叔子。墮淚峴山頭。

贈常侍御

安石在東山。無心濟天下。一起振橫流。功成復瀟灑。  
大賢有舒卷。季葉輕風雅。匡復屬何人。君爲知音者。  
傳聞武安將。氣振長平瓦。燕趙期洗清。周秦保宗社。  
登朝若有言。爲訪南遷賈。

贈徐安宜

白田見楚老。歌詠徐安宜。製錦不擇地。操刀良在茲。  
清風動百里。惠化聞京師。淳人若雲歸。耕種滿郊岐。  
川光淨麥隴。日色明桑枝。訟息但長嘯。賓來或解頤。

青槐拂戶牖。白一作碧水流園池。遊子滯安邑。懷恩未  
忍辭。緊君樹桃李。歲晚託深期。

翰林集卷第七

李翰林集卷第八

翰林供奉李白

贈下

贈崔侍御

於五松山贈南陵常贊府

贈裴十七

贈任城盧主簿

贈僧道崖

淮海對雪贈傅巖

贈從兄皓

贈新平少年

贈范金卿二首

贈清漳明府姪

贈友人三首

陳情贈友人

贈武十七諤并序

贈從弟冽

自梁園至敬亭山見會公因有此贈

贈丹陽橫山周處士惟長

贈張公洲革處士

贈閻丘處士

贈錢徵君少陽

贈漢陽輔錄事二首

雪讒詩贈友人

贈宣州靈源寺沖濟

贈僧朝美

贈僧行融

贈嵩山焦鍊師

口號贈楊徵君鴻

贈參寥子

贈易秀才

凍夜郎半道承恩放還書懷示息秀才

贈郭秀才

贈黃山胡公求白鵬并序

贈歷陽褚司馬

贈從弟

醉後贈王歷陽

江夏贈韋南陵冰

贈柳圓

贈崔侍御

黃河三尺鯉本在孟津居點額不從龍鱗牙伴凡魚  
故人東海來一見惜吹噓風濤儻相見一作更欲凌  
崑墟何當赤車使再往召相如一本無此二句

於五松山贈南陵常贊府

為草當作蘭為木當作松蘭幽香風遠松寒不改容  
松蘭相因依蕭艾徒千茸雞與雞並食鸞與鸞同枝  
揀珠去砂礫但有珠相隨遠客投名賢真堪寫懷抱  
若惜方寸心待誰可傾倒虞卿棄趙相便與魏齊行  
海上五百人同日死田橫當時不好賢豈傳一作千  
載名願君同心人於我少留情寂寂還寂寂出門迷

所適長鈇歸來乎。秋風思歸客。

贈裴十七仲堪

遠海動風色。吹秋一作愁落天涯。南星變大火。熱氣餘  
丹霞。光影不可迴。六龍轉天車。荆人泣美玉。魯叟悲  
匏瓜。功業若夢裏。撫琴發長嗟。裴生信英邁。崛起多  
才華。歷抵海岱豪。結交魯朱家。復攜兩少女。豔色驚  
荷花。雙歌入青雲。但惜白日斜。窮溟出寶貝。大澤饒  
龍蛇。明主儻見收。煙霄路非賒。時命若不會。歸應鍊  
丹砂。

贈任城盧主簿潛

海鳥知天風。奮身擊門東。臨觴不能飲。矯翼志凌空。  
一本云翼鐘鼓不為樂。煙霜誰與同。歸飛未忍去。流  
淚對鷓鴣。

贈僧道崖

昔在朗陵東。學禪白眉空。大地了鏡徹。迴旋寄輪風。  
攬彼造化力。特為我神通。晚謁太山君。親見日沒雲。  
中夜卧山月。拂衣逃人群。授余金仙道。曠劫未始聞。  
冥機發天光。獨朗謝垢氛。虛舟不繫物。觀化游江濱。  
江濱遇同聲。道崖乃僧英。說法動海嶽。游方化公卿。  
手秉玉麈尾。如登白樓亭。微言注百川。疊疊信可聽。

一風鼓群有萬籟各自鳴。啓開七窻牖。託宿製電形。  
一本云託宿掣雷霆自云歷天台。搏壁躡翠屏。凌兢石橋去。恍  
惚入宵青。一作青冥昔往今來歸。絕景無不經。何日更攜  
手。乘杯向蓬瀛。

淮海對雪贈傅靄

此篇一作淮南對雪贈孟浩然

朔雪落吳天。從風渡溟渤。海樹成陽春。江沙皓明月。  
興從剡溪起。思繞梁園發。寄君郢中歌。曲罷心斷絕。  
一本明月字下有飄飄四荒外想像千花發瑞草生階前玉鹿散庭闈

贈從兄結

結髮未識事。所交盡豪雄。却秦不受賞。擊晉寧為功。  
託身白刃裏。殺人紅塵中。當朝揖高義。舉世欽英風。  
一本無小節豈足言退耕春陵東歸家無產業生事此四句如轉蓬。一朝烏裘弊。百鎰黃金空。彈劍徒激昂。出門  
悲路窮。吾兄青雲士。然諾聞諸公。所以陳片言。片言  
貴情通。棣華儻不接。甘與秋草同。

贈新平少年

韓信在淮陰。少年相欺凌。屈體若無骨。壯心有所憑。  
一遭龍顏君。嘯咤從此昇。一作興千金答漂母。萬古共  
嗟稱。而我竟胡為。寒苦坐相仍。長風入短袂。兩手如



懷冰故友不相恤。新交寧見於摧殘。檻中虎。羈紲講  
上鷹。何時騰風雲。搏擊中所能。

贈范金卿二首

君子枉清眄。不知東走迷。離家未幾月。絡緯鳴中閨。  
桃李君不言。攀花願成蹊。那能吐芳信。惠好相招攜。  
我有結綠珍。久藏濁水泥。時人棄此物。乃與燕珉齊。  
拂拭欲贈之。申眉路無梯。遼東慚白豕。楚客羞山雞。  
徒有獻芹心。終流空玉啼。祇應自索漠。留舌示山妻。  
范宰不買名。絃歌對前楹。爲邦默自化。日覺冰壺清。  
百里雞犬靜。千廬機杼鳴。浮人少蕩析。愛客多逢迎。

遊子觀嘉政因之聽鐘聲

贈清漳明府姪聿

我李百萬葉。柯條布中州。天開青雲器。日爲蒼生憂。  
小邑且割雞。大刀佇烹牛。雷聲動四境。惠與清漳流。  
絃歌詠唐堯。脫落隱簪組。心和得天真。風俗猶太古。  
牛羊散阡陌。夜寢不扃戶。問此何以然。賢人宰吾土。  
舉邑樹桃李。垂陰亦流芬。河堤繞渌水。一本云堤繞渌水  
桑柘連青雲。趙女不治容。提籠畫成群。綠絲鳴機杼。  
百里聲相聞。訟息鳥下階。高卧披道帙。蒲鞭挂簷枝。  
示耻無撲扶。一本無此二句琴清月當戶。人寂風入室。長嘯

無一言陶然上皇逸。白玉壺冰水。壺中見底清。一本

如玉壺冰水。清光洞毫髮。皎潔照群情。趙北美佳政。

燕南播高名。過客鑒覽一作行謠。因之頌德聲。

贈友人三首

蘭生不當戶。別是閑庭草。夙被霜露欺。紅榮已先老。

謬接瑤華枝。結根君王池。顧無馨香美。叨沐清風吹。

餘芳若可佩。卒歲長相隨。

袖中趙匕首。買自徐夫人。玉匣閉霜雪。經燕復歷秦。

其事竟不捷。淪落歸沙塵。一本無此二句。持此願投贈與君。

同急難。荆卿一去後。壯士多摧殘。長號易水北。為我

揚波濺。鑿井當及泉。張帆當涉川。廉夫唯重義。駿馬

不勞鞭。人生貴相知。何必金與錢。

慢世薄功業。非無胷中畫。謔浪萬古賢。以為兒童劇。

立產如廣費。匡君懷長策。但苦山北寒。誰知道南宅。

歲酒上逐風。霜鬢兩邊白。蜀主思孔明。晉家望安

石。時來列五鼎。談笑期一擲。虎伏避胡塵。漁譚遊海

濱。弊裘耻妻嫂。長劔託交親。夫子秉家義。群公難與

鄰。莫持西江水。空許東溟臣。他日青雲去。黃金報主

陳情贈友人

卷六

七

延陵有寶劍。價直千黃金。觀風歷上國。暗許故人

深。一本無歸來挂墳松萬古知其心。懦夫感達節壯

士。激素衿。鮑生薦夷吾。一舉致齊相。斯人無良朋。豈

有青雲望。一本無臨財不苟取。揣一作分固辭讓。後

世稱其賢。英風邈難尚。論交但若此。友道孰云喪。

多君騁逸藻。掩映當時人。舒文振頽波。秉義冠殊

倫。卜居乃此地。共井為比鄰。清琴弄雲月。美酒娛

冬春。薄德中見捐。一作忽之如遺塵。英豪未豹變。

自古多艱辛。他人縱以疎。君意宜獨親。奈何成離

居。相去復幾許。飄風吹雲霓。蔽目不得語。投珠冀有

報。按劍恐相拒。所思采一作芳蘭欲贈隔荆渚。沉憂  
心若醉。積恨淚如雨。一本無願假東壁輝。餘光照貧  
如。

贈武十七諤并序

門人武諤深於詩義一作者也。質木沈悍。慕要離之風。

潛釣川海。不數數於世間。一本無事聞中原作難。西

來訪余。余愛子伯禽在魯。許將冒胡兵。以致之。酒酣

感激。援筆而贈。

馬如一匹練。明日逐吳門。乃是要離客。西來欲報恩。

笑開燕匕首。拂拭竟無言。狄犬吠清洛。天津成塞垣。

愛子隔東魯。空悲斷腸援。林回棄白璧。千里阻同奔。君為我致之。輕齋涉淮源。精誠合天道。不愧遠遊魂。

贈從弟冽

楚人不識鳳。一作玉重價求山雞。一作漢獻一作主昔云是。今來方覺迷。因居漆園北。別之一作又別咸陽西。風飄落日去。節變流鶯啼。桃李寒未開。幽關豈來蹊。逢君發花萼。若與青雲齊。及此桑葉綠。春蠶起中閨。日出撥穀鳴。田家擁鋤犁。顧余乏尺土。東作誰相攜。傳說降霖雨。公輸造雲梯。一作華戎事未息。君子悲塗泥。報國有長策。成功羞執珪。無由謁明主。杖策還蓬藜。他年

爾相訪知我在礪溪

自梁園至敬亭山見會公談陵陽山水兼期同遊因有此贈宣州作

我隨秋風來。瑤草恐衰歇。中途寡名山。安得弄雲月。渡江如昨日。黃葉向人飛。敬亭愜素尚。弭棹流清輝。冰谷明且秀。陵巒抱江城。粲粲吳與史。衣冠耀天京。一本無此四句水國饒英奇。潛光卧幽草。會公真名僧。所在即為寶。開堂振白拂。高論橫青雲。雪山掃粉壁。墨客多新文。為余念一作話幽棲。且述陵陽美。天開白龍潭。月映清秋水。黃山望石柱。突兀誰開張。黃鶴久不來。

子安在蒼茫。東南焉可窮。山鳥絕飛處。稠疊千萬峯。  
相連入雲去。聞此期振策。歸來空閉關。相見如明月。  
可望不可攀。何當移白足。早晚凌蒼山。且寄一書札。  
令余解愁顏。

贈丹陽橫山周處士惟長

周子橫山隱。閉門臨城隅。連峯入戶牖。勝槩凌方壺。  
時作白紵詞。放歌丹陽湖。水色傲溟渤。川光秀菰蒲。  
當其得意時。心與天壤俱。閑雲隨舒卷。安識身有無。  
抱石耻獻玉。沈泉笑探珠。羽化如可作。相攜上清都。

贈張公洲蓋處士

列子居鄭圃。不將來庶分。革侯遁南浦。常恐楚人聞。  
抱甕灌秋蔬。心閑遊天雲。每將瓜田叟。耕種漢水濱。  
漬時登張公洲。入獸不亂群。井無桔槔事。門絕刺繡文。  
長揖二千石。遠辭百里君。斯為真隱者。吾黨慕清芬。

贈閻丘處士

賢人有素業。乃在沙塘陂。竹影掃秋月。荷衣落古池。  
閑讀山海經。散帙卧遙帷。且耽田家樂。逐逐一作日一作  
曠林中期野。酌勸芳酒。酌一本作野。園蔬烹露葵。如能

樹桃李為我結茅茨

贈錢徵君少陽

白玉一杯酒。綠楊三月時。春風餘幾日。兩鬢各成絲。  
秉燭唯須飲。投竿也未遲。如逢渭川獵。猶可帝王師。

贈漢陽輔錄事二首

聞君罷官意。我抱漢川湄。借問踈索後。一作又何如  
聽訟時。天清江月白。心靜海鷗知。應念投沙客。空餘  
弔屈悲。

鷓鴣洲橫漢陽渡。水引寒煙沒江樹。南浦登樓不見

君君今罷官在何處。漢口雙魚白錦鱗。令傳尺素報  
情人。其中字數無多少。祇是相思秋復春。

雪讒詩贈友人四言

嗟余沉迷。猖蹶已久。五十知非。古人常有立言補過。  
庶存不朽。苞荒匿瑕。蓄此頑醜。月出致譏。貽愧皓首。  
感悟遂晚。事往日遷。白壁何辜。青蠅屢前。群輕折軸。  
下沉黃泉。衆毛飛骨。上陵青天。萋斐暗成。一本無貝  
錦粲然。泥沙聚埃。珠玉不鮮。洪醜爍山。發自穢煙。滄  
波蕩日。起乎微洧。交亂四國。播于八埏。拾塵掇蜂。疑  
聖猜賢。哀哉悲夫。誰察余之貞堅。彼婦人之猖狂不

如鵠之彊彊。彼婦人之媼昏。不如鷦之奔奔。坦蕩君子。無悅簧言。擢髮贖罪。罪乃孔多。傾海流惡。惡無以過。生人實難。逢此織羅。積毀銷金。沉憂作歌。天未喪文。其如余何。妲已滅紂。褒女惑周。天維蕩覆。職此之由。漢祖呂氏。食其在傍。秦皇太后。毒亦姪荒。蟠竦作昏。遂掩太陽。萬乘尚爾。匹夫何傷。辭殫意窮。心切理直。如或妄談。昊天是殛。子野善聽。離婁至明。神靡遁響。鬼無逃形。不我遐棄。庶昭忠誠。

贈宣州靈源寺沖濟

敬亭白雲氣。秀色連蒼梧。下映雙溪水。如天落鏡湖。

此中積龍象。獨許一作濬公殊。風韻逸江左。文章動海隅。觀心同水月。解領得神珠。今日逢支遁。高談出有無。

贈僧朝美

水客凌洪波。長鯨湧溟海。百川隨龍舟。噓噓竟安在。中有不死者。探得明月珠。高價傾宇宙。餘輝照江湖。苞卷金縷褐。蕭然若空無。誰人識此寶。竊笑有狂夫。了心何言說。各勉黃金軀。

贈僧行融

梁日湯惠休。常從鮑昭游。峨眉史懷一。獨映陳公出。

卓絕二道人。結交鳳與麟。行融亦俊發。吾知有英骨。  
海若不隱珠。驪龍吐明月。大海乘虛舟。隨波任安  
流。賦詩旃檀閣。縱酒鸚鵡洲。待我適東越。相攜上白  
樓。

贈嵩山焦鍊師

嵩丘有神人。焦鍊師者。不知何許婦人也。又云生於  
齊梁時。其年貌可稱五六十。常胎息絕穀。居少室廬。  
遊行若飛。倏忽萬里。世或傳其入東海。登蓬萊。竟不  
能測其往也。余訪道少室。盡登二十六峯。聞風有寄。  
灑翰遙贈。

二室一作色凌青天一作倚碧天三花含紫煙一作明綠煙中有

蓬海客一作蓬萊客宛疑麻姑仙。道在喧莫深。跡高想已

遷。時滄金蛾蘂一作金鶴蘂屢讀青苔篇。八極恣遊憩。九

垓長周旋一本無此六句下瓢酌潁水。舞鶴來伊川。還一作遂

歸空山上。獨拂秋霞眠。蘿月挂朝鏡。松風鳴夜絃。此

句一本在麻姑仙宇下潛光隱嵩丘一作嶽鍊魄棲霞一作雲帷霓

衣何萎蕤一作飄飄鳳吹一作羽駕轉絲遊。願同西王母。下顧

東方朔。紫書儻可傳。銘骨誓相學一作骨一作心

口號贈楊徵君鴻此公時被徵

陶令辭彭澤。梁鴻入會稽。我尋高士傳。君與古人



齊雲卧留丹壑。天書降紫泥。不知楊伯起。早晚向關西。

贈參寥子

白鶴飛天書。南荆訪高士。五雲在峴山。果得參寥子。  
骯髒辭故園。昂藏入君門。天子分玉帛。百官接話言。  
毫墨時灑落。探元有奇作。著論窮天人。千春祕麟閣。  
長揖不受官。拂衣歸林巒。余亦去金馬。藤蘿同所攀。  
相思在何處。桂樹青雲端。

贈易秀才

少年習長劍。投贈即分離。何不斷犀象。精光暗徃時。

蹉跎君自惜。竄逐我因誰。地遠虞翻老。秋深宋玉悲。  
空摧芳桂色。不屈古松姿。感激平生意。勞歌寄此辭。

流夜郎半道承恩放。還兼欣克復之美。

書懷示息秀才

黃口爲人羅。白龍乃魚服。得罪豈怨天。以愚陷網目。  
鯨鯢未翦滅。豺狼屢翻覆。悲作楚地囚。何由秦庭哭。  
遭逢二明一作相一作主前後兩遷逐。去國愁夜郎。投身竄  
荒谷。半道雪屯蒙。曠如鳥出籠。遙欣剋復美。光武安  
可同。天子巡劍閣。儲皇守扶風。揚袂正北辰。開襟攬

群雄胡兵出月窟。雷破關之東。左掃因右拂。旋收洛陽宮。迴輿入咸京。席卷六合通。叱咤開帝業。首一作手成天地功。大君一作駕還長安。兩日忽再中。一朝讓寶位。劔璽傳無窮。魏無秋毫力。誰念矍鑠翁。弋者何所慕。高飛仰冥鴻。棄劔學丹砂。臨鑪雙玉童。寄言息夫子。歲晚陟方蓬。

贈郭季鷹

河東郭有道。於世若浮雲。盛德無我位。清光獨映君。耻將雞並食。長與鳳為群。一擊九千仞。相期凌紫氛。

贈黃山胡公求白鷗并序

聞黃山胡公有雙白鷗。蓋是家雞所伏。自小馴狎。了無驚猜。以其名呼之。皆就掌取食。然此鳥耿介。尤難畜之。余平生酷好。竟莫能致。而胡公輟贈於我。唯求一詩。聞之欣然。適會宿意。因援筆三叫。文不加點。以贈之。

請以雙白壁。買君雙白鷗。白鷗白如錦。白雪耻容顏。一本無照一作清影玉潭裏。刷毛琪樹間。夜棲寒月靜。朝步落花閑。我願得此鳥。翫之坐碧山。胡公能輟鷗。籠一作籠寄野人還。

贈歷陽褚司馬時此公為稚子舞

北堂千萬壽。侍奉有光輝。先同稚子舞。更著老萊衣。因為小兒啼。醉倒月下歸。人間無此樂。此樂世中稀。

贈從弟

去國客行遠。還山秋夢長。梧桐落金井。一葉飛銀牀。覺罷攬朝鏡。鬢毛颯已霜。良圖委蔓草。古兒成枯桑。欲道心下事。時人疑夜光。因為洞庭葉。飄落之瀟湘。令弟經濟士。謫居我何傷。潜虬隱尺水。著論談興亡。云見一作玄遇王子喬。口傳不死方。入洞過天地。登真朝玉皇。吾將撫爾背。揮手遂翱翔。

醉後贈王歷陽

書禿千兔毫。詩裁兩牛腰。筆蹤起龍虎。舞袖拂雲霄。雙歌二胡姬。更奏遠清朝。舉酒挑朔雪。從君不相饒。

江夏贈韋南陵冰

胡騎馬驚沙塵起。胡雛飲馬天津水。君為張掖近酒泉。我竄三巴九千里。天地再造法令寬。夜郎遷客帶霜寒。西憶故人不可見。東風吹夢到長安。寧期此地忽相遇。驚喜茫如墮煙霧。玉簫金管喧四筵。苦心不得申長句。昨日繡衣傾綠樽。病如桃李竟何言。昔騎

天子大宛馬。今乘欵段諸侯門。賴遇南平豁方寸。復兼三夫一作子持清論。有似山開萬里雲。四望青天解人悶。人悶還心悶。苦辛長苦辛。愁來飲酒二千石。寒灰重暖生陽春。山公醉後能騎馬。別是風流賢主人。頭陲雲外多僧氣。山水何曾稱人意。不然鳴笳按鼓戲滄流。呼取江南女兒歌棹謳。我且為君搥碎黃鶴樓。君亦為吾倒却鸚鵡洲。赤壁爭雄如夢裏。且須歌舞寬離憂。

贈柳圓

竹實滿秋圃。鳳來何苦飢。還同月下鵲。三繞未安枝。

夫子即瓊樹一作林。傾柯拂羽儀。懷君懋明德。歸去日相思。



國家圖書館, NATIONAL CENTRAL LIBRARY, TAIWAN, R.O.C.



李翰林集卷第九

翰林供奉李白

寄贈

憶舊遊寄譙郡元參軍

寄崔員外

廬山謠寄盧侍御虛舟

安陸白兆山桃花巖寄劉侍御

涇溪東亭寄鄭少府 三山望金陵寄殷淑

自金陵泝流 白壁山 翫月達天門寄司空王

主簿

下尋陽城泛彭蠡寄董判官

書情寄從弟邠州長史

自漢陽病酒歸寄王明府

宣城九日聞崔四侍御與宇文太守遊敬亭余

時登響山不同此賞醉後寄崔侍御二首

寄東魯二稚子 望漢陽柳色寄王宰

寄趙徵君蕤 贈盧司戶

宿白鷺洲寄楊江寧 繫尋陽上崔相三首

寄上吳王三首 寄王漢陽

望終南山寄紫閣隱者

寄崔侍御

江夏寄漢陽輔錄事

涇溪南藍山下有落星潭可以卜筮余泊舟石

上寄何判官

新林浦阻風寄友人

早春寄王漢陽 江上寄巴東故人

江上寄元林宗

流夜郎永華寺寄尋陽群官

早過溧林渡寄萬巨

夕霽杜陵登樓寄韋諷

秋夜宿龍門香山寺奉寄國臺上人從弟成均

令問

寄從弟宣州長史昭

聞丹丘子於城北山營石門幽居中有高鳳遺  
跡僕離群遠懷亦有棲遁之志因叙舊以  
寄之

寄韋南陵冰余江上乘興訪之遇尋顏尚書笑

有此贈

遊敬亭寄崔侍御 落日憶山中

對酒憶賀監二首

并序

重憶一首

獨酌清溪江石上寄權昭夷

題情深樹寄蒙公

流夜郎至西塞驛寄裴隱

寄弄月溪吳山人 寄淮南友人

春日獨坐寄鄭明府

沙丘城下寄杜甫

寄王屋山人孟大融

寄當塗趙少府爽

秋山寄衛尉張卿及王徵君

聞王昌齡左遷龍標遙有此寄

北山獨酌寄韋六



禪房懷友人岑倫

春日歸山寄孟浩然

憶舊遊寄譙郡元參軍

憶昔洛陽董糟丘。爲余天津橋南造酒樓。黃金白壁  
買歌笑。一醉累月輕王侯。海內賢豪青雲客。就中與  
君心莫逆。回山轉海不作難。傾情倒意無所惜。我向  
淮南攀桂枝。君留洛北愁夢思。不忍別還相隨。相隨  
迢迢訪仙城。三十六曲水迴縈。一溪初入千花明。萬  
壑度盡松風聲。遺一本作松聲銀鞍金絡到平地。漢東太守  
來相迎。紫陽之真人邀我吹玉笙。飡霞樓上動仙樂。

岸曲迷後浦。沙明瞰前洲。懷君不可見。望遠增離憂。

廬山謠寄盧侍御虛舟

我本楚狂人。鳳歌笑孔丘。手持綠玉杖。朝別黃鶴樓。五嶽尋仙不辭遠。一生好入名山遊。廬山秀出南斗傍。屏風九疊雲錦張。影落明湖青黛光。金闕前開二峯長。銀河倒挂三石梁。香爐瀑布遙相望。迴崖沓嶂凌蒼蒼。翠影紅霞映朝日。鳥飛不到吳天長。登高壯觀天地間。大江茫茫去不還。黃雲萬里動風色。白波九道流雪山。好為廬山謠。興因廬山發。閑窺石鏡清

我心謝公行處蒼苔沒。早服還丹無世情。琴心三疊道初成。遙見仙人綵雲裏。手把芙蓉朝玉京。先期汗漫九垓上。願接盧敖遊太清。

安陸白兆山桃花巖寄劉侍御

御侍  
一作春歸  
桃花巖貽許

雲卧三十年。好閑復愛仙。蓬壺雖異絕。鸞鶴心悠然。歸來桃花巖。得憩雲窻眠。對嶺人共語。飲潭援相連。時昇翠微上。邈若羅浮巔。兩峯抱東壑。一嶂橫西天。樹雜一作日易隱崖傾月難延。一作芳草換野色飛蘿搖春烟。入遠構石室。選幽開山田。獨此林下意。香

無區中緣。永辭霜臺客。千載方來還。

涇溪東亭寄鄭少府

諤

我遊東亭不見君。沙上行將白鷺群。白鷺閑時散飛去。又如雪點青山雲。欲往涇溪不辭遠。龍門蹙波虎眼轉。杜鵑花開春已闌。歸向陵陽釣魚晚。

三山望金陵寄殷淑

三山懷謝朓。水澹望長安。蕪沒河陽縣。秋江正北看。盧龍霜氣冷。鸚鵡月光寒。耿耿憶瓊樹。天涯寄一歡。

自金陵泝流過白壁山翫月達天門寄句容

王主簿

滄江沂流歸白壁見秋月。秋月照白壁。皓如山陰雪。  
幽人停宵征。賈客忘早發。進帆天門山。回首牛渚沒。  
川長信風來。日出宿霧歇。故人在咫尺。新賞成胡越。  
寄君青蘭花。惠好庶不絕。

下尋陽城泛彭蠡寄董判官

浪動灌嬰井。尋陽江上風。開帆入天鏡。直向彭湖東。  
落景轉疎雨。晴雲散遠空。名山發佳興。清賞亦何窮。  
石鏡桂遙月。香爐滅彩虹。相思俱對此。舉目與君  
同。

書情寄從弟邠州長史昭

自笑客行久。我行定幾時。綠楊已可折。攀取最長枝。  
翩翩弄春色。延佇寄相思。誰言貴此物。意願重瓊蕤。  
昨夢見惠連。朝吟謝公詩。東風引碧草。不覺生華池。  
臨翫忽云夕。杜鵑啼。悲懷君芳歲歇。庭樹落紅滋。

自漢陽病酒歸寄王明府

去歲左遷夜。郎道琉璃硯。水長枯槁。今年初放巫山  
陽。蛟龍筆翰生輝光。聖主還聽子虛賦。相如却欲  
論文章。願掃鸚鵡洲。與君醉百場。嘯起白雲飛。七澤  
歌吟綠水動。三湘莫惜連船沽美酒。千金一擲買春

芳

宣城九日聞崔四侍御與宇文太守遊敬亭  
余時登響山不同此賞醉後寄崔侍御二

首

九日茱萸熟。神鬢傷早白。登高望山海。滿目悲古昔。  
遠訪投沙人。因為逃名客。故交竟誰在。獨有崔  
亭伯。重陽不相知。載酒任所適。手持一枝菊。調笑二  
千石。日暮岸墳歸。傳呼隘阡陌。彤襜雙白鹿。賓從何  
輝赫。夫子在其間。遂成雲霄隔。良辰與美景。兩地方  
虛擲。晚從南峯歸。羅月下水壁。却登郡樓望。松色寒

與碧咫尺不可親。棄我如遺鳥。

九卿天上落。五馬道傍來。列戟朱門曉。褰帷碧嶂開。  
登高望遠海。召客得英才。紫綬歡情洽。黃花逸興催。  
山依一作從圖上見。溪即鏡中迴。遙羨重陽作。應過戲  
馬臺。

寄東魯二稚子 在金陵作

吳地桑葉綠。吳蠶已三眠。我家寄東魯。誰種龜陰田。  
春事已不及。江行復茫然。南風吹歸心。飛墮酒樓前。  
樓東一株桃。枝葉拂青煙。此樹昔一作我所種。別來向  
三年。桃今與樓齊。我行尚未旋。嬌女字平陽。折花倚

挑邊折花不見我。淚下如流泉。小兒名伯禽。與姊亦  
齊肩。雙行桃樹下。撫背復誰憐。念此失次第。肝腸日  
憂煎。裂素寫遠意。因之汶陽川。

望漢陽柳色寄王宰

漢陽江上柳。望客引東枝。樹樹花如雪。紛紛亂若絲。  
春風傳我意。草木度前知。寄謝絃歌宰。西來定未遲。

寄趙徵君蕤

吳會一浮雲。飄如遠行客。功業莫從就。歲光屢奔迫。  
良圖俄棄捐。衰疾乃繇劇。古琴藏虛匣。長劍挂空壁。  
楚冠懷鐘儀。越吟比莊舄。國門遙天外。鄉路遠。隔

朝憶相如臺。夜夢子雲宅。旅情初結緝。秋氣方寂歷。  
風入松下清。露出草間白。故人不可見。而我與誰適。  
寄書西飛鴻。贈爾慰離析。

贈盧司戶

秋色無遠近。出門盡寒山。白雲遙相識。待我蒼梧間。  
借問盧耽鶴。西飛幾歲還。

宿白鷺洲寄楊江寧

朝別朱雀門。暮棲白鷺洲。波光搖海月。星影入城樓。  
望美金陵宰。如思瓊樹憂。徒令魂作夢。翻覺夜來  
一作  
減秋。綠水解人意。為余西北流。因聲玉琴裏。蕩漾寄

君愁

繫尋陽上崔相渙三首

邯鄲四十萬。同日陷長平。能迴造化筆。或冀一人生。  
毛遂不墮井。曾參寧殺人。虛言誤公子。投杼惑慈親。  
白壁雙明月。方知一玉真。

虛傳一片雨。枉作陽臺神。縱為夢裏相。隨去不是襄。

王傾國人。此一首恐非上崔相

寄上吳王三首

淮王愛八公。攜手綠雲中。小子忝枝葉。亦攀丹桂叢。  
謬以詞賦重。而將校一作馬同。何日背淮水。東之觀。

土風

坐嘯廬江靜。閑聞進玉觴。去時無一物。東壁挂胡牀。  
英明廬江守。聲譽廣平籍。灑掃黃金臺。招邀青雲客。  
客曾與天通。出入清禁中。襄王憐宋玉。願入蘭臺宮。

寄王漢陽

南湖秋月白。王宰夜相邀。錦帳郎官醉。羅衣舞女嬌。  
笛聲喧沔鄂。歌曲上雲霄。別後空愁我。相思一水遙。

望終南山寄紫閣隱者

出門見南山。引領意無限。秀色難為名。蒼翠日在眼。  
有時白雲起。天際自舒卷。心中與之然。託興每不淺。

何當造幽人滅跡棲絕巖

寄崔侍御

宛溪霜夜聽猿愁。去國長為不繫舟。獨憐一鴈飛南  
海。却羨雙溪解北流。高人屢解陳蕃榻。過客難登謝  
眺樓。此處別離同落葉。朝朝分散敬亭秋。一本北流  
下云高人

屢處別離同落  
葉朝散敬亭秋

江夏寄漢陽輔錄事

誰道此水廣狹如一匹練。江上黃鶴樓。青山漢陽縣。  
大語猶可聞。故人難可見。君早陳琳檄。我書魯連箭。  
報國有壯心。龍顏不迴眷。飛精衛鳥東海。何由填

鼓角徒悲鳴。樓船習征戰。拽一作劍步霜月。夜行空  
庭徧。長呼結浮雲。埋沒顧榮扇。他日觀軍容。投壺接  
高宴。

涇溪南藍山下有落星潭可以卜築余泊舟

石上寄何判官昌浩

藍岑竦天壁。突兀如鯨額。奔蹙橫澄潭。勢吞落星石。  
沙帶秋月明。水搖寒山碧。佳境宜緩棹。清輝能留客。  
恨君阻歡遊。使我自驚惕。所期俱卜築。結茅鍊金液。

新林浦阻風寄友人

潮水定可信。天風難與期。清晨西北轉。薄暮東南吹。



以此難挂席。佳期益相思。海月破圓景。菰蔣生綠池。  
昨日北湖梅。開花已滿枝。今朝東門柳。夾道垂青絲。  
歲物忽如此。我來定幾時。紛紛江上雪。草草客中悲。  
明發新林浦。空吟謝朓詩。

早春寄王漢陽

聞道春還未相識。走傍寒梅訪消息。昨夜東風入武  
陽。一作昌陌頭楊柳黃金色。碧水浩浩雲茫茫。美人不  
來空斷腸。預拂青山一片石。與君連日醉壺觴。

江上寄巴東故人

漢水波浪遠。巫山雲雨飛。東風吹客夢。西落此中時。

覺後思白帝。佳人與我違。瞿塘饒賈客。音信莫令稀。

江上寄元九宗

霜落江始寒。楓葉綠未脫。客行悲清秋。永路苦不達。  
滄波眇川汜。白日隱天末。停棹倚林巒。驚猿相叫聒。  
夜分河漢轉。起視溟漲闊。涼風何蕭蕭。流水鳴活活。  
浦沙淨如洗。海月明可掇。蘭交空懷思。瓊樹詎解渴。  
勗哉滄洲心。歲晚庶不奪。幽賞頗自得。興遠誰與豁。

一本無此二句

流夜郎永華寺寄尋陽群官

朝別凌煙樓。暝投永華寺。賢豪滿行舟。賓散予獨醉。

願結九江流。添成萬行淚。寫意寄廬嶽。何當來此地。  
天命有所懸。安得苦愁思。

早過漆林渡寄萬巨

西經大藍山。南來漆林渡。水色倒空青。林煙橫積素。  
漏流昔吞翕。香浪競奔注。潭落天上星。龍開水中霧。  
巉巖注公柵。突兀陳焦墓。嶺峭紛上千。川明屢回顧。  
因思萬夫子。解渴同瓊樹。何日覩清光。相歡詠佳句。

夕霽社陵登樓寄韋絲

浮陽滅霽景。萬物生秋容。登樓送遠目。伏檻觀群峯。  
原野曠超緬。關河紛錯重。清輝映日竹。翠色明雲松。

蹈海寄遐想。還山迷舊蹤。徒然迫晚暮。未果諧心臆。  
結桂空佇立。折麻恨莫從。思君達永夜。長樂聞疎鐘。

秋夜宿龍門香山寺奉寄王方城十七文奉

一本無此七字國瑩上人從弟幼成令問

朝發汝海東。暮棲龍門中。水寒夕波急。木落秋山空。  
望極九霄通。賞幽萬壑通。日皓沙上月。心清松下風。  
玉斗生網戶。銀河耿花宮。興在趣方逸。歡餘情未終。  
鳳駕憶王子。虎溪懷遠公。桂枝坐蕭瑟。棣華不復同。  
流恨寄伊水。盈盈焉可窮。

寄從弟宣州長史昭

爾佐宣城郡。守官清且閑。常誇雲月好。邀我敬亭山。  
五落洞庭葉。三江遊未還。相思不可見。歎息損朱顏。  
聞丹丘子於城北山營石門幽居中有高鳳  
遺跡僕離群遠懷亦有棲遁之志因叙舊以

寄之

春華滄江月。秋色碧海雲。離居盈寒暑。對此長思君。  
思君楚水南。望君淮山北。夢魂雖飛來。會面不可得。  
疇昔在嵩陽。同衾卧羲皇。綠蘿笑簪紱。丹壑賤嚴廊。  
晚途各分析。乘興任所適。僕在鴈門關。君爲峨眉客。  
心懸萬里外。影滯兩鄉隔。長劍復歸來。相逢洛陽陌。

陌上何喧喧。都令心意煩。迷津覺路失。託勢隨風翻。

一本無以茲謝朝列長嘯歸故園。故園恣閑逸。求古

散縹帙。久欲入名山。婚娶殊未畢。一本作人生信多

故世事豈惟一。念此憂如焚。悵然若有失。一本無聞

君卧石門。宿昔契彌敦。方從桂樹隱。不羨桃花源。高

鳳起遐曠。幽人跡復存。松風清瑤瑟。溪月湛芳禱。如

居偶佳賞。丹心期此論。

寄韋南陵冰余江上乘興訪之遇尋顏尚書

笑有此贈

南船正東風。北船來相自。一作緩江上相逢。借問君語

笑未了風吹斷一作君攜妓訪情人應爲尚書不  
顧身堂上三千珠履客甕中百斛金陵春恨我阻此  
樂淹留楚江濱月色醉遠客山花開欲燃春風狂殺  
人一日劇三年乘興嫌太遲焚却子猷船夢見五柳  
枝已堪挂馬鞭何日到彭澤長歌陶令前

遊敬亭寄崔侍御

我家敬亭下輒繼謝公作相去數百年風期宛如昨  
登高素秋月下望青山郭俯視鷓鴣群飲啄自鳴躍  
夫子雖踴躍瑤臺雪中鶴獨立窺浮雲其心在寥廓  
時亦顧我笑一飯葵與藿世路如秋風相逢盡蕭索

腰間玉具劔意許無遺謫壯士不可輕相期在雲閣

落日憶山中

雨後煙景綠晴天散餘霞東風隨春歸發我枝上花  
花落時欲暮見此令人嗟願遊名山去學道飛丹砂

對酒憶賀監二首

并序

太子賓客賀監於長安紫極宮一見呼余爲謫仙人  
因解金龜換酒爲樂沒後對酒悵然有懷而作是詩  
四明有狂客風流賀季真長安一相見呼我謫仙人  
昔好杯中物翻爲松下塵金龜換酒處却憶淚沾巾  
狂客歸四明山陰道士迎勅賜鏡湖水爲君臺沼榮

人亡餘故宅。空有荷花生。念此杳如夢。淒然傷我情。

重憶一首

欲向江東去。定將誰舉杯。稽山無賀老。却掉酒船迴。

獨酌青溪江石上寄權昭夷

我攜一樽酒。獨上江祖石。自從天地開。更長幾千尺。  
舉杯向天笑。天迴日西照。永願坐此石。長垂嚴陵坐。  
寄謝山中人。可與爾同調。

題情深樹寄象公

腸斷枝上猿。淚添山下樽。白雲見我去。亦為我飛翻。  
流夜郎至西塞驛寄裴隱

揚帆借天風。水驛苦不緩。平明及西塞。已先投沙伴。  
迴巒引群峯。橫處楚山斷。砥衝萬壑會。震沓百川滿。  
龍怪潛溟波。候時救炎旱。我行望雷雨。安得霑枯散。  
鳥去天路長。人悲春光短。空將澤畔吟。寄爾江南管。

寄弄月溪吳山人

嘗聞龐德公。家住洞湖水。終身棲鹿門。不入襄陽市。  
夫君弄明月。滅景清淮裏。高蹤逸難追。可與古人比。  
清揚杳莫覩。白雲空望美。待號辭人間。攜手訪松子。

寄淮南友人

紅顏悲舊國。青歲歇芳洲。不待金門詔。空持寶劍遊。

海雲迷驛道。江月隱鄉樓。復作淮南客。因逢桂樹留。

春日獨坐寄鄭明府

鷺麥青青遊子悲。河堤弱柳鬱金枝。長條一拂春風去。盡日飄揚無定時。我在河南別離久。那堪坐此對。牕牖。情人道來竟不來。何人共醉新豐酒。

沙丘城下寄杜甫

我來竟何事。高卧沙丘城。城邊有古樹。日夕連秋聲。魯酒不可醉。齊歌空復情。思君若汶水。浩蕩寄南征。

寄王屋山人孟大融

我昔東海上。勞山餐紫霞。親見安期公。食棗大如瓜。

中年謫漢主。不憚還丹。身先登嶺。春輝白髮。見。流。所期。空。液。飛。步。登。雲。車。願。隨。夫。子。天。壇。上。閑。與。仙。人。掃。落。花。

寄當塗趙少府炎

晚登高樓望。木落雙江清。寒山饒積翠。秀色連州城。目送楚雲盡。心悲胡雁聲。相思不可見。迴首故人情。

秋山寄衛尉張卿及王徵君

何以折相贈。白花香桂枝。月華若夜雪。見此令人思。雖與剡溪興。不異山陰時。明發懷二子。空吟招隱詩。

聞王昌齡左遷龍標遙有此寄

李

三

楊花落盡子規啼。開道龍標過五溪。我寄愁心與明月。隨風直到夜郎西。

北山獨酌寄韋六

巢父將許由。未聞買山隱。道存跡自高。何憚去人近。紛吾下茲嶺。地閑喧亦泯。門橫羣岫開。水鑿衆泉引。屏高而在雲。竇深莫能準。川光晝昏凝。林氣夕淒緊。於焉摘朱果。兼得養玄牝。坐月觀寶書。拂霜弄瑶軫。傾壺事幽酌。顧影還獨盡。念君風塵游。傲爾令自哂。

禪房懷友人岑論

婵娟羅浮月。搖艷照雲英。美人竟獨往。而我安能群。一朝語笑隔萬里。憐惜分沈吟。綵霞沒。夢寐羣芳歇。歸鴻渡三湘。遊子在百粵。邊塵染衣劔。白日彫華髮。春風變楚關。秋聲落吳山。草木結悲緒。風沙淒苦顏。竭來已永久。顏思加循環。飄飄限江裔。想傳空留滯。離憂每醉心。別淚併盈袂。坐愁青天末。出望黃雲蔽。目極何悠悠。梅花南嶺頭。空長滅。征鳥水闊無還舟。寶劔終難託。金棗非易求。歸來儻有問。桂樹山之幽。

春日歸山寄孟浩然

朱紱遺塵境。青山謁梵筵。金繩開覺路。寶筏度迷川。

嶺樹橫飛。嶽。巒。花。覆。谷。泉。塔。形。標。海。月。樓。勢。出。江。煙。  
香。氣。三。天。下。鐘。聲。萬。壑。連。荷。秋。珠。已。滿。松。密。蓋。初。圓。  
鳥。聚。疑。聞。法。龍。參。若。護。禪。愧。非。流。水。韻。叨。入。伯。牙。絃。

李翰林集卷第九



李翰林集卷第十

翰林供奉李白

餞送上

送張秀才謁高中丞

并序

單父東樓秋夜送族弟況之秦時凝弟在席

灞陵行送別

登黃山陵歆臺送族弟溧陽尉濟充汎舟起華

陰

送韓淮裴政孔巢父還山

送竇司馬貶宜春



送羽林陶將軍

送揚少府赴選

送程劉二侍御兼獨孤判官赴安西幕

送姪良攜二妓赴會稽戲有此贈

送賀賓客歸越

洞庭醉後送絳州呂使君杲流澧州

送族弟單父主簿凝攝宋城主簿至郭南月橋

却回棲霞山留飲贈之

於宣州謝朓樓餞別校書叔雲

送陳郎將歸衡陽

送趙判官赴黔府中丞叔幕

宣城送劉副使入秦

送長沙陳太守二首

送張舍人之江東

金陵送張十再遊東吳

送紀秀才遊越

送薛九被讒去魯

送祝八之江東賦得浣紗石

涇川送族弟錡

送張遙之壽陽幕府

送裴十八圖南歸嵩山二首

江西送友人之羅浮

送楊燕之東魯

送蔡山人

送侯十一

南陽送客

送別

送友人入蜀

送別

送當塗趙少府赴長蘆

送方士趙叟之東平

送族弟凝之滁求婚崔氏

送梁公昌從信安北征

送張秀才從軍

送白利從金吾董將軍西征

奉餞高尊師如貴道士傳道籙畢歸北海

送賀監歸四明應制

江上送女道士褚三清遊南嶽

江夏送張丞

送李青歸南葉陽川

送舍弟

餞校書叔雲

尋陽送弟昌峒鄱陽司馬作

送王孝廉覲省

送却昂謫巴中

賦得白鷺鷥送宋少府入三峽

江夏送張丞

送張秀才謁高中丞并序

余時繫尋陽獄中正讀留侯傳秀才張孟熊一本張秀才

無孟熊蘊滅胡之策將之廣陵謁高中丞余喜一作希

子房之風感激於斯人因作是詩以送之

秦帝淪玉鏡留侯降氛氲感激黃石老經過滄海君

壯士揮金槌報讎六合聞智勇冠終古蕭陳一作張難

與群兩龍爭輝一作關時天地動風雲酒酣舞長劍倉

卒解漢紛宇宙初倒懸洪溝勢將分英謀信奇絕夫

子揚清芬胡月入紫微三光亂天文高公鎮淮海談

笑廓妖氛此一本無採爾幕中畫一本作所戲難光殊

勲我無燕一作烟霜感玉石俱燒焚但灑一行淚臨歧

竟何云胡月一作古月

單父東樓秋夜送族弟况之秦時凝弟在

席

爾從咸陽來問我何勞苦沐猴而冠不足言身騎土

牛滯東魯。况弟欲行。凝弟留孤飛。一鴈春雲秋。坐來  
黃葉落四五。北斗已挂西城樓。滿堂送客皆惜別。絲  
桐感人絃亦絕。一本滿堂送客一在亦絕字下卷簾見月清興來。  
疑是山陰夜中雪。明日斗酒別惆悵。清路塵。遙望長  
安日。不見長安人。長安宮闕九天上。此地曾經為近  
臣。一朝復一朝。白髮心不改。屈平顛顛滯江潭。亭伯  
流離放遼海。翼短天長去不窮。聞弦虛墜下霜空。聖  
朝又棄青雲士。他日誰憐張長公。

灞陵行送別

送君灞陵行。灞水流浩浩。上有無花之古樹。下有傷

心之春草。我向秦人問路岐。云是王粲南登之古道。  
古道連綿走西京。紫關落日浮雲生。正當今夕斷腸  
處。驪歌一作斷愁絕不忍聽。

登黃山凌歊臺送族弟溧陽尉濟充泛舟赴

華陰

鸞乃鳳之族。翱翔紫雲霓。文章輝五色。雙在瓊樹棲。  
一朝各飛去。鳳與鸞俱啼。炎赫五月中。朱曦爍河堤。  
爾從汎舟役。使我心魂悽。秦地無草木。一本作南雲  
喧鼓鞀。君王減玉膳。早起思鳴雞。漕引救關輔。疲人  
免塗泥。宰相作霖雨。農夫得耕犁。靜者伏草間。群才

滿金閨空手無壯士窮居使人低送君登黃山長嘯  
倚天梯小舟若鳧鴈大舟若鯨鯢開帆散長風舒卷  
一作與雲齊日入牛渚晦蒼然夕烟迷相思在何所  
香在洛陽西

送韓淮裴政孔巢父還山

淮一作準  
政一作正

獵客張兔置不能挂龍虎所以青雲人高歌在巖戶  
韓生信英彥裴子含清真孔侯復秀出俱與一作雲  
霞親峻節凌遠松同衾卧盤石斧冰漱寒泉三子同  
二殺時時或乘興往往雲無心出山揖牧伯長嘯輕  
衣簪昨宵夢裏還云弄竹溪月今辰魯東門悵飲與

君別雪崖没去鳥羅逕迷歸人相思若煙草歷亂無  
冬春

送竇司馬貶宜春

天馬白銀鞍親承明主歡關雞金宮裏射鴈碧雲端  
堂上羅中貴歌鐘清夜闌何言謫南國拂劍坐長歎  
趙璧為誰點隨珠枉被彈聖朝多雨露莫厭此行難

送羽林陶將軍

將軍出使擁樓船江上旌旗拂紫煙萬里橫戈探虎  
穴三杯拔劍舞龍泉莫道詞人無膽氣臨行將贈錢  
朝報

送楊少府赴選

大國置衡鏡。準平天地心。群賢無邪人。朗鑒窮情深。  
吾君詠南風。袞冕彈鳴琴。時泰多美士。京國會纓簪。  
山苗落澗底。幽松出高岑。夫子有盛才。主司得球琳。  
流水非鄭曲。前行遇一作知音衣工一作剪綺繡。  
候傷千金何惜。刀尺餘不裁。寒女衾我非。彈冠者感  
別。但開襟空谷。無白駒。賢人起悲吟。大道安弃物。時  
來或招尋。爾見山吏部。當應無陸沈。

送程劉二侍御兼獨孤判官赴安西幕

安西幕府多才雄。喧喧唯道三數公。繡衣貂裘明積

雪。飛書走檄如飄風。朝辭一作明主出紫雲。一作紫  
銀鞍送別金城空。天外飛霜下葱海。火一作旗雲馬  
生光彩。胡塞塵清計日歸。一云功成漢家草綠遙相  
待。

送姪良攜二妓赴會稽戲有此贈

攜妓東山去。春光半道催。遙看若桃李。雙入鏡中開。

送賀賓客歸越

鏡湖流水漾清波。狂客歸舟逸興多。山陰道士如相  
見。應寫黃庭換白鵝。

洞庭醉後送絳州呂使君果流澧州

昔別若夢中。天涯或一作相逢。洞庭破秋月。縱酒開  
愁容。贈劍刻玉字。延平兩蛟龍。送君不盡意。書及鴈  
迴峯。

送族弟單父主簿凝攝宋城王簿至鄆南月

橋却迴。棲霞山留飲贈之。

吾家青萍劍。操割有餘閑。往來糾二邑。此去何時還。  
鞍馬月橋南。光輝岐路間。賢豪相追餞。却到棲霞山。  
群花散芳園。斗酒開離顏。樂酣相顧起。征馬無由攀。

於宣州謝朓樓餞別校書叔雲

棄我去者。昨日之日不可留。亂我心者。今日之日多

煩。憂長風萬里送秋鴈。對此可以酣高樓。蓬萊文章  
建安骨。中間小謝又清發。俱懷逸興壯思飛。欲上青  
天覽明月。抽刀斷水更流。舉杯消愁愁更愁。人生  
在代一作世。不稱意。明朝散髮弄扁舟。

送陳郎將歸衡陽

并序一作春於南浦與諸公送

仲尼旅人。文王明夷。苟非其時。聖賢低眉。况僕之不  
肖者。而遷逐枯槁。固誠其宜。朝心不開。暮髮盡白。而  
登高送遠。使人增愁。陳郎將義風凜然。英思逸發。來  
下曹城之榻。去邀才子之詩。動清興於中流。泛素波  
而徑去。諸公仰望不及。連章祖之以序。屬予一作序。暨起于



輒冠名賢之首。作者嗤我，乃為撫掌之資乎。舊在別集今入

此於衡山蒼蒼入紫冥。下看南極老人星。回飈吹散五峯雪。往往飛花落洞庭。氣清嶽秀有如此。郎將一家拖金紫。門前食客亂浮雲。世人皆比孟嘗君。江上送行無白璧。臨歧惆悵若為分。

送趙判官赴黔府中丞叔幕

廓落青雲心。結交黃金盡。富貴翻相忘。令人忽自哂。蹭蹬鬢毛斑。盛時難再還。巨源吐石生。何事馬蹄閒。綠蘿長不厭。知欲還東山。君為魯曾子。一作曾子拜揖

高堂裏叔繼趙平原。偏承明主恩。風霜淮淮一作獨坐。旌節鎮雄藩。虎士秉金鉞。蛾眉開玉樽。材高幕下去。義重林中言。水宿五溪月。霜啼三峽猿。東風春草綠。江上候歸軒。

宣城送劉副使入秦

君即劉越石。雄豪冠當時。淒清橫吹曲。慷慨扶風詞。虎嘯侯騰躍。雞鳴遭亂離。千金市駿馬。萬里逐王師。結交樓煩將。侍從羽林兒。統兵捍吳越。豺虎不敢窺。大勳竟莫叙。已過秋風吹。秉鉞有李公。凜然負英姿。寄深且戎幕。望重必台司。感激一然諾。縱橫兩無疑。

伏奏歸北闕。鳴騶急一作忽西馳。列將咸出祖。英寮惜  
分離。斗酒滿四筵。歌嘯宛溪湄。君攜東山妓。我詠北  
門詩。貴賤交不易。恐傷中園葵。昔贈紫騮駒。今傾白  
玉卮。同歡萬斛酒。未足解相思。此別又千里。秦關一作  
吳。渺天涯。月明關山苦。水劇隴頭悲。借問幾時還。春  
風入黃池。無令長相憶。一作思折斷綠楊枝。

送長沙陳太守二首

長沙陳太守。逸氣凌青松。英主賜五馬。本是天池龍。  
湘水迴九曲。衡山望五峯。榮君按節去。不及遠相從。  
七郡長沙國。南連湘水濱。吳王垂舞袖。地窄不迴身。

莫小二千石。當安遠俗人。洞庭鄉路遠。遙羨一作美錦衣春。

送張舍人之江東

張翰江東去。正值秋風時。天清一鴈遠。海闊孤帆遲。  
白日行欲暮。滄波百難期。吳洲如見月。千里幸相思。

金陵送張十再遊東吳

張翰黃花句。風流五百年。誰人今繼作。夫子世稱賢。  
再動遊吳棹。還浮一作入海船。春光白門柳。霞色赤城  
天。去國難為別。思一作歸各未旋。空餘賈生淚。相顧共  
悽然。

送紀秀才之遊越

海水不滿眼。觀濤疑却稱心。即知蓬萊石。却是巨鰲簪。  
送爾遊華頂。令余發致鳥吟。仙人居射的。道士住山陰。  
禹穴尋溪入。雲門隔嶺深。綠蘿秋月夜。相憶在鳴琴。

送薛九被讒去魯

宋人不辨玉。魯賤車。人家丘。我笑薛夫子。胡為兩地遊。  
黃金消衆口。白璧香。難。梧桐生。蒺藜。綠竹之佳實。  
鳳凰宿誰家。送與群雞匹。田家養老馬。窮士歸其門。  
峨眉笑。躡者賓客去。平原却斬美人首。三千還駿奔。

毛公一挺劍。楚趙兩相存。孟嘗悅狡兔。三窟賴馮諼。  
信陵奪兵符。爲用侯生言。春申一何愚。刎首爲李園。  
賢哉四公子。撫掌黃泉裏。借問笑何人。笑人不好士。  
爾去且勿誼。桃李竟何言。沙丘無漂母。誰肯飯王孫。

送祝八之江東賦得浣紗石

西施越溪女。明豔光雲海。未入吳王宮。殿時浣紗古。  
石今猶在。桃李新開映。古查菖蒲猶短。未一作平沙  
昔時紅粉照流水。今日青苔覆落花。君去西秦適東  
越。碧山清江幾超忽。若見天涯思故人。浣紗石上窺  
明月。

涇川送族弟鈔

時盧校書草字  
常侍御為詩

涇川三百里。若耶羞見之。錦石照碧山。兩邊白鷺鷥。  
佳境千萬曲。客行無歇時。上有琴高水。下有陵陽祠。  
仙人不見我。明月空相知。問我何事來。盧敖結幽期。  
蓬山振雄筆。繡服揮清詞。江湖發秀色。草木含榮滋。  
置酒送惠連。吾家稱白眉。媿無海嶠作。敢闕河梁詩。  
見爾復幾朝。俄然告將離。中流漾綵鷁。列岸叢金羈。  
歎息蒼梧鳳。分棲瓊樹枝。清晨各飛去。飄落天南垂。  
望極落日盡。秋深暝援悲。寄情與流水。但有長相思。

送張遙之壽陽幕府

壽陽信天險。天險橫荆關。待堅百萬衆。遙阻八公山。  
不假築長城。大賢在其間。戰夫若熊虎。破敵有餘閑。  
張子勇且英。少輕衛霍係。投軀紫髯將。千里望風顏。  
勗爾効才略。功成衣錦還。

送裴十八圖南歸嵩山二首

何處可爲別。長安青綺門。胡姬招素手。延客醉金樽。  
臨當上馬時。我獨與君言。風吹芳蘭折。日沒鳥雀喧。  
舉手指飛鴻。此情難具論。同歸無早晚。潁水有清源。  
君思潁水綠。忽復歸嵩岑。歸時莫洗耳。爲我洗其心。  
洗心得真情。洗耳徒賣買。一作名謝公終一起

一作相

與濟蒼生

江西送友人之羅浮

桂水分五嶺。衡山朝九疑。鄉關渺安西。流浪將何之。  
素色愁明湖。秋渚晦寒姿。疇昔紫芳意。已過一作黃  
髮期。君王縱疎散。雲壑借巢夷。爾去之羅浮。我還憇  
峨眉。中闊道萬里。霞月遙相思。如尋楚狂子。瓊樹有  
芳枝。

送楊燕之東魯

關西楊伯起。漢日舊稱賢。四代三公族。清風播人天。  
夫子華陰居。開門對玉蓮。何事歷衡霍。雲帆今始還。

君坐稍解顏。為我歌此篇。我固侯門士。

一作此我謬

登聖主筵。一辭金華殿。蹭蹬長江邊。二子魯門東。別

來已經年。因君此中去。不覺淚如泉。

一本無此二句

送蔡山人

我本不棄世。世人自棄我。一乘無倪舟。八極縱遠拖。  
燕客期躍馬。唐生安敢譏。採珠勿驚龍。大道可暗歸。  
故山有松月。遲爾說清暉。

送侯十一

朱亥已擊晉。侯嬴尚隱身。時無魏公子。豈貴抱關人。  
余亦不火食。絕糧同在陳。空餘湛盧劍。贈爾託交親。

南陽送客

斗酒勿為薄。寸心貴不忘。坐惜故人去。偏令遊子傷。離顏怨芳草。春思結垂楊。揮手再三別。臨歧空斷腸。

送別

尋陽五溪水。沿洄直入巫山裏。勝境由來人共傳。君到南中自稱美。送君別有八月秋。颯颯蘆花復益愁。雲帆望遠不相見。日暮長江空自流。

送友人入蜀

見說蠶叢路崎嶇。不易行。山從人面起。雲傍馬頭生。

芳樹籠秦棧。春流遶蜀城。升沉應已定。不必問君平。

送別

斗酒渭城邊。壚頭話不眠。梨花千樹雪。楊葉萬條煙。惜別傾壺醑。臨分惜馬鞭。看君潁上去。新月到應圓。

送雷廷趙少府赴長蘆

我來揚都市。送客回輕舠。因誇楚太子。便覩廣陵濤。仙尉趙家玉。英風凌四豪。維舟至長蘆。目送煙雲高。搖扇對酒樓。持螯似把蟹。前途儻相思。登嶽一長謠。

送方士趙叟之東平

長桑脫洞視。五藏無一全。牛趙叟得秘訣。還從方士遊。  
西過獲麟臺。為我弔孔丘。念別復懷古。潸然空淚流。

送族弟凝之滁求婚崔氏

與爾情不淺。忘筌已得魚。玉臺掛寶鏡。持此意何如。  
坦腹東牀下。由來志氣踈。遙知向前路。擲果定盈車。

送梁公昌從信安北征

入幕推英選。捐書事遠戎。高談百戰術。鬱作萬夫

雄。起舞蓮花劍。行歌明月宮。將飛天地陣。兵出塞垣  
通。祖席留丹景。征塵拂彩虹。旋應獻凱入。麟閣佇深  
功。

送張秀才從軍

六駁食猛虎。耻從駑馬群。一朝長鳴去。矯若龍行雲。  
壯士懷遠略。志存解世紛。周粟猶不顧。齊珪安肯分。  
抱劔辭高堂。將投崔冠軍。長策掃河洛。寧親歸汝墳。  
當令千古後。麟閣著奇勳。

送白利從金吾重將軍西征

西羌廷國討。白起佐軍威。劔決浮雲氣。弓彎明月輝。

馬行遠。羣綠。旌卷晴霜。飛抗手。凜相顧。寒風生鐵  
衣。

奉錢高尊師如貴道士傳道錄畢歸北海

道隱不可見。靈書藏洞天。吾師四萬劫。歷世遞相  
傳。別教留青竹。行歌躡紫煙。離心無遠近。長在玉京  
懸。

送賀監歸四明應制

又辭榮祿遂初衣。曾向長生說息機。真訣自從茅氏  
得。恩波應阻洞庭歸。瑤臺含霧星辰滿。仙嶠浮空島  
嶼微。借問欲栖珠樹鶴。何年却向帝城飛。

江上送女道士褚三清遊南嶽

吳江女道士。頭戴蓮花巾。霓衣不濕雨。特異陽臺  
雲。足下遠遊履。凌波生素塵。倦尋向南嶽。應見魏夫  
人。

江夏送張丞

欲別心不忍。臨行情更親。酒傾無限月。客醉幾重  
春。藉草依流水。攀花贈遠人。送君從此去。迴首泣  
迷津。

送李青歸南葉陽川

伯陽仙家子。容色如青春。日月秘靈洞。雲霞辭世



新。人化心養精魄。隱几盲天眞。莫作千年別。歸來城郭

送舍弟

吾家白額馬一作駒。速別臨東道。他日相思一夢君。應得池塘生春草。

錢校書叔雲

少年費白日。歌笑矜朱顏。不知忽已老。喜見春風還。惜別且爲歡。徘徊桃李間。看花飲美酒。聽鳥臨晴山。向晚竹林寂。無人空閉關。

尋陽送弟昌峒鄱陽司馬作

桑落洲渚連滄江。無雲煙。尋陽非剡水。惚見子猷船。飄然欲相近。來遲杳若仙。人乘海上月。帆落湖中天。一觀無二諾。朝歡更勝昨。爾則吾惠連。吾非爾康樂。朱紱白銀章。上官佐鄱陽。松門拂中道。石鏡迴清光。搖扇及干越。水亭風氣涼。與爾期此亭。期在秋月滿。時過或未來。兩鄉心已斷。吳山對楚岸。彭蠡當中州。相思定如此。有窮盡年愁。

送王孝廉覲省 廬江

彭蠡將天合。姑蘇在日邊。寧親候海色。欲動孝廉船。窈窕晴江轉。參差遠岫連。相思無晝夜。東泣似長

川

送郗昂謫巴中

瑶草寒不死。移植滄江濱。東風灑雨露。會入天地  
春。予若洞庭葉。隨波送逐臣。思歸未可得。書此謝情  
人。

賦得白鷺鷥送宋少府入三峽

白鷺拳一足。月明秋水寒。人鷺遠飛去。直向使君  
灘。

李翰林集卷第十

李翰林集卷第十一

翰林供奉李白

餞送下

送王屋山人魏萬還王屋 并序

送友人尋越中山水

送族弟凝至晏堦單父三十里

魯郡堯祠送吳五之瑯琊

送儲邕之武昌

魯郡堯祠送別 時父病初起作

送蕭三十一之魯中兼問稚子伯禽

同王昌齡送族弟桂陽二首

對雪奉餞任城六父秩滿歸京

送楊山人歸嵩山

送殷淑三首

送岑徵君還鳴皋

送范山人歸太山

金鄉送韋八之西京

五松山送殷淑

同吳王送杜秀芝舉入京

送陸判官往琵琶峽

送梁四歸東平

送韓侍御之廣德令

白雲歌送友人

送通禪師還南陵隱靜寺

送麴十少府

送外甥鄭灌從軍三首

杭州送裴太澤時赴廬州長史

送二季之江東

江夏送友人

魯城北郭曲腰桑下送張子還嵩陽

送崔氏昆季之金陵

送友人

送友人遊梅湖

送崔十二遊天竺寺

魯中送二從弟赴舉之西京

送于十八應四子舉落第還嵩山

送揚山人歸天台

送溫處士歸黃山白鶴峯舊居

送崔慶遠吳故人禮部員外國輔之子

送別得書字

送魯郡劉長史遷弘農長史

魯郡東石門送杜二甫

送族弟綰從軍安西

於魯郡堯祠送張十四遊河北

送王屋山人魏萬還王屋

并序

王屋山人魏萬云自嵩宋汭吳相送數千里不遇乘興遊台越經永嘉觀謝公石門後於廣陵相見美其愛文好古浪跡方外因述其行而贈是詩

仙人東方生浩蕩弄雲海沛然乘天游獨徃失所在魏侯繼大名本家聊攝城卷舒入元化跡與古賢并

十三弄文史。揮筆如振綺。辯折田巴生。心齊魯連子。  
西涉清洛源。頗驚人世誼。採秀卧王屋。因窺洞天門。  
竭來游嵩峯。羽客何雙雙。朝攜月光子。暮宿玉女窻。  
鬼谷上竒竈。龍潭下奔瀲。東浮汴河水。訪我三千里。  
逸興滿吳雲。飄飄浙江汜。揮手杭越間。樟一作亭望  
潮還濤。卷海門。石雪橫天際。山白馬走素車。雷奔駭  
心顏。遙聞會稽美。一弄耶谿水。萬壑與千巖。崢嶸鏡  
湖裏。秀色不可名。清輝滿江城。人遊月邊去。舟在空  
中行。此中久延佇。入剡尋王許。笑讀曹娥碑。沉吟黃  
絹語。天台連四明。日入向國清。五峯轉月色。百里行

松聲靈溪恣。泫越華頂殊。超忽石梁橫。青天側足履  
半月春。一作忽然思永嘉。不憚海路賒。挂席歷海嶠。回  
瞻赤城霞。赤城漸微沒。孤嶼前堯兀。水續萬古流。亭  
空千霜月。縉雲川石難。石門最可觀。瀑布挂北斗。莫  
窮此水端。噴壁瀉素雪。空濛生晝寒。却尋惡溪去。寧  
懼惡溪惡。咆哮七十灘。水石相噴薄。路創李北海。李  
昔開此巖開謝康樂。有謝康樂松風和猿聲。搜索連  
洞壑。徑出梅花橋。雙溪納歸潮。落帆金華岸。赤松若  
可招。沈約八詠樓。城西孤岩堯。岩堯四荒外。曠望群  
川會。雲卷天地間。波連浙西大。亂流新安口。北指嚴

光瀨釣臺碧雲中。邀與蒼嶺對。稍稍來吳都。徘徊上  
姑蘇。煙絲橫九疑。潏蕩見五湖。目極心更遠。悲歌但  
長吁。迴橈楚江濱。揮策揚子津。身著日本裘。昂藏出  
風塵。五月造我語。知非僂僂人。相逢樂無限。水石日  
在眼。徒干五諸侯。不致百金產。吾友揚子雲。絃歌播  
清芬。雖為江寧宰。好與山公羣。乘興但一行。且知我  
愛君。君來幾何時。仙臺應有期。東窻綠玉樹。定長三  
五枝。至今天壇人。當笑爾歸遲。我苦昔遠別。茫然使  
心悲。黃河若不斷。白首長相思。

送友人尋越中山水

聞道稽山去。偏宜謝客才。千巖雲一作錯灑一作莫  
萬壑樹繁迴。東海橫秦望。西陵遠越臺。湖清霜鏡  
曉。濤白雪山來。八月枚乘筆。三吳張翰盃。此中多逸  
興。早晚向天台。

送族弟凝至晏堦單父三十里

霜一作雪滿原野白。戎裝出盤遊。揮鞭布獵騎。四顧登  
高丘。兔起馬足間。蒼鷹下平疇。喧呼相馳逐。取樂銷  
人憂。捨此戒禽荒。微聲列齊謳。鳴雞發晏堦。別鴈驚  
涑溝。西行有東音。寄與長河流。

魯郡堯祠送吳五之瑯琊

堯沒三千歲。青松古廟存。送行奠桂酒。拜舞清心魂。  
日色促歸人。連歌倒芳樽。馬嘶俱醉起。分手更何言。

送儲筮之武昌

黃鶴西樓月。長江萬里情。春風三十度。空憶武昌城。  
送爾難為別。銜杯惜未傾。湖連張樂地。山逐泛舟行。  
諾謂楚人重。詩傳謝朓清。滄浪吾有曲。寄入棹歌聲。

魯郡堯祠送竇明府薄華還西京別

朝策犁眉騮。舉鞭力不堪。強扶愁疾向何處。角巾微  
服堯祠南。長楊掃地不見日。石門噴作金沙潭。笑誇  
故人指絕境。山光水色青於藍。廟中往往來擊鼓。堯

本無心爾何苦。門前長跪雙石人。有女如花日歌舞。

銀鞍繡轂往復迴。銀林蹶石鳴風雷。遠煙空翠時明

滅。白鷗歷亂長飛雪。紅泥亭子赤欄干。碧流環一作鏡

轉青錦湍。一本云深沈百丈洞海底。那知不有蛟龍

蟠。君不見綠珠珠一本無潭水流東海。綠珠紅粉沈光

彩。綠珠樓下花滿園。今日曾無一枝在。昨夜秋聲閭

闔來。洞庭木落騷人哀。遂將三五少年輩。登高送遠

形神開。生前一笑輕九鼎。魏武何悲銅雀臺。我歌白

雲倚窻牖。爾聞其聲但揮手。長風吹月渡海來。遙勸

仙人一杯酒。酒終樂酣宵向分。舉觴酌堯堯。可聞何



不令皐繇擁篲橫八極。直上青天揮浮雲。高陽小飲  
真瓊瑣。山公酩酊何如我。竹林七子去道賒。此句舊  
本在誇  
下。蘭亭雄筆安足誇。堯祠笑殺鏡湖水。至今憔悴空  
荷花。爾向西秦我東越。暫向瀛洲訪金闕。藍田太白  
若可期。為余掃灑石上月。

送蕭三十一之魯中兼問稚子伯禽

六月南風吹白沙。吳牛喘月氣成霞。水國鬱蒸不可  
處。時炎道遠無行車。夫子如何涉江路。雲帆嫋嫋金  
陵去。高堂倚門望伯魚。魯中正是趨庭處。我家寄在  
沙丘傍。三年不歸空斷腸。君行既識伯禽子。應駕小

車騎白羊

同王昌齡送族弟襄歸桂陽一首

秦地見碧草。楚謠對清樽。把酒爾何思。鷓鴣啼南園。  
余欲一作羅浮隱。猶懷明主恩。躊躇紫宮戀。辜負滄  
洲言。終然無心雲。海上同飛翻。相期乃不淺。幽桂有  
芳根。

爾家何在瀟湘川。青莎白石長沙江。一作邊昨夢江作  
紅花照江日。幾枝正發東窻前。覺來欲往心悠然。塊  
隨越鳥飛南天。秦雲連山海相接。桂水橫煙不可涉。  
送君此去令人愁。風帆茫茫隔河洲。春潭瓊草綠可

折西寄長安一作明月樓

對雪奉餞任城六父秩滿歸京

龍虎謝鞭策。鷄鸞不司晨。君看海上鶴。何似籠中鷄。  
獨用天地心。浮雲乃吾身。雖將簪組狎。若與煙霞親。  
季父有英風。白眉超常倫。一官即夢寐。脫屣歸西秦。  
竇公啟華筵。墨客盡來臻。燕歌落胡鴈。郢曲迴陽春。  
征馬百度嘶。游車動行塵。躊躇未忍去。戀此四座人。  
餞離駐高駕。惜別空慙慙。何時竹林下。更與步兵鄰。

送楊山人歸嵩山

我有萬古宅。嵩陽玉女峯。長留一片月。挂在東溪松。

爾去掇仙草。昌蒲花紫茸。歲晚或相訪。青天騎白龍。

送殷淑三首

海水不可解。連江夜為潮。俄然浦喚闊。岸去酒船遙。  
惜別耐取醉。鳴榔且長謠。天明爾當去。應有便風飄。  
白鷺洲前月。天明送客迴。青龍山後日。早出海雲來。  
流水無情去。征帆逐吹開。相看不忍別。更進手中杯。  
痛飲龍筇下。燈青月復寒。醉歌驚白鷺。半夜起沙灘。

送岑徵君還鳴皋

岑公相門子。雅望歸安石。奕世皆夔龍。中台有三折。  
至人達機兆。高揖九州伯。奈何天地間。而作隱淪客。

貴道皆全真潛輝卧幽鄰一作探元入官默觀化遊  
無垠光武有天下嚴陵爲故人雖登洛陽殿不屈巢  
由身余亦謝明主今稱偃仰一作臣登高覽萬古思  
與廣成鄰蹈海寧受賞還山非問津西來一搖扇共  
拂元規塵

送范山人歸太山

魯客抱白雞一作鶴別余往太山初行若片雪杳杳青  
崖間高高至天門海日近可攀雲山望不及此去何  
時還

金鄉送韋八之西京

客自長安來還歸長安去狂風吹我心西挂咸陽樹  
此情不可道此別何時遇望望不見君連山起煙霧

五松山送殷淑

秀色發江左風流奈若何仲文了不還獨立揚清波  
載酒五松山頽然白雲歌中天度落月萬里遙相過  
撫酒惜此月流光畏蹉跎明日別離去連峯鬱差我  
同吳王送杜秀芝舉入京

秀才何翩翩王許回也賢整別廬江守將遊示兆天  
秋山面落日秀木出寒煙欲折一枝桂還來兩沼前

送陸判官往琵琶峽

水國風夜殊非遠別時長安如夢裏何日是歸期

送梁四歸東平

五言 擊美酒送別強為歡大火南星月長郊北路難

五言 負鼎汶水起一作垂竿莫學東山卧一作差老

謝安

送韓侍御之廣德令

昔田繡衣何足榮今宵賞酒與君傾暫就東山賒月

色 離歌一夜送泉明

白雲歌送友人

楚山 蔡山多白雲白雲處處長隨君君今還入楚山

裏雲亦隨君渡湘水上女蘿衣白雲早卧早行君  
早起

送通禪師還南陵隱靜寺

我聞隱靜寺山水多奇蹤巖種朗公橋門深孟渡松  
道人制猛虎振錫還孤峯他日南陵下相期谷口逢

送麴十少府

試發清秋興因為吳會吟碧雲歛海色流水折江心  
我有延陵劍君無陸賈金艱難此為別惆悵一何深

送外甥鄭灌從軍三首

六博爭雄好彩來金盤一擲萬人開丈夫賭命報天

子當斬胡頭。衣錦迴。

文八蛇牙出隴西。彎弧拂箭白猿啼。破胡必用龍韜策。積甲應將熊耳齊。

月蝕西方破敵時。及瓜歸日未應遲。斬胡血變黃河水。梟首當懸白鵲旗。

杭州送裴大澤時赴廬州長史

西江天柱遠。東越海門深。去割辭親戀。行憂報國心。好風吹落日。流水引長吟。五月披裘者。應知不取金。

送二季之江東

初發強中作題詩。與惠連多慙。一日長不及二龍賢。

西塞當中心。一作路南風欲進。船雲峯出遠海。帆影挂清川。禹穴藏書地。匡山種杏田。此行俱有適。遲爾早歸旋。

江夏送友人

雪點翠雲裘。送君黃鶴樓。黃鶴振玉羽。西飛帝王州。鳳無琅玕實。何以贈遠遊。徘徊相顧影。淚下漢江流。

魯城北郭曲腰桑下送張子還嵩陽

送別枯桑下。凋葉落半空。我行情道遠。爾獨知天風。誰念張仲蔚。還依蒿與蓬。何時一盃酒。更與李膺同。

送崔氏昆季之金陵

吳歌倚東樓。行子期曉。一作發。秋風渡江來。吹落山  
上月。主人出美酒。滅燭延清光。二崔公一作向金陵。安  
得不盡觴。水客弄歸棹。雲帆卷輕霜。扁舟敬亭下。五  
兩先飄揚。峽石入水花。碧流日更長。思君無歲年。一作  
月西笑阻河梁。

送友人

青山橫北郭。白水遶東城。此地一為別。孤蓬萬里征。  
浮雲遊子意。落日故人情。揮手自茲去。蕭蕭班馬鳴。

送友人遊梅湖

送君遊梅湖。應見梅花發。有使寄我來。無令紅芳歇。

暫行新林浦。定醉金陵月。莫惜一鴈書。音塵坐胡越。

送崔十二遊天竺寺

還聞天竺寺。夢想懷東越。每年海樹霜。桂子落秋月。  
送君遊此地。已屬流芳歇。待我來歲行。相逢浮溟渤。

魯中送二從弟赴舉之西京

魯客向西笑。君門若夢中。霜凋逐臣髮。日憶明光宮。  
復羨二龍去。才華冠世雄。平衢騁高足。逸翰凌長風。  
舞袖拂秋月。歌筵聞早鴻。送君日千里。良會何由同。

送于十八應四子舉落第還嵩山

吾祖吹臺篇。天人信森羅。歸根復太素。群動熙元和。

炎炎四真人一本云西真人摘辯若濤波。交流無時寂。揚墨日成科。夫子聞洛誦。誇才才固多。為金好踴躍。又客方蹉跎。道可束賣之。五寶溢山河。勸君還嵩丘。開酌眄庭柯。三花如未落。乘興一來過。

送楊山人歸天台

客有思天台。東行路超忽。濤落浙江秋。沙明滄陽月。今遊方厭楚。昨夢先歸越。且盡秉燭歡。無辭凌晨發。我家小阮賢。剖竹赤城邊。詩人多見重。官燭未曾然。興引登山屐。情催泛海船。石橋如可度。携手弄雲煙。

送溫處士歸黃山白鶴峯舊居

黃山四千仞。三十二蓮峯。丹崖夾石柱。菡萏金芙蓉。伊昔昇絕頂。下窺天目松。仙人鍊玉處。羽化留餘蹤。亦聞溫伯雪。獨往今相逢。採秀辭五嶽。攀巖歷萬重。歸休白鶴嶺。渴飲丹沙井。鳳吹我時來。雲車爾當整。去去陟一作陵陽東。行行芳桂叢。迴谿十六度。碧嶂盡晴空。他日還相訪。乘橋躡綵虹。東陽一作陽東紅或作如

送崔庶還吳故人禮部負外國輔之子

幽燕沙雪地。萬里盡黃雲。朝吹歸秋鴈。南飛日幾群。中有孤鳳鷄。哀鳴九天聞。我乃重此鳥。綵章五色分。胡為雜凡禽。雞鶩輕賤君。舉手捧爾足。疾心若火焚。

拂羽淚滿面。送之吳江濱。去影忽不見。躊躇日將曛。

送別得書字

水色南天遠。舟行若在虛。遷人發佳興。吾子訪閑居。  
日落看歸鳥。潭澄羨躍魚。聖朝思賈誼。應降紫泥書。

送魯郡劉長史遷弘農長史

魯國一盃水。難容橫海鱗。仲尼且不敬。况乃尋常人。  
白玉換斗粟。黃金買尺薪。閑門木葉下。始覺秋非春。  
聞君向西遷。地即鼎湖鄰。寶鏡匣蒼蘚。丹經理素塵。  
軒后上天時。攀龍遺一作小臣及此。留意愛庶幾。風  
化淳。魯縞如白煙。五緜不成束。臨行贈貧交。一尺重。

山岳相國齊晏子。贈行不及言。託陰當樹李。忘憂當  
樹萱。他日見張祿。綈袍懷舊恩。

魯郡東石門送杜二甫

醉別復幾日。登臨遍池臺。何言石門路。重有金樽開。  
秋波落泗水。海色明徂徠。飛蓬各自遠。且盡手中盃。

送族弟紆從軍安西

漢家兵馬乘北風。鼓行而西破犬戎。爾隨漢將出門  
去。剪虜若草收奇功。君王按劍望邊色。旄頭已落胡  
天空。內奴繫頸數應盡。明年應入蒲萄宮。

於魯郡堯祠送張十四遊河北



猛虎伏尺草。雖藏難斂身。有如張公子。駢麟在風塵。  
豈無橫腰劍。屈彼淮陰人。擊筑向北燕。燕歌易水濱。  
歸來太山上。當與爾爲鄰。

李翰林集卷第十一



國家圖書館, NATIONAL CENTRAL LIBRARY, TAIWAN, R.O.C.

李翰林集卷第十二

翰林供奉李白

訓答

答杜秀才五松山見贈

答長安崔少府叔封遊終南翠微寺太宗皇帝

金沙泉見寄

張相公出鎮荊州

贈李十二

左司郎中  
崔宗之

訓崔五郎中

以詩代書答元丹丘

至陵陽山登天柱石訓韓侍御見招隱黃山

訓裴侍御對雨感時見贈

答裴侍御先行至石頭驛以書見招期月滿泛

洞庭

答友人寒夜獨酌有懷

訓中都小吏攜斗酒雙魚逆旅見贈

答高山人兼呈權顧二侯

贈李十二

攝監察御史崔成甫

訓崔侍御

翫月金陵城西孫楚酒樓 江上答崔宣城

金門答蘇秀才

訓張卿夜宿南陵見贈

訓岑勳見尋就元丹丘對酒相待以詩見招

五月答汶上翁

答漢姪僧中孚贈玉泉仙人掌茶 并序

訓談少府

訓崔十五見招

訓坊州王司馬與闕正字對雪見贈

訓張司馬贈墨

訓裴侍御留岫師彈琴見寄

答從弟幼成過西園見贈

醉後答丁十八以詩譏余搥碎黃鶴樓

早秋單父南樓訓賓公衡

訓宇文少府贈桃竹書筒

答湖州迦葉司馬問白是何人

訓王補闕惠翼莊廟宋丞此贈別

山中問答

答友人贈烏紗帽

荅杜秀才五松山見贈

五松山南陵銅坑西五六里也

昔獻長楊賦。天開雲雨歡。當時待詔承明裏。皆道揚  
雄才可觀。敕賜飛龍二天馬。黃金絡頭白玉鞍。浮雲  
蔽日去不返。揔爲秋風摧紫蘭。角中東出商山道。採  
秀行歌詠芝草。路逢園綺笑向人。兩君解來一何好。  
聞道金陵龍虎盤。還同謝朓望長安。千峯夾水向秋  
浦。五松名山當夏寒。銅井炎爐歆九天。赫如鑄鼎荆  
山前。陶公矍鑠呵赤電。回祿睚眦揚紫煙。此中豈是  
久留處。便欲燒丹從列仙。愛聽松風且高卧。颼颼吹

盡炎氛。過登崖獨立望九州。陽春欲奏誰相和。聞君  
往年遊錦城。章仇尚書倒屣迎。飛牋絡驛奏明主。天  
書降問迴恩榮。肮髒不能就珪組。至今空揚高蹈名。  
夫子工文絕世奇。五松新作天下推。吾非謝尚邀彥  
伯。異代風流各一時。一時相逢樂在今。袖拂白雲開  
素琴。彈爲三峽流泉音。從茲一別武陵去。去後桃花  
春水深。

荅長安崔少府叔封遊終南翠微寺太宗皇

帝金沙泉見寄

河伯見海若。一作客傲然誇秋水。小物味遠圖。寧知通

方士多君紫霄意。獨往蒼山裏。地古寒雲深。巖高長  
風起。初登翠微嶺。復憩金沙泉。踐苔朝霜滑。弄波夕  
碎。一作月圓。飲彼石下流。結蘿宿谿煙。鼎湖夢綠水。龍  
駕空茫然。早行子午間。却登山路遠。拂琴聽霜絃。滅  
燭乃星飯。人煙無明異。鳥道絕往返。攀崖倒青天。下  
視白日晚。既過石門隱。還唱石潭歌。涉雪蹙紫芳。濯  
纓想清波。此人不可見。此地君自過。爲余謝風泉。其  
如幽意何。

張相公出鎮荊州尋除太子詹事余時流夜  
郎行至江夏與張相公去千里公因太府丞

王昔使車寄羅衣一事及五月五日贈余余  
答以此詩

張衡殊不樂。應有四愁詩。慙君錦繡段。贈我慰相思。  
鴻鶴復矯翼。鳳皇憶故池。榮樂一如此。商山老紫芝。

贈李十二

左司郎中崔宗之

涼秋八九月。白露空園庭。耿耿意不暢。悄悄風葉聲。  
思見雄俊士。共話今古情。李侯忽來儀。把袂苦不早。  
清論既抵掌。玄談又絕倒。分明楚漢事。歷歷王霸道。  
權囊無俗物。訪古千里餘。袖有七首劍。懷中茂陵書。  
雙眸光照人。詞賦凌子虛。酌酒絃素琴。霜氣正凝潔。

平生心中事今日爲君說我家有別業寄在嵩之陽  
明月出高岑清溪澄素光雲散窻戶靜風吹松桂香  
子若同斯遊千載不相忘

酬崔五郎中

朔雲橫高天萬里起秋色壯士心飛揚落日空歎作  
光息長嘯出原野凜然寒風生幸遭聖明時功業猶  
未成奈何懷良圖鬱悒獨愁坐披策尋英豪立談乃  
知我崔公生人秀緬邈青雲姿制作參造化託諷含  
神祇海嶽尚可傾吐諾終不移一本無是時霜飈寒  
逸興臨華池起舞拂長劍四座皆揚眉因得窮歡情

少頁

雨色秋來寒風嚴清江爽孤高繡衣人蕭灑青霞賞  
平生多感激忠義非外獎禍連積怨生事及徂川往  
楚邦有壯士鄢郢翻掃蕩申包哭秦庭泣血將安仰  
報屍辱已及堂上羅宿莽頗似今之人蝨賊陷忠讜  
渺然一水隔何由稅一作思歸鞅日夕聽猿愁懷賢盈  
夢想

答裴侍御先行至石頭驛以書見招期月滿  
泛洞庭

君至石頭驛寄書黃鶴樓開絨識遠意速此南行舟  
風水無定準湍波或滯留憶昨新月生西簷一作若

瓊鈎今來何所似。破鏡懸清秋。恨不三五時。明湖泛

澄流。一本云恨不三五此歡竟莫遂。狂殺王子猷。巴

陵定近遠。持贈解人憂。遙一作近

答友人寒夜獨酌有懷王十二

昨夜吳中一作谷雪。子猷佳興發。萬里浮雲卷。碧山青

天中。道流孤月孤。月滄浪河漢清。北斗錯落長庚明。

懷余對酒夜霜白。玉牀金井冰崢嶸。人生飄忽百年

內。且須酣暢萬古情。君不能。狸膏金距學鬪雞。坐令

真息吹虹霓。君不能。學哥舒橫行青海夜。帶刀西屠

石堡。取紫袍。吟詩作賦北窗裏。萬言不直一杯水。世

人聞此皆掉頭。有如東風射馬耳。魚目亦笑我。請與

明月同驪駒。拳跼不能食。蹇驢得志鳴春風。折楊黃

華合流俗。晉<sub>宋</sub>聽琴枉清角。巴人誰肯和陽春。楚地

由來賤奇璞。黃金散盡交不成。白首爲儒身被輕。一

談一笑失顏色。蒼蠅貝錦喧謗聲。舊本無曾參豈是

殺人者。謠言三及慈母驚。與君論心握君手。榮辱於

余亦何有。孔聖猶聞傷鳳麟。董龍更是何雞狗。一生

傲岸苦不諳。恩踈媒勞志多乖。嚴陵高揖漢天子。何

必長劔拄頤事玉階。達亦不足貴。窮亦不足悲。韓信

羞將絳灌比。襮衡恥逐屠沽兒。君不見李北海。英風

豪氣今何在。君不見裴尚書。古墳三尺蒿棘居。少年  
早欲五湖去。見此彌將鐘鼎踈。

訓中都小吏攜斗酒雙魚逆旅見贈

魯酒若琥珀。汶魚紫錦鱗。山東豪吏有俊氣。手攜此  
物贈遠人。意氣相傾兩相顧。斗酒雙魚表情素。雙鯉  
呀呷鱗鬣張。蹴刺銀盤欲飛去。呼兒拂机霜刃揮。紅  
肥花落白雪霏。爲君下筯一餐飽。醉著金鞍上馬歸。

荅高山人兼呈權顧二侯

虹霓掩天光。扈后起康濟。應運生夔龍。開元掃氛翳。  
太微廓金鏡。端拱清遐裔。經筵集嵩岳。虛點盛明意。

謬揮紫泥詔。獻納青雲際。讒惑英主心。恩踈佞臣計。  
傍徨庭闕下。歎息光陰逝。未作仲宣詩。先流賈生涕。  
挂帆秋江上。不爲雲羅制。山海向東傾。百川無盡勢。  
我於鷓鴣子。相去千餘歲。運關英達一作稀。同風遙  
執袂。登艫望遠水。忽見滄浪杻。高士何處來。虛舟眇  
安繫。衣貌本淳古。文章多佳麗。延引故鄉人。風義未  
淪替。顧侯達語默。權子識通蔽。曾是無心雲。俱爲此  
留滯。雙萍易飄轉。獨鶴思凌厲。明晨去瀟湘。共謁蒼  
梧帝。

贈李十二 攝監察御史崔成甫



我是瀟湘放逐臣。君辭明主漢江濱。天外常求太白老。金陵捉得酒仙人。

訓崔侍御

嚴陵不從萬乘遊。歸卧空山釣碧流。自是客星辭帝座。元非太白醉揚州。

翫月金陵城西孫楚酒樓。達曉歌吹日晚乘醉著紫綺裘烏紗巾與酒客數人棹歌秦淮。

往石頭訪崔四侍御

昨翫西城月。青天垂玉鈎。朝沽金陵酒。歌吹孫楚樓。忽憶繡衣人。乘船往石頭。草裏烏紗巾。倒披紫綺裘。

兩岸拍手笑。疑是王子猷。酒客十數公。崩騰醉中流。謔浪棹海客。喧呼傲陽侯。半道逢吳姬。卷簾出柳榆。我憶君到此。不知狂與羞。月下一見君。三杯便迴撈。捨舟共連袂。行上南渡橋。興發歌淥水。秦客爲之搖。一作雞鳴復相招。清宴逸雲霄。贈我數百字。字字凌風颺。繫之衣裘上。相憶每長謠。

江上答崔宣城

太華三芙蓉。明星玉女峯。尋仙下西岳。陶令忽相逢。問我將何事。湍波歷幾重。貂裘非季子。鶴氅似王恭。謬忝燕臺召。而陪郭隗蹤。水流知入海。雲去或從龍。

樹色曉洲月一本云樹山鳴鵲鎮鐘還期如可訪台  
嶺蔭長松

金門答蘇秀才

君還石門日。朱火始改木。春草如有情。山中尚含綠。  
折芳愧遙憶。永路當自勗。遠見故人心。平生以此足。  
巨海納百川。麟閣多才賢。獻書入金闕。酌醴奉瓊筵。  
屢忝白雲唱。恭聞黃竹篇。恩光照袖薄。雲漢希騰遷。  
銘鼎儻云遂。扁舟方渺然。我留在金門。君去卧丹壑。  
未果三山期。遙欣一丘樂。玄珠寄罔象。赤水非寥廓。  
願狎東海鷗。共營西山藥。栖巖君寂蔑。處世余龍蠖。

良辰不同賞。永日應閑居。鳥鳴簷間樹。花落窓下書。  
綠窳見綠篠。隔岫窺紅蕖。採薇行笑歌。眷我情一作春情  
我何已。月出石鏡間。松鳴風琴裏。得心自虛妙。外物  
空頽靡。身世如兩忘。從君老煙水。

訓張卿夜宿南陵見贈

月出魯城東。明如天上雪。曾女驚莎雞。齊鳴一作應  
秋節。當君相思夜。大落金風高。河漢挂戶牖。欲濟無  
輕舸。我昔辭林丘。雲龍忽相見。客星動太微。朝去洛  
陽殿。爾來得茂彥。七葉仕漢餘。身為下邳客。一作家  
有圮橋書。傳說未夢時。終當起巖野。萬古騎辰星。光

輝照天下與君各未遇。長策委蒿萊。寶刀隱玉匣。繡  
澁空莓苔。遂令世上愚。輕我土與灰。一朝攀龍去。一作  
龜龜安在哉。故山定有酒。與爾傾金壘。

酬岑勛見尋就元丹立對酒相待以詩見

招

黃鶴東南來。寄書寫心曲。倚松開真緘。憶我腸斷續。  
不以千里遙。命駕來相招。中逢元丹立。登嶺宴碧霄。  
對酒忽思我。長嘯臨清飈。蹇余未相知。茫茫綠雲垂。  
俄然素書及。解此長渴飢。策馬望山月。途窮造堦墀。  
喜茲一會面。若覩瓊樹枝。憶君我遠來。我歡方速至。

開顏酌美酒。樂極忽成醉。我情既不淺。君意方亦深。  
相知兩相得。一顧輕千金。且向山客笑。與君論素心。

五月東魯行答汶上翁魯一行字

五月梅始黃。蠶凋桑柘空。魯人重一作織作機杼鳴  
簾櫳。顧余不及事。學劍來山一作東。舉鞭訪前途。獲  
笑汶上翁。下愚忽壯士。未足論窮通。我以一箭書。能  
取聊城功。終然不受賞。羞與時人同。西歸去直道。落  
日昏陰虹。此一本無此去爾勿言甘心為轉蓬

答族姪僧中孚贈玉泉仙入堂茶并序

余聞荊州玉泉寺。近清溪諸山。山洞往往有乳窟。窟

中多玉泉交流。中有白蝙蝠。大如鷓。按仙經。蝙蝠一名仙鼠。千歲之後。體白如雪。棲則倒懸。蓋飲乳水而長生也。其水邊處處有名草。羅生。枝葉如碧玉。唯玉泉真公常采而飲之。年八十餘歲。顏色如桃花。一作李而此茗清香滑熟。異於他者。所以能還童振枯扶人壽也。余遊金陵。見宗僧中孚。示余茶數十片。拳然重疊。其狀如手。號為仙人掌茶。蓋新出乎玉泉之山。曠古未覲。因持之見遺。兼贈詩。要余答之。遂有此作。後之高僧大隱。知仙人掌茶。發乎中孚。禪子及青蓮居士李白也。一作發乎中孚及李白也

嘗聞玉泉山山洞多乳窟。仙鼠如白鷓。倒懸深谿。貝茗生此中。石玉泉流不歇。根柯灑芳津。採服潤肌膚。叢老來一作卷綠葉。枝枝相接連。曝成仙人掌。似拍一作指洪崖肩。舉世未見之。其名定誰傳。宗英乃禪伯。一作客投贈有佳篇。清鏡燭無鹽。顧慙西子妍。朝坐有餘興。長吟播諸天。

誦談少府

一尉居候忽。梅生有仙骨。三事或可羞。凶奴晒千秋。壯心屈黃綬。浪迹寄滄洲。昨觀荆峴作。如從雲漢遊。老夫當暮矣。蹠足懼驂騑。

訓崔十五見招

爾有鳥跡書。相招琴溪飲。手跡尺素中。如天落雲錦。讀罷向空笑。疑君在我前。長吟字不滅。懷袖且三年。

訓坊州王司馬與閻正字對雪見贈

遊子東南來。自死適京國。飄然無心雲。倏忽復西北。訪戴昔未偶。尋嵇此相得。愁顏發新歡。終宴叙前識。閻公漢庭舊。沉鬱富方力。價重銅龍樓。聲高重門側。寧期此相遇。華館陪遊息。積雪明遠峯。寒城鏤春色。主人蒼生望。假我青雲翼。風水如見資。投竿佐皇極。

訓張司馬贈墨

上黨碧松煙。夷陵丹砂末。蘭麝凝珍墨。精光乃堪掇。黃頭奴子雙鴉鬢。錦囊養之懷袖間。今日贈余蘭亭去。興來灑筆會稽山。

訓裴侍御留岫師彈琴見寄

君同鮑明遠。邀彼休上人。鼓琴亂白雪。一作秋變江上春。瑤草綠未衰。攀翻寄情親。相思兩不見。涼淚空盈巾。

答從弟幼成過西園見贈

一身自瀟灑。萬物何置誼。拙薄謝明時。棲閑歸故園。二季過舊壑。四鄰馳華軒。衣劍照松宇。賓徒光石門。

山童薦珍果。野老開芳樽。上陳樵漁事。下叙農圃言。  
昨來荷花浦。今見蘭苕繁。一笑復一歌。不知夕景昏。  
醉罷同所樂。此情難具陳。

醉後答丁十八以詩譏余槌碎黃鶴樓

黃鶴高樓已槌碎。黃鶴仙人無所依。黃鶴上天訴玉  
帝。却放黃鶴江南歸。神明太守再雕飾。新圖粉壁還  
芳菲。一州笑我爲狂客。少年往往來相譏。君平簾下  
誰家子。云是遼東丁令威。作詩調我驚逸興。白雲遶  
筆牕前飛。待取明朝酒醒罷。與君爛熳尋春暉。

早秋單父南樓酬竇公衡

白露見日滅。紅顏隨霜凋。別君若俯仰。春芳辭秋條。  
泰山嵒峩夏雲在。疑是白波漲東海。散爲飛雨川上  
來。遙帷却卷清浮埃。知君獨坐青軒下。此時結念同  
所懷。我閉南樓看道書。幽簾清寂在仙居。曾無好事  
來相訪。賴爾高文一起予。

訓宇文少府贈桃竹書筒

桃竹書筒綺繡文。良工巧妙稱絕群。靈心圓映三江  
月。彩質疊成五色雲。中藏寶訣峨眉去。千里提携長  
憶君。

答湖州迦葉司馬問白是何人

青蓮居士謫仙人。酒肆藏名三十春。湖州司馬何須問。金粟如來是後身。

訓王補闕惠翼莊廟宋丞泚贈別

學道三千春。自言義和人。軒蓋宛若夢。雲松長相親。偶將二公合。復與三山鄰。喜結海上契。自為天外賓。鸞翻我先鍛。龍性君莫馴。朴散不向古。時訛皆失真。勿踏荒溪波。竭來浩然津。薜帶何辭楚。桃源堪避秦。世迫且離別。心在期隱淪。訓贈非炯誠。永言銘佩紳。

山中問答

問余何意一作事栖碧山。笑而不答心自閒。桃花流水

杳然去。別有天地非人間。

答友人贈烏紗帽

領得烏紗帽。全勝白接籬。山人不照鏡。稚子道相宜。



國家圖書館, NATIONAL CENTRAL LIBRARY, TAIWAN, R.O.C.

A vertical rectangular area containing several horizontal lines, likely representing a library identification or classification label. The lines are evenly spaced and extend across the width of the area.



李翰林集卷第十三

翰林供奉李白

留別

聞李太尉大舉秦兵百萬出征東南懦夫請纓  
冀申一割之用半道病還留別金陵崔侍

御十九韻

夢遊天姥吟留別諸公

留別金陵諸公

口號

感時留別從兄徐王延年從弟延陵

別東林寺僧

別韋少府

魏都別蘇因

留別于十一兄述裴十三遊塞垣

金陵酒肆留別

竄夜郎於烏江留別宗十六

魯郡堯祠亭上宴別杜補闕范侍御

金陵白下亭留別 留別魯頌

將遊衡岳過漢陽雙松亭留別族弟浮屠談皓

送孟浩然之廣陵 留別王司馬嵩

別儲邕之剡中 留別賈舍人至二首

別西河劉少府 南陵別兒童入京

別山僧涇川作 別中都明府兄

留別龔處士 留別曹南群官之江南

還山留別金門知己 夜別張五

潁陽別元丹丘之淮陽

留別廣陵諸公 廣陵贈別

江夏別宋之悌 贈別鄭判官

渡荆門送別 贈別王山人歸布山

聞李太尉大舉秦兵百萬出征東南懦夫請

纓冀申一割之用半道病還留別金陵崔侍

御十九韻

秦出天下兵。蹴踏燕趙傾。黃河飲馬竭。赤羽連天明。  
太尉杖旄鉞。雲旗繞彭城。三軍受號令。千里肅雷霆。  
函谷絕飛鳥。武關擁連營。意在斬巨虜。何論鱸長鯨。  
恨無左車略。多愧魯連生。拂劍照巖霜。一作彫戈鬢  
胡纓顧雪會稽耻。將期報恩榮。半道謝病還。無因東  
南征。亞夫未見顧。劇孟阻先行。天奪壯士心。長吁別  
吳京。金陵遇太守。倒屣欣逢迎。群公咸祖餞。四座羅  
朝英。初發臨滄觀。醉栖征虜亭。一作國見秋月長

黃旗一掃蕩。割壤開吳京。六代更霸王。遺跡見都城。  
至今秦淮間。禮樂秀群英。地扇鄒魯學。詩騰顏謝名。  
五月金陵西。祖余白下亭。欲尋廬峯頂。先繞漢水行。  
香爐紫煙滅。瀑布落太清。若攀星辰去。揮手緬含情。

口號

食出野田美酒。臨遠水傾東流。若未盡。應見別離情。

感時留別從兄徐王延年從弟延陵

天籟何參差。噫然大塊吹。玄元包橐籥。紫氣何逶迤。  
七葉運皇化。千齡光一作本枝仙風生桂一作樹大  
雅歌螽斯。諸王若鸞虬。肅穆列藩維。拈兄錫茅土。聖

代含榮滋九卿領徐方一作七步繼陳思伊昔全盛  
日雄豪動京師冠劍朝鳳闕樓船侍龍池鼓鐘出朱  
邸金翠照丹墀君王一顧眄選色獻蛾眉列戟十八  
年未曾輒遷移大臣小喑鳴謫竄天南垂長沙不足  
舞貝錦且成詩佐郡浙江西病閑絕趨馳階軒日苔  
蘚鳥雀噪簷帷時乘平肩輿出入畏人知北宅聊偃  
憩歡愉恤惻發羞言梁苑地烜赫耀旌旗兄弟八九  
人吳秦各分離大賢達機兆豈獨慮安危小子謝麟  
閣鴈行忝肩隨令弟字延陵鳳毛出天姿清英神仙  
骨芬馥篋蘭蕙夢得春草句將非惠連誰深心紫河

車與我特相宜金膏猶罔象玉液尚磷緇伏枕寄賓  
館宛同清漳湄藥物多見饋珍羞亦兼之誰道溟渤  
深猶言淺恩慈鳴蟬游子意促織念歸期驕陽何太  
赫海水爍龍龜百川盡凋枯舟楫閣中達策馬搖一作  
採涼月通宵出郊岐泣別目眷眷傷心步遲遲願言  
保明德王室佇清爽一作採袂何所道援毫投此辭

別東林寺僧

東林送客處月出白猿啼笑別廬山遠何煩過虎谿

別韋少府

西出蒼龍門南登白鹿原欲尋南山皓猶戀漢皇恩

水國遠行邁。仙經深討論。洗心向一作溪月清耳敬  
亭。猿築室在人境。閑門無世諠。多君在高駕。贈我以  
微言。交乃意氣合。道因風雅存。別離有相思。瑤瑟與  
金樽。作閑關

魏郡別蘇因

魏都接燕趙。美女誇芙蓉。淇水流碧玉。舟車日奔衝。  
青樓夾兩岸。萬室喧歌鐘。天下稱豪貴。遊此一作每  
相逢。洛陽蘇季子。劔戟森詞鋒。六印雖未佩。軒車若  
飛龍。黃金數百鎰。白璧有幾雙。散盡空掉臂。高歌賦  
還邛。合從又連橫。其意未可封。此二句無落魄乃如此

何人不相從。遠別出兩河。雲山杳千重。何時更盃酒。  
再得論心骨。

留別于十一兄邀裴十三遊塞垣

太公渭川水。李斯上蔡門。釣周獵秦安。黎元小魚鱗。  
何足言。天張雲卷有時節。吾徒莫歎欲。作孰觸藩。  
于公白首大梁野。使人悵望何可論。既知朱亥為壯  
士。且願束心秋毫裏。秦趙虎爭血中原。當去抱關救  
公子。裴生覽千古。龍鸞炳文章。悲吟雨雪動林木。放  
書輟劔思高堂。勸爾一杯酒。拂爾裘上霜。爾為我楚  
舞。吾為爾楚歌。且探虎穴向沙漠。鳴鞭走馬凌黃河。

恥作易水別臨岐淚滂沱

金陵酒肆留別

風吹柳花滿店香。吳姬壓酒喚客嘗。金陵子弟來相送。欲行不行各盡觴。請君試問東流水。別意與之誰短長。

竄夜郎於烏江留別宗十六

君家全盛日。台鼎何陸離。斬釐翼鳩皇。鍊石補天維。一迴日月顧。三入鳳皇池。失勢青門傍。種瓜復幾時。萬會舊賓客。三十光路岐。皇恩雪憤懣。松柏含榮滋。良非東林人。令姊忝齊眉。浪迹未出世。空名動京師。

適遭雲羅解。翻謫夜郎悲。杜妻莫邪劍。及此二龍離。慚君湍波苦。千里遠從之。白帝曉猿斷。黃牛過客遲。遙瞻明月峽。西去益相思。

秋日魯郡禋祀亭上宴別杜補闕范侍御

我覺秋興逸。誰云秋興悲。山將落日去。水與晴空宜。魯酒白玉壺。送行駐金羈。歇鞍憇古木。解帶挂橫枝。歌鼓川上亭。曲度神飈吹。雲歸碧海夕。鴈沒青天時。相失各萬里。茫然空爾思。

金陵白下亭留別

驛亭三楊樹。正當白下門。吳煙暝長條。漢水齧古根。

向來送行處。迴首阻笑言。別後若見之。爲余一攀翻。

留別魯頌

誰道太山高。下却魯連節。誰云秦軍衆。摧却魯連舌。  
獨立天地間。清風灑蘭雪。夫子還僮僕。攻文繼前烈。  
錯落石上松。無爲秋霜折。贈言鏤寶刀。千歲庶不滅。  
將遊衡岳過漢陽。雙松亭留別族弟浮屠談

詰

秦欺趙氏壁。却入邯鄲宮。本是楚家王。還來荆山中。  
川彩照滄溟。精輝凌白日。青蠅一相點。流落此時同。  
卓絕道門秀。談玄乃支公。延蘿結幽居。剪竹繞芳叢。

涼花拂戶牖。天籟鳴虛空。憶我初來時。蒲萄開景風。  
今茲大火落。秋葉黃梧桐。水色夢沅湘。長沙去何窮。  
寄書訪衡嶠。但與南飛鴻。

送孟浩然之廣陵

故人西辭黃鶴樓。煙花三月下揚州。孤帆遠影碧山  
盡。唯見長江天際流。

留別王司馬嵩

魯連實談笑。豈是顧千金。陶朱雖相越。本有五湖心。  
余亦南陽子。時爲梁甫吟。蒼山空偃蹇。白日惜頽侵。  
願一佐明主。功成還舊林。西來何所爲。孤劍託知音。

鳥愛碧山遠。魚遊滄海深。呼鷹過上蔡。賣畚向嵩岑。  
他日閑相訪。丘中有素琴。

別諸筓之剡中

借問剡中道。東南指越鄉。舟從廣陵去。水入會稽長。  
竹色溪下綠。荷花鏡裏香。辭君向天姥。拂石卧秋霜。

留別賈舍人至二首

大梁白雲起。飄飄來南洲。徘徊蒼梧野。十見羅浮秋。  
鼇挾山海傾。四溟揚洪流。意欲託孤鳳。從之摩天遊。  
鳳苦道路難。翔翔還崑丘。不肯銜我去。哀鳴慙不留。  
遠客謝主人。明珠難暗投。拂拭倚天劍。西登岳陽樓。

長嘯萬里風。掃清甯中憂。誰念劉越石。化為繞指柔。  
秋風吹胡霜。凋此蒼下芳。析芳怨歲晚。離別悽以傷。  
謬攀青瑣賢。延我於北堂。君為長沙客。我獨之  
夜郎。勸此一盃酒。豈唯道路長。割珠兩分贈。寸心貴  
不忘。何必兒女仁。相看淚成行。

別西河劉少府

秋髮已種種。所為竟無成。閑傾魯壺酒。笑對劉公榮。  
謂我是方朔。人間落歲星。白衣千萬乘。何事去天庭。  
君亦不得意。高歌羨鴻冥。世人若醯雞。安可識梅生。  
雖為刀筆吏。緬懷在赤城。余亦如流萍。隨波樂休明。



自有兩少妾。雙騎駿馬行。東山春酒綠。歸隱謝浮名。

南陵別兒童入京

白酒新熟山中歸。黃雞啄黍秋正肥。呼童烹雞酌白酒。兒女嬉笑牽人衣。高歌取醉欲自慰。起舞落日爭光輝。一本無遊說萬乘苦不早。著鞭跨馬涉遠道。會稽愚婦輕買臣。余亦辭家西入秦。仰天大笑出門去。我輩豈是蓬蒿人。

別山僧溼川作

何處名僧到水西。乘舟弄月宿溼谿。平明別我上山去。手攜金盃一作策踏雲梯。騰身轉覺三天近。舉足迴

看萬嶺低。誰浪肯居支遁下。風流還與遠公齊。此度別離何日見。相思一夜瞑猿啼。

別中都明府兄

吾兄詩酒繼陶君。試宰割雞一作中都天下聞。東樓喜奉連枝會。南陌愁為落葉分。城隅淶水明秋日。海上青山隔暮雲。取醉不辭留夜月。鴈行中斷惜離群。

留別龔處士

龔子棲閑地。都無人世喧。柳深陶令宅。竹暗辟疆園。我去黃牛峽。遙愁白帝猿。贈君卷施草。心斷竟何言。

留別曹南群官之江南

我昔釣白龍。放龍溪水傍。道成本欲去。揮手凌蒼蒼。  
時來不關人。談笑遊軒皇。獻納少成事。歸休辭建章。  
十年罷西笑。覽鏡如秋霜。閉劍琉璃匣。鍊丹紫翠房。  
身佩豁落圖。臂垂氈盤囊。仙人駕綵鳳。志在窮遐荒。  
戀子四五人。徘徊未翱翔。東流送白日。驟歌蘭蕙芳。  
仙宮兩無從。人間久摧藏。范蠡說句踐。屈平去懷王。  
飄飄紫霞心。流浪憶江鄉。愁為萬里別。復此一銜觴。  
淮水帝王州。金陵繞丹陽。樓臺照海色。衣馬搖川光。  
及此北望君。相思淚成行。朝雲落夢渚。瑤草空高堂。  
帝子隔洞庭。青楓滿瀟湘。懷君路綿邈。覽古情淒涼。

登岳眺百川。杳然萬恨長。知戀峨眉去。弄景偶騎羊。

深山留別金門知己 即東武吟

好古笑流俗。素聞賢達風。方希佐明主。長揖辭成功。  
白日在青天。迴光矚微躬。恭承鳳凰詔。激起雲蘿中。  
清切紫霄迴。優游丹禁通。君王賜顏色。聲價凌煙虹。  
乘輿擁翠蓋。扈從金城東。寶馬驟絕景。錦衣入新豐。  
倚巖望松雪。對酒鳴絲桐。方學揚子雲。獻賦甘泉宮。  
天書美片善。清芬播無窮。歸來入咸陽。談笑皆王公。  
一朝去金馬。飄落成飛蓬。賓友日踈散。玉樽亦已空。

空長才猶可倚。不慚世上雄。閑來東武吟。曲盡情未  
終。書此謝知己。扁舟尋釣翁。

夜別張五

吾多張公子。別酌酣高堂。聽歌舞銀燭。把酒輕羅  
霜。橫笛弄秋月。琵琶彈陌桑。龍泉解錦帶。爲爾傾千  
觴。

潁陽別元丹丘之淮陽

吾將元夫子。異姓爲天倫。本無軒裳契。素以煙霞親。  
嘗恨迫世網。銘意俱未伸。松柏雖寒苦。羞逐桃李春。  
悠悠市朝間。玉顏日緇磷。所共重山岳。所得輕埃塵。

精魄漸蕪穢。衰老相憑因。我有錦囊訣。可以持君身。  
當餐黃金藥。去爲紫陽賓。萬事難並立。百年猶崇晨。  
別爾東南去。悠悠多悲辛。前志庶不易。遠途期所遵。  
已矣歸去來。白雲飛天津。

留別廣陵諸公

淮南二作留別邯鄲故人

憶昔作少年。結交趙與燕。金羈絡駿馬。錦帶橫龍泉。  
寸心無疑事。所向非徒然。晚節覺此踈。獵精草太玄。  
空名東壯士。薄俗棄高賢。中廻聖明顧。渾翰凌雲烟。  
騎虎不敢下。攀龍忽墮天。還家守清真。孤潔勵秋蟬。  
鍊丹費火石。採藥窮山川。卧海不關人。租稅遼東田。

乘興忽復起。棹歌溪中船。臨醉謝葛強。山公欲倒鞭。  
狂歌自此別。垂釣滄浪前。

廣陵贈別

玉瓶沽美酒。數里送君還。繫馬垂楊下。銜杯大道  
間。天邊看淥水。海上見青山。興罷各分袂。何須別醉  
顏。

江夏別宋之悌

楚水清若空。遙將碧海通。人分千里外。興在一杯  
中。谷鳥吟晴日。江猿嘯晚風。平生不下淚。於此泣無  
窮。

贈別鄭判官

竄逐勿復哀。慙君問寒灰。浮雲本無意。吹落章華臺。  
遠別淚空盡。長愁心已摧。二年吟澤畔。顛顛幾時迴。

渡荆門送別

渡遠荆門外。來從楚國遊。山隨平野盡。江入大荒流。  
月下飛天鏡。雲生結海樓。仍連故鄉水。萬里送行舟。

贈別王山人歸布山

王子析道論。微言破秋毫。還歸布山隱。興入天雲高。  
爾去安可遲。瑤草恐衰歇。我心亦懷歸。屢夢松上衣。  
傲然蓬獨柱。長嘯開巖扉。林壑久已蕪。石道生蒼薇。

願言弄笙鶴歲晚來相依

李翰林集卷第十三

國家圖書館, NATIONAL CENTRAL LIBRARY, TAIWAN, R.O.C.

李翰林集卷第十四

翰林供奉李白

雜擬

擬古十三首

感興八首

平虜將軍妻

效古二首

寓言三首


南軒松

南都行

西施

四皓

王右軍



上元夫人

學古思邊

詠鄰女東窓海石榴

安州應城玉女湯作

夜下征虜亭

客中行

江行寄遠

夜泊黃山聞殷十四吳吟

郢門秋懷

太原早秋

下途歸石門舊居

之廣陵宿常二南崔北居

入彭蠡經松門觀石鏡緬懷謝康樂題詩書遊

之覽志

越中覽古

過四皓墓

蘇武

望鸚鵡洲懷禰衡

金陵白楊十字巷

謝公亭

蘇臺覽古

安州般若寺水閣納涼喜遇薛員外又

魯中都東樓醉起作

冬夜醉宿龍門覺起言志

友人會宿

月夜聽盧子順彈琴

廬山東林寺夜懷

自遣

秋日與張少府楚城韋公藏書高齋作

訪戴天山道士不遇

尋雍尊師隱居

春歸終南山松龍舊隱

自巴東舟行經瞿塘峽登巫山最高峯晚還題

壁

擬古十三首

青天何歷歷。明星白如石。黃姑與織女。相去不盈尺。  
銀河無鵲橋。非時將安適。閨人理紈素。遊子悲行役。  
瓶冰知冬寒。霜露欺遠客。客似秋葉飛。飄飄不言息。

別後。羅帶長。愁眉。云。衣。乘。月。託。宵。夢。因。之。寄。金。徽。  
高樓入青天。下看白玉堂。明月看欲墮。當窻懸清光。  
遙夜一美人。羅衣霽秋霜。含情弄柔瑟。彈作陌上桑。  
絃聲何激烈。風卷繞飛梁。行人皆躑躅。棲鳥起迴翔。  
但寫妾意苦。莫辭此曲傷。願逢同心者。飛作紫鴛鴦。  
君爲女蘿草。妾作兔絲花。百尺託遠松。纏絲來一家。  
誰言會合易。各在青山崖。女蘿發清香。兔絲斷人腸。  
枝枝相糾結。葉葉競飄揚。生子不知根。因誰共芬芳。  
若識二草心。海潮亦可量。  
長繩難繫日。自古共悲辛。黃金高北斗。不惜買陽春。



石大無留光。還如世中人。即事已如夢。後來我誰身。  
提壺莫辭貧。取酒會四鄰。仙人殊恍惚。未若醉中真。  
清都綠玉樹。灼爍瑤臺春。攀花弄秀色。遠贈天仙人。  
香風送紫蘂。直到扶桑津。取撥世上豔。所貴心之珍。  
相思傳一笑。聊欲示情親。作綠一  
今日風日好。明日恐不如。春風笑於人。何乃愁自居。  
吹簫舞彩鳳。酌醴餽神魚。千金買一醉。取樂不求餘。  
達士遺天地。東門有二疎。愚夫同瓦石。有才知卷舒。  
無事坐悲苦。塊然涸轍魚。  
運速天地閉。胡風結飛霜。百草死冬月。六龍頽西黃。

太白出東方。彗星揚精光。鴛鴦非越鳥。何意眷南翔。  
惟昔鷹將犬。今為侯與王。得水成蛟龍。爭池奪鳳皇。  
北斗不酌酒。南箕空簸揚。  
世路今太行。迴車竟何託。萬族皆凋枯。遂無少可樂。  
曠野多白骨。幽魂共銷鑠。榮貴當及時。春華宜照灼。  
人非崑山玉。安得長璀璨。身沒期不朽。榮名在麟閣。  
月色不可掃。客愁不可道。玉露生秋衣。流螢飛百草。  
日月終銷毀。天地同枯槁。蟋蟀啼青松。安見此樹老。  
金丹寧誤俗。昧者難精討。余非千歲翁。多恨去世早。  
飲酒入玉壺。藏身以為寶。

生者爲過客。死者爲歸人。天地一逆旅。同悲萬古塵。  
月兔空擣藥。扶桑已成薪。白骨寂無言。青松豈知春。  
前後更歎息。浮榮何足珍。

仙人騎綵鳳。昨下閩風岑。海水三清淺。桃源一見尋。  
遺我綠玉盃。兼之紫瓊琴。盃以傾美酒。琴以閑素心。  
二物非世有。何論珠與金。琴彈松裏風。盃勸天上月。  
風月長相知。世人何倏忽。

涉江弄秋水。愛此荷花鮮。攀荷弄其珠。蕩漾不成圓。  
佳期絲雲重。欲贈隔遠天。相思無由見。悵望涼風前。  
去去復去去。辭君還憶君。漢水旣殊流。楚山亦此分。

人生難稱意。豈得長爲群。越鷺喜海日。燕鴻思朔雲。  
別久容華晚。琅玕不能飯。日落知天昏。夢長覺道遠。  
望夫登高山。化石竟不返。

感興八首

瑤姬天帝女。精彩化朝雲。宛轉入夢宵。無心向楚君。  
錦衾抱秋月。綺席空蘭芬。茫昧竟誰測。虛傳宋玉文。  
洛浦有宓妃。飄颻雪爭飛。輕雲拂素月。了可見清輝。  
解珮欲西去。含情詎相違。香塵動羅襪。綠水不沾衣。  
陳王徒作賦。神女豈同歸。好色傷大雅。多爲世所譏。

裂素持作書。將寄萬里懷。眷眷待遠信。竟歲無人來。  
征鴻務隨陽。又不爲我棲。委之在深篋。蠹魚壞  
其題。何如投水中。流落他人開。不惜他人開。但恐生  
是非。

芙蓉嬌綠波。桃李誇白日。偶蒙春風榮。生此艷陽質。  
豈無佳人色。但恐花不實。宛轉龍火飛。零落互相失。  
詎知凌寒松。千載長守一。

十五遊神仙。仙遊未曾歇。吹笙吟松風。汎瑟窺海月。  
西山玉童子。使我煉金骨。黃鶴飛相呼。向蓬闕。  
西國有美女。結髮事我君。曉月一笑傾城歡。

高節不可奪。烟心如凝丹。常恐彩色晚。不爲人所觀。  
安得配君子。共乘雙飛鸞。

竭來荆山客。誰爲玳玉分。良寶絕見棄。虛持三獻  
君。直木忌先伐。芬蘭哀自焚。盈滿天所損。沉溟道  
所群。東海有碧水。西山多白雲。魯連及夷齊。可以  
躡清芬。

嘉穀隱豐草。草深苗且稀。農夫既不異。孤穗將安歸。  
常恐委疇隴。忽與秋蓬飛。烏得薦宗廟。爲君生光  
輝。

西施

西施越溪女。出自苧蘿山。秀色掩今古。荷花羞玉顏。  
浣紗弄碧水。自與清波閑。皓齒信難開。沉吟碧雲間。  
勾踐徵絕艷。揚蛾入吳關。提攜館娃宮。杳渺詎可攀。  
一破夫差國。千秋竟不還。

平虜將軍妻

平虜將軍婦。入門二十年。君心自有悅。妾寵豈能專。  
出解牀前帳。行吟道上篇。古人不唾井。莫忘昔纏絲。

四皓

白髮四老人。昂藏南山側。偃卧松雪間。冥翳不可識。  
雲窻拂青霽。石壁橫翠色。龍虎方戰爭。於焉自休息。

秦人失金鏡。漢祖昇紫極。陰虹濁一川。一作天。崩於蓬。  
淪匿一行佐。明聖欲起生羽翼。功成身一作身。仙卷在。  
曾臆宵冥合。元化茫昧信難測。飛聲塞一作塞。傳萬古仰。  
遺則一作迹。

效古二首

朝入天苑中。謁帝蓬萊宮。青山映樟道。碧樹搖蒼一作  
烟。空。謬題金閨籍。得與銀臺通。待詔奉明主。抽毫頌  
清風。歸時落日晚。躑躅浮雲駟。人馬本無音。飛馳自  
豪雄。入門紫駕鴛。金井雙梧桐。清歌絃古一本飛鴛  
字。曲美酒沾新豐。快意且為樂。列筵坐群公。光景不

可留生世如轉蓬。早達勝晚遇。羞比垂釣翁。  
自古有秀色。西施與東鄰。蛾眉不可妬。况乃效其顰。  
所以尹婕妤。羞見邢夫人。低頭不出氣。塞黙少精神。  
寄語無鹽子。如君何足珍。

寓言一首

周公負斧戡。成王何夔夔。武王昔不豫。剪爪投河湄。  
賢聖遇讒慝。不克人君疑。天風拔大木。禾黍咸感。  
傷姜管蔡扇。公賦鴟鴞詩。金縢若不啓。忠信誰  
明之。

雙珠鳳。延嬖三青一作禽往還瑤臺。鳴舞。

山岑以歡秦娥意。復得王母心。區區精衛鳥。銜木空  
沉吟。

長安春色歸。先入青門道。綠楊不自持。從風欲傾倒。  
海鷺還秦宮。雙飛入簾櫳。相思不可見。託夢遼城東。

王右軍

右軍本清真。蕭灑在風塵。山陰遇羽客。要此好鶴賓。  
掃素寫道經。筆精妙入神。書罷籠鶴去。何曾別主人。

南軒松

南軒有孤松。柯葉自緜緜。清風無閑時。蕭灑終日夕。  
陰生古苔綠。色染秋煙碧。何當凌雲霄。直上數千尺。

南都行

南都信佳麗。武闕橫西關。白水真人居。萬商羅鄧闌。  
高樓對紫陌。甲第連青山。此地多英豪。邈然不可攀。  
陶朱與五穀。名播天壤間。麗華秀玉色。漢女嬌朱顏。  
清歌遏流雲。豔舞有餘閑。遨遊盛宛洛。冠蓋隨風還。  
走馬紅陽城。呼鷹白河灣。誰識卧龍客。長吟愁鬢斑。

上元夫人

上元誰夫人。偏得王母嬌。嗟峨三角髻。餘髮散垂腰。  
裘披青毛錦。身著赤霜袍。手提羸女兒。閑與鳳吹簫。  
眉語兩自笑。忽然隨風飄。

學古思邊

銜悲上隴首。腸斷不見君。流水若有情。幽哀從此分。  
蒼茫愁邊色。惆悵落日曛。山外接遠天。天際復有雲。  
白鴈從中來。飛鳴苦難聞。足繫一書札。寄言歎離群。  
離群心斷絕。十見花成雪。胡地無春輝。征人行不歸。  
相思杳如夢。珠淚濕羅衣。

詠鄰女東窻海石榴

魯女東窻下。海榴世所稀。珊瑚映渌水。未足比光輝。  
清香隨風發。落日好鳥歸。願爲東南枝。低舉拂羅衣。  
無由一攀折。引領望金扉。

安州應城玉女湯作

神女沒幽境。湯池流大川。陰陽結炎炭。造化開  
靈泉。地底爍朱火。沙傍歛素煙。沸珠躍明月。皎  
鏡涵空天。氣浮蘭芳滿。色漲桃花然。精覽萬殊  
入。潛行七澤連。愈疾功莫尚。變盈道乃全。濯濯  
氣清泚。晞髮弄潺湲。散下楚王國。分澆宋玉田。  
可以奉巡幸。柰何隔窮偏。獨隨朝宗水。赴海輸  
微涓。

夜下征虜亭

船下廣陵去。月明征虜亭。山花如綉頰。紅火似

流螢。

客中行

蘭陵美酒鬱金香。玉椀盛來琥珀光。但使主人  
能醉客。不知何處是他鄉。

江行寄遠

剡木出吳楚。危槎百餘尺。疾風吹片帆。日暮千  
里隔。別時酒猶在。已爲異鄉客。思君不可得。愁  
見江水碧。

夜泊黃山聞殷十四吳吟

昨夜誰爲吳會吟。風生萬壑振空林。龍驚不敢

水中卧猿嘯時聞巖下音。我宿黃山碧溪月。聽之却罷松間琴。朝來果是滄洲逸。酤酒醅盤飯。霜粟半酣更發江海聲。客愁頓向杯中失。

郢門秋懷

郢門一爲客。巴月三成弦。朔風正搖落。行子愁歸旋。杳杳山外日。茫茫江上天。人迷洞庭水。鴈度瀟湘煙。清曠諧宿好。緇磷及此年。百齡何蕩漾。萬化相推遷。空謁蒼梧帝。徒尋溟海仙。已聞蓬海淺。豈見三桃園。倚劍增浩歎。捫襟還自憐。終當遊五湖。濯足滄浪泉。

太原早秋

歲落衆芳歇。時當大火流。霜威出塞早。雲色渡河秋。夢遶邊城月。心飛故國樓。思歸若汾水。無日不悠悠。

下途歸石門舊居

吳山高。越水清。握手無言傷別情。將欲辭君挂帆去。離魂不散煙郊樹。此心鬱悵誰能論。有愧叨承國士恩。雲物共傾三月酒。歲時同餞五侯門。羨君素書常滿。按含丹照白霞色。爛余嘗學道窮冥筌。夢中往往遊仙山。何當脫屣謝時去。



壺中別有日月天。俛仰人間易凋朽。鍾峯五雲  
在軒牖。惜別愁窺玉女窓。歸來笑把洪崖手。隱  
居寺隱居山。陶公鍊液棲其間。靈神閉氣昔登  
攀。恬然但覺心緒閑。數人不知幾甲子。昨夜猶  
帶冰霜顏。我離雖則歲物改。如今了然失所在。  
別君莫道不盡歡。懸知樂客遙相待。石門流水  
徧桃花。我亦曾到秦人家。不知何處得雞豕。就  
中仍見繁桑麻。翛然遠與世事閒。裝鸞駕鶴又  
復遠。何必長從七貴遊。勞生徒聚萬金產。挹君  
去。長相思。雲遊雨散從此辭。欲知悵別心易苦。

向暮春風初

之廣陵常二南崔北居

綠水接柴門。有如桃花源。忘憂或假草。滿院羅  
叢萱。暝色湖上來。微雨飛南軒。故人宿茅宇。夕  
鳥棲楊園。還惜詩酒別。深為江海言。明朝廣陵  
道。獨憶此傾樽。

入彭蠡經松門觀石鏡緬懷謝康樂題

詩書遊覽之志

謝公之彭蠡。因此遊松門。余方窺石鏡。兼得窮  
江源。將欲繼風雅。豈徒清心魂。前賞逾所見。後

來道空存。况屬臨汎。美而無洲。渚喧漾水。向東  
却漳流。直南奔空濛。三川夕。回合千里昏。青桂  
隱遙月。綠楓鳴愁猿。水碧或可來。金精祕莫論。  
吾將學仙去。冀與琴高言。

越中覽古

越王句踐破吳歸。義士還家盡錦衣。宮女如花  
滿春殿。只今唯有鷓鴣啼。

過四皓墓

我行至商洛。幽獨訪神仙。園綺復安在。雲蘿尚  
宛然。荒涼千古跡。蕪沒四墳連。伊昔鍊金丹。何

年閉玉泉。隴寒惟有月。松古漸無烟。木魅風號  
去。山精雨嘯旋。紫芝高詠罷。青史舊名傳。今日  
併如此。哀哉信可憐。

蘇武

蘇武在匈奴。十年持漢節。白鴈上林飛。空得一  
書札。牧羊邊地苦。落日歸心絕。渴飲月窟水。飢  
餐天上雪。東還沙塞遠。北愴河梁別。泣把李陵  
衣。相看泣成血。

望鸚鵡洲懷禰衡

魏帝管八極。蟻觀一禰衡。黃祖斗筭人。殺之受

惡名。吳江賦。鸚鵡。落筆超群英。鏘鏘振金玉。句  
句欲飛鳴。鷲鷲啄孤鳳。千春傷我情。五嶽起方  
寸。隱然詎可平。才高竟何施。寡識冒天刑。至今  
芳洲上。蘭蕙不忍生。

金陵白楊十字巷

白楊十字巷。北夾湖溝道。不見吳時人。空生唐  
年草。天地有反覆。宮城盡傾倒。六帝餘古丘。樵  
蘇泣遺老。

謝公亭

謝公離別處。風景每生愁。客散青天月。山空碧

水流。池花春映日。窓竹夜鳴秋。今古一相接。長  
歌懷舊遊。

蘇臺覽古

舊苑荒臺楊柳新。菱歌清唱不勝春。只今唯有  
江西月。曾照吳王宮裏人。

安州般若寺水閣納涼喜遇薛員外

又

儵然金園賞。遠近含晴光。樓臺成海氣。草木皆  
天香。忽逢青雲士。共解丹霞裳。水退池上熱。風  
生松下涼。吞討破萬象。褰窺臨衆芳。而我遺有

漏與君用無方。心垢都已滅。永言題禪房。

魯中都東樓醉起作

昨日東樓醉。還應倒接籬。阿誰扶上馬。不省下樓時。

冬夜醉宿龍門覺起言志

醉來脫寶劍。旅憇高堂眠。中夜忽驚覺。起立明燈前。開軒聊直望。曉雪河冰壯。哀哀歌苦寒。鬱鬱獨惆悵。傳說版築臣。李斯鷹犬人。歛起匡社稷。寧復長艱辛。而我胡爲者。嘆息龍門下。富貴未可期。殷憂向誰寫。去去淚滿襟。舉聲梁甫吟。

青雲當自致。何必求知音。

友人會宿

滌蕩千古愁。留連百壺飲。良宵宜清談。皓月未能寢。醉來卧空山。天地即衾枕。

月夜聽盧子順彈琴

閑坐夜明月。幽人彈素琴。忽聞悲風調。宛若寒松吟。白雪亂纖手。綠水清虛心。鍾期久已沒。世上無知音。

廬山東林寺夜懷

我尋青蓮宇。獨往謝城關。霜清東林鐘。水白虎

溪月。天香生虛空。天樂鳴不歇。宴坐寂不動。大千入毫髮。湛然真真心。曠劫斷出沒。

自遣

對酒不覺暝。落花盈我衣。醉起步溪月。鳥還人亦稀。

秋日與張少府楚城韋公藏書高齋作

日下空亭暮。城荒古跡餘。地形連海盡。天影落江虛。舊賞人雖隔。新知樂未踈。彩雲思作賦。丹壁閒藏書。楂擁隨流葉。萍開出水魚。夕來秋興

滿回首意何如

訪戴天山道士不遇

犬吠水聲中。桃花帶雨濃。樹深時見鹿。溪午不聞鐘。野竹分青靄。飛泉挂碧峯。無人知所去。愁倚兩三松。

尋雍尊師隱居

羣峭碧摩天。逍遙不記年。枝雲尋古道。倚樹聽流泉。花暖青牛卧。松高白鶴眠。語來江色暮。獨自下寒煙。

春歸終南山松龍舊隱

我來南山陽。事事不異昔。却尋溪中水。遂望巖  
下石。薔薇綠東牕。女蘿逸北壁。別來能幾日。草  
木長數尺。且復命酒樽。獨酌陶永夕。

自巴東舟行經瞿塘峽登巫山最高峯

晚還題壁

江行幾千里。海月十五圓。始經瞿塘峽。遂步巫  
山巔。巫山高不窮。巴國盡所歷。日邊攀垂蘿。霞  
外倚穹石。飛步凌絕頂。極目無纖煙。却顧失丹  
壑。仰觀臨青天。青天若可捫。銀漢去安在。望雲  
知蒼梧。記水辨瀛海。周遊孤光晚。歷覽幽意多。

積雪照空谷。悲風鳴森柯。歸途行欲曛。佳趣尚  
未歇。江寒早啼猿。松暝已吐月。月色何悠悠。清  
猿響啾啾。辭山不爲聽。揮策還孤舟。

李翰林集卷第十四



國家圖書館, NATIONAL CENTRAL LIBRARY, TAIWAN, R.O.C.



翰林集卷第十五

翰林供奉李白

懷

江上秋懷

淮海書懷

經下邳圯橋懷子房

翰林讀書言懷呈集賢及院內諸學士

南奔書懷

秋夕書懷

江上望皖公山

國家圖書館 NATIONAL CENTRAL LIBRARY, TAIWAN, R.O.C.



荆州賊亂臨洞庭言懷作

淮陰書懷寄王宗成

金陵三首

遊溧陽北湖亭望瓦屋山懷古贈同旅

上崔相百憂章

四言

萬憤詞投魏郎中

秋夜板橋浦泛月獨酌懷謝朓

陪宋中丞武昌夜飲懷古

避地司空原言懷

春滯沅湘有懷山中

夜宿牛渚

詠山樽二首

自廣平乘醉走馬六十里至邯鄲登城樓覽古

書懷

奔亡道中五首

秋夜獨坐懷故山作

覽鏡書懷

登敬亭山南望懷古贈竇主簿

田園言懷

尋陽紫極宮感秋作

日夕山中忽然有懷

侍從遊宿溫泉宮作

江南春懷

思邊

春夜洛城聞笛

月夜金陵懷古

憶東山二首

望月有懷

憶秋浦桃花舊遊時竄夜郎

憶崔郎中宗之遊南陽遺吾孔子琴撫之潸然感舊

感遇四首

秋夕旅懷

硯山懷古

江上秋懷

冷霞卧舊壑。散髮謝遠遊。山蟬號枯桑。始復知天秋。  
朔鴈別海裔。越鷺辭江樓。颯颯風卷沙。茫茫霧縈洲。  
黃雲結暮色。白水揚寒流。惻愴心自悲。潺湲淚難收。  
蘅蘭方蕭瑟。長歎令人愁。

淮海書情

蹈海思仲連。遊山慕康樂。攀雲窮千峯。弄水涉萬壑。  
愛此從真搜。永懷林壑幽。一為滄波客。十見紅蕖秋。  
觀濤壯天險。望海令人愁。路遐迫西照。歲晚悲東流。  
何必探禹穴。誓將栖蓬丘。不然五湖上。亦可乘扁

舟

經下邳圯橋懷張子房

子房未虎嘯。破產不為家。滄海得壯士。推一作秦博傳一作浪沙報韓雖不成。天地皆振動。潛匿遊下邳。豈曰非智勇。我來圯橋上。懷古欽英風。唯見碧流水。曾無黃石公。歎息此人去。蕭條徐泗空。

翰林讀書言懷呈集賢及院內諸學士

晨趨紫禁中。夕待金門詔。觀書散道帙。探古窮至妙。片言苟會心。掩卷忽而笑。青蠅易相點。白雪難同調。本是踈散人。屢移褊促誚。雲天屬清朗。林壑憶遊眺。

或時清風來。閑倚欄下嘯。巖光桐廬溪。謝客臨海嶠。功成謝人君。從此一投釣。多一作久。道一作遺。

南奔書懷

遙夜何漫漫。空歌白石爛。甯戚未匡濟。陳平終佐漢。攬槍掃河洛。直割鴻溝半。歷數方未遷。雷雲屢多難。天人秉旄鉞。虎竹光藩翰。侍筆黃金臺。傳觴青玉案。不因秋風起。自有思歸歎。主特動讒疑。王師忽離叛。自來白沙上。鼓噪丹陽岸。賓御如浮雲。從風各消散。舟中指可掬。城上骸爭爨。草草出近關。行行昧前筭。南奔劇星火。北寇無涯畔。顧之七寶鞭。留連道邊玩。

一本無太白夜食昂長虹日中貫秦趙興天兵茫茫  
九州亂感遇明主恩頗高祖遜言過江誓流亦志在  
清中原拔劍擊前柱悲歌難重論

秋夕書懷

北風吹海鴈南度落寒聲感此瀟湘客一作其流  
浪情海懷結滄洲霞想遙赤城始探蓬壺事旋覺天  
地輕澹然吟高秋閑卧瞻太清蘿月掩空幕松霜皓  
前楹滅見息群動微窮至精挑花有源水可以保  
吾生

江上望皖公山

奇峰出奇雲秀木含秀氣青冥皖公山巉絕稱人意  
獨遊滄江上終日淡無味但愛茲嶺高何由討靈異  
默然遙相許欲往心莫遂待吾還丹成投跡歸此地

荊州賊亂臨洞庭言懷作

脩蛇橫洞庭吞象臨江島積骨成巴陵遺言聞楚老  
水窮三苗國地窄三湘道歲晏天崢嶸時危人枯  
槁思歸阻喪亂去國傷懷抱郢路方丘墟章華亦傾  
倒風悲猿嘯苦木落鴻飛早日隱西赤沙月明東城  
草關河望已絕氛霧行當掃長叫天可聞吾將問蒼  
昊

淮陰書懷寄王宗成

沙墩至梁苑。二十五長亭。大舶夾雙槽。中流鶴鶴鳴。  
雲天掃空碧。川岳涵餘清。飛鳧從西來。適與佳興并。  
眷言王喬舄。婉孌故人情。復此親懿會。而增交道榮。  
沿洄且不定。飄忽悵徂征。瞑投海陰宿。欣得漂母迎。  
斗酒烹黃雞。一食感素誠。予爲楚壯士。不是魯諸生。  
有德必報之。千金耻爲輕。緬書羈孤意。遠寄棹歌聲。

金陵三首

晉家南渡日。此地舊長安。地即帝王宅。山爲龍虎盤。  
金陵空壯觀。天澗靜波瀾。醉客迴橈去。吳歌且自歡。

地擁金陵勢。城迴江水流。當時百萬戶。夾道起朱樓。  
亡國生春草。王宮浸古丘。空餘後湖月。波上對瀛洲。  
六代興亡國。三孟爲爾歌。苑方秦地少。山似洛陽多。  
古殿吳花草。深宮晉綺羅。併隨人事滅。東逝只與一作滄波。

遊溧陽北湖亭望瓦屋山懷古贈同旅

朝登北湖亭。遙望瓦屋山。天清白露下。始覺秋風還。  
遊子託主人。仰觀眉睫間。目色送飛鴻。潏然不可攀。  
長呼相勸勉。何事來吳關。聞有貞義女。振窮溧水灣。  
清光了在眼。白日如披顏。高墳五六墩。萃兀栖猛虎。

遺跡葬九泉。芳名動千古。子胥昔乞食。此女傾壺漿。  
運開展宿憤。入楚鞭平王。凜冽天地間。聞名若懷霜。  
壯夫或未達。十步九太行。與君拂衣去。萬里同翱翔。

上崔相百憂章四言時在尋陽獄

共工赫怒。天維中摧。鯨鯨噴蕩。揚濤起雷。魚龍陷入。  
一作成此禍胎。火焚昆山。玉石相礪。仰希霖雨。灑寶  
炎煨。箭發石間。戈揮日迴。鄒衍慟哭。燕霜颯來。微誠  
不感。猶贄一作繫一作夏臺。蒼鷹搏攫。丹棘崔嵬。豪聖凋枯。  
王風傷哀。斯文未喪。東岳豈一作起。頽穉逃楚。難鄒脫  
吳災。見機苦遜。二公所哈。一本無驥不驟。一本無難鄒脫

哉。星離一門。草擲二孩。一本無萬憤結習。憂從中催。  
金瑟玉壺。盡為愁媒。舉酒太息。泣血盈盃。台星卅朗。  
天網重恢。屈法申恩。棄瑕取材。治長非罪。尼父無猜。  
覆盆儻舉。應照寒灰。

萬憤詞投魏郎中

海水渤潏。人罹鯨鯢。崩胡沙而四塞。始滔天於燕齊。  
何六龍之浩蕩。遷白日於秦西。九土星分。嗷嗷悽悽。  
南冠君子。呼天而啼。戀高堂而掩泣。淚血地而成泥。  
一本作皓首泣血。黃獄戶春而不草。獨幽怨而沈迷。  
沙成泥。在沈迷。向下獄戶春而不草。獨幽怨而沈迷。  
兄九江兮弟三峡。悲羽化之難齊。穆陵關北。愁愛子。

豫章天南隔老妻。一門骨肉散百草。遇難不復相提攜。一本無樹榛拔桂。此六句。囚鸞籠雞。舜昔受禹。伯成耕犁。德自此衰。吾將安栖。好我者恤我。不好我者何忍臨危而相擠。子胥鴟夷。彭越醢醢。自古豪烈。胡為此紫蒼蒼之天。高乎視低。如其聽卑。脫我牢狴。儻辨美玉。君收白珪。

秋夜板橋浦泛月獨酌懷謝朓

天上何所有。迢迢白玉繩。斜低建章闕。耿耿對金陵。漢水舊如練。霜江夜清澄。長江瀉落月。洲渚曉寒凝。獨酌板橋浦。古人誰可徵。玄暉難再得。灑酒氣填膺。

陪宋中丞武昌夜飲懷古

清景南樓夜。風流在武昌。庾公愛秋月。乘興坐胡牀。龍笛吟寒水。天河落曉霜。我心還不淺。懷古醉餘觴。

避地司空原言懷

南風昔不競。豪聖思經綸。劉琨與祖逖。起舞雞鳴晨。雖有匡濟心。終爲樂禍人。我則異於是。潛光皖水濱。卜築司空原。北將天柱隣。雪霽萬里月。雲開九江春。俟乎太階平。然後託微身。傾家事金鼎。年貌可長新。所願得此道。終然保清真。弄景奔日馭。攀星戲河津。一隨王喬去。長年玉天賓。

春滯沅湘有懷山中

沅湘春色還。風暖煙草綠。古之傷心人。於此腸斷續。子非懷沙客。但美採菱曲。所願歸東山。寸心於此足。

夜宿牛渚

牛渚西江夜。青天無片雲。登舟望秋月。空憶謝將軍。余亦能高詠。斯人不可聞。明月挂帆席。明月一作明朝楓葉落紛紛。

詠山樽二首

蟠木不雕飾。且將斤斧跡。樽成山岳勢。材是棟梁餘。外與金罍並。中涵玉醴虛。慙君垂拂拭。遂忝玳筵居。

擁腫寒山木。嵌空成酒樽。愧無江海量。偃蹇在君門。

自廣平乘醉走馬六十里至邯鄲登城樓覽古書懷

醉騎白花駱。西走邯鄲城。揚鞭度一作動柳色。寫鞞春

風生。入郭登高樓。山川與雲平。深宮翳綠草。萬事傷

人情。相如章華館。猛氣折秦嬴。兩虎不可關。廉公終

負荆。提攜袴中兒。杵臼及程嬰。空馱白刃。必死權

丹誠。此一本無平原三十客。談笑盡豪英。毛君能穎脫。

二國且同盟。皆為黃泉土。使我涕縱橫。此一本無磊磊

石子崗。蕭蕭白楊聲。諸賢沒此地。碑板有殘銘。太古共人壽。由

來互衰榮。傷哉何足道。此一本無感激仰空醒。歌酣易水動。鼓震



叢臺傾日落把燭歸。凌晨向燕名。趙俗愛長劍。文儒少逢迎。閑從博陵遊。悵飲雪朝京。方陳五餌策。一使胡塵清。

奔亡道中五首

蘇武天上。田橫海島邊。萬重關塞斷。何日是歸年。

又

亭伯去安在。李陵降未歸。愁容變海色。短服改胡衣。

又

談笑三軍却。交遊七貴疎。仍留一隻箭。未射魯連書。

又

函谷如玉關。幾時可生還。洛川爲易水。嵩岳是燕山。

俗變羗胡語。人多沙塞顏。申包唯慟哭。七日鬢毛斑。綠藻望湖水。青青蘆葉齊。歸心落何處。日没大江西。歇馬傍春草。欲行遠道迷。誰忍子規鳥。連聲向我啼。

秋夜獨坐懷故山作

小隱慕安石。遠遊學屈平。天書訪江海。雲卧起咸京。入侍瑤池宴。出陪玉輦行。誇胡新賦作。諫獵短書成。但奉紫霄顧。非邀青史名。莊周空說劍。墨翟耻論兵。拙薄遂踈絕。歸閑事耦耕。顧無蒼生望。空愛紫芝榮。寥落暝霞色。微茫舊壑情。秋山綠蘿月。今夕爲誰明。

覽鏡書懷

得道無古今。失道還衰老。自笑鏡中人。白髮如霜草。  
捫心空歎息。問影何枯槁。桃李竟何言。終成南山皓。

登敬亭山南望懷古贈竇主簿

敬亭一回首。目盡天南端。仙者五六人。常聞此遊盤。  
谿流琴高水。石磴麻姑壇。白龍降陵陽。黃鶴呼子安。  
羽化騎日月。雲行翼鴛鴦。下視宇宙閒。四溟皆波瀾。  
決絕目下事。從之復何難。百歲落半途。前期浩漫漫。  
強食不成味。清晨起長歎。願隨子明去。鍊火燒金丹。

田園言懷

賈誼三年謫。班超萬里侯。何如牽犢。飲水對清流。

尋陽紫極宮觀秋作

何處聞秋聲。脩脩江上客。迴薄為古心。攬之不盈掬。  
靜坐觀衆妙。浩然無所適。獨白雲南山來。就我簷下宿。  
嬾從唐生決。羞訪李士。四十九年非。一往不可復。  
野情轉蕭洒。世道有翻覆。陶令歸去來。田家酒應熟。

日夕山中忽然有懷

夕卧名山雲。遂為名山客。山深雲更好。賞弄終日夕。  
月銜樓間峯。泉漱階下石。素心自此得。真趣非外惜。  
鼉啼柱方秋。風滅籟歸寂。緬思洪崖術。欲往滄海作。  
島隔雲車來何遲。撫几空歎息。

侍從遊宿溫泉宮作

羽林十二將。羅列應星文。霜仗懸秋月。蛩旌卷夜雲。  
嚴更千戶肅。清樂九天聞。日出瞻佳氣。葱葱繞聖君。

江南春懷

青春幾何時。黃鳥鳴不歇。天涯失鄉路。江外老華髮。  
心飛秦塞雲。影滯楚關月。身世殊瀾漫。田園久蕪沒。  
歲晏何所從。長歌謝金闕。

思邊

去年何時君別妾。南園綠草飛蝴蝶。今歲何時妾憶君。  
西山白雪暗秦雲。玉關北去三千里。欲寄音書那可聞。

春夜洛城聞笛

誰家玉笛暗飛聲。散入春風滿洛城。此夜曲中聞折柳。  
何人不起故園情。

月夜金陵懷古

蒼蒼金陵月。空懸帝王州。天文列宿在。霸業大江流。  
淶水絕馳道。青松摧古丘。臺傾鳩鵲觀。宮沒鳳皇樓。  
別殿悲清暑。芳園罷樂遊。一聞玉樹曲。蕭瑟後庭秋。

憶東山二首

不向東山久。薔薇幾度花。白雲還自散。明月落誰家。

我今攜謝妓。長嘯絕人群。欲報東山客。開關掃白雲。

望月有懷

清泉映疎松。不知幾千古。寒月搖清波。流光入  
牕戶。對此空長吟。思君意何深。無因見安道。興  
盡愁人心。

憶秋浦桃花舊遊時竄夜郎

桃花春水生。白石今出沒。採蕩女蘿枝。半搖青  
天月。不知舊行徑。初拳幾枝巖。三載夜郎還。於  
茲鍊金骨。

憶崔郎中宗之遊南陽遺吾孔子琴撫  
之泠然感舊

昔在南陽城。唯淪獨山巖。憶與崔宗之。白水弄  
素月。時過菊潭上。縱酒無休歇。泛此黃金花。顏  
然清歌發。一朝摧玉樹。生死殊飄忽。留我孔子  
琴。琴存人已歿。誰傳廣陵散。但哭却山骨。泉戶  
何時明。長掃狐兔窟。

感遇四首

吾愛王子晉。得道伊洛濱。金骨既不毀。玉顏長  
自春。可憐浮丘公。猗靡與情親。舉手白日間。分

明謝時人。二仙去已遠。夢想空殷勤。  
可歎東籬菊。疎葉且微。雖言異蘭蕙。亦自有  
芳菲。未泛盈樽酒。徒沾清露輝。當榮君不採。飄  
落欲何依。

昔余聞姮娥。獨樂駐雲髮。不自嬌玉顏。方希鍊  
金骨。飛去身吳返。含笑坐明月。紫宮誇蛾眉。隨  
手會凋歇。

宋玉事楚王。立身本高潔。巫山賦綵雲。郢路歌  
白雪。舉國莫能知。巴人皆卷舌。一感登徒言。恩  
情遂中絕。

秋夕旅懷

涼風度秋海。吹我鄉思飛。連山去無際。流水何  
時歸。目極浮雲色。心斷明月暉。芳草歇柔艷。白  
露催寒衣。夢長銀漢落。覺罷天星稀。含悲想舊  
國。泣下誰能揮。

峴山懷古

訪古登峴首。憑高眺襄中。天清遠峯出。水落寒  
沙空。弄珠見遊女。醉酒懷山公。感嘆發秋興。長  
松鳴夜風。



李翰林集卷第十五

李翰林集卷第十六

翰林供奉李白

登覽

登瓦官閣

登巴陵開元寺西閣贈衡岳僧方外

登單父陶少府半月臺

九日登巴陵置酒望洞庭水軍

登梅崗望金陵贈族姪高座寺僧中孚

登邯鄲洪波臺置酒觀發兵

秋登巴陵望洞庭



與夏十二登岳陽樓

登廣武古戰場懷古

登新平樓

紀南陵題五松山五首

陪族叔當塗宰遊化城寺升公清風亭

題瓜洲新河錢族叔舍人賁

題金陵王處士水亭

題東谿公幽居

題江夏脩靜寺

登錦城散花樓

登金陵鳳凰臺

朝下過盧郎中叙舊遊

尋魯城北范居士失道落蒼耳中見范置

酒摘蒼耳作

尋山僧不遇作

尋高鳳石門山中元丹丘

過汪氏別業二首

夜泛洞庭尋裴侍御清酌

至鴨欄驛上白馬磯贈裴侍御

初出金門尋王侍御不遇詠壁上鴨鵝



題宛齋館

荆門浮舟望蜀江

醉過謝安東山

秋登宣城謝朓北樓

醉題王漢陽廳

登金陵冶城北謝安墩

大庭庫

天台曉望

秋日登揚州西靈塔

望黃鶴樓

金陵望漢江

登敬亭北二小山

過崔八丈水亭

望木瓜山

掛席江山待月有懷

謁老君廟

登峨眉山

登瓦官閣

晨登瓦官閣極眺金陵城鍾山對北戶漢一作水入

南榮漫漫雨花落嘈嘈天樂鳴兩廊振法鼓四角

風華香出霄漢上。仰攀日月行。山空霸氣滅。地古寒  
陰生。寥廓雲海晚。蒼茫宮觀平。門餘闕闕字。樓識鳳  
凰名。雷作百山動。神扶萬拱傾。靈光何足貴。長此鎮  
吳京。

登巴陵開元寺西閣贈衡岳僧方外

衡岳有開一作士。五峯秀真骨。見君萬里心。海水照  
秋月。大臣南溟去。一作問道皆請謁。灑以甘露言。清  
涼潤肌髮。明湖落天鏡。香閣凌銀闕。登眺滄惠風。新  
花期啓發。

登單父陶少府半月臺

陶公有逸興。不與常人俱。築臺像半月。迥一作向高  
城隅。置酒望白雲。商飈落寒梧。秋山入遠海。桑柘羅  
平蕪。水色淥且明。令人思鏡湖。終當過江去。愛此暫  
踟蹰。

九日登巴陵置酒望洞庭水軍時賊逼

九日天氣清。登高無秋雲。造化闢川岳。了然楚漢分。  
長風鼓橫波。合沓感龍文。憶昔傳遊豫。樓船壯積分。  
今茲討鯨鯢。旌旆何繽紛。白羽落酒樽。洞庭羅三軍。  
黃花不撥手。戰鼓遙相聞。劒舞轉頽陽。當時日停曛。  
酣歌激壯士。可以摧妖氛。鯨鯢東籬下。淵明不足群。

登梅崗望金陵贈族姪高座寺僧中孚

鍾山抱金陵。霸氣昔騰發。神開帝王居。海色照宮闕。  
群峯如逐鹿。奔走相馳突。江水九道来。雲端遙明沒。  
時遷大運去。龍虎勢休歇。我來屬天清。登覽窮楚越。  
吾宗挺禪伯。特秀鸞鳳骨。衆星羅青天。朗若獨有月。  
冥居順生理。草木不剪伐。煙窻引薔薇。石壁老野蕨。  
吳風謝安屐。白足傲履襪。幾宿一下山。一作下蕭然  
忘干謁。談經演金偈。降鶴舞海雪。時聞天香來。了與  
世事絕。佳遊不可得。春去惜遠別。賦詩留巖屏。千載  
庶不滅。

登邯鄲洪波臺置酒觀發兵荆門欲遊

我把兩赤羽。來遊燕趙間。天狼正可射。感激無時閑。  
觀兵洪波臺。倚劔望玉關。請纓不繫越。且向燕然山。  
風引龍虎旗。歌鐘昔追攀。擊筑落高月。投壺破愁顏。  
遙知百戰勝。定掃鬼方還。

秋登巴陵望洞庭

清晨登巴陵。周覽無不極。明湖映天光。徹底見秋色。  
秋色何蒼然。際海俱澄鮮。山青滅遠樹。水綠無寒煙。  
來帆出江中。去鳥向日邊。風清長沙浦。霜空雲夢田。  
瞻光惜積髮。閱水悲徂年。北渚旣蕩漾。東流自潺湲。

郢人唱白雪。越女歌採蓮。聽此更腸斷。憑崖淚如泉。

與夏十二登岳陽樓

樓觀岳陽盡。川迥洞庭開。鴈引愁心去。山銜好月來。  
雲閒逢下榻。天上接行盃。醉後涼風起。吹入舞袖迴。

登廣武古戰場懷古

秦鹿奔野草。逐之若飛蓬。項王氣蓋世。紫電明雙瞳。  
呼吸八千人。橫行起江東。赤精斬白帝。叱咤入關中。  
兩龍不並躍。五緯與天同。楚滅無英圖。漢興有來功。  
按劍清八極。歸酣歌大風。伊昔臨廣武。連兵決雌雄。  
分我一盃羹。太皇乃汝翁。爭戰有古跡。瑩壘積層穹。

猛虎吟洞壑。飢鷹鳴秋空。翔雲列曉陣。殺氣赫長虹。  
撥亂屬豪聖。俗儒安可通。沉酒呼豎子。狂言非至公。  
撫掌黃河曲。啾啾阮嗣宗。

登新平樓

去國登茲樓。懷歸傷暮秋。天長落日遠。水靜寒波流。  
秦雲起嶺樹。胡鴈飛沙洲。蒼蒼幾萬里。目斷令人愁。

紀南陵題五松山五首

一本併作一首

聖達有去就。潛光愚其德。魚與龍同池。龍去魚不測。  
當時版築輩。豈知傳說情。一朝和殷人。光氣爲列星。

伊尹生空桑。拍庖佐皇極。桐宮放太甲。攝政無愧色。  
三年帝道明。委質終輔翼。曠哉至人心。萬古可爲則。  
時命或大謬。仲尼將奈何。鸞鳳忽覆巢。麒麟不來過。  
龜山蔽魯國。有斧且無柯。歸來歸去來。宵濟越洪波。

陪族叔當塗宰遊化城寺升公清風亭

化城若化出。金榜天宮開。疑是海上雲。飛空結樓臺。  
升公湖上秀。繁然有辯才。濟人不利己。立俗無嫌猜。  
了見水中月。青蓮出塵埃。閑居清風亭。左右清風來。  
當暑陰廣殿。太陽爲徘徊。茗酌待幽客。珍盤薦雕梅。  
飛文何灑落。萬象爲之摧。季父擁鳴琴。德聲布雲雷。

雖遊道林室。亦舉陶潛孟。清樂重諸天。長松自吟哀。  
留歡若可盡。劫石乃成灰。

題瓜洲新河錢族叔舍人賁

齊公鑿新河。萬古流不絕。豐功利生人。天地同朽滅。  
兩橋對雙閣。芳樹有行列。愛此如甘棠。誰云敢攀折。  
吳關倚北固。天險自茲設。海水落斗門。湖平見沙沓。  
我行送季父。弭棹徒流恍。楊花滿江來。疑是龍山雪。  
惜此林下興。愴爲山陽別。瞻望清路塵。歸來空寂滅。

題金陵王處士水亭

此亭蓋齊朝南苑  
又是陸機故宅

王子航玄言。賢豪多在門。好鶴尋道士。愛竹嘯名園。  
樹色老荒苑。池光蕩華軒。北堂見明月。更憶陸平原。  
掃地青玉筆。爲余置金樽。醉罷欲歸去。花枝宿鳥喧。  
何時復來此。再得洗囂煩。

題東谿公幽居

杜陵賢人清且廉。東谿卜築歲將淹。宅近青山同謝  
眺。門垂碧柳似陶潛。好鳥迎春歌後院。飛花送酒舞  
前簷。客到但知留一醉。盤中只有水精鹽。

題江夏脩靜寺

我家北海宅。此寺是李北海舊宅也。作寺南江濱。空庭無玉樹。

高殿坐幽人。書帶留青草。琴堂累素塵。平生種桃李。  
寂滅不成春。

登錦城散花樓

日照錦城頭。朝光散花樓。金牕夾繡戶。珠箔懸瓊鉤。  
飛梯綠雲中。極目散我憂。暮雨向三峽。春江遶雙流。  
今來一登望。如上九天遊。

登金陵鳳凰臺

鳳皇臺上鳳皇遊。鳳去臺空江自流。吳時花草埋幽  
徑。晉國一作代衣冠成古丘。三山半落青天外。一一作二作  
水中分白鷺洲。摠爲浮雲能蔽日。長安不見使人愁。

朝下過盧郎中叙舊遊

君登金華省。我入錦堂門。幸遇聖明主。俱承雲雨恩。  
復此休浣時。閑爲曠昔言。却話山海事。宛然林壑存。  
明湖思曉月。疊嶂憶青猿。何當返初服。田野醉芳樽。  
尋魯城北范居士失道落蒼耳中見范置酒

摘蒼耳作

鴈度秋色遠。日靜無雲時。客心不自得。浩漫將何之。  
忽憶范野人。閑園養幽姿。茫然起逸興。但恐行來遲。  
城壕失往路。馬首迷荒陂。不惜翠雲裘。遂爲蒼耳欺。  
入門且一笑。把臂君爲誰。酒客愛秋蔬。山盤薦霜梨。

他筵不下筋。此席亡朝飢。酸棗垂北郭。寒瓜蔓東籬。  
還傾四五酌。自詠猛虎詞。近作十日歡。遠爲千載期。  
風流自躡蕩。譁浪偏相宜。酣來上馬去。却笑高陽池。  
尋山僧不遇作

石徑入丹壑。松門閉青苔。閑階有鳥跡。禪室無人開。  
窺牕見白拂。挂壁生塵埃。使我空歎息。欲去仍徘徊。  
香雲隔山起。花雨從天來。已有空樂好。况聞青猿哀。  
了一作然絕世事。此地方悠哉。

尋高鳳石門山中元丹丘

尋幽無前期。乘興不覺遠。蒼崖渺難涉。白日忽欲晚。

未窮三四山。已歷千萬轉。寂寂聞猿愁。行行見雲收。  
高松有好月。空谷宜清秋。谿深古雪在。石斷寒泉流。  
峯巒秀中天。登眺不可盡。丹丘遙相呼。顧我忽而哂。  
遂造窮谷間。始知靜者閑。留歡達永夜。清曉方言還。

過汪氏別業二首

遊山誰可遊。子明與浮丘。疊嶺礙河漢。連峯橫斗牛。  
汪生面北阜。池館清且幽。我來感志氣。槌炮列珍羞。  
掃石待歸月。開池漲寒流。酒酣益爽氣。為樂不知秋。  
疇昔未識君。知君好賢才。隨山起館宇。鑿石營池臺。  
大火五月中。景風從南來。數枝石榴發。一丈荷花開。

恨不當此時。相過醉金壘。我行值太落。月苦清猿哀。  
永夜達五更。吳歛送瓊盃。酒酣欲起舞。四座歌相催。  
日出遠海明。軒車且徘徊。更遊龍潭去。枕石拂莓苔。

夜泛洞庭尋裴侍御清酌

日晚湘水綠。孤舟無端倪。明湖漲秋月。獨泛巴陵西。  
偶憩裴逸人。巖居凌丹梯。抱琴出深竹。為我彈鷓鴣。  
曲盡酒亦傾。北窻醉如泥。人生且行樂。何必組與珪。

至鴨欄驛上白馬磯贈裴侍御

側疊萬古石。橫為白馬磯。亂流若電轉。舉棹揚珠輝。  
臨驛卷綈幕。升堂接繡衣。情親不避馬。為我解霜威。



初出金門尋王侍御。不遇詠壁上鸚鵡。  
落羽辭金闕。孤鳴託繡衣。能言終見棄。還向隴西飛。

題宛谿館

吾憐宛溪好。百尺照心明。何謝新安水。千尋見底清。  
白沙留月色。綠竹助秋聲。却笑嚴湍上。于今獨擅名。

荆門浮舟望蜀江

春水月峽來。浮舟望安極。正見桃花流。依然錦江色。  
江色渌且明。茫茫與天平。逶迤巴山盡。搖曳楚雲行。  
雪照聚沙鴈。花飛出谷鶯。芳洲却已轉。碧樹森森迎。  
流月浦煙夕。揚帆海月生。江陵識遙火。應到渚宮城。

醉過謝安東山

攜妓東山去。悵然悲謝安。我妓今朝如花月。他妓古  
墳荒草寒。白雞夢後三百歲。灑酒澆君同所歡。酣來  
自作青海舞。秋風吹落紫綺冠。彼亦一時此一時。浩  
浩洪流高詠何必奇。

秋登宣城謝朓北樓

江城如畫裏。山晚望晴空。兩水夾明鏡。雙橋落彩虹。  
人煙寒橘柚。秋色老梧桐。誰念北樓上。臨風懷謝公。

醉題王漢陽廳

我似鸚鵡鳥。南遷懶北飛。時尋漢陽令。取醉月中歸。

登金陵冶城北謝安墩此墩即晉太傅謝安與右軍王羲之同登

超然有高世之志余將營園其上故作是詩

晉室昔橫潰。永嘉遂南奔。沙塵何茫茫。龍虎闕朝昏。  
胡馬風漢草。天驕感中原。哲匠感頽運。雲鵬忽飛翻。  
組練照楚國。旌旗連海門。西秦百萬衆。戈甲如雲屯。  
投鞭可填江。一掃不足論。皇運有返正。醜虜無遺魂。  
談笑道橫流。蒼生望斯存。冶城訪古跡。猶有謝安墩。  
憑覽周地險。高標絕人喧。想像東山姿。緬懷右軍言。  
梧桐識佳樹。蕙草留芳根。白鷺映春洲。青龍見朝暎。  
地古雲物在。臺傾木葉繁。我來酌清波。於此樹石一

作園功成拂衣去歸入武陵源

### 大庭庫

朝登大庭庫。雲物何蒼然。莫辨陳鄭火。空羅鄒魯煙。  
我來尋梓慎。觀化入寥天。古木翔氣多。松風如五絃。  
帝圖終冥沒。歎息滿山川。

### 天台曉望

天台鄰四明。華頂高百越。門標赤城霞。樓接滄島月。  
憑高登遠覽。直下見溟渤。雲垂大鵬翻。波動巨鼇沒。  
風潮爭洶湧。神怪何翕忽。觀竒跡無倪。好道心不歇。  
攀條摘朱實。服藥鍊金骨。安得

生羽毛。千春卧蓬闕。

秋日登揚州西靈塔

寶塔凌蒼蒼。登攀覽四荒。頂高元氣合。標出海雲長。萬象分空界。三天接畫梁。水搖金剝影。日動火珠光。鳥拂瓊簾度。霞連綉拱張。目隨征路斷。心逐去帆揚。露浩梧楸白。霜催橘柚黃。玉毫如可見。於此照迷方。

望黃鶴樓

東望黃鶴山。雄雄半空出。四面生白雲。中峯倚紅日。巖巖行穹跨。峯嶂亦冥密。頗聞列仙人。於

此學飛術。一朝向蓬海。千載空石室。金竈生煙埃。玉潭祕清謐。地古遺草木。庭寒老芝木。蹇予羨攀竚。因欲保閑逸。觀竒徧諸嶽。茲嶺不可匹。結心寄青松。永悟客情畢。

金陵望漢江

漢江迴萬里。派作九龍盤。橫潰豁中國。崔嵬飛迅湍。六帝淪亡後。三吳不足觀。我君混區宇。垂拱衆流安。今日任公子。滄浪罷釣竿。

登敬亭北二小山。余時客逢崔侍御並

登此地

送客謝亭北逢君。縱酒還。屈盤戲白馬。大笑上  
青山。迴鞭指長安。西日落秦關。帝鄉三千里。香  
在碧雲間。

過崔八丈水亭

高閣橫秀氣。清幽併在君。簷飛宛溪水。窓落敬  
亭雲。援嘯風中斷。漁歌月裏聞。閑隨白鷗去。沙  
上自爲群。

望木瓜山

早起見日出。暮見棲鳥還。客心自酸楚。况對木  
瓜山。

掛席江上待月有懷

待月月未出。望江江自流。倏忽城西郭。青天懸  
玉鉤。素華雖可攬。清景不同遊。耿耿金波裏。空  
瞻鳩鵲樓。

謁老君廟

先君懷聖德。靈廟肅神心。草合人蹤斷。塵濃鳥  
跡深。流沙丹竈滅。闕路紫煙沉。獨傷千載後。空  
餘松柏林。

登峨眉山

蜀國多山嶽。峨眉邈難匹。周流試登覽。絕怪安

可息青冥倚天開。彩錯疑畫出。冷然紫霞貫。果  
得錦囊術。雲間吟瓊簫。石上弄寶瑟。平生有微  
尚。歡笑自此畢。煙容如在顏。塵累忽相失。樵逢  
騎羊子。攜手凌白日。

李翰林集卷第十六

李翰林集卷第十七

歌吟

金陵歌送范宣

梁園吟

同族弟金城尉叔卿燭照山水壁畫歌

白毫子歌

峨眉山月歌送蜀僧晏入中京

粉圖山水歌

元丹丘歌

鳴皋歌

襄陽歌

西岳雲臺歌送丹丘子



峨眉山月歌

鳴臯歌奉餞從翁清婦五崖山居

永王東巡歌十一首

懷仙歌

勞勞亭

橫江詞六首

玉真仙人詞

侍從宜春苑奉詔賦龍池柳色初青聽新鶯百

轉歌

扶風豪士歌

上皇西巡南京歌十首

秋浦歌十七首  
金陵西樓月下吟

赤壁歌送別

謝殷佐明見贈五雲裘歌

江上吟

玉壺吟

僧伽歌

臨路歌

山鷓鴣詞

和盧侍御通塘曲

歷陽壯士勤將軍思齊歌

江夏行

白雲歌送劉十六歸山

幽歌行上新平長史

金陵歌送范宣

石頭巉巖如虎踞。凌波欲過滄江去。鍾山龍盤走勢  
來。秀色橫分歷陽樹。四十餘帝三百年。功名事跡隨  
東流。白馬小兒誰家子。泰清之歲來關囚。金陵昔時  
何壯哉。席卷英豪天下來。冠蓋散為煙霧盡。金輿玉  
座成寒灰。扣劍悲吟空咄嗟。梁陳白骨亂如麻。天子  
龍沉景陽井。誰歌玉樹後庭花。此地傷心不能道。目  
下離離長春草。送爾長江萬里心。他年來訪南山皓。

白骨一作之國

### 梁園吟

我浮黃河去京關。挂席欲進波連山。天長水闊厭遠

涉。訪古始及平臺間。平臺為客憂思多。對酒遂作梁  
園歌。却憶蓬池阮公詠。因吟潁水揚洪波。洪波浩蕩迷舊  
國。路遠西歸安可得。人生達命豈暇愁。且飲美酒登  
高樓。平頭奴子搖大扇。五月不熟疑清秋。玉盤楊梅  
為君設。吳鹽如花皎白雪。持鹽把酒但飲之。莫學夷  
齊事高潔。昔人豪貴信陵君。今人耕種信陵墳。荒城  
虛照碧山月。古木盡入蒼梧雲。梁王宮闕今安在。枚  
馬一本作枚刺先歸不相待。舞影歌聲散綠池。空餘汴水  
東流海。沈吟此事淚滿衣。黃金買醉未能歸。連呼五  
白一作百行六博。分曹賭酒酣馳輝。歌且謠。意方遠。東



山高卧時起來欲濟蒼生未應晚

同族弟金城尉叔卿燭照山水壁畫歌

高堂粉壁圖蓬瀛。燭前一見滄洲清。洪波洶湧山崢嶸。皎若丹丘隔海望。赤城光中乍喜一作嵐氣滅謂逢山陰晴後雪。迴溪碧流寂無喧。又如秦人月下窺花源。了然不覺清心魂。祇將疊嶂鳴秋猿。與君對此歡未歇。放歌行吟達明發。却顧海客揚雲帆。便欲因之向溟渤。

白毫子歌

淮南小山白毫子。乃在淮南小山裏。夜卧松下雲朝

飡石中髓。小山連絲向江開。碧峯巉巖水迴迴。一作瀑余配白毫子。獨酌流霞盃。拂一作樓花弄琴坐青苔。綠蘿樹下春風來。南窓蕭颯松聲起。憑崖一聽清心耳。可得見未得親。八公攜手五雲去。空餘桂樹愁殺人。

峨眉山人月歌送蜀僧晏入中京

我在巴東三峽時。西看明月憶峨眉。月出峨眉照滄海。與人萬里長相隨。黃鶴樓前月華白。此中忽見峨眉客。峨眉山人月還送君。風吹西到長安陌。長安大道橫九天。峨眉山人月映秦川。黃金師子乘高座。白玉麈尾談重玄。我似浮雲滯吳越。君逢聖主遊丹闕。一振

高名滿帝都。歸時還弄峨眉月。

粉圖山水歌

峨眉高出西極天。羅浮直與南溟連。名公繹思揮彩  
筆。驅山走海置眼前。滿堂空翠如何可。一作掃赤城霞  
氣蒼梧煙。洞庭瀟湘意渺綿。三江七澤情洄洑。驚濤  
洶湧向何處。孤舟一去迷歸年。征帆不動亦不旋。飄  
如隨風落天邊。心搖目斷興難盡。幾時可到三山巔。  
西峰崢嶸噴流泉。橫石蹙水波潺湲。東崖合沓蔽輕  
霧。深林雜樹空芊綿。此中冥昧失晝夜。隱机寂聽無  
鳴蟬。長松之下列羽客。對坐不語南昌仙。南昌仙人

遊夫子。妙年歷落青雲士。訟庭無事羅衆賓。杳然如  
在丹青裏。五色粉圖安足珍。真仙可以全吾身。若待  
功成拂衣去。武陵桃花笑殺人。

元丹丘歌

元丹丘。愛神仙。朝飲潁川之清流。暮還嵩峯之紫煙。  
三十六峯長周旋。長周旋。躡星虹。身騎飛龍耳生風。  
橫河跨海與天通。我知爾遊心無窮。

鳴皋歌送岑徵君

若有人兮思鳴皋。阻積雪兮心煩勞。洪河凌競不可  
以徑度。冰龍鱗兮難容舳。邈仙山之峻極兮聞天籟。

之嘈嘈。霜屋縞皓以合沓兮。若長風扇海湧滄溟之  
波濤。玄猿綠罷。絳談崑崙。危柯振石。駭膽慄鬼。羣呼  
而相號。峯崢嶸以路絕。挂星辰於巖竅。送君之歸兮。  
動鳴臯之新作。交鼓吹兮。彈絲觴清冷之池閣。君不  
行兮。何待。若反顧之黃鶴。掃梁園之羣英。振大雅於  
東洛中。征軒兮。歷阻折。尋幽居兮。越巖壑。盤白石兮。  
坐素月。琴松風兮。寂萬壑。望不見兮。心氛氳。蘿冥冥  
兮。霰紛紛。水橫洞兮。下淥波。小聲而上聞。虎嘯谷而  
生風。龍藏溪而吐雲。寒鶴清唳。飢鼯頻呻。竟獨處而  
幽然兮。愀空山而愁人。雞聚族以爭食。鳳孤飛而

無隣。堰映朝龍。魚口。出。嫫母衣錦。山施負薪。若使  
巢由。桎梏於軒冕兮。亦奚異乎。夔龍。躡躡於風塵。哭  
何苦而救楚。笑何誇而却秦。吾誠不能學二子。沽名  
矯節以耀世兮。固將棄天地而遺身。白鷗兮。飛來長  
與君兮。相親。

襄陽歌

落日欲沒。峴山西。倒著接羅花下迷。襄陽小兒齊拍  
手。攔街爭唱白銅鞮。傍人借問笑何事。笑殺山翁醉  
似泥。鷓鴣杓。鸚鵡盃。百年三萬六千日。一日須傾三  
百盃。遙看漢水鴨頭綠。恰似蒲萄初醱醅。此江若變

作春酒。壘麴便築糟。立臺千金駿馬換少妾。笑坐金鞍歌落梅。車傍側挂一壺酒。鳳笙龍管行相催。咸陽市上歎黃犬。何如月下傾金壘。君不見晉朝羊公一片石。一本作晉朝羊公。一作古碑材。龜龍頭一作剝落生莓苔。淚亦不能為之墮。心亦不能為之哀。誰能憂彼身後事。金龜銀鴨葬死灰。此一本無。二句無。清風朗月不用一錢買。玉山自到非人推。舒州杓力士鎚。李白與爾同死生。襄王雲雨今安在。江水東流猿夜聲。

西岳雲臺歌送丹丘子

岳嶽嶽何壯哉。黃河如絲天際來。黃河萬里觸山

動盤渦。轂轉秦地雷。榮光休氣紛五綵。十年一清聖人在。巨靈咆哮擘兩山。洪波噴箭射東海。三峯却立如欲摧。翠崖丹谷高掌開。白帝金精運元氣。石作蓮花雲作臺。雲臺閣道連窈冥。中有不死丹丘生。明星玉女備灑掃。麻姑搔背指爪輕。我皇手把天地戶。丹丘談天與天語。九重出入生光輝。東求蓬萊復西歸。玉漿儻惠故人飲。騎二茅龍天上飛。

峨眉山月歌

峨眉山月半輪秋。影入平羌江水流。夜發清溪向三峽。思君不見下渝洲。

鳴臯歌奉餞從翁清歸五崖山居

憶昨鳴臯夢裏還。手弄素月清潭閒。覺時枕席非碧  
山。側身西望阻秦關。麒麟閣上春還早。著書却憶伊  
陽好。青松來風吹石道。綠蘿飛花覆煙草。我家仙翁  
愛清真。才雄草聖凌古人。欲卧鳴臯絕世塵。鳴臯微  
茫在何處。五崖一作原峽水橫樵路。身披翠雲裘。袖拂  
紫煙去。去時應過嵩少間。相思為折三花樹。

永王東巡歌十一首

永王正月東出師。天子遙分龍虎旗。樓船一舉風波  
靜。江漢翻為鴈鷺池。

三川北虜亂如麻。四海南奔似永嘉。但用東山謝安  
石。為君談笑靜胡沙。  
雷鼓嘈嘈喧武昌。雲旗獵獵過潯陽。秋毫不犯三吳  
悅。春日遙看五色光。  
龍盤虎踞帝王州。帝子金陵訪古丘。春風試暖昭陽  
殿。明月還過鳩鵲樓。  
二帝巡遊俱未迴。五陵松柏使人哀。諸侯不救河南  
地。更喜賢王遠道來。  
丹陽北固是吳關。畫出樓臺雲水閒。千巖烽火連滄  
海。兩岸旌旗繞碧山。

王出三江按五湖。樓船跨海次揚都。戰艦森森羅虎  
士。征帆一一引龍駒。  
長風挂席勢難迴。海動山傾古月摧。君看帝子浮江  
日。何似龍驤出峽來。  
祖龍浮海不成橋。漢武潯陽空射蛟。我王樓艦輕秦  
漢。却似天皇欲渡遼。  
帝寵賢王入楚關。掃清江漢始應還。初從雲夢開朱  
邱。更取金陵作小山。  
試借君王玉馬鞭。指麾戎虜坐瓊筵。南風一掃胡塵  
靜。西入長安到日邊。

懷仙歌

一鶴東飛過滄海。放心散漫知何在。仙人浩歌望我  
來。應攀玉樹長相待。光輝之事不足驚。自餘賢鷲直  
可輕。巨鼇莫戴三山去。我欲蓬萊頂上行。

勞勞亭

在江亭南十五里古蹟  
別之所一名臨滄觀

金陵勞勞送客堂。蔓草離離生道傍。古情不盡東流  
水。此地悲風愁白楊。我乘素舸同康樂。朗詠清川飛  
夜霜。昔聞平渚吟五章。今來何謝袁家郎。苦竹寒聲  
動秋月。獨宿空簾歸夢長。

橫江詞六首

卷上七

入言橫江好。儂道橫江惡。一風三日吹倒山。白浪高  
於瓦官閣。

海潮南去過潯陽。牛渚由來險馬當。橫江欲渡風波  
惡。一水牽愁萬里長。

橫江西望阻西秦。漢水東連揚子津。白浪如山那可  
渡。狂風愁殺峭帆人。

海神東來作過惡。風迴浪打天門石。壁開浙江八月  
何如此。濤似雪山噴雪來。

橫江館前津。郎今欲渡緣何  
事。如此風波下。

日暈天風霧不開。海鯨東蹙百川迴。驚波一起三山  
動。公無渡河歸去來。

王真仙人詞

玉真之仙人。時往太華峯。清晨鳴天鼓。颺歛騰雙龍。弄電  
不輟手。行雲本無蹤。幾時入少廣。一作室王母應相逢。

侍從宜春苑。奉詔賦龍池。柳色初青聽新鶯。  
百轉歌

東風已綠瀛洲草。紫殿紅樓覺春好。池南柳色半青  
青。煙縈裊娜拂綺城。垂絲百尺挂雕楹。上有好鳥相  
和鳴。間關早得春風情。春風卷入碧雲去。千門萬戶

皆春聲。是時君王在鎬京。五雲垂暉耀紫清。仗出金  
宮。隨日轉。天迴玉輦遶花行。始向蓬萊看舞鶴。還過  
滄若聽新鶯。新鶯飛繞上林苑。願入簫韶雜鳳笙。

扶風豪士歌

洛陽三月飛胡沙。洛陽城中人怨嗟。天津流水波赤  
血。白骨相撐如亂麻。我亦東奔向吳國。浮雲四塞道  
路賒。東方日出啼早鴉。城門人開掃落花。梧桐楊柳  
拂金井。來醉扶風豪士家。扶風豪士天下奇。一作意  
氣相傾山可移。作人不倚將軍勢。飲一作酒豈顧尚  
書期。雕盤綺食會衆客。吳歌趙舞香風吹。原嘗春陵

六國時。開心露膽君所知。堂中各有三千士。明日報  
恩來是誰。舞持長劍一揚眉。清水白石何離離。脫吾  
帽向君笑。飲君酒為君吟。張良未逐赤松去。橋邊黃  
石知我心。

上皇西巡南京歌十首

胡塵輕拂建章臺。聖主西巡蜀道來。劍壁門高五千  
仞。一作尺石為樓閣。九天開  
九天開出一成都。萬戶千門入畫圖。草樹雲山如錦  
繡。秦川得及此間無。  
德陽春樹似新豐。行入新都若舊宮。柳色未饒秦地



綠花光不減上陽紅。

誰道君王行路難。六龍西幸萬人歡。地轉錦江成渭水。天迴玉壘作長安。

萬國同風共一時。錦江何謝曲江池。石鏡更明天上月。後宮親得照蛾眉。

濯錦清江萬里流。雲帆龍舸下揚州。北地雖誇上林苑。南京還有散花樓。

錦水東流繞錦城。星橋北挂象天星。四一作海此中朝聖主。峨眉山上列仙庭。

秦開蜀道置金牛。漢水元通漢水流。天子一行遺聖

跡。錦城長作帝王州。

水渌天青不起塵。風光和暖勝三秦。萬國煙花隨玉輦。西來添作錦江春。

綉閣重闢蜀北門。上皇歸馬若雲屯。少帝長安開紫極。雙懸日月照乾坤。

秋浦歌一十七首

秋浦長似秋。蕭條使人愁。客愁不可度。行上東大樓。正西望長安。下見江水流。寄言向江水。汝意憶儂不。

遙傳一掬淚。為我達揚州。秋浦猿夜愁。黃山堪白頭。青溪非隴水。翻作斷腸流。

欲去不得去。薄遊成久遊。何年是歸日。雨涕一作淚下孤舟。

秋浦錦駝鳥。人間天上稀。山雞羞渌水。不敢照毛衣。

兩鬢入秋浦。一朝颯已衰。猿聲催白髮。長短盡成絲。

秋浦多白猿。起騰若飛雪。牽引條上兒。飲弄水中月。

愁作秋浦曲。一作客強看秋浦花。山川如劍縣。風日似長沙。

西上山公馬寒歌。竊成斗空吟。白石爛淚滿。黑貂裘。

秋浦千重嶺。水車嶺最奇。天傾欲墮石。水拂寄生枝。

江祖一片石。青天掃畫屏。題詩留萬古。綠字錦苔生。

千千石楠樹。萬萬女貞林。山山白鷗鳥。一作鷺澗澗白猿吟。君莫向秋浦。猿聲碎客心。

邏人橫鳥道。江祖一作祖出漁梁。水急客舟疾。山花拂面香。

水如一疋練。此地即平天。耐可乘明月。看花上

酒船。

爐火照天地。紅星亂紫煙。赦郎明月夜。歌曲動

寒川。

白髮三千丈。綠愁似箇長。不知明鏡裏。何處得

秋霜。

秋浦田舍翁。採魚水中宿。妻子張白鵬。結置映

深竹。

淶水淨素月。月明白鷺飛。郎聽採菱女。一道夜

歌歸。

桃波一步地。了了語聲。與山僧別。低頭禮

白雲。

金陵西樓月下吟

金陵夜寂涼。風發獨上高樓望。吳越白雲映水  
搖空城。白露垂珠滴。秋月。月下沉吟久不歸。古  
來相接眼中稀。解道澄江靜如練。令人還憶謝  
玄暉。

赤壁歌送別

二龍爭戰決雌雄。赤壁樓船掃地空。烈火初張  
照雲海。周瑜於此破曹公。君去滄江望澄碧。鯨

鯢唐突留餘跡。一一書來報故人。我欲因之壯  
心魄。

訓啟佐明見贈五雲裘歌

我吟謝朓詩上語。朔風颭颭吹飛雨。謝朓已沒  
青山空。後來繼之有啟公。粉圖珍裘五雲色。擘  
如晴天散綵虹。文章彪炳光陸離。應是素娥玉  
女之所為。輕如松花落塗金。一作粉濃成似一作苔  
錦含碧滋。遠山積翠橫海島。殘霞一作霏丹映  
江紅。一作草凝毫採掇似一作花霧露一作容幾年功  
成奪天造。故人贈我我不違。著令山水含晴暉。

頓驚謝康樂詩興。生我衣襟前林壑。斂暝色。袖上煙  
霞收夕霏。群仙長歎一作欲驚此物。千崖萬嶺相縈鬱。  
身騎白鹿行飄颻。手翳紫芝笑披拂。相如不足誇鸚  
鵡。王恭鶴氅安可方。瑤臺雪花數千點。片片吹落春  
風香。為君持此凌蒼蒼。上朝三十六玉皇。下窺夫子  
不可及。矯手相思空斷腸。

江上吟

木蘭之枻沙棠舟。玉簫金管坐兩頭。美酒樽中置千  
斛。載妓隨波任去留。仙人有待乘黃鶴。海客無心隨  
白鷗。屈平詞賦懸日月。楚王臺榭空山丘。興酣落筆

搖五嶽詩成笑傲凌滄洲。功名富貴若長在。漢水亦應西北流。

玉壺吟

烈士擊玉壺。壯心惜暮年。三杯拂劍舞秋月。忽然高詠涕泗漣。鳳凰初下紫泥詔。謁帝稱觴登御筵。揄揚九重萬乘主。謔浪赤墀青瑣賢。朝天數換飛龍馬。敕賜珊瑚白玉鞭。世人不識東方朔。大隱金門是謫仙。西施宜笑復宜頰。醜女效之徒累身。君王雖愛蛾眉好。無柰宮中妬殺人。

僧伽歌

真僧法號號僧伽。有時與我論三車。問言誦呪幾千遍。口道恒河沙復沙。此僧本住南天竺。為法頭陀來此國。戒得長天秋月明。心如世上青蓮色。意清淨貌稜稜。亦不減。亦不增。瓶裏千年鐵柱骨。手中萬歲胡孫藤。嗟予落魄江淮久。罕遇真僧說空有。一言懺盡波羅夷。再禮渾除犯輕垢。

臨路歌

大鵬飛兮振八裔。中天摧兮力不濟。餘風激兮萬世游。扶桑兮掛石袂。後人得之傳此。仲尼亡兮誰為出涕。

山鷓鴣詞

苦竹嶺頭秋月輝。苦竹南枝鷓鴣飛。嫁得燕山胡鴈  
壻。欲銜我向鴈門歸。山雞翟雉來相勸。南禽多被北  
禽欺。紫塞嚴霜如劒戟。蒼梧欲巢難背違。我今誓死  
不能去。哀鳴驚叫淚沾衣。

和盧侍御通塘曲

君誇通塘好。通塘勝耶溪。通塘在何處。遠在尋陽西。  
青蘿嫋嫋柳煙樹。白鷗處處聚沙堤。石門中斷平湖  
出。百丈金潭照雲日。何處滄浪垂釣翁。鼓棹漁歌趣  
非一。相逢不相識。出沒繞通塘。浦邊清水明素足。別

有浣沙吳女郎。行盡綠潭潭轉幽。疑是武陵春碧流。  
秦人雞犬桃花裏。將此通塘渠見羞。通達不忍別。十  
去九遲回。偶逢佳境心已醉。忽有一鳥從天來。月出  
青山送行子。四邊苦竹秋聲起。長吟白雪望星河。雙  
垂兩足揚素波。梁鴻德耀會稽日。寧知此中樂事多。

歷陽壯士勤將軍名思齊歌

歷陽壯士勤將軍。神力出於百夫。則天太后召見  
奇之。授游擊將軍。賜錦袍玉帶。朝野榮之。拜橫南  
將軍。大臣慕義。結十友。即燕公張說。館陶公郭元  
振。為首。余壯之。遂作詩。

太古歷陽郡。化爲洪川在。江山猶鬱盤。龍虎秘光彩。  
蓄洩數千載。風雲何憲囑。特生勤將軍。神力百夫倍。

江夏行

憶昔嬌小姿。春心亦自持。爲言嫁夫婿。得免長相思。  
誰知嫁商賈。令人却愁苦。自從爲夫妻。何曾在鄉土。  
去年下揚州。相送黃鶴樓。眼看帆去遠。心逐江水流。  
只言期一載。誰謂歷三秋。使妾腸欲斷。恨君情悠悠。  
東家西舍同時發。北去南來不逾月。未知行李游何方。  
作箇音書能斷絕。適來往南浦。欲問西江船。正見當壚女。  
紅粧二八年。一種爲人妻。獨自多悲恻。對鏡

便垂淚。逢人只欲啼。不如輕薄兒。旦暮長相隨。悔作商人婦。青春長別離。如今正好同懽樂。君去容華誰得知。

白雲歌送劉十六歸山

楚山秦山皆白雲。白雲處處長隨君。長隨君君入楚山裏。雲亦隨君渡湘水。湘水上。女蘿衣。白雲堪卧君早歸。

幽歌行上新平長史兄祭

幽谷稍稍振庭柯。涇水浩浩揚湍波。哀鴻酸嘶暮聲急。愁雲蒼慘寒氣多。憶昨去家此爲客。荷花初紅柳

條碧中宵出飲三百杯。明朝歸楫二千石。寧知流寓  
變光輝。胡霜蕭颯繞客衣。寒灰寂寞憑誰暖。落葉飄  
揚何處歸。吾兄行樂窮曛旭。滿堂有美顏如玉。趙女  
長歌入絲雲。燕姬醉舞嬌紅燭。狐裘獸炭酌流霞。壯  
士悲吟寧見嗟。前榮後枯相翻覆。何惜餘光及棣華。

李翰林集卷第十七



李翰林集卷第十八

翰林供奉李白

遊宴

春陪楊江寧及諸官宴北湖感古

秋獵孟諸夜歸置酒單父東樓觀妓

在水軍宴韋司馬樓船觀妓

宴鄭叅卿山池

遊謝氏山亭

待酒不至

邯鄲南亭觀妓

把酒問月

秋浦清溪雪夜對酒客有唱鷓鴣者

楚江黃龍磯南宴楊執戟治樓

下終南山過斛斯山人置酒

獨酌

九日龍山飲

春日遊羅敷潭

流夜郎至江夏陪長史叔及薛明府宴興德寺

月下獨酌四首 宴陶家亭子

春日獨酌

攜妓登梁王栖霞山孟氏桃園中

銅官山醉後絕句

陪侍郎叔遊洞庭醉後三首

秋浦與周生宴青溪玉鏡潭

與從姪杭州刺史良遊天竺寺

遊南陽白水登石澗作

同族姪評事黯遊昌禪師山池二首

遊太山六首

與南陵常贊府遊五松山

春陪商州裴使君遊石娥溪

金陵鳳皇臺置酒

焦香山望松寥山

春日獨酌

對酒醉題屈突明府廳

金陵江上遇蓬池隱者

嘲王歷陽不肯飲酒

與史郎中飲聽黃鶴樓上吹笛

對酒

同友人舟行遊台越作

遊水西簡鄭明府

九日

九月十日即事

九日登山

宴陶家亭子

春日遊羅浮潭

秋夜與劉碭山泛宴喜亭池

泛沔州城南郎官湖

春陪楊江寧及諸官宴北湖感古

昔聞顏光祿。攀龍宴京湖。樓船入天鏡。帳殿開雲衢。  
君王歌大風。如樂豐沛都。延年獻嘉作。邈與詩人俱。  
我來不及此。獨立鍾山孤。楊宰穆清飈。芳聲騰海隅。  
英寮滿四座。粲若瓊林敷。鷗首弄倒景。蛾眉綴明珠。  
新絃採梨園。古舞嬌吳歛。曲度繞雲漢。聽者皆歡娛。  
雞棲何嘈嘈。汎月沸笙竽。古之帝宮苑。今乃人樵蘇。  
感此勸一觴。願君覆瓢壺。榮盛當作樂。無令後賢吁。  
秋獵孟諸夜。歸置酒單父。東樓觀妓。  
傾暉速短炬。走海無停川。冥飡圓丘草。欲以還顏年。

此事不可得。微生若浮煙。駿發跨名駒。雕弓控鳴弦。  
鷹豪魯草白。狐兔多肥鮮。邀遮相馳逐。遂出城東田。  
一掃四野空。喧呼鞍馬前。歸來獻所獲。炮炙宜霜天。  
出舞兩美人。飄颻若雲仙。留歡不知疲。清曉方來游。

在水軍宴韋司馬樓船觀妓。

搖曳帆在空。清流順歸風。詩因鼓吹發。酒為劔歌催。  
對舞青樓妓。雙鬟白玉一作童。行雲且莫去。留醉楚

王宮。

### 宴鄭叅卿山池

爾恐碧草晚。我畏朱顏移。愁看楊花飛。置酒正相宜。

歌聲送落日。舞影迴清池。今夕不盡盃。留歡更邀誰。

### 遊謝氏山亭

淪老卧江海。再攬天地清。病閑久寂寞。歲物徒芬榮。  
借君西池遊。聊以散我情。掃雪松下去。捫蘿石道行。  
謝公池塘上。春草颯已生。花枝拂人來。山鳥向我鳴。  
田家有美酒。落日與之傾。醉罷弄歸月。遙欣稚子迎。

### 待酒不至

玉壺繫青絲。沽酒來何遲。山花向我笑。正好銜盃時。  
晚酌東窗下。流鶯復在茲。春風與醉客。今日乃相宜。

### 郾鄆南亭觀妓

歌鼓燕趙兒。魏姝弄鳴絲。粉色艷日彩。舞袖拂花枝。  
把酒領美人。請歌邯鄲詞。清箏何繚繞。曲度綠雲垂。  
平原君安在。科斗生古池。座客三千人。于今知有誰。  
我輩不作樂。但爲後代悲。

把酒問月

故人曹潛  
令余問之

青天有月來幾時。我今停盃一問之。人攀明月不可  
得。月行却與人相隨。皎如飛鏡臨丹闕。綠煙滅盡清  
暉發。但見宵從海上來。寧知曉向雲間沒。白兔擣藥  
秋復春。姮娥孤栖與誰隣。今人不見古時月。今月曾  
經照古人。古人今人若流水。共看明月皆如此。唯願

當歌對酒時。月光長照金樽裏。

秋浦清溪雪夜對酒客有唱鷓鴣者

披君貂襜褕。對君白玉壺。雪花酒上滅。頓覺夜寒無。  
客有桂陽至。能吟山鷓鴣。清風動窻竹。越鳥起相呼。  
持此足爲樂。何煩筮與巫。

楚江黃龍磯南宴揚執戟治樓

五月分五洲。碧山對青樓。故人揚執戟。春賞楚江流。  
一見醉漂月。三杯歌掉謳。桂枝攀不盡。他日更相求。

下終南山過斛斯山人置酒

暮從碧山下。山月隨人歸。却顧所來徑。蒼蒼橫翠微。

相攜及田家。童稚開荆扉。綠竹入幽援。青蘿拂行衣。  
歡言得所憩。美酒聊共揮。長歌吟松風。曲盡河星稀。  
我醉君復樂。陶然共忘機。

獨酌

春草如有意。羅生玉堂陰。東風吹愁來。白髮坐相侵。  
獨酌勸孤影。閑歌面芳林。長松爾何知。蕭瑟為誰吟。  
手舞石上月。膝橫花間琴。過此一壺外。悠悠非我心。

九日龍山飲

九日龍山飲。黃花笑逐臣。醉看風落帽。舞愛月留人。  
流夜郎至江夏陪長史叔及薛明府宴興

德寺作

紺殿橫崖一作上。青山落鏡中。岸迴沙不盡。日映水  
成空。天樂流香閣。蓮舟颺晚風。恭陪竹林宴。留醉與陶公。  
月下獨酌四首

月下獨酌四首  
花下一作一壺酒。獨酌無相親。舉一作盃邀明月。對  
影成三人。月既不解飲。影徒隨我身。暫伴月將影。行  
樂須及春。我歌月徘徊。我舞影凌亂。醒時同交歡。醉  
後各分散。永結無情遊。相期邈雲漢。  
天若不愛酒。酒星不在天。地若不愛酒。地應無酒泉。  
天地既愛酒。愛酒不愧天。已聞清比聖。復道濁如賢。

賢聖既已飲何必求神仙此一本無三盃通大道一斗合自然但得醉中趣勿為醒者傳此四句

三月咸陽時千花晝如錦誰能春獨愁對此徑須飲窮通與脩短造化夙所稟一樽齊死生萬事固難審醉後失天地兀然就孤枕不知有吾身此樂最為甚窮愁千萬端美酒三百盃愁多酒雖少酒傾愁不來所以知酒聖酒酣心自開辭粟餓首陽屢空飢顏回當代不樂飲虛名安用哉蟹螯即金液糟丘是蓬萊且須飲美酒乘月醉高臺

### 宴陶家亭子

曲巷幽人宅高門大士家池開照膽鏡林吐破顏花綠水蒨春日青軒祕晚霞若聞絃管妙金谷不能誇

### 春日游羅浮潭

行歌入谷口路盡無人躋攀崖度絕壑弄水尋迴溪雲從石上起客到花間迷淹留未盡興日落羣峯西

### 春日獨酌

東風扇淑氣水本滌春暉白日照綠草落花散且飛孤雲還空山衆鳥各已歸彼物皆有託吾生獨無依

對此石上月長歌醉芳菲。

攜妓登梁王栖霞山孟氏桃園中

碧草已滿地。柳與梅爭春。謝公自有東山妓。金屏笑  
坐如花人。今日非昨日。明日還復來。白髮對綠酒。強  
歌心已摧。君不見梁王池上月。昔照梁王樽酒中。梁  
王已去明月在。黃鸝愁醉啼春風。分明感激眼前事。  
莫惜醉卧桃園東。

銅官山醉後絕句

我愛銅官樂。千年未擬還。要須迴舞袖。拂盡五松山。  
陪侍郎叔遊洞庭醉後三首

今日竹林宴。我家賢侍郎。三盃容小阮。醉後發清狂。

又

船上齊橈樂。湖心泛月歸。白鷗閑不去。爭拂酒筵飛。

又

剗却君山好。平鋪湘水流。巴陵無限酒。醉殺洞庭秋。

秋浦與周生宴青溪玉鏡潭

康樂上官去。永嘉遊石門。江亭有孤嶼。千載跡猶存。  
我來憩秋浦。三入桃陂源。一作千峯照積雲。萬壑盡  
啼猿。興與謝公合。文因周子論。掃崖去落葉。席月開  
清罇。溪當大樓南。溪水正南奔。迴作玉鏡潭。澄明洗



心魂此中得佳境。可以絕囂喧。清夜方歸來。酣歌出平原。別後無此兆。一作經為謝樹蘭孫。

與從姪杭州刺史良遊天竺寺

掛席凌蓬丘。觀濤憩樟樓。三山動逸興。五馬同遨遊。天竺森在眼。松門颯驚秋。覽雲測變化。弄水窮清幽。疊嶂隔遙海。當軒寫歸流。詩成傲雲月。佳趣滿吳洲。

遊南陽白水登石激作

朝涉白水源。暫與人俗踈。島嶼佳境色。江天涵清虛。目遠去海雲。心閑遊川魚。長歌盡落日。乘月歸田廬。

同族姪評事黯遊昌禪師山池一首

遠公愛康樂。為我開禪關。蕭然松石下。何異清涼山。花將色不染。水與心俱閒。一坐度小劫。觀空天地間。客來花雨際。秋水落金池。片石寒青錦。踈楊挂綠絲。高僧拂玉柄。童子獻霜梨。惜去愛佳景。煙蘿欲暝時。

遊太山六首

四月上太山。石平御道開。六龍過萬壑。澗谷隨縈迴。馬跡遠碧峯。予今滿青苔。飛流灑絕壑。水急松聲哀。北眺寧嶂奇。傾崖向東摧。洞門閉石扉。地底興雲雷。登高望蓬瀛。想像金銀臺。天門一長嘯。萬里清風來。玉女四五人。飄飄下九垓。含笑引素手。遺我流霞盃。

稽首再拜之。自媿非仙才。曠然小宇宙。弃世何悠哉。

酒洞一作洞門

清曉騎白鹿。直上天門山。山際逢羽人。方瞳好容顏。

捫蘿欲就語。却掩青雲關。遺我鳥跡書。飄然落巖間。

其字乃上古。讀之了不閑。感此三歎息。從師方未還。

平明登日觀。舉手開雲關。精神四飛揚。如出天地間。

黃河從西來。窈窕入遠山。憑崖覽八極。目盡長空閑。

偶然值青童。綠髮雙雲鬟。笑我晚學仙。蹉跎凋朱顏。

躊躇忽不見。浩蕩難追攀。

青籙三千日。裂素寫道經。吟誦有所得。衆神衛我形。

雲行信長風。颺若羽翼生。攀崖上日觀。伏檻窺東溟。

海色動遠山。天雞已先鳴。銀臺出倒景。白浪翻長鯨。

安得不死藥。高飛向蓬瀛。

日觀東北傾。兩崖夾雙石。海水落眼前。天光遙空碧。

千峯爭攢叢。萬壑絕凌歷。緬彼鶴上仙。去無雲中跡。

長松入霄漢。遠望不盈尺。山花異人間。五月雪中白。

終當遇安期。於此鍊玉液。

朝飲王母池。暝投天門闕。獨抱綠綺琴。夜行青山月。

山明月露白。夜靜松風歇。仙人遊碧峯。處處笙歌發。

寂聽清輝玉。真連翠微想。像鸞鳳舞。飄飄龍虎衣。

捫天摘匏瓜。恍惚不憶歸。舉手弄清淺。誤攀織女機。  
明晨坐相失。但見五雲飛。

與南陵常贊府遊五松山

山有古精舍

安石泛溟渤。獨嘯長風還。逸韻動海上。高情出人間。  
靈異可並跡。澹然與世閑。我來五松下。置酒窮躋攀。  
徵古絕遺老。因名五松山。五松何清幽。勝境美沃洲。  
蕭颯鳴洞壑。終年風雨秋。響入百泉去。聽如三峽流。  
剪竹掃天花。且從傲吏遊。龍堂若可想。吾欲歸精修。

春陪商州裴使君遊石峽溪

時欲東歸遂有此贈

裴公有仙標。拔俗數千丈。澹蕩滄洲雲。飄飄紫霞想。

剖竹商洛間。政成心已閑。蕭條出世表。冥寂閉玄關。  
我來屬芳節。解纜相悅。褰帷對雲峯。揚袂指松雪。  
暫出東城邊。遂游西巖前。橫天聳翠壁。噴壑鳴江作。  
紅泉尋幽殊未歸。愛此春光發。溪傍饒名花。石上有  
好月。命駕歸去才。露華生綠苔。淹留惜將晚。復聽清  
猿哀。清猿斷人腸。游子思故鄉。明發首東路。此歡焉  
可忘。

金陵鳳皇臺置酒

置酒延落景。金陵鳳皇臺。長波寫萬古。心與雲俱開。  
借問徃昔時。鳳皇為誰來。鳳皇去已久。正當今日迴。

明君越義軒。天老坐三台。豪士無所用。彈絃醉金罍。  
東風吹山花。安可不盡杯。六帝沒幽草。深宮真綠苔。  
置酒勿復道。歌鐘但相催。

焦香山望松寥山一作焦山香望

石壁望松寥。宛然在碧霄。安得五綵虹。架天作長橋。  
仙人如愛我。舉手來相招。

春日獨酌

我有紫霞想。緬懷滄洲間。且對一壺酒。澹然萬事閑。  
橫琴倚高松。把酒望遠山。長空去鳥沒。落日孤雲還。  
但悲光景晚。宿昔成秋顏。

對酒醉題屈突明府廳

陶令八十日。長歌歸去來。故人建昌宰。借問幾時迴。  
風落吳江雪。紛紛入酒杯。山翁今已醉。舞袖為君開。

金陵江上遇蓬池隱者時於落星石上以紫綺裘換酒為歡

心愛名山遊。身隨名山遠。羅浮麻姑臺。此去或未返。  
遇君蓬池隱。就我石上飯。空言不成歡。強笑惜日晚。  
淶水向鴈關。一作黃雲蔽龍山歎息兩客鳥。徘徊吳越間。  
一語一執手。留連夜將久。解我紫綺裘。且換金陵酒。  
酒來笑復歌。興酣樂事多。水影弄月色。清光奈愁何。  
明晨挂帆席。離恨滿滄波。

朝王歷陽不肯飲酒

地白風色寒。雪花大如手。笑殺陶淵明。不飲孟中酒。  
浪撫一張琴。虛栽五株柳。空負頭上巾。吾於爾何有。

與史郎中飲聽黃鶴樓上吹笛

一為遷客去長沙。西望長安不見家。黃鶴樓中吹玉  
笛。江城五月落梅花。

對酒

勸君莫拒盃。春風笑人來。桃李如舊識。傾花向我開。  
流鶯啼碧樹。明月窺金罍。昨來朱顏子。今日白髮催。  
棘生石虎殿。鹿走姑蘇臺。自古帝王宅。城闕閉黃埃。

君若不飲酒。昔人安在哉。

同友人舟行遊台越作

楚臣傷江楓。謝客拾海月。懷沙去瀟湘。挂席泛溟渤。  
蹇予訪前跡。獨往造窮髮。古人不可攀。去若浮雲沒。  
願言弄倒景。從此鍊真骨。華頂窺絕冥。蓬壺望超忽。  
不知青春度。但怪綠芳歇。空持釣鼇心。從此謝魏闕。

遊水西簡鄭明府

天宮水西寺。雲錦照東郭。清湍鳴迴溪。綠水繞飛閣。  
涼風日瀟洒。幽客時憇泊。五月思貂裘。謂言秋霜落。  
石蘿引古蔓。岸筍開新籜。吟翫空復情。相思爾佳作。

鄭公詩人秀逸韻宏寥廓何當一來遊  
山諾  
我雪

九日

今日雲景好水綠秋山明  
攜壺酌流霞  
寒菊泛寒榮  
地遠松石古  
風揚絃管清  
窺觴照歡顏  
獨笑還自傾  
落帽醉山月  
空歌懷友生

九月十日即事

昨日登高罷  
今朝更舉觴  
菊花何太苦  
遭此雨重陽

九日登山

淵明歸去來不與世相逐  
爲無杯中物  
遂偶本州牧  
因招白衣人  
笑酌黃花菊  
我來不得意  
虛過重陽時  
題輿何俊發  
遂結城南期  
築土按響山  
俯臨遠水湄  
胡人叫玉笛  
越女彈霜絲  
自作英王冑  
斯樂不可窺  
赤鯉湧琴高  
白龜道冰夷  
靈僊如彷彿  
莫辭遙相知  
古來登高人  
今復幾人在  
滄洲違宿諾  
明日猶可待  
連山似驚波  
合沓出溟海  
揚袂揮四座  
酩酊安所知  
齊歌送清揚  
起舞亂參差  
賓隨落葉散  
帽逐秋風吹  
別後登此臺  
願言長相思

秋夜與劉陽山泛宴喜亭池

明宰試舟楫。張燈宴華池。文招梁苑客。歌動郢中兒。月色望不盡。空天交相宜。令人欲泛海。只待長風吹。

泛沔州城南郎官湖

序載二十八卷

張公多逸興。共泛沔城隅。當時秋月好。不減武昌都。四坐醉清光。為歡古來無。郎官愛此水。因號郎官湖。風流若未減。名與此山俱。

李翰林集卷第十八

李翰林集卷第十九

翰林供奉李白

雜詠

望廬山瀑布水二首

自溧水道哭王夷三首

朝魯儒

白帝下江陵

懼讒

巫山枕障

口號吳王舞人半醉

魯東門觀劉蒲



望廬山五老峯

宿巫山下

過彭蠡湖

宣城見杜鵑花

白田馬上聞鴛鴦

宿鰕湖

宿五松山下荀媪家

哭宣城善釀紀叟

紫藤樹

杜陵絕句

觀放白鷹

哭吳御史衡

白鷺鷥

下涇縣陵陽溪至遊灘

宣城哭蔣徵君華

秋下荊門

下陵陽沿高溪三門六刺灘

聽蜀僧濬彈琴

魯東門泛舟二首

宣城青溪二首

遊秋浦白筍陂二首

廬江主人婦

獨坐敬亭山

陪從祖濟南太守泛鵲山湖三首

遊南陽清冷泉

陪族叔刑部侍郎曄及中書賈舍人至遊洞庭

五首

鸚鵡洲

青溪半夜聞笛

望天門山

登太白峯

與謝良輔遊涇川陵巖寺

嵩山採菖蒲者

觀獵

軍行

觀胡人吹笛

早望海邊霞

夏日山中

山中與幽人對酌

與道者談玄作

春日醉起言志

上三峽

金陵聽韓侍御吹笛

與賈舍人於龍興寺剪落梧桐枝望滬湖

流夜郎聞酺不預

流夜郎題葵葉

見野草中有名白頭翁者

金陵新亭

從軍行

三五七言

雜詩

放後遇恩不露

題隨州紫陽先生壁

題元丹丘潁陽山居

洗脚亭

勞勞亭

題元丹丘山居

題高山逸人元丹丘山居

改九子山爲九華山聯句

觀博平王志安少府山水粉圖

瑩禪師房觀山海圖

詠槿二首

白胡桃

題雍丘崔明府丹竈

求崔山人百丈崖瀑布圖

觀元丹丘坐巫山屏風

望廬山瀑布水二首

西登香爐峯。南見瀑布水。挂流三百丈。噴壑數千里。  
歛如飛電來。隱若白虹起。初驚河漢落。半灑雲天裏。  
仰觀勢轉雄。壯哉造化功。海風吹不斷。江月照還空。  
空中亂淩射。左右洗青壁。飛珠散輕霞。流沫拂一作  
穹石而我遊。名山對之心。益閑無論漱瓊液。且得洗  
塵顏。一本無且詣宿所好永願辭人間此二句  
日照香爐生紫烟。遙看瀑布挂長川。飛流直下三千  
尺。疑是銀河落九天。

自溧水道哭王炎三首

宣州作

白楊雙行行。白馬悲路傍。晨興見曉月。更似發雲陽。  
溧水通吳關。逝川去未央。故人萬化盡。閉骨茅山崗。  
天上墜玉棺。泉中掩龍章。名飛日月上。義與風雲翔。  
逸氣竟莫展。英圖俄大傷。楚國一老人。來嗟龔勝亡。  
有言不可道。雪泣惜蘭芳。

王公希代寶。棄世一何早。弔死不及哀。殯宮已秋草。  
悲來欲脫劍。挂向何枝好。哭向茅山雖未摧。一生淚  
盡丹陽道。

王家碧瑤樹。一樹忽先摧。海內故人泣。天涯弔鶴來。  
未成霖雨用。先失濟川材。一罷廣陵散。鳴琴更不開。

嘲魯儒

魯叟談五經。白髮死章句。問以經濟策。茫如墜煙霧。  
足著遠遊履。首戴方頂一作頭巾。緩步從直道。未行先  
起塵。秦家丞相府。不重褒衣人。君非叔孫通。與我本  
殊倫。時事且未達。歸耕汶水濱。

白帝下江陵

朝辭白帝彩雲間。千里江陵一日還。兩岸猿聲啼不  
盡。須臾過却萬重山。

懼讒

二桃殺三士。詐假劍如霜。眾女妬蛾眉。雙花竟春芳。

魏姝信鄭襄。掩袂對懷王。一惑巧言子。未顏成死一作  
嶺。行將泣團扇。戚戚愁入腸。

巫山枕障

巫山枕障畫高立。白帝城邊樹色秋。朝雲夜入無行  
處。巴水橫天更不流。

口號吳王舞人半醉

風動荷花水殿香。姑蘇臺上宴吳王。西施醉舞嬌無  
力。笑倚東窗白玉牀。

魯東門觀刈蒲

魯國寒事早。初霜刈渚蒲。揮鎌若轉月。拂水生連珠。

此草最可珍。何必貴龍鬚。織作玉牀席。欣承清夜娛。  
羅衣能再拂。不羨素塵燕。

望廬山五老峯

廬山東南五老峯。青天削出金芙蓉。九江秀色可攬  
結。吾將此地築雲松。

宿巫山下

昨夜巫山下。猿聲夢裏長。桃花飛渌水。三月下瞿塘。  
雨色風吹去。南行拂楚王。高丘懷宋玉。訪古一嚮裳。

過彭蠡湖

謝公入彭蠡。因此遊松門。余方窺石鏡。兼得窮江源。

前賞迹可見。後來道空存。而欲繼風雅。豈唯清心魂。  
雲海方助興。波濤何足論。清漳憶遙月。綠蘿愁舊椽。  
水碧或可採。金膏祕莫言。余將振衣去。羽化出羸煩。

宣城見杜鵑花

蜀國曾聞子規鳥。宣城還見杜鵑花。一叫一迴腸一斷。春三月憶三巴。

白田馬上聞鶯

黃鸝啄紫椹。五月鳴桑枝。我行不記日。誤作陽春時。  
老客未歸。白田已縹絲。驅馬又前去。捫心空自悲。

宿鰲湖

雞鳴發黃山。曉投鰲湖宿。白雨映寒山。森森似銀竹。  
提攜採斲客。結荷水邊沐。半夜四天開。星河爛人目。  
明晨大樓去。崗隴多屈伏。當與持斧翁。前溪伐雲木。  
宿五松山下荀媪家

哭宣城善釀紀叟

我宿五松下。寂寥無所歡。田家秋作苦。鄰女夜春寒。  
跪進凋胡飯。月光明素盤。令人慙漂母。三謝不能餐。  
紀叟黃泉裏。還應釀老春。夜臺無曉日。沽酒與何人。

紫藤樹

紫藤挂雲木。花蔓宜陽春。密葉隱歌鳥。香風留美人。

杜陵絕句

南登杜陵上。北望五陵間。秋水明落日。流光滅遠山。

觀放白鷹二首

八月遼風高。胡鷹白錦毛。孤飛一片雪。百里見秋毫。  
冬名十二月。蒼鷹八九毛。寄言燕雀莫相掉。自有雲霄萬里高。

天泥卸銜

日本泥卸辭帝都。征帆一片遶蓬壺。明月不歸沉碧海。白雲愁色滿蒼梧。

白鷺鷥

白鷺下秋水。孤飛如墜霜。心閑且未去。獨立沙洲傍。

下涇縣陵陽溪至澀灘宣州作

澀灘鳴嘈嘈。兩山足猿狖。白波若卷雪。側石不容舳。  
漁人與舟人。擘折萬張篙。

宣城哭蔣徵君華

敬亭埋玉樹。知是蔣徵君。安得相如卓。仍餘封禪文。  
池臺空有月。詞賦舊凌雲。獨柱延陵劍。千秋在古墳。

秋下荆門

霜落荆門江樹空。布帆無恙挂秋風。此行不為鱸魚

贈自愛名山入剡中

下陵陽。沿高溪。三門六刺灘。

三門橫峻灘。六刺走波瀾。石驚虎伏起。水狀龍縈盤。何慙七里瀨。使我欲垂竿。

聽蜀僧濬彈琴

蜀僧抱綠綺。西下峨眉峰。為我一揮手。如聽萬壑松。客心洗流水。餘響入霜鐘。不覺碧山暮。秋雲暗幾重。

魯東門泛舟二首

日落沙明天倒開。波搖石動水縈迴。輕舟泛月尋溪轉。疑是山陰雪後來。

水作青龍盤石堤。桃花夾岸魯門西。若教月下乘舟去。何啻風流到剡溪。

宣城青溪二首

青溪清我心。水色異諸水。借問新安江。見底何如此。人行明鏡中。鳥度屏風裏。向晚猩猩啼。空悲遠遊子。青溪勝桐廬。水木有佳色。山覓日高古。石容天傾側。綠鳥昔未名。白猿初相識。不見同懷人。對之空歎息。

游秋浦白竒陂二首

何處夜行好。月明白竒陂。山光搖積雪。猿影挂寒枝。但恐佳景晚。小令歸棹移。人來有清興。及此有相思。



白倚夜長嘯。爽然溪谷寒。魚龍動陂水。處處生波瀾。  
天借一明月。飛來碧雲端。故鄉不可見。腸斷正西看。

○廬江主人婦

孔雀東飛何處栖。廬江小吏仲卿妻。爲客裁縫君自  
見。城烏獨宿夜空啼。

獨坐敬亭山

衆鳥忽一作高飛盡。孤雲獨去閑。相看兩不厭。只有敬亭山。

陪從祖濟南太守泛鵲山湖三首

初謂鵲山近。寧知湖水遙。此行殊訪戴。自可緩歸橈。

又

湖闊數千里。湖光猶碧山。湖西正有月。獨送李膺還。

又

水入北湖去。舟從南浦迴。遙看鵲山轉。却似送人來。

遊南陽清冷泉

惜彼落日暮。愛此寒泉清。西輝逐流水。蕩漾遊子情。  
空歌望雲月。曲盡長松聲。

陪族叔刑部侍郎擘及中書賈舍人至遊洞庭吾音

洞庭西望楚江分。水盡南天不見雲。日落長沙秋色  
遠。不知何處弔湘君。

南湖秋水夜無煙。耐可乘流直上天。且就洞庭明月

色將船買酒白雲邊

洛陽才子謫湘川。元禮同舟月下仙。記得長安還欲笑。不知何處是西天。

洞庭湖西秋月輝。瀟湘江北早鴻飛。醉客滿船歌白紵。不知霜露入秋衣。

帝子瀟湘去不還。空餘秋草洞庭間。淡拂明湖開玉鏡。丹青畫出是君山。

鸚鵡洲

鸚鵡來過吳江水。江上洲傳鸚鵡名。鸚鵡西飛隴山去。芳洲之樹何青青。煙開蘭葉香風暖。岸夾桃花錦

浪生。遷客此時徒極目。長洲孤月向誰明。

青溪半夜聞笛

羌笛梅花引。吳溪隴水清。寒山秋浦月。腸斷玉關情。

望天門山

天門中斷楚江開。碧水東流直北迴。兩岸青山相對出。孤帆一片日邊來。

登太白峰

西上太白峰。夕陽窮登攀。太白與我語。為我開天關。願乘冷風去。直出浮雲間。舉手可近月。前行若無山。一別武功去。何時復更還。

與謝良輔遊涇川陵巖寺

乘君素舸泛涇西。宛似雲門對若溪。且從康樂尋山  
水。何必東流入會稽。

嵩山採菖蒲者

神人多古貌。雙耳下垂肩。嵩岳逢漢武。疑是九疑仙。  
我來採菖蒲。服食可延年。言終忽不見。滅影入雲煙。  
喻帝竟莫悟。終歸茂陵田。

觀獵

太守耀清威。乘閒弄晚暉。江沙橫獵騎。山人遶行圍。  
箭逐雲鴻落。鷹隨月兔飛。不知白日暮。歡賞夜方歸。

軍行

騶馬新跨白玉鞍。戰罷沙場月色寒。城頭鐵鼓聲猶  
震。匣裏金刀血未乾。

觀胡人吹笛

胡人吹玉笛。一半是秦聲。十月吳山曉。梅花落故亭。  
愁聞出塞曲。淚滿逐臣纒。却望長安道。空懷戀主情。

早望海邊霞

四明三千里。朝起赤城霞。日出紅光散。分輝照雪崖。  
一嶽嘖瓊液。五內發金沙。舉手何所待。青龍白虎車。

夏日山中

懶搖白羽扇。裸袒青林中。脫巾挂石壁。露頂灑松風。

山中與幽人對酌

兩人對酌山花開。一盃一盃復一盃。我醉欲眠卿且去。明朝有意抱琴來。

與道者談玄作

茫茫大夢中。唯我獨先覺。騰轉風火來。假合作容貌。滅除昏疑盡。領略入精要。澄慮觀此身。應得通寂照。朗悟前後際。始知金仙妙。喜逢禪居人。酌玉坐相召。彼我俱若喪。雲山豈殊調。清風生虛空。明月見談笑。怡然青蓮宮。永願恣遊眺。

春日醉起言志

處世若大夢。胡爲勞其生。所以終日醉。頽然卧前楹。覺來眴庭前。一鳥花間鳴。借問此何時。春風語流鶯。感之欲歎息。對酒還自傾。浩歌待明月。曲盡已忘情。

上三峡

巫山夾青天。巴水流若茲。巴水忽可盡。青天無到時。三朝上黄牛。三暮行太遲。三朝又三暮。不覺鬢成絲。

金陵聽韓侍御吹笛

韓公吹玉笛。惆悵流英音。風吹繞鍾山。萬壑皆龍吟。王子停鳳管。師襄掩瑤琴。餘響渡江去。天涯安可尋。

與賈舍人於龍興寺剪落梧桐枝望滄湖  
剪落青梧枝。滄湖坐可窺。雨洗秋山淨。林光澹碧滋。  
水開明鏡轉。雲繞畫屏移。千古風流事。名賢共此時。  
流夜郎聞酺不預  
北闕聖人歌。太康南冠君子竄。遐荒漢酺聞奏鈞天  
樂。願得風吹到夜郎。

流夜郎題葵葉

慙君能衛足。歎一作我速移根。白日如分照。還歸守  
故園。

見詩草中有名白頭翁者

醉入田家去。行歌荒野中。一作中。如何青草裏。亦有白  
頭翁。折取對明鏡。宛將衰鬢同。微芳似相誚。流恨向  
東風。

金陵新亭

金陵風景好。豪士集新亭。舉目山河異。偏傷周顛情。  
四坐楚囚悲。不憂社稷傾。王公何慷慨。千載仰雄名。

從軍行

百戰沙場碎鐵衣。城南已合數重圍。突營射殺呼延  
將。獨領殘兵千騎歸。

三五七言

秋風清秋月明。落葉聚還散。寒鴉棲復驚。相思相見  
知何日。此時此夜難爲情。

雜詩

白日與明月。晝夜尚不閑。况爾悠悠人。安得久世間。  
傳聞海水上。乃有蓬萊山。玉樹生綠葉。靈仙每登攀。  
一食注玄髮。再食留紅顏。吾欲從此去。去之無時還。

放後遇恩不露

天作雲與雷。霈然德澤開。東風日本至。白雉越裳來。  
獨棄長沙國。三年未許回。何時入宣室。更問洛陽才。

題隨州紫陽先生壁

神農好長生。風俗久已成。復聞紫陽客。早署丹臺名。  
喘息滄妙氣。步虛吟真聲。道與古仙合。心將元化  
樓疑出蓬海。鶴似飛玉京。松雪牕外曉。池水階下鳴。  
忽耽笙歌樂。頗失軒冕情。終願惠金液。提携凌太清。

題元丹丘穎陽山居

丹丘家于穎陽。新卜別業。其地北倚馬嶺。連峯嵩  
丘。南瞻鹿臺。極目汝海。雲巖映壑。有佳致焉。白從  
之遊。故有此作。

仙遊渡潁水。訪隱同元君。忽遺蒼生望。獨與洪崖群。  
卜地初晦跡。興言且成文。却顧北山斷。前瞻南嶺分。

遙通汝海月。不隔嵩丘雲。之子合逸趣。而我欽清芬。  
舉跡倚松石。談笑迷朝曛。益願狎青鳥。拂衣棲江濱。  
洗脚亭

勞勞亭

天下傷心處。勞勞送客亭。春風知別苦。不遣柳條青。

題元丹丘山居

故人棲東山。自愛丘壑美。青春卧空林。白日猶不起。

在別

松風清襟袖。石潭洗心耳。羨君無紛喧。高枕碧霞裏。

題嵩山逸人元丹丘山居

白久在廬霍。元公近遊嵩。山故交深情。出處無間。  
函信頻及。許為主人。欣然適會。本意當冀。長在不  
返。欲便舉家就之。兼書共遊。因有此贈。

家本紫雲山。道風未淪落。沉懷丹丘志。冲賞歸寂寞。  
竭來遊闕苑。捫涉窮禹鑿。黃緣泛潮海。偃蹇陟丘壑。  
憑雷躡天聰。弄影憇霞閣。且欣登眺美。頗憚隱淪惡。  
三山曠幽期。四岳聊所托。故人契嵩顙。高義炳丹雘。  
滅跡遺紛囂。終言本峯壑。自矜林湍好。不羨朝市樂。

偶與真意并。頓覺世情薄。爾能折芳桂。吾亦採蘭若。  
拙妻好乘鸞。嬌女愛飛鶴。捉携訪神仙。從此鍊金藥。

改九子山為九華山。聯句并序。

青陽縣南有九子山。山高數千丈。上有九峯。如蓮  
花。按圖徵名。無所依據。太史公南遊。畧而不書。事  
絕古老之口。復闕名賢之記。雖靈仙往復。而賦詠  
罕聞。予乃削其舊號。加以九華之名。時訪道江漢。  
憇于夏侯廻之堂。開簷岸幘。坐眺松雪。因與二三  
子。聯句傳之將來。  
妙有分二氣。靈山開九華。李層標過遲日。半壁明朝

在後

靄積雪。曜陰壑。飛流歛陽屋。一作堆與堆青瑩玉樹色。

縹緲羽人家。詩

觀博平王志安少府山水粉圖

粉壁為空天。丹青狀江海。游雲不知歸。日見白鷗在。  
博平真人王志安。沉吟至此願掛冠。松溪石磴帶秋  
色。愁客思歸坐曉寒。

瑩禪師房觀山海圖

真僧閉精宇。滅跡含達觀。列障圖雲山。攢峯入霄漢。  
丹崖森在目。清晝疑卷幔。蓬壺來軒牕。瀛海入几案。  
煙濤爭噴薄。島嶼相凌亂。征帆飄空中。瀑水洒天半。



崢嶸若可陟。想像徒盈羹。香與真心冥。遂諧靜者競。  
如登赤城裏。揭步滄洲畔。即事能娛人。從茲得消散。

詠槿二首

園花笑芳年。池草艷春色。猶不如槿花。嬋娟玉階側。  
芬榮何天促。零落在瞬息。豈若瓊樹枝。終歲長翕絕。  
世人種桃李。皆在金張門。攀折爭捷徑。及此春風暄。  
一朝天霜下。榮耀難久存。安知南山桂。綠葉垂芳根。  
清陰亦可託。何惜樹君園。

白胡桃

紅羅袖裏分明見。白玉盤中看却無疑。是老僧休念

誦腕前推下水晶珠。

題雍丘崔明府丹竈

美人爲政本忘機。服藥求仙事不違。葉縣已泥丹竈。  
畢瀛洲當伴赤松歸。先師有訣神將助。大聖無心火  
自飛。九轉但能生羽翼。離身忽去定何依。

永崔山人百丈崖瀑布圖

百丈素崖裂。四山丹壁開。龍潭中噴射。晝夜生風雷。  
但見瀑泉落。如滾雲漢來。聞君寫真圖。島嶼備榮迴。  
石黛刷幽草。曾青澤古苔。幽絨儻相傳。何必向天台。

觀元丹丘坐巫山屏風

昔遊三峽見巫山。見畫巫山宛相似。疑是天邊十二  
峯。飛入君家綵屏裏。寒松蕭颯如有聲。陽臺微茫如  
有情。錦衾瑤席何寂寂。楚王神女徒盈盈。高咫尺如  
千里。翠屏丹崖粲如綺。蒼蒼遠樹圍荆門。歷歷行舟  
泛巴水。水石潺湲萬壑分。煙光草色俱氤氛。溪花笑  
日何年發。江客聽猿幾歲聞。使人對此心緬邈。疑入  
嵩丘夢綵雲。

李翰林集卷第十九

李翰林集卷第二十

翰林供奉李白

閨情

寄遠十二首

長信宮


長門怨

示金陵女子

自代內贈

春怨

代贈遠



南流夜郎寄內

陌上贈美人

閨情

代別情人

代秋情

對酒

怨情

秋浦寄內

秋浦感主人歸鷺寄內

在潯陽非所寄內

送內尋廬山女道士李騰空二首

別內三首

湖邊採蓮婦

怨情

長門怨

笑歌行

草書歌行

代美人愁鏡二首

出效金陵子呈盧六四首

贈段七娘

巴女詞

越女詞五首

浣沙石上女

代寄情人楚詞體

悲歌行

姑熟十詠

贈內

折荷有贈

寄遠十二首

三鳥別玉母。銜書來相見。一作過腸斷若剪絃。其如愁

思何。此一本無遙知玉窻裏。織手弄雲和奏曲。有深意。

青松交女蘿。寫水落井中。同泉豈殊波。秦心與楚恨。

皎皎為誰多。

青樓何所在。乃在碧雲中。寶鏡挂秋水。羅衣輕春風。

新妝坐落日。悵望金屏空。念此送短書。願因雙飛鴻。

一本青樓何所在作一首

遠憶巫山陽。花明渌江暖。躊躇未得往。淚向南雲滿。春

風復無情。吹我夢魂斷。不見眼中人。天長音信短。

本作一行書。慙慙坐道。一作相憶一行復一行。滿紙情

何極。瑤臺有黃鶴。一作青樓人朱顏凋落盡。白髮一

何新。自知未應還。一作才離居經三春。桃李今若為

當窻發光彩。莫使香風飄。留與紅芳待。

玉筋落春鏡。坐愁湖陽水。聞與陰麗華。風煙接鄰里。

青春已復過。白日忽相催。但恐荷花晚。令人意已摧。

相思不惜夢。日夜向陽臺。

陽臺隔楚水。春草生黃河。相思無日夜。浩蕩若流。

一作深波流深一作波向海去欲見終無因遙將持一作一點

淚。遠寄如花人。

妾在春陵東。君居漢江島。百里望花光。往來成白道。  
一爲雲雨別。此地生秋草。秋草秋蛾飛。相思愁落暉。  
何由一相見。滅燭解羅衣。

憶昨東園桃李花。一作碧枝與君此時初別離。金

瓶落井無消息。令人行歎復坐思。一本無下行

歎成楚越。春風玉顏畏銷歇。一本云楚越碧窓紛紛

下落花青樓寂寂。空明月兩不見。但相思空留。一本

字錦字表心素至今緘愁不忍窺

長短春草綠。綠階如有情。卷蕊心獨苦。抽却死還生。

觀物知妾意。希君種後庭。閑時常採掇。念此莫相

輕。

魯縞如玉霜。筆頭支書寄書白鸚鵡西海慰辭石。

行數雖不多。字字有委曲。天末如見之。開緘淚相續。

淚盡恨轉深。千里同此心。相思千萬里。一書直千金。

美人在時花滿堂。美人去後餘空牀。牀中繡被卷不

寢。至今三載聞餘香。香亦竟不滅。人亦竟不來。相思

黃葉盡。白露濕青苔。

愛君芙蓉嬋娟之艷色。若可渝兮難再得。憐君冰玉

清迥之明心。情不極兮意已深。朝共琅玕之綺食。夜

同鴛鴦之錦衾。恩情婉孌一本無忽為別使人莫錯

亂愁心。亂愁心。涕如雪。寒燈厭夢魂欲絕。覺來相思  
生白髮。盈盈漢水若可越。可惜凌波步羅襪。美人美  
人兮歸去來。莫作朝雲暮雨飛陽臺。

長信宮

月皎昭陽殿。霜清長信宮。天行乘玉輦。飛鷲與君同。  
更有歡娛處。承恩樂未窮。誰憐團扇妾。獨坐怨秋風。

長門怨

天迴北斗挂西樓。金屋無人螢火流。月光欲到長門  
殿。別作深深一作官一段愁。

示金陵女子

金陵城東誰家子。竊聽琴聲碧窻裏。落花一片天上  
來。隨人直渡西江水。楚歌吳語嬌不成。似能未能最  
有情。謝公正要東山妓。攜手林泉處處行。

自代內贈

寶刀截一作裁流水。無有斷絕時。妾意逐君行。纏綿亦  
如之。別來門前草。春盡秋一作春轉碧。掃盡還更生。  
萋萋滿行跡。鳴鳳始相一作何得。雄鷲各飛遊。雲落  
何山一往不見歸。估客發大樓。知君在秋浦。梁苑空  
錦衾。陽臺夢行雨。妾家三作相。失勢去西秦。猶有舊  
歌管。淒清聞四鄰。曲度入紫雲。啼無眼中人。女弟爭

笑弄悲羞淚盈巾。此一本無妾似井底桃。開花向誰笑。  
君如天上月。不肯一迴照。窺鏡不自識。別多憔悴深。  
安得秦吉了。為人道寸心。

春怨

白馬金羈遼海東。羅帷繡被卧春風。落月低軒窺燭  
盡。飛花入戶笑牀空。

代贈遠

妾本洛陽人。狂夫陰一作燕客渴飲易水波。由來多  
感激。胡馬西北馳。香駿一作搖綠絲。鳴鞭從此去。逐  
虜蕩邊陲。昔去有好言。不言久離別。燕支多美女。走

馬輕風雪。見此不記人。恩情雲雨絕。帝流玉筋盡。坐  
恨金閨切。織錦作短書。腸隨迴紋結。相思欲有寄。恐  
君不見察。焚之揚其灰。手跡自此滅。

南流夜郎寄內

夜郎天外怨離居。明月樓中音信疎。北鴈春歸看欲  
盡。南來不得豫章書。

陌上贈美人

駿馬驕行蹋落花。垂鞭直拂五雲車。美人一笑褰珠  
箔。遙指紅樓是妾家。

閨情



流水去絕國。浮雲辭故關。水或戀前浦。雲猶歸舊山。  
恨君流一作龍沙去。棄妾漁陽間。玉筋夜垂一作日夜流。雙  
雙落朱顏。黃鳥坐相悲。綠楊誰更攀。織錦心草草。挑  
燈淚斑斑。窺鏡不自識。况乃狂夫還。

代別情人

清水本不動。桃花發岸傍。桃花弄水色。波蕩搖春光。  
我悅子容豔。子傾我文章。風吹綠琴去。曲度紫鴛鴦。  
昔作一水魚。今成兩枝鳥。哀哀長雞鳴。夜夜達五曉。  
起折相思樹。歸贈知寸心。覆水不可收。行雲難重尋。  
天涯有度鳥。莫絕瑤華音。

代秋情

幾日相別離。門前生穠葵。寒蟬聒梧桐。日夕長鳴悲。  
白露濕螢火。清霜零兔絲。空掩紫羅袂。一作空閨長  
啼無盡時。

對酒

蒲萄酒。金叵羅。吳姬十五細馬馱。青黛畫眉紅錦靴。  
道字不正嬌唱歌。玳瑁筵中一作上懷裏醉芙蓉。帳底  
奈君何。

怨情

新人如花雖可寵。故人似玉猶來重。花性飄揚不自

持玉心皎潔終不移故人昔新今尚故還見新人有  
故時請看陳后黃金屋寂寂珠簾生網絲

秋浦寄內

我今尋陽去辭家千里餘結荷倦一作水宿却寄大  
雷書雖不同辛苦愴離各自居我自入秋浦三年北  
信疎紅顏愁落盡白髮不能除有客自梁苑手攜五  
色魚開魚得錦字歸問我何如江山雖道阻意合不  
為殊

秋浦感主人歸鵲寄內

霜朽楚關木始知殺氣嚴寥寥金天廓婉婉綠紅潛

胡鷺別主人雙雙前簷三飛四迴顧欲去復相瞻  
豈不戀華屋終然謝珠簾我不及此鳥遠行歲已淹  
寄書道中歎淚下不能緘

在潯陽非所寄內

聞難知慟哭行啼入府中多君同蔡琰流淚請曹公  
知登吳章嶺昔與死無分崎嶇行石道外折入青雲  
相見若悲歎哀聲那可聞

送內尋廬山女道士李騰空二首

君尋騰空子應到碧山家水春雲母碓風拂石楠花  
若戀幽居好相邀弄紫霞

多君相門女。學道愛神仙。素手鞠青靄。羅衣曳紫煙。  
一往屏風疊。乘鸞著玉鞭。

別內三首

王命三徵去未還。明朝離別出吳關。白玉高樓看不  
見。相思須上望夫山。

出門妻子強牽衣。問我西行幾日歸。時儻佩黃金  
印。莫見蘇秦不下機。

翡翠爲樓金作梯。誰人獨宿倚門啼。夜泣一作寒燈  
連曉月。行行淚盡楚關西。

巴女詞

巴水急如箭。巴船去若飛。十月三千里。郎行幾歲歸。

湖邊採蓮婦

小姑織白紵。未解將人語。大嫂採芙蓉。溪湖千萬重。  
長兄行不在。莫使外人逢。願學秋胡婦。貞心比古松。

越女詞五首

長干吳兒女。眉目艷星月。履上足如霜。不著鴟頭襪。

又

吳兒多白皙。好爲蕩舟劇。賣眼擲春心。折花調行客。

又

耶溪採蓮女。見客棹歌迴。笑入荷花去。佯羞不出一作

青來

東陽素足女。會稽素舸郎。相看月未墮。白地斷肝腸。

又

鏡湖水如月。耶溪女如雪。新妝蕩新波。光景兩奇絕。

怨情

美人卷珠簾。深坐顰蛾眉。但見淚痕濕。不知心恨誰。

浣沙石上女

玉面耶溪女。青蛾紅粉妝。一雙金齒屐。兩足白如霜。

長門怨

桂殿長愁不記春。黃金四屋起秋塵。夜懸明鏡青天

上。獨照長門宮裏人。

代寄情人楚詞體

君不來兮。徒蓄怨積思而孤吟。雲陽一去。已遠隔巫山。淥水之沈沈。留餘香兮。深繡被。夜欲寢兮。愁人心。朝馳余馬於青樓。恍若空而夷猶。浮雲深兮。不得語。却惆悵而懷憂。使青鳥兮銜書。恨獨宿兮。傷離居。何無情而兩絕。夢雖往而交疎。橫流涕而長嗟。折芳洲之瑤華。送飛鳥以極目。怨夕陽之西斜。願為連根同死之秋草。不作飛空之落花。

笑歌行

天寶羊中作

笑矣乎笑矣乎。君不見曲如鉤。古人知爾封公侯。君  
不見直如絃。古人知爾死道邊。張儀所以只掉三寸  
舌。蘇秦所以不墾二頃田。笑矣乎笑矣乎。君不見滄  
浪老人歌一曲。還道滄浪濯吾足。平生不解謀此身。  
虛作離騷遣人讀。笑矣乎笑矣乎。趙有豫讓楚屈平。  
賣身買得千年名。巢由洗耳有何益。夷齊餓死終無  
成。若愛身後名。我愛眼前酒。飲酒眼前樂。虛名何處  
有。男兒窮通當有時。曲腰向君君不知。猛虎不看机  
上肉。洪爐不鑄囊中錐。笑矣乎笑矣乎。審武子未買  
臣。卽角行歌背負薪。今日逢君君不識。豈得不如佯狂人。

悲歌行

悲來乎悲來乎。主人有酒且莫斟。聽我一曲悲來吟。  
悲來不吟還不笑。天下無人知我心。君有數斗酒。我  
有三尺琴。琴鳴酒樂兩相得。一杯不啻千鈞金。悲來  
乎悲來乎。天雖長地雖久。金玉滿堂應不守。富貴百  
年能幾何。死生一度人皆有。孤猿坐啼墳上月。且須  
一盡杯中酒。悲來乎悲來乎。鳳鳥不至河無圖。微子  
去之箕子奴。漢帝不憶李將軍。楚王放却屈大夫。悲  
來乎悲來乎。秦家李斯早追悔。虛名撥向身之外。范  
子何曾愛五湖。功成名遂身自退。劔是一夫用。書能

知姓名惠施不肯千萬乘。卜式未必窮一經。還須黑頭取方伯。莫謾白首爲儒生。

草書歌行

少年上人號懷素。草書天下稱獨步。墨池飛出北溟魚。筆鋒殺盡中山兔。八月九月天氣涼。酒徒辭客滿高堂。戕麻素絹排數箱。宣州石硯墨色光。吾師醉後倚繩牀。須臾掃盡數千張。飄風驟雨驚颯颯。落花飛雪何茫茫。起來向壁不停手。一行數字大如斗。恍恍如聞神鬼驚。時時只見龍蛇走。左盤右感如驚電。狀同楚漢相攻戰。湖南七郡凡幾家。家家屏障書題遍。

王逸少張伯英。幾許浪得名。張顛老死不足數。我師此義不師古。古來萬事貴天生。何必要公孫大娘渾脫舞。

東坡先生云。太白集中有悲來乎笑矣乎及贈懷素草書數詩。決非太白作。蓋唐末五代間。學貫休齊己輩詩也。余舊在富陽。見國清院太白詩絕。凡近過彭澤唐興院。又見亦非是。良由太白豪俊。語不甚擇。集中往往有臨時卒然之句。故使妄庸敢爾。若杜子美。豈復有偽撰者耶。

姑孰十詠

姑孰谿

愛此溪水閑乘流興無極漾楫怕鷗鷺垂竿待魚食  
波翻曉霞影岸疊春山色何處浣紗人紅顏未相識

丹陽湖

湖與元氣連風波浩難止天外賈客歸雲間片帆起  
龜遊蓮葉上鳥宿蘆花裏少女棹輕舟歌聲逐流水

謝公宅

青山日將暝寂寞謝公宅竹裏無人聲池中虛月白  
荒庭衰草徧廢井蒼苔積唯有清風閑時時起泉石

凌歊臺

曠望登古臺臺高極人目疊嶂列遠空雜花間平陸  
閑雲入牕牖野翠生松竹欲覽碑上文苔侵豈堪讀

桓公井

桓公名已古廢井曾未竭石甃冷蒼苔寒泉湛孤月  
秋來桐暫落春至桃還發路遠人罕窺誰能見清澈

慈姥竹

野竹橫石生含煙映江島翠色落波深虛聲帶寒早  
龍吟曾未聽鳳曲吹應好不學蒲柳凋貞心常自保

望夫山

顯望臨碧空怨情感離別江草不知愁巖花但爭發

雲山萬重隔音信千里絕。春去秋復來。相思幾時歇。

牛渚磯

絕壁臨巨川。連峯勢相向。亂石流湍間。迴波自成浪。但驚群木秀。莫測精靈狀。更聽猿夜啼。憂心醉江上。

靈墟山

丁令辭世人。拂衣向仙路。伏鍊九丹成。方隨五雲去。松蘿蔽幽洞。桃杏深隱處。不知曾化鶴。遼海歸幾度。

天門山

迥出江上山。雙峯自相對。岸映松色寒。石分浪花碎。參差遠天際。縹緲晴霞外。落日舟去遙。迴首沈青翠。

東坡先生云舟次姑孰堂下讀姑孰十詠怪其語淺近不類太白孫逸子思云吾聞之上平南此李赤詩也赤見柳子厚集自比李白故名赤其後爲廁鬼所惑以死今觀其詩止於此而以太白自比則其人心疾已久矣豈廁鬼之罪耶

代美人愁鏡二首

明明金鵲鏡了了玉臺前。拂拭交冰月光輝何清圓。紅顏老昨日。白髮多去年。鈿粉坐相誤。照來空悽然。

美人贈此盤龍之寶鏡。燭我金縷之羅衣。時將



紅袖拂明月。爲惜普照之餘輝。影中金鵲飛不滅。臺下青鸞思獨絕。藁砧一別若箭弦。去有日來無年。狂風吹却妾心斷。玉筋并墮菱花前。

贈內

三百六十日。日日醉如泥。雖爲李白婦。何異太常妻。出妓金陵子。呈盧六四首。

安石東山三十春。傲然携妓出風塵。樓中見我金陵子。何似陽臺雲雨人。

南國新豐酒。東山小妓歌。對君君不樂。花有柰愁何。

東道煙霞主。西江詩酒筵。相逢不覺醉。日墮歷

陽川。

小妓金陵歌楚聲。家僮丹砂學鳳鳴。我亦爲君飲清酒。君心不肯向人傾。

贈段七娘


羅襪凌波生網塵。那能得計訪情親。千杯綠酒何辭醉。一面紅裝惱殺人。

折荷有贈

涉江翫秋水。愛此紅蕖鮮。攀荷弄其珠。蕩漾不成圓。佳人綵雲裏。欲贈隔遠天。相思無因見。悵

望涼風節

李翰林集卷第二十



國家圖書館, NATIONAL CENTRAL LIBRARY, TAIWAN, R.O.C.

李翰林集卷第二十一

翰林供奉李白

古賦

大鵬賦

擬恨賦

惜餘春賦

愁陽春賦

悲清秋賦

劔閣賦

明堂賦



大獵賦

大鵬賦 并序

余昔於江陵見天台司馬子微謂余有仙風道骨可與神遊八極之表因著大鵬遇希有鳥賦以自廣此賦已傳于世往往人間見之悔其少作未窮宏遠之音中年棄之及讀晉書觀阮宣子大鵬讚鄙心陋之遂更記憶多將舊本不同今腹存手集豈敢傳諸作者庶可示之子弟而已其辭曰

南華老仙發天機於漆園吐崢嶸之高論開浩蕩之奇言徵至怪于齊諧談北溟之有魚莫知其幾千里

其名曰鯤化成大鵬質凝胚渾脫鬚鬣於海島張羽

毛於天門刷渤澥之春流晞扶桑之朝暾烜赫乎宇

宙憑凌乎崑崙一鼓一舞煙蒙沙昏五嶽為之震蕩

百川為之崩奔爾一本無此字乃蹶厚地揭太清三層霄

突重溟激三千以崛起向九萬而迅征背業太山之

崔嵬翼舉長雲之縱橫左迴右旋倏陰忽明歷汗

漫以天矯駉閭闔之崢嶸簸鴻蒙扇雷霆斗轉而

天動山搖而海傾怒無所搏雄無所爭固可想像

其勢鬚鬣其形若乃足縈虹蜺目耀日月連軒杳

拖揮霍翕忽噴氣則六合生雲灑毛則千里飛雪

邈彼北荒將窮南圖運逸翰以傍擊鼓奔馳而長驅  
燭龍銜光以照物列缺施鞭而啓途魂視三山杯看  
五湖其動也神應其行也道俱任公見之而罷釣有  
窮不敢以彎弧莫不投竿失鏃仰之長吁爾其雄姿  
壯觀映背一作河漢上摩蒼蒼下覆漫漫盤古開天  
而直視羲和倚日以傍歎續紛乎八荒之間掩映  
乎四海之半當宵臆之掩畫若混茫之未判忽騰  
覆以迴轉則霞廓而霧散然後六月一息至于海  
湄歛翳景以橫翳一作逆高天而下垂總乎決濟之  
野入乎汪洋之池猛勢所射餘風所吹溟漲沸渭巖

巒紛披天吳爲之怵慄海若爲之躩踞巨鼇冠山而  
却走長鯨騰海而下馳縮殼挫鬣莫之敢窺吾亦  
不測其神怪而若此蓋乃造化之所爲豈比夫蓬  
萊之黃鵠誇金衣與菊裳耻蒼梧之玄鳳耀綵質與  
錦章既服御於靈仙久馴擾於池隍精衛勤苦一作  
於銜木鷄鷓悲愁乎薦觴天雞警曉于一作蟠桃一作  
烏晰耀于一作太陽不曠蕩而縱適何拘攣而守常  
未若茲鵬之道遙無厭類乎比方不矜大而暴猛每  
順時而行藏參玄根以比壽飲元氣以爲觴一作戲  
賜谷而徘徊馮炎洲而抑揚俄而希有鳥見謂之曰

偉哉鵬乎。此之樂也。吾右翼掩乎西極。左翼蔽乎東  
荒。跨躡地絡。周旋天網。以恍惚為巢。以虛無為場。我  
呼爾遊。爾呼我翔。於一作是乎大鵬許之。欣然相隨。  
此二禽已登於寥廓。而斥鷃之輩。空見笑于一作於藩籬。

擬恨賦

晨登太山。一望萬里。松楸骨寒。草宿墳毀。浮生可嗟。  
大運同此。於是僕本壯夫。慷慨不歇。仰思前賢。飲恨  
而歿。昔如漢祖龍躍。群雄競奔。提劍叱咤。拍麾中原。  
東馳渤海。西漂崑崙。斷蛇奮怒。掃清國步。握瑤圖而

倏昇。登紫壇而雄顧。一朝長辭。天下縞素。若乃項王  
虎鬪。白日爭輝。拔山力盡。蓋世心微。聞楚歌之四合。  
知漢卒之重圍。帳中劍舞。泣挫雄威。雖兮不逝。喑鳴  
何歸。至如荆卿入秦。直度易水。長虹貫日。寒風颯起。  
遠辭始皇。擬報太子。奇謀不成。憤惋而死。若夫陳  
后失寵。長門掩扉。日冷金殿。霜淒錦衣。春草罷綠。  
秋螢亂飛。恨桃李之委絕。思君王之有違。昔者屈原  
既放。遷於湘流。心死舊楚。魂飛長楸。聽江楓之嫋嫋。  
聞嶺狖之啾啾。永埋骨於淶水。怨懷王之不收。及夫  
李斯受戮。神氣黯然。左右垂泣。精魂動天。執愛子以

長別歎黃犬之無緣。或有從軍永決去國長違。天涯  
遷客海外思歸。此人忽見愁雲蔽日。目斷心飛。莫  
不攢眉痛骨。投淚一作霑衣。若乃錯繡轂。填金門。  
煙塵曉杳。歌鐘晝誼。亦復星沈電滅。閉影潛魂。已矣  
哉。桂華滿兮明月輝。扶桑曉兮白日飛。玉顏滅兮蟻  
蟻聚。碧臺空兮歌舞稀。與天道兮共盡。莫不委骨而  
同歸。

惜餘春賦

天之何爲令北斗而知春兮。迴指於東方。水蕩漾兮  
碧色。蘭葳蕤兮紅芳。試登高而望遠。極雲海之微茫。

魂一去兮欲斷。淚流頰兮成行。吟清風而詠滄浪。懷  
洞庭兮悲瀟湘。何余心之縹緲兮。與春風而飄揚。飄  
揚兮思無限。念佳期兮莫展。平原萋兮綺色。愛芳草  
兮如剪。惜餘春之將闌。每爲恨兮不淺。漢之曲兮江  
之潭。把瑤草兮思何堪。想遊女於峴北。愁帝子於湘  
南。恨無極兮心氤氳。目眇眇兮憂紛紛。披衛情於淇  
水。結楚夢於陽雲。春每歸兮花開。花已闌兮春改。歎  
長河之流速。送馳波於東海。春不留兮時已失。老衰  
颯兮逾疾。恨不得挂長繩於青天。繫此西飛之白日。  
若有人兮情相親。去南國兮往西秦。見遊絲之橫路。

網春輝以留人。沈吟兮哀歌。躑躅兮傷別。送行子之將遠。看征鴻之稍滅。醉愁心於垂楊。隨柔條以糾結。望夫君兮咨嗟。橫涕淚兮怨春華。遙寄影於明月。送夫君於天涯。

愁陽春賦

東風歸來見碧草而知春。蕩漾惚恍。何垂楊旖旎之愁人。天光清而妍和。海氣綠而芳新。綵翠兮芊眠。雲飄飄而相鮮。演漾兮黃緣。窺青苔之生泉。縹緲兮翩緜。見遊絲之縈煙。魂與此兮俱斷。醉風光兮悽然。若乃隴水秦聲。江猿巴吟。明妃玉塞。楚客楓林。試登高而望遠。痛切骨而傷心。春心蕩兮如波。春愁亂兮如雪。兼萬情之悲歡。茲一感於芳節。若有一人兮湘水濱。隔雲霓而見無因。灑別淚於尺波。寄東流於情親。若使春光可攬而不滅兮。吾欲贈天涯之佳人。

悲清秋賦

登九疑兮望清川。見三湘之潺湲。水流寒以歸海。雲橫秋而蔽天。余以鳥道計於故鄉兮。不知去荆吳之幾千。于時西陽半規。映島欲沒。澄湖練明。遙海上月。念佳期之浩蕩。渺懷燕而望越。荷花落兮江色秋風。嫋嫋兮夜悠悠。臨窮溟以有美。思釣鼈於滄洲。無脩



竿以一舉。撫洪波而增憂。歸去來兮。人閒不可以託。些。吾將採藥於蓬丘。

劔閣賦 送友人王夷入蜀

咸陽之南直望五千里。見雲峯之崔嵬。前有劔閣橫。斷倚青天而中開。上則松風蕭颯。下有巴猿兮相哀。旁則飛湍走壑。灑石噴閣。洶湧而驚雷。送佳人兮此去。復何時兮歸來。望夫君兮安極。我沉吟兮歎息。視滄波之東注。悲白日之西匿。鴻別燕兮秋聲。雲愁秦而暝色。若明月出於劔閣兮。與君兩鄉對酒而相憶。

明堂賦 并序

昔在天皇。告成岱宗。改元乾封。經始明堂。年紀總章。時締構之未輯。痛感靈之遐邁。天后繼作。中宗成之。因兆人之子來。崇萬祀之不業。蓋天皇先天。中宗奉天。累聖纂就。鴻勳克宣。臣白美頌。恭惟述焉。其辭曰。伊皇唐之革天創元也。我高祖乃仗大順。赫然雷發。以首之。於是橫八荒。漂九陽。掃叛渙。開混茫。景星耀而太階平。虹蜺滅而日月張。欽若太宗。繼明重光。廓區宇以立極。綴蒼昊之頽綱。淳風沕穆。鴻恩滂洋。武義烜赫於有截。仁聲馭沓乎無疆。若乃高宗紹興。祐

統錫羨神休。傍臻瑞物。咸薦元符。剖兮地珍。見既應天。以順人。遂登封而降禪。將欲考有洛。崇明堂。惟厥功之未輯兮。乘白雲於帝鄉。天后勤勞輔政兮。中宗以欽明克昌。遵先軌以繼作兮。揚列聖之耿光。則使軒轅草圖。義和練日。經之營之。不練不質。因子來於四方。一作豈。彈稅於萬室。乃準水臬。攢雲標。罄玉石於隴坂。空瓌材於瀟湘。巧奪神鬼。高窮昊蒼。聽天語之察察。擬帝居之錚錚。雖暫勞而永固兮。始聖謨於我皇。觀夫明堂之宏壯也。則突兀曠曠。乍明乍蒙。太古元氣之結空。龍旋類香。若鬼若樂。似天閭地門之

開闔爾乃。劃峯嶺以嶽立。郁穹崇而鴻紛。冠百王而垂勳。燭萬像而騰文。穿惚恍以洞啓。呼嵌崕而傍分。又比乎崑山之天柱。矗九霄而垂雲。於是結構乎黃道。宕堯乎紫微。絡勾陳以繚垣。闔閭闔而啓扉。崢嶸曾疑。祭宇宙兮。光耀崔嵬。赫奕張天地之神威。夫其背泓黃河。垠瀨清洛。太行却立。通谷前廓。遠則標熊耳。以作揭。豁龍門以開關。點翠綵於洪荒。洞清陰乎群山。及乎煙雲卷舒。忽出乍沒。爰高噴伊。倚日薄月。雷霆之所鼓。蕩星斗之所伍。屹擎金龍之蟠。蜿挂天珠之肆。砥勢拔五嶽。形張四維。軋地軸以盤根。摩天

侃而創規樓臺岬岫以奔附城闕嶽一作岑而蔽虧  
珍樹翠草含華揚蕤目瑤井之熒熒拖玉繩之離離  
掇華蓋以儻濟仰太微之參差擁以禁扃橫以武庫  
獻房心而開鑿瞻少陽而舉措採殷制酌夏步雜以  
代室重屋之名括以辰次大木之數壯不及奢麗不  
及素層簷屹其霞矯廣廈鬱以雲布掩日道遏風路  
陽鳥轉影而翻飛大鵬橫霄而側度近則萬木森下  
千宮對出熠乎光碧之堂晃乎瓊華之室錦爛霞駁  
星錯波沕颯蕭寥以颼颼宵陰鬱以鬱密含佳氣之  
青葱吐祥煙之鬱律九室窈窕五闈懸懸飛楹磊砢

走橫寅緣雲楣立岌以橫綺綵楹攢樂而仰天皜辟  
畫朗朱甍晴鮮頰欄各落偃蹇霄漢翠楹迴合蟬聯  
汗漫杳蒼穹之絕琅跨皇居之太半遠而望之赫煌  
煌以輝輝忽天旋而雲昏迫而祭之祭炳煥以照爛  
候山訛而畧換跨蓬壺之海樓吞岱宗之日觀猛虎  
失道潛蚪登梯經通天而直上俯長河而復低玉女  
攀星於網戶金城納月於璇題藻井綵錯以舒蓬天  
窻施翼而銜霓扶標川而罔足擬跟絙而罷躋要離  
欵矐而外喪精視冰背而中迷亘以復道接乎宮掖  
坐入西樓寔為崑崙前疑後丞正儀躅以出入九夷

五狄順方面而來奔其左右也則丹陛岿岿彤庭煌煌列寶鼎敵金光流辟雍之滔滔像環海之湯湯闕青陽啓總章廓明臺而布玄堂儼以太廟處乎中央發號施令采時順方其闡闔也三十六戶七十二牖度筵列位西八東九白虎列序而躩踞青龍承隅而蚴蟉其深沈奧密也則赤燁掌火招拒司金靈威制陽叶光摧陰坤斗主土據乎其心若乃熠燿五色張皇萬殊人物禽獸高形異模勢若飛動瞪眄睚眦明君暗主忠臣烈夫威政興滅表賢示愚於是天正孟月朝陽登曦天子乃施蒼玉轡蒼螭臨乎青陽左簡

方御瑤瑟而彈鳴絲展乎國容輝乎皇儀傍瞻神臺順觀雲之軌俯對清廟崇配天之規欽若矜饗惟清緝熙崇牙樹羽燐煌歲黜納六服之貢受萬邦之籍張龍旗與虹旌攢金戟與玉戚延五更進百辟奉珪瓚獻琛帛顛昂俯僂儼容疊跡乃潔道醮修漆盛奠三犧薦五牲享于神靈太祝正辭庶官精誠鼓大武之隱轉張鈞天之鏗訇孤竹合奏空桑和鳴盡六變齊九成羣神來兮降明庭蓋聖主之所以孝治天下而享祀宵冥也然後臨辟雍宴群后陰陽為庖造化為宰飡元氣灑太和千里鼓舞百寮廣歌于斯之時

雲油雨霈恩鴻溶兮澤汪濊四海歸兮八荒會  
嗷聒乎區寓駢闐乎闕外群臣醉德揖讓而退而聖王猶  
夕惕若厲懼人未安乃目極于天耳下于泉飛聰馳  
明無遠不察考鬼神之奧摧陰陽之荒下明詔班舊  
章振窮乏散教倉毀玉沈珠卑宮頽牆使山澤無間  
往來相望帝躬乎天田后親於郊桑棄末反本人和  
時康建翠華兮萋萋鳴玉鑿之缺缺遊乎昇平之圃  
憩乎穆清之堂天欣欣兮瑞穰穰巡陵於鷄首之野  
講武於驪山之旁封岱宗兮祀后土掩粟陸而包陶唐遨遊  
乎崆峒之上汾水之陽吸沆瀣之精英黜滋味之馨香貴

理國其若夢幾世齊之故鄉於是元元澹然不知所  
在若群雲從龍衆水奔海此真所謂我大君登明堂  
之政化也豈比夫秦趙吳楚爭高競奢結阿房與叢  
臺建姑蘇及章華非享祀與嚴配徒掩月而凌霞由  
此觀之不足稱也况瑤臺之巨麗復安可以語哉敢  
揚國美遂作辭曰穹崇明堂倚天開兮龍從鴻蒙構  
瓌材兮偃蹇塊塏邀崔嵬兮周流辟雍爰靈臺兮赫  
奕日噴風雷宗祀盼蠶王化弘恢鎮八荒通九垓四  
門啓兮萬國來考休徵兮進賢才儼若皇居而作固  
窮千祀兮悠哉

大獵賦 并序

白以為賦者古詩之流辭欲壯麗義歸博遠不然何以光贊盛美感天動神而相如子雲競誇辭賦歷代以為文雄莫敢詆訐臣謂語其略竊或徧其用心子虛所言楚國不過千里夢澤居其大半而齊徒吞若八九三農及禽獸無息肩之地非諸侯禁淫述職之義也上林云左蒼梧右西極考其實地周袤繞經數百長楊誇胡設網為周法放麋鹿其中以搏攫充樂羽獵於靈臺之囿圍經百里而開殿門當時以為窮壯極麗迨今觀之何齷齪之甚也但王者以四海為

家萬姓為子則天之山林禽獸豈與衆庶異之而臣以為不能以六一作君示物周博平文論苑之小竊為微臣之取也今聖朝園池遐荒殫窮六合以孟冬十月大獵於秦亦將耀威講武掃天蕩野豈淫荒侈靡非一之意耶臣白作頌折中厥美其辭曰粵若皇唐之挈天地而襲氣母兮祭五葉之歲蕤惟開元廓海寓而運斗極兮摠六聖之光熙誕金德之純精兮漱玉露之華滋文章森乎七曜兮制作參乎兩儀括衆妙而為師明無幽而不燭兮澤無遠而不施慕往昔之三驅兮順生殺於四時若乃嚴冬

慘切寒氣凜冽。不周來風。玄冥掌雪。木脫葉。草解節。土囊煙陰。火井冰閉。是月也。天子處乎玄堂之中。滄八水分休百工。考王制。分導國風。樂農人之閑隙。分因校獵而講戎。乃使神兵出於九闕。天仗羅於四野。徵水衡與林虞。辨土物之衆寡。千騎馳掃。萬乘雷奔。相扶桑而拂火雲。兮。刮月窟而搜塞門。赫壯觀於今古。業搖蕩於乾坤。此其大略也。而內以中華為天心。外以窮髮為海口。豁咽喉以洞開。吞荒裔以盡取。大章按步以來往。夸父振策而奔走。足跡乎日月之所通。囊括乎陰陽之未有。君王於是撞鴻鐘。發鑿音。出

鳳闕開宸襟。駕玉輅之飛龍。歷神州之層岑。遊五柞兮。瞰三危。挾細柳兮。過上林。攢高牙以總總兮。駐華蓋之森森。於是擢倚天之劍。彎落月之弓。崑崙叱兮。可倒宇宙。噫兮。增雄河漢。為之却流。川嶽為之生風。羽旄揚兮。九天絳獵。火燃兮。千山紅。乃召蚩尤之徒。聚長戟。羅廣澤。呵雨師。走風伯。稜威耀乎雷霆。烜赫震於蠻貊。陋梁都之體制。鄙靈囿之規格。而南以衡霍作襟。北以岱恒作袂。夾東海而為澗兮。拖西溟而流津。麾九州之珍禽兮。迴千群以坐入。懸八荒之奇獸兮。屯萬族而來居。雲羅高張。天網密布。置罽繇原。

朔格掩路。蟻蜂過而猶礙。螭蟻飛而不度。彼層霄與  
冰榛。罕翔鳥與伏兔。從營合技。彌巒被崗。金戈森行。  
流精野之寒霜。虹旗電掣。卷長空之飛雪。兵際走練。  
宛馬蹀血。縈衆山之懸絲。隔遠水之明滅。使五丁摧  
翠。一夫拔木。下整高嶺。深平險谷。擺榛枯。開林叢。嗶  
嗶呷呷。盡奔突於場中。而田疆古冶之。鳴。高獲中黃  
之。黨越崢嶸。獵莽蒼。喑鳴哮。颯風旋電。往脫文豹之  
皮。抵玄熊之掌。批狡手。孫挾三挈兩。既徒搏以角力。  
又揮鋒而爭先。行魁號以鷄睨。兮氣赫火而敵煙。拳  
封。揣肘巨挺。梟羊應叱以斃。踣。禦輸亡精而墜巔。或

碎腦以折香。或。而。非。江。窮。遊。荒。蕩。林。藪。扼。土。拍。  
殪。天。狗。脫。角。犀。牙。身。口。掃。封。狐。於。千。里。拔。雄。虺。  
之。九。首。咋。騰。三。伯。吞。拖。奔。兕。以。却。走。君。王。於。是。我。  
通。天。靡。星。箭。奔。雷。車。祥。電。鞭。觀。壯。士。之。効。獲。顧。三。軍。  
而。欣。然。曰。夫。何。神。扶。鬼。標。之。駭。人。也。又。命。建。變。鼓。勵。  
武。卒。雖。躡。蹠。之。已。多。猶。勃。怒。而。未。歇。集。赤。羽。兮。照。日。  
張。烏。號。兮。滿。月。戎。車。轆。轤。以。陸。離。殼。騎。煌。煌。而。奮。發。  
鷹。天。之。所。騰。捷。飛。走。之。所。蹉。澌。攫。磨。巖。之。咆哮。蹂。豺。  
貉。以。挂。格。膏。鋒。染。鏑。填。巖。掩。窟。觀。殊。材。舉。逸。群。尚。揮。  
霍。以。出。沒。別。有。白。貂。飛。駿。窮。奇。驅。獮。牙。若。錯。劍。鬣。如。



叢竿口吞及鉞。目極滄楮。碎琅弧攫玉弩。射猛氣透  
奔虎。金鏃一發。旁疊四五。雖鑿齒磨牙而致。仇誰謂  
南山白額之足。觀揔八校。搜四隅。馳專諸。走都盧。趨  
喬林。徹絕壁。抄術。撓。獬。獨。囚。馳。脆。於。峻。崖。頓。殺。獲  
於穹石。養由發箭。奇肱飛車。巧聒。更。麻。妙。兼。捕。且。墜  
鷓鴣於青雲。落鴻鴈於紫虛。稍鷓鴣。漂鷓鴣。彈地廬  
與神居。斬飛鵬於日域。摧大鳳於天墟。龍伯釣其靈  
蓋。任公獲其巨魚。窮造化之。請。說。何。神。恠。之。有。餘。所  
以噴血流川。飛毛灑雪。狀若乎高天雨。獸上墜於天  
荒。又似乎積禽爲山下。崩於林穴。陽烏沮色於朝日。

陰。克。喪。精。於。明。月。思。騰。裝。上。獲。於。太。清。所。恨。穹。昊。於  
路。絕。而。忽。也。莫。不。海。晏。天。空。萬。方。來。同。雖。秦。皇。與。漢  
武。兮。復。何。足。以。爭。雄。俄。而。君。王。茫。然。改。容。愀。然。有。失  
於安思危。防險戒逸。斯馳騁以狂發。非至理之弘術。  
且夫人君以端拱爲尊。玄妙爲寶。暴殄天物。是謂不  
道。乃命去三面之網。示六合之仁。已殺者皆其犯命。  
未傷者全其天真。雖剪毛而不獻。豈割鮮以燔輪。解  
鳳皇與鸞鶴兮。旋駟虞與麒麟。獲天寶於陳倉。載非  
熊於渭濱。於是享獵徒封。勞苦軒行。庖騎酌醕。韜兵  
戈火網。畧然後登九霄之臺。宴八紘之圃。開日月之

高闢生靈之戶。聖人作而萬物覩。覽菟敖與符岐。何  
宣成一作之足數。晒穆王之荒誕。歌白雲之西母。曷  
若飽人以淡泊之味。醉時以淳和之觴。鼓之以雷霆。  
舞之以陰陽。虞乎神明。狂於道德。張無外以爲。且琢  
大朴以爲杙。頓天網以掩之。獵賢俊以御極。若此之  
狩。罔有不克。使天人宴安。草木蕃殖。六宮斥其珠玉。  
百姓樂於耕織。寢鄭衛之聲。却靡曼之色。天老掌圖。  
風后侍側。是三階砥平。而皇猷允塞。豈比夫子虛上  
林。長楊羽獵。計麋鹿之多少。誇苑囿之大小哉。方將  
延榮光於後昆。軼玄風於遠古。維嘉瑞臻元符。登封

於太山。篆德於社首。豈與乎七十二帝同條而共貫  
哉。君王於是廻蜺旌。反鑿輿。訪廣成於至道。問大塊  
之幽居。使罔象掇玄珠於赤水。天下不知其所如也。

李翰林集卷第二十一



國家圖書館, NATIONAL CENTRAL LIBRARY, TAIWAN, R.O.C.

李翰林集卷第二十二

翰林供奉李白

表

為吳王謝責赴行在遲滯表

為宋中丞請都金陵表

為宋中丞自薦表

為吳王謝責赴行在遲滯表

臣某言伏蒙聖恩追赴行在臣誠惶誠恐頓首頓首  
臣聞胡馬矯首嘶北風以跼顧越禽歸飛戀南枝而  
刷羽所以流波思其舊浦落葉墜於本根在物尚然

矧於臣子臣位叨盤石辜負明時才闕摠戎謬當強  
寇驚拙有素天實知之伏惟陛下重紘乾綱再清國  
步慙臣不逮賜臣生全歸見白日死無遺恨然臣年  
過耳順風瘳日加鋒鏑殘骸劣有餘喘雖決力上道  
而心與願違貴貪尺寸之程轉增犬馬之戀非有他  
故以疾淹留今大舉天兵掃除戎羯所在郵驛徵發  
交馳臣逐便水行難於陸進瞻望丹闕心魂若飛慙  
墜履之還收喜遺籍之再御不勝涕戀屏營之至謹  
奉表以聞

為宋中丞請都金陵表

臣某言臣誠惶誠恐頓首頓首臣聞社稷無常奉明  
者守之君臣無定位闇者失之所以父作子述重光  
疊輝天未絕晉人惟戴唐以功德有厚薄運數有脩  
短功高而福祚長永德薄而政教陵遲三后之姓於  
今為庶非一朝也伏惟陛下欽六聖之光訓擁千載  
之鴻休有國之本群生屬望粵自明兩光岐之陽昔  
有周大王之興發跡於此天啓有類豈人事歟皇朝  
百五十年金革不作逆胡竊號剝亂中原雖平嵩丘  
填伊洛不足以掩宮城之骸骨決洪河灑秦雍不足  
以蕩犬羊之羶臊毒浸區宇憤盈穹昊此乃猛士奮

劔之秋謀臣運籌之日夫不拯橫流何以彰聖德不  
斬巨猾無以興神功十亂佐周而克昌四兇及虞而  
乃去去元兇者非陛下而誰且道有興廢代有中季  
漢當三七莽亦為災赤伏再起丕業終光非陛下至  
神至聖安能勃然中興乎以臣料人事得失敢獻疑  
於陛下臣猶望愚夫千慮或冀一得何者賊臣楊國  
忠蔽塞天聰屠割黎庶女弟席寵傾國弄權九土泉  
貨盡歸其室怨氣上激水旱荐臻重罹暴亂百姓力  
屈即欲平殄螫賊恐難應期且圖萬全之計以成一  
舉之策今自河以北為之所凌自河之南孤城四壘

大盜蠶食割為鴻溝宇宙峽杌昭然可觀臣伏見金  
陵舊都地稱天險龍盤虎踞開高自然六代皇居五  
福斯在雄圖霸跡隱軫由存咽喉控帶縈錯如繡天  
下衣冠士庶避地東吳永嘉南遷未盛於此臣又聞  
湯及盤庚五遷其邑典謨訓誥不以為非衛文徙居  
楚丘風人流詠伏惟陛下因萬人之蕩析乘六合之  
講張去扶風萬有一危之近邦就金陵太山必安之  
成策苟利於物斷在宸衷況齒革羽毛之所生糧枲  
豫章之所出元龜大貝充牣其中銀坑鐵冶連縣相  
屬剗銅陵為金穴煮海水為鹽山以征則兵強以守

則國富橫制八極克復兩京俗畜來蘇之歡人多獲  
后之望陛下西以峨眉為壁壘東以滄海為溝池守  
海陵之倉獵長洲之苑雖上林五柞復何加焉上皇  
居天帝運昌之都儲精真一之境有虞則北閉劔閣  
南扃瞿塘蚩尤共工五兵莫向二聖高枕人何憂哉  
飛章問安往復巴峽朝發白帝暮宿江陵首尾相應  
率然之舉不勝屏營瞻雲望日之至謹先奉表陳請  
以聞

為宋中丞自薦表

臣某聞天地閉而賢人隱雲雷屯而君子用臣伏見

前翰林供奉李白年五十有七天寶初五府交辟不  
求聞達亦由子真谷口名動京師上皇聞而悅之召  
入禁掖既潤色於鴻業或闕草於玉言雍容瑜揚特  
見褒賞為賤臣詐詭遂放歸山閑居製作言盈數萬  
屬逆胡暴亂避地廬山遇永王東巡脅行中道奔走  
却至彭澤具已陳首前後經宣慰大使崔渙及臣推  
覆清雪尋經奏聞臣聞古之諸侯進賢受上賞蔽賢  
受明戮若三道稱美必九錫光榮垂之典謨永以為  
訓臣所管李白實審無辜懷經濟之才抗葉由之節  
文可以變風俗學可以究天人一命不露四海稱屈

伏惟陛下大明廣運至道無偏收其希世之英以爲  
清朝之寶普四皓遭高皇而不起翼惠帝而方來君  
臣離合亦各有數豈使此人名揚宇宙而枯槁當年  
傳曰舉逸人而天下歸心伏惟陛下迴太陽之高暉  
流覆盆之下照特請拜一京官獻可替否以光朝列  
則四海豪俊引領知歸不勝悽悽之至敢陳薦以聞

李翰林集卷第二十二





李翰林集卷第二十三

翰林供奉李白

書

代壽山峇孟少府移文書

上安州李長史書

與賈少公書

代壽山峇孟少府移文書

淮南小壽山謹使東峯金衣雙鶴銜飛雲錦書于維  
揚孟公足下曰僕包大塊之氣生洪荒之間連翼軫  
之分野控荆衡之遠勢盤薄萬古邈然星河憑天霓

以結峯倚斗極而橫嶂頗能攢吸霞雨隱居靈仙產  
隋侯之明珠蓄卞氏之光寶罄宇宙之美殫造化之  
奇方與崑崙抗衡閭風接境何人間巫廬台霍之足  
陳耶一昨於山人李白處奉見吾子移文責僕以多  
奇鄙一作僕以特秀而盛談三山五嶽之美謂僕小  
山無名無德而稱焉觀乎斯言何太謬之甚也吾子  
豈不聞乎無名為天地之始有名為萬物之母假令  
登封裡祀曷足以大道譏耶然皆損人費物庖殺致  
祭暴殄草木鐫刻金石使載圖典亦未足為貴乎且  
達人莊生常有餘論以為尺鷃不羨於鵬鳥秋毫可

於太山由斯而談何小大之殊也又怪於諸山藏  
國寶隱國賢使吾君躬道燒山披訪不獲非通談也  
夫皇王登極瑞物昭至謂瑞物以納貢河圖洛書  
以應符設天網而謂窮月竊以率職天不祕寶地  
不藏珍風威百變春養萬物王道無外何英賢珍玉  
而能伏匿於巖穴耶所謂勝道燒山此則王者之德  
未廣矣昔太公大賢傳說明德棲渭川之水藏虞虢  
之巖卒能形諸兆朕感乎夢想此則天道闇合豈勞  
乎搜訪哉果投竿詣塵捨筮作相佐周文讚武丁摠  
而論之山亦何罪乃知巖穴為養賢之域林泉非祕

寶之區則僕之諸山亦可負於國家矣近者逸人李  
白自峨眉而來爾其天丘谷道為貌不屈已不干人  
巢由以來一人而已乃蟠龜息適乎此山僕嘗弄  
之以綠綺卧之以碧雲漱之以瓊液餌之以金沙既  
而童顏益春真氣愈茂將欲倚劍天外挂弓扶桑浮  
四海橫八荒出宇宙之寥廓登雲天之渺茫俄而李  
公仰天長吁謂其友人曰吾未可去也吾與爾達則  
兼濟天下窮則獨善一身安能冷若紫霞陰君青松  
乘若鸞鶴駕君虬龍一朝飛騰為方丈蓬萊之人耳  
此方未可也乃相與卷其丹書置其瑤瑟中管晏之

談謀帝王之術存其智能願為輔弼使寰區大定  
懸清一事君之達於榮親之義非然後與陶朱留侯  
浮五湖戲滄洲不足為難矣即僕林下之所隱客豈  
不大哉必能資其聰明輔以正氣借之以物色發之  
以文章雖煙花中貧沒齒無恨其有山精木魅雄虺  
猛獸以驅之四荒磔裂原野使影跡絕滅不干戶庭  
亦遣清風掃門明月待坐此乃養賢之心實亦勤矣  
孟子孟子無見深責耶明年青春求我於此巖也

上安州李長史書

白巖崎歷落可笑人也雖然頗嘗覽千載觀百家至

於聖賢相似厥衆則有若似於仲尼紀信似於高祖宰  
之似於無忌宋玉似於屈原而遙觀君侯竊疑魏洽  
便欲趨就臨然舉鞭遲疑之間未及迴避且理有疑  
誤而成過此一本無事有形似而類真惟大雅含弘方  
能恕之也白少頗周慎忝聞義方入暗室而無欺屬  
昏行而不變今小人履疑誤形似之迹君侯流愷悌  
矜捨之恩戢秋霜之威布冬日之愛睟容有穆怒顏  
不彰雖將軍息恨於長孫之前此無慙德司空受揖  
於元淑之際彼未爲賢一言見寃九死非謝白孤劍  
誰託悲歌自憐迫於恚惶席不暇暖寄絕國而何仰

不濟雲而無依南徙莫從北一路言客汝海遁還  
却城昨遇故人飲以狂一酌一笑陶然樂酣困河  
朔之清觴飲中山之騎一鶴爲早日初眩晨靈未收乏  
離朱之明昧王戎之視青白其眼晉而前行亦何異  
抗莊公之輪怒螳螂之臂御者趨召明其是非入門  
鞠躬精魄飛散昔徐邈緣醉而賞魏王却以爲賢無  
監因醜而獲齊君待之逾厚白妄人也安能比之上  
挂國風相鼠之譏下懷周易履虎之懼慙以固陋禮  
而遣之幸容甯越之辜深荷王公之德銘刻心骨退  
思狂憊五情冰炭罔知所措晝愧於影夜慙於魄啓

處不惶戰跼無地伏惟君侯明奪秋月和均韶風掃  
塵辭場振發文雅陸機作太康之傑士未可比肩曹  
植爲建安之雄才惟堪捧駕天下豪俊翕然趨風白  
之不敏竊慕餘論何圖叔夜潦倒不切於事情正平  
猖狂自貽於耻辱一忤容色終身厚顏敢昧負荆請  
罪門下儻免以訓責恤其愚蒙如能伏劔結纓謝君  
侯之德敢以近所爲春遊救苦寺詩一首十韻石巖  
寺詩一首八韻上楊都尉詩一首三十韻辭旨狂野  
貴露下情輕干視聽幸乞詳覽

與賈少公書

宿昔惟清勝白絲疾疲若去期恬退才微識淺無足  
濟時雖中原橫潰將何以救之王命崇重大穆元戎  
辟書三至人輕禮重嚴期迫切難以固辭扶力一行  
前觀進退且殷深源廬獄十載時人觀其起與不起  
以卜江左興亡謝安高卧東山蒼生屬望白不樹矯  
抗之跡耻振玄逸之風混遊漁商隱不絕俗豈徒販  
賣雲壑要射虛名方之二子實有慙德徒塵忝幕府  
終無能爲唯當報國薦賢持以自免斯言若謬天實  
殛之以足下深知具申中款惠子知我夫何間然苟  
當小事但增悚惕一作



國家圖書館, NATIONAL CENTRAL LIBRARY, TAIWAN, R.O.C.

李翰林集卷第二十三

二  
三

李翰林集卷第二十四

翰林供奉李白

書

為趙宣城與楊右相書

與韓荊州朝宗書

上安州裴長史書

為趙宣城與楊右相書

某啓辭違積年伏戀軒屏首冬初寒伏惟相公尊體  
起居萬福某蒙恩才朽齒邁徒延聖日少忝末吏本  
乏遠圖中年廢缺分歸園壑昔相公秉國憲之日一

拔九霄拂刷前耻昇騰晚官恩貸稠疊實戴丘山落  
羽再振枯鱗旋躍運以大風之舉假以磨天之翔衣  
繡霜臺含香華省宰劇慙強項之名酌貪礪清心之  
節三典列郡寂無成功但宣布王澤式酬天獎伏惟  
相公開張徽猷寅亮天地入夔龍之室持造化之權  
安石高枕蒼生是仰某鳴躍無已剪拂因人銀章朱  
紱坐榮官達身荷宸眷目識龍顏既齊飛於鴛鴦復  
寄跡於門館皆相公入造之力也而鍾鳴漏盡夜行  
不息止足之分實媿古人犬馬戀主迫於西泥所冀  
枯松晚歲無改節於風霜老驥餘生期盡力於蹄足  
瞻望恩光無忘景刻

與韓荊州書

白聞天下談士相聚而言曰生不用萬戶侯但願一  
識韓荊州何令人之景慕一至於此耶豈不以有周  
公之風躬吐握之事使海內豪俊奔走而歸之一登  
龍門則聲譽十倍所以龍盤鳳逸之士皆欲收名定  
價於君侯願君侯不以富貴而驕之寒賤而忽之則  
三千賓中有毛遂使白得穎脫而出即其人焉白寵



西布衣流落楚漢十五好劔術徧干諸侯三十成文章歷詆卿相雖長不滿七尺而心雄萬夫王公大臣許與氣義此疇曩心跡安敢不盡於君侯哉君侯制作侔神明德行動天地筆參於造化學究於天人幸願開張心顏不以長揖見拒必若接之以高宴縱之以清談請日試萬言倚馬可待今天下以君侯為文章之司命人物之權衡一經品題便作佳士而君侯何惜階前盈尺之地不使白揚眉吐氣激昂青雲耶昔王子師為豫章未下車即辟荀慈明既下車又辟孔文舉山濤作冀州甄拔三十餘人或為侍中尚書

先代所美而君侯亦薦一嚴協律入為祕書郎中間崔宗之房習祖黎昕許瑩之徒或以才名見知或以清白見賞白每觀其銜恩撫躬忠義奮發白以此感激知君侯惟赤心於諸賢腹中所以不歸他人而願委身國士儻急難有用敢効微軀且人非堯舜誰能盡善白謨猷籌畫安能盡於至於制作積成卷軸則欲塵穢視聽恐雕蟲小技不合大人若賜觀焉堯請給以紙墨兼人書之然後退歸閉軒繕寫呈上庶青萍結綠長價於薛卞之門幸惟下流大闕獎飾惟君侯圖之

上安州裴長史書

白聞天不言而四時行地不語而百物生白人焉非  
天地安得不言而知乎敢刻心析肝論舉身之事便  
當談笑以明其心而粗陳其大綱一快憤懣惟君侯  
察焉白本家金陵世爲右姓遭沮渠蒙遜難奔流咸  
秦因官寓家少長江漢五歲誦六甲十歲觀百家軒  
轅以來頗得聞矣常橫經藉書制作不倦迄于今三  
十春矣以爲士生則桑弧蓬矢射乎四方故知丈夫  
夫必有四方之志乃杖劍去國辭親遠遊南窮蒼梧  
東涉溟海見鄉人相如大誇雲夢之事云楚有七澤

遂來觀焉而許相公家見招妻以孫女便憩跡于此  
至移三霜焉曩嘗東遊維揚不逾一年散金三十餘  
萬有落魄公子悉皆濟之此則是白之輕財好施也  
又昔與蜀中友人吳指南死於洞庭之上白禪服慟  
哭若喪天倫炎月伏屍泣盡繼之以血行路聞者悉  
皆傷心猛虎前臨堅守不動遂隕殞於湖側便之金  
陵數年來觀筋骨尚在白雪泣持刃躬申洗削最骨  
徒步負之而趨寢興攜持無輟身手遂丐貸營葬於  
鄂城之東故鄉路遙魂魄無主禮以遷窆式昭朋情  
此則是白存交重義也又昔與逸人東嚴子隱於岷

山之陽白巢居數年不跡城市養奇禽千計呼皆就  
掌取食了無驚猜廣漢太守聞而異之詣廬親觀因  
舉二人以有道並不起此則白養高忘機不屈之跡  
也又前禮部尚書蘇公出為益州長史白於路中投  
刺待以布衣之禮因謂群寮曰此子天才英麗下筆  
不休雖風力未成且見專車之骨若廣之以學可以  
相如比肩也四海明識具知此談前此郡督馬公朝  
野豪彥一見盡禮許為奇才因謂長史李京之曰諸  
人之文猶山無煙霞春無草樹李白之文清雄奔放  
名章俊語絡繹間起光明洞澈一本云向句動人此  
交元丹親接斯

議若蘇馬二公愚人也復何足陳儻賢賢也白有可尚夫唐虞

之際於斯為盛有婦人焉九人而已是知才難不可

多得白野人也頗工於文惟君侯一本云顧之無按  
劍也伏惟君侯

貴而且賢鷹揚虎視齒若編貝膚如凝脂昭昭乎若

玉山上行朗然映人也而高義重諾名飛天京四方

諸侯聞風暗許倚劔慷慨氣干虹蜺月費千金日宴

群客出躍駿馬入羅紅顏所在之處賓朋成市故時

人歌曰賓朋何喧喧日夜裴公門願得裴公之一言

不須驅馬將華軒白不知君侯何以得此聲於天壤

之間豈不由重諾好賢謙以得也而晚節改操棲情


翰林天才超然度越作者屈佐邳國時惟清哉稜威  
雄雄下惜祥物白竊慕高義已經十年雲山間之造  
謁無路今也運會得趨末塵承顏按辭八九度矣常  
欲一雪心跡崎嶇未便何圖謗言忽生衆口攢毀將  
恐投杼下客震於嚴威然自明無辜何憂悔恪孔子  
曰畏天命畏大人畏聖人之言過此三者鬼神不害  
若使事得其實罪當其身則將浴蘭沐芳自屏於烹  
鮮之地惟君侯死生不然投山竄海轉死溝壑豈能  
明目張膽託書自陳耶昔王東海問犯夜者曰何所  
從來荅曰從師受學不覺日晚王曰吾豈可鞭撻甯

越以立威名想君侯通人必不爾也願君侯惠以大  
遇洞開心顏終乎前恩再辱英眄白必能使精誠動  
天長虹貫日直度易水不以爲寒若赫然作威加以  
大怒不許門下逐之長途白即膝行於前再拜而去  
西入秦海一觀國風永辭君侯黃鵠舉矣何王公大  
人之門不可以彈長劔乎

吳指東下脫同遊  
於楚指南六字



國家圖書館, NATIONAL CENTRAL LIBRARY, TAIWAN, R.O.C.



李翰林集卷第二十五

翰林供奉李白

碑頌

溧陽瀨水貞義女碑銘 并序

天長節使鄂州刺史章公德政碑 并序

比干碑

武昌宰韓君去思碑 并序

虞城縣令李公去思頌 并序

溧陽瀨水貞義女碑銘 并序

皇唐葉有六聖再造八極鏡照萬方幽明咸熙天秩



有禮自太古及今君君臣臣烈士貞女采其名節尤彰可激清頹俗者皆掃地而祠之蘭蒸椒漿歲祀罔缺而茲邑貞義女光靈翳然埋其古遠琬琰不刻豈前修博達者為邦之意乎貞義女者溧陽黃山里史氏之女也以家溧陽史闕書之歲三十弗移天于人清英潔白事母純孝手柔荑而不龜身擊漂以自業當楚平王時平王虐忠助讒苛虐厥政爰於尚斬於奢血流于朝赤族伍氏怨毒於人何其深哉子胥始東奔勾吳月涉星適或七日不火傷弓于飛逼迫於昭關匍匐於瀨渚捨車而徒告窮此女目色以臆授

之壺漿全人自沈彤與口滅身絕千古聲凌浮雲激節必報之讎雪誠無疑之地難乎哉借如曹娥潛波理貫於孝道聶嬈殞肆繫動於天倫魯姑棄子以却三軍之衆漂母進飯沒受千金之恩方之於此彼或易爾卒使伍君開張闔閭頌蕩鄢郢吳師鞭屍於楚國申胥泣血於秦庭我亡爾存亦各壯志張英風於古今雪大憤於天地微此女之力雖云為之士焉能咆哮烜赫施於後世也望其溺所愴然低迴而不能去每風號吳天月苦荆水響像如在精魂可悲惜其投金有泉而刻石無主哀哉邑宰榮陽鄭公名晏家

康成之學世子產之才琴清心閑百里大化有若主  
簿扶風竇嘉賓縣尉廣平宋陔丹陽李濟南朝陳然  
清河張昭皆有卿才霸略同事相協編紀英淑勒銘  
道周雖陵頽海竭文或不死其辭曰

粲粲貞女孤生寒門上無所天下報母恩春風三十  
花落無言乃如之人激漂清源碧流素手縈彼潺湲  
求思不可秉節而存伍脊東奔乞食於此女分壺漿  
滅口而死聲動列國義形壯士入郢鞭屍還吳雪耻  
投金灑江報德稱美明明千秋如月在水

天長節使鄂州刺史韋公德政碑

并序

太虛既張惟天之長所以白帝真人當高秋八月五  
日降西方之金精採天長為名將傳之無窮紀聖誕  
之節也我高祖創業太宗成之三后繼統王猷如一  
大盜間起開元中興力倍造化功包天地不然何能  
遏穢農之頽波返淳朴於太古雖軒后至道由聞蚩  
尤之師今網漏吞舟而胡夷起於轂下先天文武孝  
感皇帝越在明兩揔戎扶風正帝車於北斗拯橫流  
於鯨口迴日繼於西山拂蒙塵於帝顏呼吸而收兩  
京烜赫而安六合歷列辟而罕匹顧將來而無儔太  
陽重輪合耀並出宇宙翕變草木增榮一麾而靜妖



氛功成不處五讓而傳劔璽德冠樂推於戲昔堯及  
舜禹皆無聖子審歷數去已終大寶假人飾讓以成  
千載之美未若以文明鴻業受之元良與天同休相  
統億祀則我唐至公而無私越三聖而殊軌騰萬人  
之喜氣爛八極之祥雲上皇思汾陽而高蹈解負重  
於吾君能事斯畢與人更始乃展祀郊廟望秩山川  
方掩骼於河洛弔人於幽燕但誅元兇不問小罪噫  
大塊之氣歌炎漢之風雲滂洋雨汪濊滌渥澤除瑕  
類削平國步改號乾元至矣哉其雄圖景命有如此  
者我邦伯韋公大彭之洪胤扶陽之貴族雄略邁古

高文變風運當一賢才堪三事歷職剖劇能聲旁流  
振繡而白筆橫冠分符而彤檐入境曩者永王以天  
人授鉞東巡無名利劔承喉以脅從壯心堅守而不  
動房陵之俗安於太山休奕列郡去若始至帝召岐  
下深嘉直誠移鎮夏口救時艱也慎厥職康乃人滅  
兵歸農除害息暴大水滅郭洪霖注川人見憂於魚  
鼈岸不辨於牛馬公乃抗辭正色言于城隍曰若三  
日雨不歇吾當伐喬木焚清祠精心感動其應如響  
無何中使銜命徧一作祈名山廣徵牲牢驟欲致祭  
公又盱衡而稱曰今主上明聖懷於百靈此淫昏之

鬼不載祀典若頌國禮是荒巫風其秉心達識皆此  
類也物不知化如登春臺有若江夏縣令薛公揖四  
豪之風當百里之寄幹盡有立舍章可貞遵之典禮  
恤疲於和樂政其成也臻於小康中京重覩於漢儀  
列郡還聞於舜樂選鄂之勝帳于東門乃登豳歌擊  
土鼓祀尊收迎田祖招搖迴而大火乃落閭闔啓而  
涼風始歸笙竽和籥之音象星辰而迭奏吳楚巴渝  
之曲各土風而備陳禮容有穆簪笏列序羅衣蛾眉  
立乎玳筵之上班劍虎士森乎翠幕之前千變百戲  
分曹賈勇蘭子跳劍迭躍流星之輝都廬尋撞倒桂

浮雲之影百川繞郡落天鏡於江城四山入牖照霜  
空之海色獻觴醉於晚景舞袖紛於廣庭鶴髮之叟  
鴈序而進曰恭聞天子無戲言恐轉公以大用老父  
不畏死願留公以上聞悅坐棠而飡風庶刻石以實  
美白觀樂入楚聞韶在齊採諸行謠遂作頌曰  
爽朗太白雄光下射崢嶸金天華嶽旁連降精騰氣  
赫矣昭然誕聖五日垂休萬年孽胡挺災大人有作  
雷霆發揚攬槍乃落九服交泰五雲縈薄掃雪屯冢  
洗清寥廓軒后訪道來登峨眉上皇西去異代同時  
六龍轉駕兩曜迴規重遭唐土更覩漢儀肅肅章公

大邦之翰秀骨嶽立英謀電斷宣風樹聲遠威逆亂  
不長不極樂奏爭觀九劔揮霍魚龍屈盤東迴舞袖  
西笑長安頌聲載路豐碑是刊

比干碑

太宗文皇帝既一海內明君臣之義貞觀十九年征  
島夷師次殷墟乃詔贈少師比干爲太師謚曰忠烈  
公遣大臣持節弔祭申命郡縣封墓葺祠置守冢以  
少牢時享著於甲令刻於金石故比干之忠益彰臣  
子得述其志昔商王受毒痛於四海悖于三正肆厥  
淫虐下罔敢諍於是微子去之箕子囚之而公獨死

之非夫捐生之難處死之難故不可死也死是輕其  
生非孝也可死而不死是重其死非忠也王曰叔父  
親其至焉國之元臣位莫崇焉親不可以觀其危昵  
不可以忘其祖則我臣之業將墜于矣商王之命將  
絕于天整扶其顛遂諫而死剖心非痛亡殷爲痛公  
之忠烈其若是焉故能獨立危邦橫抗興運周武以  
三分之業有諸侯之師實其十亂之謀揔其一心之  
衆當公之存也乃戒彼西土及公之喪也乃觀乎孟  
津公存而殷存公喪而殷喪興亡兩繫豈不重歟且  
聖人立教懲惡勸善而已矣人倫大統父子君臣而

已矣少師存則垂其統歿則垂其教奮乎千古之上  
行乎百王之末俾夫淫者懼佞者慙義者思忠者勸  
其為戒也不亦大哉而夫子稱殷有三仁是豈無微  
旨嘗敢贖之曰存其身存其宗亦仁矣存其名一作身  
存其祀亦仁矣亡其身圖其國亦仁矣若進死者退  
生者狂狷之士將奔走之衰生者貶死者宴安之人  
將寘力焉故同歸諸仁各順其志殊塗而一揆異行  
而齊致俾後人優柔而自得焉蓋春秋微婉之義必  
將建皇極立彛倫闢在三之門垂不二之訓以明知  
于世則夫人也者既移孝於親而致之於君焉有闕

親失而不諍親危而不救從容安地而自得甚哉不  
然矣夫孝於其親人之親皆欲其子忠於其主人之  
主皆欲其臣故歷代帝王皆欲精顯周武下車而封  
其墓魏武南遷而創其祠我太宗有天下裡百神盛  
其禮追贈太師謚曰忠烈申命郡縣封墳葺祠置守  
冢五家以少牢時享著于甲令刻于金石於戲哀傷  
列辟主君封德正與神明秩視郡王身滅而榮益大  
世絕而祀愈長然後知忠烈之道激天感人深矣天  
寶十祀余尉于衛拜首祠堂魄感精動而廟在鄰邑  
官非式閭斲石銘表以志丕烈銘曰

縻軀非仁蹈難非智死於其死然後為義忠無二軀  
烈有餘氣正直聰明至今猛視咨爾來代為臣不易

武昌宰韓君去思頌碑并序

仲尼大聖也宰中都而四方取則子賤大賢也宰單  
父人到于今而思之乃知德之休明不在位之高下  
其或繼之者得非韓君乎君名仲卿南陽人也昔延  
陵知晉國之政必分於韓獻子雖不能遏屠岸之誅  
存孤嗣趙大史公稱天下陰德也其賢才羅生列侯  
十世不亦宜哉七代祖茂後魏尚書令安定王五代  
祖鈞金部尚書曾祖駿銀青光祿大夫雅州刺史祖

泰曹州司馬考唐素朝散大夫桂州都督府長史分  
茅納言剖符一郡葉明德休有烈光君乃長史之  
元子也妣有吳錢氏及長史即世夫人早孀弘聖善  
之規成名四子文伯孟軻二母之儔歟少卿當塗縣  
丞感槩重諾死節於義雲卿文章冠世拜監察御史  
朝廷呼為子房紳卿尉高郵才名振耀幼負美譽君  
自潞州銅鞮尉調補武昌令未下車人懼之既下車  
人悅之惠如春風三月大化姦吏束手豪宗側目有  
龔王者三江之巨橫白額且去清琴高張兼操刀永  
興二邑同化時鑿齒磨牙而兩京宋城易子而炊骨

吳楚轉輸蒼生熬然而此邦晏如襁負雲集居未二載戶口三倍其初銅鐵曾青未擇地而出大冶鼓鑄如天降神既烹且爍數盈萬億公私其賴之官絕請託之求吏無絲毫之犯本道採訪大使皇甫公悅聞而賢之擢佐輜軒多所弘益尚書右丞崔公禹稱之於朝相國崔公渙特奏授鄱陽令兼攝數縣所謂投刃而皆虛爲其政而則理成去若始至人多懷恩新宰王公名庭璘巖然太華澆然洪河含章可貞幹蠱有立接武比德絃歌連聲服美前政聞諸耆老與邑中賢者胡思泰一十五人及諸寮吏式歌且舞願揚

韓公之遺美白採謠刻石而作頌曰

峨峨楚山浩浩漢水黃金之車大吳天子武昌鼎據寔爲帝里時難世訛薄俗如燬韓君作宰撫茲遺人滂汪王澤猶鴻得春和風潛暢惠化如神刻石萬古永思清塵

虞城縣令李公去思頌碑并序

王者立國君人聚散六合咸土以百里雷其威聲革其俗而風之漁其人而涵之其猶衆鮮洋洋樂化在水波而動之則憂頽尾之刺作焉徐而清之則安頌首之頌興焉苟非大賢孰可育物而能光昭絃歌卓

立振古則有虞城宰公焉公名錫字元勳隴西成紀人也高祖楷隋上大將軍繇益原三州刺史封汝陽公曾祖騰雲皇朝廣茂二州都督廣武伯祖立節起家韓王府記室叅軍襲廣武伯父浦郢海淄唐陳五州刺史魯郡都督廣平太守襲廣武伯皆納忠王庭名鏤鍾鼎侯伯繼跡故可略而言焉公即廣武伯之元子也年十九拜北海壽光尉心不挂細務口不言人非郡吏罕測望風敬憚秩滿轉右武衛倉曹叅軍次任趙郡昭應縣令奉詔修建初啓運二陵揔徒五部支用三萬貫舉築雷野不鞭一人功成餘八千貫

其幹能之聲大振於齊趙矣時名卿巡按陵有善氣上衝太微散爲慶雲數千處蓋精勤動天地也如此因粉圖奏名編入國史天寶四載拜虞城令而天章寵榮俾金玉王度炯若七耀昭回堂隅於戲敬之哉宸威臨顧作訓以理其俗魯而木舒而徐急則狼戾緩則鳥散公酌以鈞道和之琴心于是安四人敷五教處必糲食行惟單車觀其約而吏儉仰其敬而俗讓激直士之素節揚廉夫之清波三月政成隣境取則因行春見枯骸于路隅惻然疚懷出俸而葬由是百里掩骼四封歸仁有居喪行號城市者習以成

俗公勗之親隣厄以凶事而鰥寡惻獨衆所賴焉可  
謂變其頽風永錫爾類先時邑中有聚黨橫猾者實  
惟二耿之族幾百家焉公訓爲純人易其里曰大忠  
正之里北境黎丘之古鬼焉或醉父以刃其子自公  
到職幾聞爲災官宅舊井水清而味苦公下車嘗之  
莞爾而笑曰既苦且清足以符吾志也遂汲用不改  
變爲甘泉蠡丘館東有三柳焉公往來憩之飲水則  
去行路勿翦比于甘棠鄉人因樹而書頌四十有六  
篇惟公志氣塞乎天地德音發乎聲容編乎若寒崖  
之霜湛乎若清川之月彈惡雪善速若箭飛尤能筆

工新文口吐雅論天下美士多從之遊非汝陽三公  
二伯之積德則何以生此邑之賢老劉楚瓌等乃相  
謂曰我李公以神明之化大賴于虞人虞人陶然歌  
詠其德官則敬去則思山川鬼神猶懷之况于人乎  
乃咨群寮興去思之頌縣丞王彥選負外丞魏陟主  
簿李詵縣尉李向趙濟盧榮等同德比義好謀而成  
相與採其瓌蹤茂行俾刻石篆美庶清風令名奮乎  
百世之上其詞曰

激揚之水兮白石有鑿李公之來兮雪虞人之惡厥  
德孔昭折獄既清五教大行殷雲雷之聲旣父其父



又子其子春之以風化成草靡乃景我崗乃雨我田  
陽無驕憊四載有年人戴公之賢猶百里之天棄余  
往矣茫如墜川哀喪惠博掩骼仁深苦并變甘兇人  
易心三柳勿剪永思清音

李翰林集卷第二十五

李翰林集卷第二十六

翰林供奉李白

記銘頌文

任城縣廳壁記

化城寺大鐘銘 并序

天門山銘

趙公西候亭頌

崇明寺佛頂尊勝陀羅尼幢頌

爲竇氏小師祭璿和尚文

爲宋中丞祭九江文



任城縣廳壁記

風姓之後國為任城蓋古之秦縣也一云秦之在古縣也在禹貢則南徐之分當周成迺東魯之邦自伯禽到于順公三十二代遭楚蕩滅因屬楚焉炎漢之後更為郡縣隋開皇三年廢高平郡移任城於舊居邑乃屢遷井則不改魯境七百里郡有十一縣任城其衝要東盤琅邪西控鉅野北走厥國南馳互鄉青帝太昊之遺墟白衣尚書之舊里土俗古遠風流清高賢良間生掩映天下地博厚川踈明漢則名王分茅魏則天人列土所以代變豪侈家傳文章君子以才雄自高

小人則鄙朴難治況其城池爽塏邑屋豐潤香閣倚日凌丹霄而欲飛石橋橫波驚彩虹而不去其雄飛塊北有如此焉故萬商往來四海絲歷實泉貨之索簞為英一快故資大賢以主東道製我美錦不易其人今鄉二十六戶一萬三千三百七十一帝擇明德以賀公宰之公溫恭克修儼碩有立季野備四時之氣十元非百里之才撥煩彌閑剖劇無滯銷百發克破於揚葉刀一鼓必合於桑林寬猛相濟弦章適中一之歲肅而教之二之歲惠而安之三之歲富而樂之然後青衿向訓黃髮履禮耒耜就役農無游

手之夫杆軸和鳴機罕頌賦之女物不知化陶然自  
春權豪鋤縱暴之心黠吏返淳和之性行者讓於道  
路任者併於輕重扶老攜幼尊尊親親千載百年再  
復魯道非神明博遠孰能契於此乎白探竒東家竊  
聽輿論輒記於壁垂之將來俾後賢之操刀知賀公  
之絕跡者也

化城寺大鐘銘 并序

噫天以震雷鼓群動佛以鴻鐘驚大夢而能發揮沉  
潛開覺茫蠢則鐘之取象其義博哉夫揚音大千所  
以清真心警俗慮協響廣樂所以達元氣彰天聲銘

於此乎丞尉等並衣冠之龜龍人物之標準大雅君  
子同僚盡心聞善賈勇贊成厥美寺主昇朝闕心古  
容英骨秀氣洒落毫素謙柔笑言海受水而皆納鏡  
無形而不燭直道妙用乃如是然常虛懷忘情潔已  
利物是人行空寂不動見如來有若上座靈隱都維  
那則舒名僧日暉蘊虛常因調護賢哉六開士普聞  
八萬法深入禪惠精修律義將博我以文章求我以  
述作功德大海酌而難名遂與六曹豪吏姑熟賢老  
乃緇乃黃鳧趨梵庭請揚宰君之鴻美白昔忝侍從  
備于辭臣恭承德音敢闕清風之頌其辭曰

雄雄鴻鐘砰隱天雷鼓霆擊警大千舍號烜赫聲無  
邊摧擘魑魅招靈仙傍極六道極九泉劔輪輟苦期  
息肩湯鑊猛火停熾然愷悌賢宰人父母興功利物  
信可久德方金鐘永不朽

天門山銘

梁山博望關扃楚濱夾據洪流寔爲吳津兩坐錯落  
如鯨張鱗惟海有若唯川有神牛渚怪物目圍車輪  
光射島嶼氣凌星辰卷沙揚濤溺馬殺人國秦呈瑞  
時訛返珍開則九江納錫閉則五嶽飛塵天險之地  
無德匪親

趙公西候新亭頌

惟十有四載皇帝以歲之驕陽秋五不稔乃慎擇明  
牧恤南方凋枯伊四月孟夏自淮陰遷我天水趙公  
作藩于宛陵祇明命也惟公代秉天憲作程南臺洪  
柯大本聿生懿德宜乎哉橫風霜之秀氣鬱王霸之  
竒略初以鐵冠白筆佐我燕京威雄振肅虜不敢視  
而後鳴琴二邦天下取則起草三省朝端有聲天子  
識面宰衡動聽殷南山之雷剖赤縣之劇強項不屈  
三州所居大化咸列碑頌至於是邦也酌古以訓俗  
宣風以布和平心理人兵鎮唯靜畫一千里時無秀

言退公之暇清眺原隰以此郡東塹巨海西襟長江  
咽三吳扼五嶺輜軒錯出無旬時而息焉出自西郭  
蒼然古道寡列樹行無清陰至有疾雷破山狂飈  
震數丈景爍野秋霖灌途馬逼側於谷口人周章於  
山頂亭候靡設逢迎闕如自唐有天下作牧百數因  
循齷齪罔恢永圖及公來思大革前弊實相此土陟  
降觀之壯其迴崗龍盤沓嶺波起勝勢交至可以有  
作方農之隙廓如是營遂錐崖堙卑驅石剪棘削汚  
壤堦高隅以門以墻乃棟乃宇儉則不陋麗而不奢  
森沈閑闕燥濕有庇若鳧之勇如鶴斯爲縈流鏡轉

涵映池底納遠海之餘清瀉蓮峯之積翠信一方  
勝之郊五馬踟躕之地也長史齊公光又人倫之師  
表司馬武公幼成衣冠之髦彥錄事參軍吳鎮宣城  
令崔欽令德之後良材間生縱風教之樂地出人倫  
之高格卓絕映古清明在躬僉謀倬功不日而就摠  
是役也伊二公之力與過客沈吟以稱嘆邦人聚舞  
以相賀僉曰我趙公之亭也群寮獻議請因謠頌以  
名之則必與謝公北亭同不朽矣白以爲謝公德不  
及後世亭不留要衝無勿拜之言鮮登高之賦方之  
今日我則過矣敢詢耆老而作頌曰

眈眈高亭趙公所營如鼇背突兀於太清如鵬翼開  
張而欲行趙公之宇千載有覩必恭必敬爰遊爰處  
瞻而思之罔敢大語趙公來翔有禮有章煌煌鏘鏘  
如文翁之堂清風洋洋永世不忘

崇明寺佛頂尊勝陀羅尼幢頌并序

共工不觸山媧皇不補天其鴻波汨汨流伯禹不治  
水萬人其魚乎禮樂大壞仲尼不作王道其昏乎而  
有功包陰陽力掩造化首出衆聖卓稱大雄彼三者  
之不足徵矣與有我西方金仙之垂範覺曠劫之大  
夢碎群愚之重昏寂然不動湛而常存使苦海靜滔

天之波疑山滅矣岷之火囊括天地置之清涼日月  
或墜神通自在不其憚歟魯郡崇明寺南門佛頂尊  
勝陀羅尼石幢者蓋北都之壯觀昔善住天子及千  
大天遊于園觀又與天女遊戲受諸快樂即於夜分  
中聞有聲曰善住天子七日滅後當生七反畜生之  
身於是如來授之吉祥真經遂脫諸苦蓋之天徵一作  
從為大法印不可得而聞也我唐高宗時有蜀賓秦  
門持入中土猶日藏大寶清園虛空擅金淨彩人皆  
悅見所以山東開士舉國而崇之時有萬商投珍士  
女雲會衆布蓄香知陵琢文石於他山聳高標於列

尋鏡珉錯綵為鯨為螭天人海嶽若叱若語貝葉金  
言刊其上荷花水物形其隅良工草萊獻技而去聖  
君垂拱南面穆清而居大明廣運無幽不燭以天下  
所立茲幢多臨諸旗亭喧囂湫隘本非經行網繞之  
所乃頒下明詔令移於寶坊吁百尺中標矗若雲斷  
委翳苔蘚周流星霜禪龍象興嗟仰瞻無地良可嘆  
也我太官廣武伯隴西李公先名琬奉詔書改為輔  
其從政也肅而寬仁而惠五鎮方牧聲聞于天帝乃  
加剖竹于魯魯道粲然可觀方將和陰陽於太階致  
君於堯舜豈徒閉閣坐嘯鴻盤二千哉乃再崇厥功

發揮象教於是與長史盧公司馬李公等咸明明在  
公綽綽有裕韜大國之寶鐘元精之和榮兼半刺道  
光列嶽才或大而用小識無微而不通政其有經談  
豈更僕有律師道宗心摠群妙量苞大千日何瑩而  
常明天不言而自運識岸浪注玄機清發每口演金  
偈舌搖電光開關延敵罕有當者由萬竅同號於一  
風衆流俱納於溟海若乃嚴飾佛事規矩梵天法堂  
鬱以霧開香樓岌乎島峙皆我公之締構也以天寶  
八載五月一日示滅大寺百城號天四衆泣血焚香  
散花扶襯卧轍仙鶴數十飛鳴中絕非至德動天深



仁感物者其孰能與於此乎三綱等皆論窮彌天惠  
湛清月傳千燈於智種了萬法於真空不謀同心克  
樹聖跡太官李公乃命門於南垣廟通衢曾盤舊規  
累構餘石壯士加勇力倖拔山繞擊鼓以雷作拖鴻  
縻而電掣千人壯萬夫勢轉鹿盧於橫梁泥環合而  
無際常六合之振動崛九霄之崢嶸非鬼神功曷以  
臻此況其清景燭物香風動塵群形所霑積苦都雪  
祭星辰而增輝挂文字而不滅雖漢家金莖伏波銅  
柱擬茲陋矣或日月圓滿方檀散華清心諷持諸佛  
稱贊夫如是亦可以從一天至一天開天宮之門見

群聖之顏巍巍功德不可量也其錄事參軍六曹  
察及十一縣官屬有宏才碩德含香繡衣者皆列名  
碑陰此不具載郡人鄒水使者宣道先生孫太沖得  
真人紫藥玉笈之書能令太一神自成還丹以獻于  
帝帝服享萬壽與天同休功成身退謝病而去不謂  
古之玄通微妙之士歟乃謂白曰昔王文考觀藝於  
魯騁雄辭於靈光陸佐公知名在吳銘雙闕於盤石  
吾子盍可美盛德揚中和恭承話言敢不惟命遂作  
頌曰

揭高幢兮表天宮嶷獨出兮凌星虹神擬擬兮來空

屹扶傾乎蒼穹西方大聖稱大雄橫絕苦海舟群蒙  
陀羅尼藏萬法宗善住天子獲厥功明明李君放東  
魯再新頽規扶衆苦如大雲王注法雨邦人清涼喜  
聚舞揚鴻名兮振海浦銘豐碑兮昭萬古

為竇氏小師祭璿和尚文

年月日某謹以齋蔬之奠敢昭告于和尚之靈伏惟  
和尚降靈自天依化遊世角立獨出巖然生知鳳凰  
開九色之翼豫章橫萬頃之陂始傳燈而納照因落  
髮以從師邁龍象以蹴踏為天人之羽儀紹釋風於  
西域迴佛日於東維若大塊之噫氣鼓和風而一吹

熱惱清灑道芽榮滋走吳楚以宗仰將掃地而歸之  
嗚呼來無所從去復何適水還火歸蕭散本宅寶舟  
輟棹禪月掩魄痛一往而無蹤愴雙林之變白某早  
承訓誨偏荷恩慈忝飡風於法侶旋落蔭於禪枝號  
無輟響泣有餘悲手撰茗藥精誠嚴思冀神道之歸  
格庶明靈而饗之

為宋中丞祭九江文

謹以三牲之奠敬祭于長源公之靈惟神包括乾坤  
平準天地劃三峽以中斷疏九道以爭奔網紀南維  
朝宗東海牲玉有禮祀典無虧今萬乘蒙塵五陵慘

躡蒼生悉爲白骨赤血流於紫宮宇宙倒懸攬蒼未  
滅含識結憤思剪元兇而況叅列雄藩各當重寄遵  
奉王命大舉天兵照海色於旌旗肅軍威於原野而  
洪濤渤涌狂飈振驚惟神使陽侯卷波羲和奉命樓  
船先濟士馬無虞掃妖孽於幽燕斬鯨鯢於河洛惟  
神祐我降休于民敬陳精誠庶垂歆饗

李翰林集卷第二十六

李翰林集卷第二十七

翰林供奉李白

讚歌

當塗李宰君畫讚

金陵名僧顏公粉圖慈親讚

李居士讚

安言崔少府翰畫讚

宣城吳錄事畫讚

壁畫蒼鷹讚

師猛讚

羽林苑將軍畫讚

金銀泥畫西方淨土變相讚

江寧楊利物畫讚

金鄉薛少府廳畫鶴讚

誌公畫讚

琴讚

朱虛侯讚

觀仗飛斬蛟圖讚

地藏菩薩讚

魯郡葉和尚讚

當塗李宰君畫讚

天垂元精歆降粹靈應期命世大賢乃生吐奇獻策  
敷聞王庭帝用休之揚光泰清濫觴百里涵量八冥  
縉雲飛聲當塗政成雅頌一變江山再榮舉邑拊舞  
式圖丹青眉秀華蓋目朗明星鶴矯閣風麟騰玉京  
若揭日月昭然運行窮神闡化永世作程

金陵名僧顏公粉圖慈親讚

神妙不死惜生此身託體明泚而稱厥親粉為造化  
筆寫天真貌古松雪心空世塵文伯之母可以為鄰

李居士讚

至人之心如鏡中影揮斤萬變動不離靜彼贖我斤  
揮風是騁了物無二皆為匠郢吾族賢老名喧寫真  
貌圖粉繪生為垢塵從白得與天為鄰然然不滅  
長存此身

安吉崔少府翰畫讚

齊表巨海吳嗟大風崔為令族出自太公克生奇才  
骨秀神聰炳若秋月騫然雲鴻爰圖伊人奪妙真宰  
卓立欲語謂行而在清晨一觀爽氣十倍張之座隅  
仰止光彩

宣城吳錄事畫讚

大名之家昭彰日月生此髦士風霜秀骨圖真像賢  
傳容寫髮束帶嶽立如朝天闕巖巖兮謂四方之削  
成澹澹兮申五湖之澄明武庫肅穆辭峯崢嶸大辯  
若訥大音希聲默然不語終為國楨

壁畫蒼鷹讚譏主人

突兀枯樹傍無寸枝上有蒼鷹獨立若愁胡之攢眉  
凝金天之殺氣凜粉壁之雄姿觜銛劍戟爪握刀鐔  
群賓夾席以睥眦未悟丹青之所為吾嘗恐出戶騰  
以飛去何意終年而在斯

師猛讚

張公之堂華壁照雪師猛在圖雄姿奮發森竦眉目  
颯灑毛骨鋸牙銜霜鈎爪抱月掣躡胡一本云胡以震  
怒謂大厦一作夏之堯杌永觀厥容神駭不歇舊本附  
卷無永觀厥容  
神駭不歇二句

羽林范將軍畫讚

羽林列衛壁壘南垣四十五星光輝至尊范公拜將  
遙承主恩位寵虎臣封傳鴈門瞻天蹈舞踊躍精魂  
逐逐鷄視昂昂鴻騫心豪祖逖氣爽劉琨名震大國  
威揚列藩麟閣之階粉圖華軒胡兵百萬橫行縱吞  
爪牙帝室功業長存

金銀泥畫西方淨土變相讚并序

我聞金天之西日沒之所夫中華十萬億刹有極樂  
世界焉彼國之佛身長六十萬億恒沙由旬眉閒白  
毫向右宛轉如五須彌山目光清白若四海水端  
坐說法湛然常存沼明金沙岸列珍樹欄楯彌覆  
羅網周張車渠瑠璃為樓殿之飾頗黎碼碯耀階砌  
之榮皆諸佛所證無虛言者金銀泥畫西方淨土變  
相蓋馮翊郡秦夫人奉為亡夫湖州刺史韋公之所  
建也夫人蘊冰玉之清敷聖善之訓以伉儷大義  
希拯拔幽塗父子恩深用重修於景福誓捨珍物購

求名工圖金創端繪銀設像八法功德波動青蓮之  
池七寶香花光映黃金之地清風所拂如生五音百  
千妙樂咸疑動作若已發願未及發願若已當生未  
及當生精念七日必生其國功德周極酌而難名讚曰  
向西日沒處遙瞻大悲顏月淨四海水身光紫金山  
勤念必往生是故稱極樂珠網珍寶樹天花散香閣  
圖畫了在眼願託彼道場以此功德海冥祐為舟  
梁八十一劫罪如風掃輕霜庶觀無量壽長願玉毫光

江寧揚利物畫讚

太華高嶽三峯倚天洪波經海百代生賢為夔為龍  
廓土濟川趙城開國玉樹凌煙筆鼓元一形分自然  
明珠獨轉秋月孤懸作宰作程摧剛挫堅德合窈冥  
聲播蘭荃鴻漸麟閣英圖可傳

金鄉薛少府廳畫鶴讚

高堂閤軒一作明軒今雖聽訟而不擾圖蓬山之奇禽  
想瀛海之縹緲紫頂煙施丹眸星皎昂昂佇胎一作欲飛  
霍若驚矯形留座隅勢出天表謂長鳴一作唳於風霄  
終寂立於露曉凝翫益古俯察逾如舞疑傾市聽似  
聞絃儻感至精以神變可弄影而浮煙

誌公畫讚



水中之月了不可取虛空其心寥廓無主錦幪烏瓜  
獨行絕侶刀齊尺梁扇迷陳語丹青聖容何住何所

一作去  
往何所

琴讚

嶧陽孤桐石聳天骨根老冰泉葉苦霜月斲為綠綺  
徽聲繁發秋風入松萬古奇絕

朱虛侯讚

嬴氏穢德金精摧傷秦鹿克獲漢風飛揚赤龍登天  
白日昇光陰虹賊虐諸呂擾攘朱虛來歸會酌高堂  
雄劔奮擊太后震惶爰鋤產祿大運乃昌功冠帝室

于今不亡

觀欽飛斬蛟龍圖讚

欽飛斬長蛟遺圖畫中見登舟既虎嘯激水方龍戰  
驚波動連山拔劔曳雷電鱗摧白刃下血深滄江變  
感此壯古人千秋若對面

地藏菩薩讚 并序

大雄掩照日月崩落惟佛智慧大而光生死雪賴假  
普慈力能救無邊苦獨出曠劫導開橫流則地藏菩  
薩為當仁矣弟子扶風竇滔少以英氣爽邁結交王  
侯清風豪俠極樂生疾乃得惠劔於真宰湛本心於

虛空顯圖聖容以祈景福庶冥力憑助而厥苦有瘳  
爰命小才式讚其事讚曰

本心若虛空清淨無一物焚蕩淫怒癡圓寂了見佛  
五綵圖聖像悟真非妄傳掃雪萬病盡奕然清涼天  
讚此功德海永為曠代宣

魯郡葉和尚讚

海英嶽靈誕彼開士了身皆空觀月在水如薪傳火  
朗徹生死如雲開天廓然萬里寂滅為樂江海而閑  
逆旅形內虛舟世間邈彼崑閬誰云可攀

李翰林集卷第二十七



李翰林集卷第二十八

翰林供奉李白

序上

暮春於江夏送張祖監丞之東都序

奉餞十七翁二十四翁尋桃花源序

夏日奉陪司馬武公與群賢宴姑孰亭序

江夏送林公上人遊衡嶽序

金陵與諸賢送權十一序

春於姑孰亭送趙少府遷炎方序

春於南浦與諸公送陳郎將歸衡陽序

秋於敬亭送從姪嵩遊廬山序

汎沔州城南郎官湖詩序

暮春江夏送張祖監丞之東都序

吁咄哉僕書室坐愁亦已久矣每思欲遐登蓬萊極目四海手弄白日頂摩青穹揮斥幽憤不可得也而金骨未變玉顏已緇何常不捫松傷心撫鶴歎息誤學書劍薄遊人間紫微九重碧山萬里有才無命甘於後時劉表不用於禰衡暫來江夏賀循喜逢於張翰且樂船中達人張侯大雅君子統泛舟之役在清川之湄談玄賦詩連興數月醉盡花柳賞窮江山王

命有程告以行邁烟景晚色慘為愁容繫飛帆於半天汎綠水於遙海欲去不忍更開芳樽樂雖寰中趣逸天半一作外平生酣暢未若此筵至於清談浩歌雄筆麗藻咲飲醪酒醉揮素琴余實不媿於古人也揚袂遠別何時歸來想洛陽之秋風將鱸魚以相待詩可贈遠無乃闕乎

奉餞十七翁二十四翁尋桃花源序

昔祖龍滅古道嚴威刑煎熬生人若墜大火三墳五典散為寒灰築長城建阿房并諸侯殺豪俊自謂功高義皇國可萬世思欲凌雲氣求仙人登封太山風

兩暴作雖五松受職草木有知而萬象率度禮刑將  
弛則綺皓不得不遁於南山魯連不得不蹈於東海  
則桃源之避世者可謂超升先覺夫指鹿之儔連頸  
而同死非吾黨之謂乎二翁耽老氏之言繼少卿之  
作文以述大雅道以通至精卷舒天地之心脫落神  
仙之境武陵遺跡可得而窺焉問津利往水引漁者  
花巖仙谿春風不知從來落英何許流出石洞來入  
晨光盡開有良田名池竹果森列三十六洞別爲一  
天耶今扁舟而行然咲謝人世阡陌未改古人依然  
白雲何時而歸來青山一去而誰往諸公賦桃源以美之

夏日奉陪司馬武公與群賢宴姑孰亭序

通驛公館南有水亭焉四薨翬飛巉絕浦嶼蓋有前  
攝令河東薛公棟而宇之今宰隴西李公明化開物  
成務又橫其梁而閣之畫鳴閑琴夕酌清月蓋爲接  
輜軒祖遠客之佳境也製置既久莫知何名司馬武  
公長材博古獨映方外因據胡牀岸憤嘯詠而謂前  
長史李公及諸公曰此亭跨姑孰之水可稱爲姑孰  
亭焉嘉名勝槩自我作也且夫曹官絃冕者大賢處  
之若遊青山卧白雲逍遙偃傲何適不可小才居之  
窘而自拘悄若桎梏則清風朗月河英嶽秀皆爲棄

物安得稱焉所以司馬南陵當文章之旗鼓翰林客  
卿揮辭鋒以戰勝名教樂地無非得俊之場也千載  
一時言詩紀志

江夏送林公上人遊衡嶽序

江南之仙山黃鶴之爽氣偶得英粹後生俊人林公  
世爲豪家此土之秀落髮歸道專精律儀白月在天  
朗然獨出既灑落於彩翰亦諷誦於人口閑雲無心  
與化偕往欲將振五樓之金策浮三湘之碧波乘杯  
泝流考室名嶽瞰憩冥壑凌臨諸天登祝融之峯巒  
望長沙之煙火遙謝舊國誓遺歸蹤百千開士稀有

此者余所以歎其峻節揚其清波龍象先輩迴眸拭  
視比夫汨泥沙者相去九牛之一毛昔智者安禪於  
台山遠公托志於廬嶽高標勝槩斯亦嚮慕哉紫霞  
搖心青楓夾岸目斷川上送君此行群公臨流賦詩以贈  
金陵與諸賢送權十一序

斯高柄秦嬴世不二三傑伏草與漢並出莽夷朱暉  
耿鄧乃起自古英達未必盡用於當年去就之理在  
大運爾我君六葉繼聖熙乎玄風三清垂拱穆然紫  
極天人其一哉所以青雲豪士散在商釣四坐明哲  
皆清朝旅人吾希風廣成蕩漾浮世素受寶訣爲三

十六帝之外臣即四明逸老賀知章呼余為謫仙人  
蓋實錄耳而嘗採姹女於江華收河車於清溪與天  
水權昭夷服勤爐火之業久矣之子也沖恬淵靜翰  
才峻發白每一篇一札皆昭夷之所操吁捨我而南  
若折羽翼時歲律寒苦天風枯聲雲帆涉漢罔若絕  
電舉目四顧霜天崢嶸銜杯叙離群子賦詩以出餞  
酒仙翁李白辭

春於姑孰送趙四流炎方序

白以鄒魯多鴻儒燕趙饒壯士蓋風土之然乎趙少  
翁才貌瓌雅志氣豪烈以黃綬作尉泥蟠當塗亦雞

棲鶴籠不足以窘東鸞鳳一作耳以疾惡抵法遷于

炎方辭高堂而墜心指絕國以搖恨天與水遠雲連  
山長借光影於頃刻開壺觴於洲渚黃鶴曉別愁聞  
命子之聲青楓暝色盡是傷心之樹然自吳瞻秦日  
見喜氣上當攫玉弩摧狼狐洗清天地雷雨必作冀  
白日迴照丹心可明巴陵半道坐見還吳之棹令雪  
解而松栢振色氣和而蘭蕙開芳僕西登天門望子  
於西江之上吾賢可流水其道浮雲其身通方大道  
何往不可何戚戚於路岐哉

秋於敬亭送從姪嵩遊廬山序

余小時大人令誦子虛賦私心慕之及長南遊雲夢  
覽七澤之壯觀酒隱安陸蹉跎十年初嘉興季父謫  
長沙西還時余拜見預飲林下崑乃稚子嬉遊在傍  
今來有成鬱負秀氣吾衰久矣見爾慰心中悲道舊  
破涕爲笑方告我遠涉西登香爐長山橫蹙九江却  
轉瀑布天落半與銀河爭流騰虹奔電激射萬壑此  
宇宙之奇詭也其上有方湖石井不可得而窺焉羨  
君此行撫鶴長嘯恨丹液未就白龍來遲使秦人著  
鞭先往桃花之水孤負夙願慙歸名之終期後來攜  
手五嶽情以送遠詩寧闕乎

沔沔州城南郎官湖序

卷十  
八卷


乾元歲秋八月白遷於夜郎遇故人尚書郎張謂出  
使夏口沔州牧杜公漢陽宰王公觴于江城之南湖  
樂天下之再平也方夜永月如練清光可掇張公殊  
有勝槩四望超然乃顧白曰此湖古來賢豪遊者非  
一而枉踐佳境寂寥無聞夫子可爲我標之嘉名以  
傳不朽白因舉酒酌水号之曰郎官湖亦由鄭國之  
有僕射陂也席上文士輔翼岑靜以爲知言乃命賦  
詩紀事刻石湖側將與大別山其相磨滅焉





李翰林集卷第二十八

國家圖書館, NATIONAL CENTRAL LIBRARY, TAIWAN, R.O.C.



李翰林集卷第二十六

翰林供奉李白

序中

答族姪僧中孚贈玉泉仙人掌茶序已見第十二卷

贈嵩山焦鍊師詩序已見第八卷

送黃鐘之鄱陽謁張使君序

早春於江夏送蔡十還家雲夢序

秋日太原南柵餞陽曲王贊賈少公石艾尹公

應舉赴上都序

送戴十五歸衡嶽序

早夏於將軍叔宅與諸昆季送傅八之江南序  
冬日於龍門送從弟京兆參軍令問之淮南觀

省序

送黃鐘之鄱陽謁張使君序

東南之美者有江夏黃公焉白竊飲風流始接談笑  
亦有抗節玉立光輝炯然氣高時英辯折天口道可  
濟物志棲無垠鄱陽張公朝野榮望愛客接士即原  
嘗春陵之亞焉每飲其辭華懸榻見往而黃公因訪  
古跡便從貴遊乃爲裝撰行去國遐陟諸子銜酒惜  
別沾巾贈分沈醉酒夕惆悵涼月天南迴以變夏火

西飛而獻秋汀葭颯然海草微落夫子行邁我心若  
何毋金玉爾音而有遐心湖水演沔勗哉是行共賦  
武昌釣臺篇以慰別情耳

早春於江夏送蔡十還家雲夢序

吾觀察侯奇人也爾其才高氣遠有四方之志不然  
何周流宇宙太多耶白遐窮冥搜亦以早矣海草三  
綠不歸國門又更逢春再結鄉思一見夫子真心道  
存窮朝晚以作宴驅煙霞以輔賞朗笑明月時眠落  
花斯遊無何尋告睽索來暫觀我去還愁人乃浮璞  
陽入雲夢鄉柵云叩歸魂亦飛且青山綠楓累道相

接遇勝因賞利君前行既非遠離曷足多歎秋七月  
結遊鏡湖無憊我期先子而往敬慎好去終當早來  
無使晚耶白雲不得復弄爾鄉中廖公及諸才子為  
詩略謝之

秋日於太原南柵餞陽曲王贊公賈少公  
石艾尹少公應舉赴上都序

天王三京北都居一其風俗遠蓋陶唐氏之人數襟  
四塞之要衝控五原之都邑雄藩劇鎮非賢莫居則  
陽曲丞王公神仙之胄也爾其學鏡千古知周萬殊  
又若少府賈公以述作之雄也整弄筆海虎攫辭場

又若石艾尹少公廊廟之器口折黃馬手揮青萍咸  
道貫於人倫名飛於日下實難沈屈永懷青霄劍有  
隱而氣衝七星珠雖潛而光照萬壑今年春皇帝有  
事千畝湛恩八埏大搜群才以緝邦政而王公以令  
宰見舉賈公以王霸昇聞海激佇乎三千天飛期於  
六月必有以也豈徒然哉有從兄太原王薄舒才華  
動時規詩匠物乃點翠幕筵虹梁瓊簷霞開羽觴電  
舉然後抗目遠覽憑軒高吟屏俗事於煩襟結浮歡  
於落景俄而皓月生海來窺醉容黃雲出闕半起秋  
色數君乃輟酌慷慨搖心促裝望丹闕而非遠揮王

鞭而且去白也不敏先鳴翰林幸叨玳瑁之筵敢竭  
麒麟之筆請各探韻賦詩寵行

送戴十五歸衡嶽序

白上探玄古中觀人世下察交道海內豪俊相識如  
浮雲自謂德叅夷顏才亞孔墨莫不名由口進實從  
事退而風義可合者厥惟戴侯戴侯寓居長沙稟湖  
嶽之氣少長咸洛窺霸王之圖精微可以入神懿重  
可以崇德謨猷可以尊主文藻可以成化兼以五材  
統以四美何往而不濟也其二三諸昆皆以才秀擢  
用辭翰炳發昇聞天朝而此君獨潛光後世以期大

用鯤海未躍鵬霄悠然不遠千里訪余以道邛國之  
秀有廖侯焉人倫精鑒天下獨立每延以宴謔許為  
通人獨孤有隣及薛諸公咸亦以為信然矣屬明主  
未夢且歸衡陽憩祝融之雲峯弄茱萸之湍水軒騎  
糾合祖於魏公之林亭笙歌鳴秋劒舞增氣况江葉  
墜綠沙鴻冥飛登高送遠使人心醉見周張二子為  
論平生雞黍之期當速赴也

早夏於將軍叔宅與諸昆季送傳八之

江南序

易曰觀乎人文以化成天下窮此道者其惟傳侯耶

侯篇章驚新海內稱善五言之作妙絕當時陶公愧  
田園之能謝客慙山水之美佳句籍籍人爲美談前  
許州司馬宋公蘊冰清之姿重傳侯玉潤之德妻以  
其子鳳凰子飛潘楊之好斯爲睦矣僕不佞也忝于  
芳塵宴同一筵心契千古清酌連曉玄談入微歡攜  
無何旋告睽坼將軍叔英略蓋古英明洞神天王貴  
宗誕育賢子八龍增秀以列次五色相輝而有文會  
言高樂曉餞金門洗德絃觴怡顏朱明草木已盛且  
江嶂若畫賞盈前途自然屏間坐遊鏡裏行到霞月  
千里足供文章之用哉征帆空懸落日相迫二李揮

翰詩其贈馬

冬日於龍門送從弟京兆叅軍令問之淮  
南觀省序

紫雲仙季有英風焉吾家見之若衆星之有月貴則  
天王之令弟寶則海嶽之奇精遊者所謂風生玉林  
清明蕭洒真不虛也常醉目吾曰兄心肝五臟皆錦  
繡耶不然何開口成文揮翰霧散吾因撫掌大笑揚  
眉當之使王澄再聞亦復絕倒觀夫筆走群象思通  
神明龍章炳然可得而見歲十二月拜首于淮南思  
白華之長吟眺黃雲之晚色目斷心盡情懸高堂傾

蘭醕而送行赫金鞍而照地錯轂躡野朝英滿筵非  
才名動時何以及此日落酒罷前山陰煙殷勤惠言  
吾道東坐想洛橋春色先到淮城見千條之綠楊折  
一枝以相贈則華萼情在吾無恨焉群公賦詩以光  
榮餞

李翰林集卷第二十九

李翰林集卷第三十

翰林供奉李白

序下

江夏送倩公歸漢東序

餞李副使藏用移軍廣陵序

澤畔吟序

夏日諸從弟登汝州龍興閣序

秋日於安府送孟贊府兄還都序

春夜宴從弟桃花園序

冬夜於隨州紫陽先生喰霞樓上送烟子元演



隱仙城山序

江夏送倩公歸漢東序

謝安四十卧白雲於東山栢公累徵為蒼生而一起  
常與支公遊賞貴而不移大人君子神冥契合正可  
乃爾僕與倩公面不忝古人言歸漢東使我心痲夫  
漢東之國聖人所出神農之後季良為大賢爾來寂  
寂無一物可紀有唐中興始生紫陽先生先生六十  
而隱化若繼跡而起者惟倩公焉蓄壯志而未就期  
老成於他日且能傾產重諾好賢攻文即惠休上人  
與江鮑往復各一時也僕平生述作罄其草而授之

思親遂行流涕惜別今聖朝已捨季布當徵賈生開  
顏洗目一見白日冀相視而笑於新松之山耶作小  
詩絕句以寫別意李白辭曰一本無此四字彼美路一作漢東  
國川藏明月輝寧知喪亂後更有一珠歸

錢李副使藏用移軍廣陵序

夫功未足以蓋世威不可以震主必挾此者持之安  
歸所以彭越醢於前韓信誅於後況權位不及於此  
者虛生危疑而潛苞禍心小拒王命是以謀臣將啖  
以節鉞誘而烹之亦由借鴻濤於奔鯨鱸生人於哮  
虎呼吸江海橫流百川左縈右拂十有餘郡國計未

及誰當其鋒我副使李公勇冠三軍衆無一旅橫倚天之劍揮駐日之戈吟嘯四顧能窺雨集蒙輪扛鼎之士杖干將而星羅上可以決天雲下可以絕地維翕振沆旅赫張王師退如山立進若電逝轉戰百勝殭屍盈川水膏於滄溟陸血於原野一掃瓦解洗清全吳可謂萬里長城橫斷楚塞不然五嶺之北盡餌於脩蛇勢盤地感不可圖也而功大用小天高路遐社稷雖定於劉章封侯未施於李廣使慷慨之士長吁青雲且移軍廣陵恭揖後命組練照雪樓船乘風簫鼓沸而三山動旌旗揚而九天轉良牧出祖烈將

登筵歌酣易水之風氣振武安之瓦海日夜色雲帆中流席闌賦詩以壯三軍之事白也筆已老矣序何能爲

澤畔吟序

澤畔吟者逐臣崔公之所作也公代業文宗早茂才秀起家校書蓬山再尉關輔中佐于憲車因貶湘陰從宦二十有八載而官未登於郎署何遇時而不偶耶所謂大名難居碩果不食流離乎沅湘摧頹於草莽同時得罪者數十人或才長命夭覆巢蕩室崔公忠憤義烈形于清辭慟哭澤畔哀形翰墨猶風雅之

什聞之者無罪覩之者作鏡書所感遇愬二十章名  
之曰澤畔吟懼奸臣之猜常藉之於竹簡酷吏將至  
則藏之於名山前後數四靈傷卷軸觀其逸氣頓挫  
英風激揚橫波遺流騰薄萬古至於微而彰婉而麗  
悲不自我興成他人豈不云怨者之流乎余覽之愴  
然掩卷揮涕爲之序云

夏日諸從弟登汝州龍興閣序

夫槿榮芳園蟬嘯珍木蓋紀乎南火之月也可以處  
臺榭居高明吾之友于順此意也遂卜精勝得乎龍  
興留寶馬於門外步金梯於閣上漸出軒戶遐瞻雲

天晴山翠遠而四合暮江碧流而一色屈指鄉路還  
疑夢中開襟危欄宛若空外嗚呼屈宋長逝無堪與  
言起予者誰得我二季當揮爾鳳藻搜乎需觴與白  
雲老兄俱莫負古人也

秋夜於安府送孟贊府兄還都序

夫士有飾危冠佩長劔揚眉吐諾激昂青雲者咸誇  
炫意氣託交王侯若告之急難乃十失八九我義兄  
孟子則不然耶道合而襟期暗親志乖而肝膽楚越  
鴻鸞鳳立不循常流孔明披書每觀於大畧少君讀  
易時作於小文四方賢豪眩然景慕雖長不過七尺

而心雄萬夫至於酒情中酣天機俊發則談笑滿席  
風雲動天非嵩丘騰精何以及此白以弱植早飲香  
名况親承光輝恩甚華萼他鄉此別誰無恨耶時林  
風吹霜散下秋草海鴈嘶月孤飛朔雲驚魂動骨憂  
瑟落涕抗手緬邁傷如之何且各賦詩以寵歧路

春夜宴從弟桃花園序

夫天地者萬物之逆旅也一本云夫萬物者天地之逆旅也光陰者  
百代之過客也而浮生若夢為歡幾何古人秉燭夜  
遊良有以也況陽春召我以烟景大塊假我以文章  
會桃花之芳園序天倫之樂事群季俊秀皆為惠連

吾人詠歌獨慙康樂幽賞未已高談轉清開瓊筵以  
坐花飛羽觴而醉月不有佳詠何伸雅懷如詩不成  
罰依金谷酒斗數

冬夜於隨州紫陽先生餐霞樓送烟子元

演隱仙城山序

吾與霞子元丹烟子元演氣激道合結神仙交殊身  
同心誓老雲海不可奪也歷可天下周求名山入神  
農之故鄉得胡公之精術胡公身揭日月心飛蓬萊  
起餐霞之孤樓鍊吸景之精氣延我數子高談混元  
金書玉訣盡在此矣白乃語及形勝紫陽因大誇仙

城元侯聞之乘興將往別酒寒酌醉月田而少留夢  
魂曉飛度淶水以先去吾不凝滯於物與時推移出  
則以平交王侯適則以俯視策許朱紱狎我綠蘿未  
歸恨不得同棲烟林對坐松月有所疑然銘契潭石  
乘春當來且抱琴卧花高枕相待詩以寵別賦而贈  
之

李翰林集卷第三十

新唐書本傳

李白字太白興聖皇帝九世孫其先隋末以罪徙西  
域神龍初遁還客巴西白之生母夢長庚星因以命  
之十歲通詩書既長隱岷山州舉有道不應蘇頲為  
益州長史見白異之曰是子天才英特少益以學可  
比相如然喜縱橫術擊劍為任俠輕財重施更客任  
城與孔巢父韓準裴政張叔明陶沔居徂來山日沈  
飲號竹溪六逸天寶初南入會稽與吳筠善筠被召  
故白亦至長安往見賀知章知章見其文歎曰子謫仙  
人也言於玄宗召見金鑾殿論當世事奏頌一篇帝

賜食親爲調羹有詔供奉於林白猶與飲徒醉于市  
帝坐沉香子亭意有所感欲得白爲樂章召入而白  
已醉左右以水頰面稍解援筆成文婉麗精切無留  
思帝愛其才數宴見白嘗侍帝醉使高力士脫鞵力  
士素貴恥之適其詩以激揚貴妃帝欲官白妃輒沮  
止白自知不爲親近所容益鷲放不自脩與知章李  
適之汝陽王璉崔宗之蘇晉張旭焦遂爲酒八仙人  
懇求還山帝賜金放還白浮游四方嘗乘月與崔宗  
之自采石至金陵著宮錦袍坐舟中旁若無人安祿  
山反轉側宿松匡廬間永王璘辟爲府僚佐璘起兵

逃還彭澤璘敗當誅初白游并州見郭子儀奇之子  
儀嘗犯法白爲赦免至是子儀請解官以贖有詔長  
流夜郎會赦還尋陽坐事下獄時宋若思將吳兵三  
千赴河南道尋陽釋囚辟爲參謀未幾辭職李陽冰  
爲當塗令白依之代宗立以左拾遺召而白已卒年  
六十餘白晚好黃老度牛渚磯至姑熟悅謝家青山  
欲終焉及卒葬東麓元和末宣歙觀察使范傳正祭  
其冢禁樵採訪後裔惟二孫女嫁爲民妻進止仍有  
風範因泣曰先祖志在青山頃葬東麓非本意傳正  
爲改葬立二碑焉告二女將改妻士族辭以孤窮失

身命也不願更嫁傳正嘉歎復其夫佺役文宗時詔  
以白歌詩裴旻劍舞張旭草書爲三絕

附錄

斷崖如削爪嵐光破崖綠天河從中來白雲漲川谷  
玉桹赤文字世眼不可讀攝衣凌青霄一作蒼霞松風吹  
我足

右李太白題司空山瀑布詩得之東里周子中附  
于卷末紹熙元年七月開封趙汝愚題

予一日與同舍劉辰翁會孟評詩至太白會孟曰  
且止當塗稱太白太白且其詩安在予於是曉然  
媿於其言蓋舊刻之不存雷電取將久矣予爲學  
官備復經始每每不暇給抑豈不可後顧將去此  
獨不能爲太白一日之役以藏不朽孰有如予之  
汨且陋乎明日以告古心公公喟然曰歲晚矣柰  
何吾成子之志亟爲之則裨凡費集衆工不足則  
布之諸郡不兩月而集集成而公亦呂美成謂  
白雖天才了不可莊語少刪之其庶幾乎孟曰不  
然近年甫有此論子美退之所不敢聞也詩惠不



深於情今人地稱脫鞵脫鞵直偶然固不自以為  
高高固不可及彼無所擇自不害其超然耳予愛  
其言有理因復識之是集多趙同舍崇峯養大所  
校正咸淳己巳三月望天台戴覺民希尹書